

GB
1337
F84
1937
v.8

Fu, Tsê-hung
Hsing shui chin chien

*East
Asiatic
Studies*

PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

國學基本叢書
行水金鑑

八









書叢本基學國

鑑 金 水 行

(八)

錄輯洪澤傳

行發館書印務商


GB

1337

F84

1937

V.8



行水金鑑卷第一百五十七

兩河總說

總理河道都御史戴時宗上疏爲備陳黃河事宜。以寬聖慮事。臣歷魚臺縣。按視新隄工程及黃河水勢。適新水汎漫。兩崖無土。工力難施。乃捨舟陸行。繇金鄉縣歷曹武入河南界。開挑梁靖口。通賈魯舊河。闢趙皮寨。越汴梁。抵孫家渡。隨處分派丁夫。督以官屬。蓋欲疏濬上流。分殺水勢。徐爲下流築塞之計。乃放舟黃河中流。遍觀大名等府舊嘗決處。返棹曹單。循魚臺出沙河驛。泊雞鳴臺。往來魚沛間。督築新隄決口。時已六月。盡間矣。臣竊伏自念。頃者黃河變遷。運道阻患。陛下日夕憂勤。乃用言官議。不以臣愚不肖。謬承其任。臣圖報無方。不敢愛死。雖溽暑馳驅。豈敢辭勞。卽今各處工程雖未報功。而始終本末已得梗概。用敢預先上陳。庶幾稍寬陛下宵旰之憂。亦臣區區犬馬之微誠也。臣初受任時。訪求士大夫及道途來往。皆以魚臺水勢洶洶。似不可爲。乃今觀之。殊有未然。夫天下之事。可以遙斷者。理而不可遙定者。形故耳。聞不如目見。意料不如身親。今議者欲尋故道。而不知故道之未可盡復。欲除近患。而不知近患之未可亟去。臣請終言其說。夫黃河遷徙。自古不常。今北自天津。南至豐沛。無尺寸地無黃河故道。其在當時。無不受其害者。古今言治河者。俱無上策。唯漢賈讓言不與河爭尺寸之

地先儒議之以爲至論。今必求河之故道。則禹貢時九河乃在河間滄定間。隨引河水入汴。南達江。淮。又引河鑿渠。北通涿郡。今涿水路絕。惟淮流如故。然已非向者之舊。漢唐皆都關中。不惜河水之用。宋以都汴。切近河災。其防河與防北寇。糜費若等。然自始迄終。河患莫絕。我朝定鼎燕都。一切漕運。取給東南。自淮達徐。皆藉河水之力。往年河入豐沛。沽頭上下諸閘皆廢。而舟楫返利。今年天旱不雨。運道幾涸。濟寧以南。若無魚臺之水。則漕舟非旬月可至。此河水不可無之明驗也。臣到河南。見河東北岸比西南低下。不啻四五尺。若引而決之。繇東平張秋入海。爲力甚易。魚臺之水。涸可立待。然中梗運道。東兗以下。必皆阨塞。故國家立法。盡三省之力。自開封府。簡瓦廂。以至考城縣。流通集等處。防守東北岸。如防盜賊。意固有在。然猶未也。又必如議者之說。地道變遷。九河可復。繇鄭衛滄。景以至天津入海。庶幾河患永絕。然恐徐淮以下一帶皆涸。尤不可之大者也。昔者禹治九河。不過達海而止。古今以行所無事稱之。今欲治河之患。而又欲借以濟吾用。使禹復治。必不用往日之法矣。臣所謂故道之不可盡復者此也。河水所至。必爲民患。今不暇遠舉。且如弘治年間。河溢曹單。湮沒一二十年。至正德年間。河徙豐沛。而後曹單之患息。又一二十年。至前年夏秋。復徙魚臺。而後豐沛之患息。今飛雲橋路絕。高過平地。又純是淤沙。人力難施。決無復通之理。縱使復通。不過移魚臺之患於豐沛。是一患未除。而一患復生也。夫河水驟至。名曰天災。人猶嗷嗷。今豐沛之民。方且息肩。又欲引水而灌注之。民其謂何。昔

宋神宗時。河決滄景。司馬光議棄北流。而治東流。以俟二三年。河流深廣。然後徐議。神宗曰。東北流之患。孰爲重輕。光曰。兩地皆吾赤子。然北流已殘破。而東流尙完。議者以神宗所問。有君人之度。而司馬光所見。得權時之宜。援古酌今。何以異此。臣所謂近患之未可亟去者此也。臣歷考河志。洪武元年。河決舊曹州。自雙河口入魚臺縣。太祖高皇帝用兵梁晉間。使大將軍徐達開場口。入於泗。以通運道。後因河口塞淤。乃修師家莊石佛諸閘。又開濟寧州西耐牢坡。接引曹鄆黃河水。以通梁晉之粟。永樂九年。太宗文皇帝復命刑部侍郎金純看視河勢。發河南運木丁夫。開濬故道。自開封引水。復入魚臺場口。出穀亭北十里。以修太祖時故事。今所謂永通廣運二閘是也。繇此言之。則魚臺乃河之故道。議者偶未之考耳。爲今之計。欲治魚臺之患。必先治魚臺所以致患之本。欲治魚臺致患之本。必委魚臺以爲受水之地。蓋河之東北岸。輿運道爲鄰。惟有西南流。一繇孫家渡出壽州。一繇渦河出懷遠。一繇趙皮寨出桃源。一繇梁靖口出徐州小浮橋。往年四道俱塞。而以全河南奔。故豐沛曹單魚臺以次受害。今不治其本。而欲急除魚臺之患。臣恐魚臺之患不在豐沛。必在曹單間矣。然臣所以欲暫委魚臺而不治者。其說有三。其策亦有三。夫治本者先正其本。濬流者先導其源。上源旣分。而下流自殺。其說一也。臣初到魚臺。夏麥已收。新水適至。被水之鄉。已爲棄地。縱欲耕種。須待明年。今歲不治。民不大病。其說二也。河流旣久。將自成渠。因而導之。當易爲力。旣免勞費無益之憂。且無東奔西突之患。其說

三也。五月二十二日，臣已將梁靖口開通賈魯河。六月初五日，又將趙皮寨加闊深廣。但魚臺之功未完，以此未敢具奏。惟孫家渡雖已挑通，而行水尚少。方議開濬渦河一道。議者以中經祖陵未敢輕舉。今山、陝巨商往來汴梁者，皆繇小浮橋直泝梁靖口趙皮寨河口。舊止五十餘步，今已闊一里許。下流不能容，乃至漫入夏邑。此二河皆上年所未有之事。大約河勢已殺十之三四。然魚臺之水所以未卽消者，以前人議築新隄，橫亘其東，無所於洩故也。臣初到時，卽已病之。今議於新隄開設水門數處，使入昭陽湖，及盛應期所挑新河，出金溝留城境山。庶幾西岸之水可以少平。然一時木石俱難卒辦，聊以椿葦權宜應變而已。候秋水稍落之後，另議興工。魚臺之水雖多，然皆汎漫，實未成河。其趙皮寨與關封府衙五廟、大名府杜勝集等處相對。梁靖口與曹州娘娘廟、考城縣流通集等處相對。臣已預戒官夫重加挑濬。乘此魚臺之水下壅之時，逼之使西南流一策也。二河旣通，孫家渡冬月可完。雖渦河一道，方在別議。然以其一出魚臺，四道並行，其勢已弱，則所來之水反足以濟吾運道之不足。如往年河出豐沛，沾頭上下諸閘不事啓閉，而舟楫通利一策也。萬一溢出穀亭以北，則候其河流漸深，河渠漸廣，因而通塌場口故道，今永通，廣運二閘俱存。閘夫編設如故。嘉靖六七年間，曾因大水糧運，皆繇此行。比與濟寧諸閘近便甚多，此可以復國初之舊。又何患焉。一策也。夫有前三說，并此三策，故臣斷然以賈讓、司馬光之言爲可行。然臣私憂過計，黃河變遷自古不常，以臣之愚，豈能逆料於三策之中。

但審觀事勢爲今之計。不過如此。萬一此後果如愚慮。出臣前策。則河有西南之漸。永無運道之虞。固其上也。出臣後策。則借此河水之力。足資運道之利。亦其次也。臣才識迂疎。不逮前人。而又承此久殘極弊之餘。東馳西驅。奔救未及。伏望陛下鑒臣愚慮。察臣愚忠。不棄芻言。不惑流議。特與密勿大臣參議可否。使臣得以一意從事。庶幾少畢犬馬之力。以報陛下知遇之恩。尤望陛下少寬南顧之憂。以享和平之福。臣不勝惓惓願望。候命之至。

吳山治河通考三卷嘉靖十一年

戴公之疏實錄已載其略在黃河二十茲以其言黃運相關之故又備錄於此

國朝黃河入運。洪武元年。河決曹州。從雙河口入魚臺。大將軍徐達開場口。入於泗。以通運。時戴村未壩。汶由坎河注海。運阻。故引河入場。場以濟之。二十四年。河決陽武東南。由陳。潁入淮。而故元會通河悉淤。永樂九年。以濟寧州同知潘叔正言。命尙書宋禮。役丁夫一十六萬五千。濬會通河。乃開新河。自汶上縣袁家口左徙二十里。至壽張之沙灣。接舊河。九閱月而成績。侍郎金純從汴城金龍口。下達場口。經二洪。南入淮。漕事定。爲罷海運。正統十三年。河決滎陽。衝張秋。尙書石璞。侍郎王永和。都御史王文相繼塞之。弗績。景泰四年。都御史徐有貞。役丁夫五萬八千。作九堰八閘。以制水勢。塞之。凡十有八月而成。宏治三年。河決原武。支流爲三。一決封丘金龍口。漫祥符。下曹濮。衝張秋長隄。一出中牟。下尉氏。一汜濫儀封。考城。歸德入於宿。以布政使徐恪言。命侍郎白昂。役丁夫二十五萬。塞之。宏治五年。復決金龍口。潰黃陵岡。再犯張秋。侍郎陳政治之。弗績。六年。訛言沸騰。有云河不可治。宜復海運。有

云陸運雖費餉事亦辦。朝議弗之是也。乃命都御史劉大夏、平江伯陳銳、役丁夫十二萬有奇。一濬孫家渡口、開新河、導水南行。山中卒至潁川、東入於淮。一濬四府營淤河。由陳留至歸德、分爲二派。一由宿遷、小河口入淮。一由亳州渦河入淮。分土命工。始塞張秋。二年告成。自是河南歲計河工矣。正德四年、河東決曹縣楊家口、趨沛縣之飛雲橋、入運患之。工部侍郎崔巖、役丁夫四萬二千有奇。塞垂成。暴漲潰之。巖以憂去。侍郎李鏜代之。四月弗績。盜起而罷。七年、都御史劉愷築大隄。自魏家灣起至雙堦集、亘八十餘里。都御史趙璜又隄三十里。續之。嘉靖六年、河決曹、單、武、楊家口、梁靖口、吳士舉莊、衝雞鳴臺。七年、淤廟道口三十里。都御史盛應期開趙皮寨、白河諸支流、殺水勢。役丁夫五萬八千。三月而成。乃議開夏村新河。役夫九萬八千。四閱月、朝議不一。罷之。八年、飛雲橋之水北徙魚臺、穀亭、舟行開面。九年、由單縣侯家林決塌場口、衝穀亭。十一年、十二年、水竟不耗。十三年、廟道口淤。都御史劉天和役丁夫一十四萬三千九百九十四。濬之。四月始成。而忽由趙皮寨向毫、泗、俄驟溢而東。向梁靖口、漸奔岔河口。東出穀亭之流、遂絕。運河淤。二洪阻涸。秋冬忽自河南夏邑縣、太丘、四村諸集、攻開數口。轉向東北流。經蕭縣城之南。仍出徐州、小浮橋、下濟二洪。趙皮寨俄塞。十九年、決野雞岡。由渦河經亳州入淮。二洪大涸。兵部侍郎王以旂、開李景高支河一道。引水出徐濟洪。役丁夫七萬有奇。八月而成。尋淤。二十六年、決曹縣、衝穀亭。運河不淤。三十二年、決房村。約淤三十里。都御史曾鈞、役丁夫五萬六

千有奇。濬之二月而成。三十七年新集淤。七月忽向東北衝成大河。而新集河由曹縣循夏邑丁家道司家道出蕭縣薊門。由小浮橋入洪。七月淤。凡二百五十餘里。趨東北段家口。析爲六股。曰大溜溝、小溜溝、秦溝、濁河、胭脂溝、飛雲橋。俱由運河至徐洪。又分一股。由碭山堅城集下郭貫樓。又析五小股。爲龍溝、母河、梁樓溝、楊氏溝、胡店溝。亦由小浮橋會徐洪。河分爲十一流。遂不淤。然分多則水力弱。則併淤之幾也。四十四年七月。河果大淤。郭貫樓淤平。全河逆行。自沙河至徐州。俱入北股。至曹縣崇朴集而下。北向分二股。內南之一遶沛縣戚山、徐州楊家集入秦溝。至徐州北一遶豐縣華山。北又分二股。南之一自華山東馬村集漫入秦溝。接大小溜溝。泛濫入運河。達徐。北一大股自華山向東北。由三教堂出飛雲橋。而又分十三股。或橫截。或逆流。入漕河。至湖陵城。口漫散湖坡。達徐。從沙河至二洪。浩渺無際。而河變極矣。八月。少保尙書朱衡乃請開盛應期新河。濬留城舊河。同都御史潘季馴開新河。自南陽達留城一百四十一里。有奇。濬舊河。自留城達境山五十三里。有奇。役丁夫九萬一千。八閱月而成。七月河復決沛縣。衝運河。而運河亦由湖陵城。口入湖坡。九月馬家橋隄成。水始南趨。秦溝冬沛流遂斷。隆慶元年正月。河南衝濁河雞爪溝入洪。二年專由秦溝入洪。而河南北諸支河悉併流秦溝。三年四年河大漲。徐州上下悉爲巨浸。舟行梁山之麓。而茶城至呂梁兩崖爲山所束。不得下。又不得決。五年乃自雙溝而下。北決油房口、曹家口、青羊口、南決關家口、曲頭集口、馬家淺口、閻家口、張

擺渡口、王家口、房家口、白浪淺口。凡十一口。枝流既散，幹流遂微。乃淤自匙頭灣八十里，而河變又極矣。議者欲棄幹河而行舟於曲頭集大枝間。冬初水落，則幹已平沙，而枝復阻澁，損漕舟千有奇。則又議棄黃河運而膠河、泲河、海運紛沓焉。莫可歸一。都御史潘季馴乃役丁夫五萬，開匙頭灣，僅僅一溝，遂塞十一口，併衝口溝大疏導，而八十里之故道漸復。明年議大隄兩崖，北隄起磨臍溝，迄邳州之直河南隄，起離林鋪，迄宿遷之小河口。六年二月，少保尙書朱衡、兵部侍郎萬恭至，悉罷膠、泲之議，而一意事徐、邳河役。丁夫五萬有奇，分工畫地而築之。夏四月，兩隄成。各延袤三百七十里。始列鋪布夫，議修守如河南、山東黃河例。河乃安。運通。萬曆元年，運又大通。議始定。夫黃河有幹有枝。嘉靖四十四年以前，析十一枝，上流而復歸於徐州之幹河，故幹通而枝淤。隆慶五年以前，析十一枝，上決而不歸於邳州之幹河，故枝通而幹淤。若植木焉，枝榮則幹瘁，幹榮則枝瘁。與其瘁幹，孰若瘁枝。治河者，與其枝通，孰若幹通。故黃河合流，防守爲難。然運之利也。國家全藉河運，往事鏡之。何嘗一年廢修守哉。或者欲分河以苟免修守之勞，而不欲事隄以永圖餉道之利，又不虞河分之易淤，隄廢之易決。其未達祖宗之所以事河與河之所以利運者歟。

治水筌蹄。

河兼漕而專言河者何。防河所以治漕也。河者，漕之藉也。然則古之防河也，避其害。今之防河也，資其利乎。曰：唯唯否否。漕之藉河，禹貢以來有之。匪自今也。禹畫九州，冀爲都會，河流碣石以入于海，堯浮

濟、漯、青、浮、汶、濟、徐、浮、淮、泗、揚、浮、江、漢、豫、浮、于、洛、梁、浮、潛、沔、以入于渭、雍、浮、積、石、至于龍門、未有不通於河者也。漢、唐皆都關中、漢漕山東粟百萬、更砥柱之險、以達於渭、唐漕江、淮之粟、由汴入河、由河入洛、以達于渭、亦未嘗不藉于河也。獨今日哉、于懷行河防一覽序

太常卿余毅中全河說云、洪惟我國家、定鼎北燕、轉漕吳、楚、其治河也、匪直祛其害、而復資其利、故較之往代爲最難。然通漕於河、則治河卽以治漕、會河於淮、則治淮卽以治河、合河淮而同入於海、則治河淮卽以治海、故較之往代亦最利。邇歲以來、委寄靡專、論議滋起、于是有以決口爲不必塞、而且欲就決爲漕者、不知水分勢緩、沙停漕淤、雖有旁決、將安用之、無論沮洳難舟、田廬咸沼也、是索途于冥者也、又有以縷隄爲足恃、而疑遙隄之無益者、不知河挾萬流、湍激異甚、隄近則逼迫難容、隄遠則容蓄寬廣、謂縷不如遙、是貯斛于孟者也、又有謂海口淺墊、須別鑿一口者、不知非海口不能容二瀆、乃二瀆失其注海之本體耳、使二瀆仍復故流、則海口必復故額、若人力所開、豈能幾舊口萬分之一、別鑿之說、是穿咽于脅者也、又有謂高堰築則泗州溢、而欲任淮東注者、不知堰築而後淮口通、淮口通而後入海順、欲拯泗患而訾堰工、是求前于却者也、它如絕流而挑、方舟而濬、疏渠以殺流、引瀘以灌漑、襲虛舊之談、而懵時宜之歟者、紛紛藉藉、載道盈廷、至于釣奇之士、則又欲舍其舊而新是圖、于是有泐膠、睢三河之說焉、不知旣治河而又別治漕、是以財委繫也、又有興復海運之說焉、不知歲用民

賦而又歲用民命。是以民委壑也。嗟嗟。謀室于路。則三年靡成。回車于岐。則千里坐失。又何惑乎漕幾成陸。而民胥爲魚耶。然諸爲前議者。豈故好是壑。且奇哉。總之不達于水。可攻水之理耳。蓋黃河之性。合則流急。分則流緩。急則蕩滌而疏通。緩則停滯而淤塞。故以人力治之。則逆而難。以水力治之。則順而易。今太子少保潘公履膺河寄。洞炤委源。才請精誠。並稱絕世。爰借故右都御史江公。決策上請。事悉具。兩河經略疏中。大都盡塞諸決。則水力合矣。寬築隄坊。則衝決杜矣。多設減壩。則遙隄固矣。并隄歸仁。則黃不及泗矣。築高堰。復閘壩。則淮不東注矣。隄柳浦。繕西橋。則黃不南侵矣。修寶應之隄。漕揚儀之淺。則湖捍而渠通矣。故自告竣以來。河身益深。而河之赴海也急。淮口益深。而淮之合河也急。河淮併力。以推滌海淤。而海口之宣洩二瀆也急。用是河嘗秋漲。而涯畔屹然。淮嘗夏溢。而消耗甚速。貢賦融臙。若履枕席。轉徙于道。屢緣南畝。蓋借水攻沙之效已較然顯白矣。若謂水循于分。湧于合。恐其合而湧也。則隄址既遙。而奔騰可恣。是寓分於合矣。若謂胡不用濬而純用築也。則築堅而水自合。水合而河自深。是藏濬于築矣。若謂胡不使黃淮分背。而乃使淮助河勢。河扼淮勢也。則合流之後。海卽大關。蓋河不決固自深。得淮羽翼則益深。是用淮于河矣。若謂河決爲天數。不可以人力壅塞。故曰故道難復也。然旣塞之後。河卽安瀾。是全天于人矣。若謂胡不創開一渠。而拘拘膠柱爲也。則二百年地紀之故道。天儲之懿規。本無庸創。而自今復之。是兼創于守矣。若謂閘壩之復。行李稍滯。然河渠旣奠。

而行李益通。何便知之。是含速于滯矣。記禮者。謂其數可陳也。其義難知也。治河之事。良亦類此。是故排河。淮非難。而排天下之異議難。合河。淮非難。而合天下之人情難。史遷氏曰。甚哉。水之爲利害也。余則曰。甚哉。人情之爲利害也。故今日之功。非當事大臣暨余等諸臣之功。皆聖明之功也。蓋知河固難。而知知河之人尤難。知知河之人固難。而任知河之人尤難。語曰。千夫與瓢。不如一人負而趨也。千夫牧羊。不如一人驅而走也。使非聖明之併合河。漕。而事權歸一也。其何能功。繫騏驥之足。則難望其必至。縛孟賁之手。則難望其必敵。使非聖明之寬假便宜。而不從中制也。其何能功。蜚蝗蔽天。則農稷不能善稼。奔駟曳轍。則王造亦廢馳驅。使非聖明之不惑浮言。而私撓必黜也。其何能功。千仞而坡。則牧豎陵其阜。數尺而峭。則樓季不敢踰。使非聖明之嚴懲墮寇。而凜莫可干也。其何能功。空柯無刃。則公輸不能以斲。虛鷲乏粒。則易牙不能以炊。使非聖明之破格折兌。而大費不悛也。其何能功。張鵠以行賞。然後人罔不射。計程以齊足。然後人罔不奔。使非聖明之綜覈明允。而微勞必錄也。其何能功。昔晉富平津河橋之成。武帝謂杜預曰。非卿此橋不立。預曰。非陛下聖明不成。今日之功。良亦類此。善乎部疏有云。其本在明良之相遇。其機在賞罰之必行。真識體之論哉。後之治河者。其尙仰體君相任人圖治之心。俯眷河臣嘔心腐舌之意。相與踵而行之。期于勿壞。勿以事既卽安而玩愒。勿以功非己出而更張。如周郊之有陳畢。終始協心。如漢法之有蕭曹。寧一作頌。如此則漕河之允翕。當與國家億萬年。

靈長之祚。同垂罔極也。斯豈非國家甚盛隆事哉。斯豈非國家甚盛隆事哉。余謹不嫌侈大。贅筆于簡。作左契焉。

河防一覽。卷中。字子軌。銅陽人。萬曆庚戌進士。

嘗謂治河者必先求河水自然之性。而後可施其疏築之功。必先求古人已試之效。而後可倣其平成之業。黃水自崑崙入徐。邳。歷桃。宿。至清口會淮。而東入於海。淮水自桐柏入鳳睢。歷盱。泗。至清口會河。而東入于海。此兩河之故道。卽河水自然之性也。故元歲漕江南之粟。由揚州直北出廟灣入海。至國朝永樂年間。平江伯陳瑄始隄管家諸湖。通淮河爲運道。淮以南自山陽起至瓜儀。計三百餘里。淮以北自清河起至徐州。計六百餘里。又四十里而至鎮口矣。糧艘一入鎮口。則運事可冀保全。自古餉道之便。無逾於此。此平江陳公獨爲注念。而矢謀以裨國計者也。方其始事。慮淮水漲溢東侵淮郡也。故鑄高家堰隄以捍之。自新莊鎮起。至越城止。計一萬八千一十八丈。橫亘西南。而淮水無東侵之患矣。又慮黃河漲溢南侵淮郡也。故隄新城之北以捍之。起清江浦。沿鉢池山至柳浦灣。而黃水無南侵之患矣。尤慮河水自閘衝入。不免泥淤也。故嚴啓閉之禁。止許漕艘鮮船由閘出入。匙鑰掌之都漕。五日發簾一放。而官民船隻悉由五壩車盤。是以淮郡晏然。漕渠永賴。民到于今受其賜。此古人已試之良規也。爲今之計。惟在修復平江之故業。而隨時斟酌之可也。宋儒朱子有言。禹之治水。只從低處下手。下面之水盡殺。則上面之水自消。由斯以譚。欲得上流之沛達。必先下流之疏通明矣。試自興。鹽。迤東。

擇其便利之所。如白塗河、石碓口、廖家港等處。條爲數河。分門出海。然後從下流而上。將高郵北界開清水潭。寶應南界開子嬰溝。山陽東北開涇河口。濬其壅淤。闢其窄隘。使河深廣。中有所受。下有所洩。而餘水易達於海。則興、鹽、泰之水有所歸宿。而高、寶之水次第東行矣。如是則汜光諸湖可令虛腹。而武墩、周橋、高澗之水容納有地矣。倘慮西來水多。一時宣洩不及。再於瓜洲十壩開十閘口。儀真五壩開五閘口。灣頭閘旁增置一壩。令入通泰、鹽河。則分洩之路旣多。潰決之患可免。即使伏秋暴漲。不能爲災。自淮以南之運道。可永保其無虞也。傳曰。水由地中行。江、淮、河、漢是也。釋者曰。地中。兩崖之間也。由斯以觀。則河水之行。非汜溢四出。明矣。試將戎家口、新銜口、黃堎口、義安山口盡行堵築。使全河之水悉歸故道。或如萬歷二十五年故事。引水從小浮橋入正河。則水合力強。積沙自去。河不濬而深矣。如慮霖雨爲滂。黃水溢決。除崔鎮、徐昇、季太、三義減水壩四道外。另於呂梁上洪之磨臍溝、桃源之陵城、清河之安娘城增建減水壩三座。如水高於壩。任其宣洩。水與壩平。任其停蓄。則下流疏通。上流利達。不惟兩隄可保。而正河亦無壅淤。自淮以北之運道可永保其無虞也。議者謂河水溢決。病在兩隄。東水太急。勢乃中潰。故古之治水。惟曰疏。曰瀹。曰排。曰決。未聞築隄而反障之也。殊不知古之治河者。去民之害而止。故可疏可瀹。可排可決。隨勢利導。不與水爭。今日資之以爲利。一則環帶陵寢。一則灌輸漕餉。而民生又其次也。治之者去其害。且虞併去其利。留其利。又虞併留其害。利與害相倚。去與留

相持。展轉圖維。求爲良策。乃興築隄之議。蓋築隄所以束水。束水所以刷沙。計無善于此者。若散漫無制。任其所之。則潰敗決裂。茫無下手。而于祖陵運道。民生胥失之矣。嗟嗟。遙縷二隄之設。先臣卓有深見。非可易視之也。自徐抵淮。兩隄相望。蜿蜒綿亘。勢如長山。挾河中行。即使異常泛漲。縷隄不支。而溢至遙隄。勢力淺緩。容蓄寬舒。必復歸漕。不能潰出。譬之重門待暴。則暴必難侵。增縷禦寒。則寒不能入。自然之勢也。故在遙隄之內。則運渠可無淺阻。在遙隄之外。田廬亦免淪沒。雖不能保河水之不溢。而能保其必不奪河。固不能保縷隄之無虞。而能保其至遙隄卽止。嘗考宏治以前。張秋屢塞屢決。先任鄒御史劉公大夏。將黃陵岡一帶。增築太行隄一道。而張秋之患遂息。此其已試之明驗也。額年以來。無日不以繕隄爲事。亦無日不以決隄爲害。何哉。卑薄而不能支也。迫近而不能容也。雜浮沙而不能久也。隄之制未備耳。議者不咎制之未備。而咎築隄者之爲下策。豈得爲通論哉。築隄之法。必填土而勿雜浮沙。必高厚而勿省工力。必讓遠而不與爭地。斯隄於是乎可固也。議者又謂泗陵水潦。谷在高堰。遂上疏極言堰之爲害。欲盡撤高堰而後可。殊不知高堰一去。淮水南注。峻若建瓴。山陽高寶以下。盡爲池沼。且淮水大洩。力不能控黃。萬一黃躍其後。輿之俱南。不惟運道旣傷。而祖陵合襟王氣。亦從此大損矣。然則堰亦何負於治河者。而諄諄欲去之耶。況一堰之間。三開溝澗。自足洩水。其輿拆堰同也。發言者特未之思耳。議者謂黃不兩行。黃壩新河之間。得非添足之蛇乎。余曰不然。當祖陵淪沒之

時天威震赫。臣下憂危。總河楊公。一時分黃洩水。使淮水通流。而泗水尋卽消滅。總之急君父之難。而他非所計也。今黃水從新河行者。若湍急如初。由清口出者。猶安然如故。則運道原不相妨。無容別議。若清口日漸淺澀。而新河浩蕩奔騰。則有奪正改移之勢。前議鮑王決口。建立閘座。似不可已。運船從此入口。轉入新河。以就正道。此總河公初意也。若新河勢緩土淤。則止建一減水壩。以備滿溢。不必重濬。復費工力也。凡此皆黃淮之大較。運道之坦途。亦治兩河者之要法。其他如儀真東關等淺。歷石頭。楊子橋。三汊河。直抵高廟止。一帶運河淤淺。實應一帶湖隄圯壞。黃浦決口。高堰隄埂。均應修理。清江浦長隄卑薄。柳浦灣至高嶺舊隄塌損。桃清。邳。宿兩岸遙縷二隄。時加修築。或葺舊工。或勦新址。或因高阜。或填窪下。一一次第舉之。則運道通行。自垂永利。此在當事者臨時區畫。隨地制宜。非掇管者所能殫述也。張兆元曰。當今運道。其藉力淮。黃二瀆不淺矣。若令黃不旁決。則衝漕力專。淮不旁決。則會黃力專。淮黃既合。則控海力專。河不必闢而沙自刷。海不必濬而水自深。此正以水治水。行所無事之智也。雖神禹復起。不易吾言矣。

張兆元兩河指掌。

行水金鑑卷一百五十八

兩河總說

我朝黃河之役。比之漢唐以後不同。逆河之性。挽之東南行。以濟漕運。故河患時時有之。自海運既罷。中漕運又罷。專出邳溝。入淮沂河。以達會通河。故河水不得如禹貢故道入北海。而河之東南行者。又分數道。蓋自經汴以來。支流益演。南出二道。皆徑入淮。東南出一道。東出五道。皆入漕河。并入於淮。乘淮入海。今數道皆塞。止存沛縣一道。河流大而所受狹。不能容。勢必橫溢而決。決而東南。有山限閼。爲禍不大。決而東北。非東昌則河間等處。故往歲張秋潰決。運道不通。宋時澶州一決。灌壞州縣數十。爲禍不小。況今之防河。自底柱而下。行於平地。旣防決大名。又防決臨清。又防決濟寧。又防決徐州。又防決潁。壽以犯鳳陽。又欲遏其流不南出。不北走。循我運道。而接江。淮之舟。此其計誠難也。今河南修河之役。盡民力。竭民財矣。隄密於田畔。地破於潰瓜。及今不處。禍未已也。爲今之計。盛都御史新河之役。不可全謂其無功也。顧其喜功無漸。程役太嚴。又忤安仁。遂爾中止。今猶可復也。或於汴西濬孫家渡一道。汴東南原出懷遠。宿遷二道。正東出徐州小浮橋。溜溝二道。擇濬一道。以少殺其勢。少分其流可也。或修武城以南廢堤。以防豐沛漫流。或修築沛北廟道口堤。以防新決河口可也。或講求海運之法。

卽不能如國初裴淞開洋。歷大洋之險。宜考禹貢碣石入河。沿江入海。海運之說。及秦時起瑯琊負海之郡之說。唐人雲帆遼海。糯稻東吳之說。或於淮口入海。遶出登萊大洋。經海倉。昌邑。海豐。以至天津可也。或云登萊外洋有白蓬頭水。有官綠大洋。黑水大洋。又有礁石之險。則由淮之清口入海。遶出東甌山。風帆一日可達青州。安東。衛。籌師。柁工皆安東人。商賈時時往來。由安東。衛。風帆三日可達膠州。其間惟石臼島。唐島二山頗大而險。今私舶往來。遶出山後。未嘗有覆沒者。既至膠州。入新河。可二百四十里。至海倉。復入海。新河者。卽膠水也。東爲膠東。西卽膠西也。相傳勝國時。亦嘗濬此。以避東海數千里之險者。蓋膠之東南。出卽墨龍山。成山。折而西。出登州北海。始達海倉。不若由膠河之爲便易也。又自海倉一夜便可到天津。蓋相去三百里。今天津海倉間人。販易載小艇。乘月夜往來也。所謂新河者。原出高密界中大水泊。南北分流。南新河流入南海。北新河流入北海。雖出高密。亦由諸野川澗合流始大。夏秋爲甚。南至膠州東界。北卽海倉巡司。海倉有大舟載米麥可三五百石。意卽古者運青萊之粟。由海入蘆之處也。自海倉至天津海濱。更無山陵之險。如昌邑。濰縣。壽光。樂安。博興。濱州。利津。海豐。蒲臺。陽信。鹽山。慶雲。滄州。迤東皆平衍斥鹵之地。可見矣。河北有警。臨清。濟寧可憂也。淮西北有警。清口。豐。沛可憂也。江北有警。邳溝上下可憂也。故海運之說。亦不可不預爲之計。正統也。先之難。喜寧道之據臨清。正德劉齊之亂。運船煨燼者五六千艘。此往事明徵。今直恬然。謂無事耳。憂國者宜有

先事之防矣。鄭曉吾學編餘。是又一邱文莊海運之利之說也。隆萬太天以至明亡。言新河者皆本此。

從古治水稱神禹。禹治水首黃河。黃河自崑崙發源。萬里而來。禹導之自積石龍門。蓋特遡其流入中國之始。以爲肇端。後人必追窮河源。好博矣而不適於用。故論禹治水導河。斷自龍門積石始。河從積石東北而南。計三千里。至龍門爲西河。龍門在冀州呂梁山。石勢崇竦。其流激震。禹治其北。鑿龍門分殺其勢。西因其迴流之性而導之。又南而至華陰。在陝之華陰縣。自南而東至底柱。在河南陝州之三门峡。又東經孟津。河南府孟津縣。過洛汭鞏縣。至於大伾。爲大名府濬縣臨河之山。北過泴水。爲眞定冀州北枯降渠。至於大陸。屬中山郡。今眞定邢。趙深三州之地。北分其勢。播爲九河。復同聚一處。而爲逆河。逆也。蓋迎之以入於海。簡潔一水。九河其一。則河之經流也。徒駭等八河故道。皆在河間。滄州南皮。東光。慶雲。獻縣。山東平原。海豐。由寧津吳橋南皮諸處。直達東海。是爲禹之故道。禹之載河高地以入海。蓋自河陰始。河陰以西之故道。終古不失。以東入海之故道。後世一失。從此泛濫南下。四出於冀。豫。兗。徐之區。其勢不可勝窮矣。周定王五年。河徙砦礫。始失故道。漢文帝時決酸棗。東潰金堤。在河南延津。滎陽諸縣。至大名清豐一帶。延亘千里。武帝時溢平原。屬德州。徙頓邱。今清豐縣。又決濮陽瓠子口。開河界。注鉅野。屬濟寧州。卽大野。通淮。泗。蓋河始與淮通。尙未入淮也。元帝時決館陶。舊屬大名。今屬臨清。又決清河。靈鳴犢口。今高唐州。舊屬清河郡。成帝時決東郡金堤。決平原。溢渤海。清河。高唐。

州一帶信都。今冀州界。唐元宗時決博州。今東昌。溢魏州。今大名冀州。五代時決鄆州。今鄆城縣。博之揚劉。今東平之東阿縣。揚劉鎮。滑之魚池。宋太祖時決東平之竹村。開封之陽武。大名之靈河。漣淵。太宗時決溫縣。滎澤。頓丘。泛於漣。濮。曹。濟諸州。東南流至彭城界。卽今徐州。入於淮。自此爲河入淮之始。眞宗時決鄆及武定州。尋溢滑。漣。濮。曹。鄆諸州邑。浮於徐。濟。而東入淮。仁宗時決開州館陶。神宗時決冀州聚強。大名州邑。一合南清河以入淮。一合北清河以入海。南渡後。河上流諸郡爲金所據。獨受河患。其亡也。始自開封北衛州決而入渦河。南直壽。亳。蒙城。懷遠之間。元初決衛輝之新鄉。開封之陽武。杞縣之蒲口。滎澤之塔海莊。歸德封丘諸界。其時專議疏塞而已。自至元二十六年開會通河。以通運道。而河遂與運相終始矣。蓋至元以前。河自爲河。治之猶易。至元以後。河卽兼運。治河必先保運。故治之較難。至正初。河決白茅。金堤等處。瀕河郡邑。皆罹水患。水勢北侵安山。沿入會通河。延袤濟南。河間。將壞南漕司鹽場。用都漕運使賈魯言。挽河使東行以復故道。五月功成。命翰林學士歐陽元製平河碑文。並作河防記略。其法制工用。爲世取法。明洪武元年。河決曹州雙河口。二十五年。河決原武。會通河淤。河自洪武中決陽武。東經開封城北五里。又南行至項城。經潁上。東至壽州正陽鎮。全入於淮。故道遂淤。至永樂時。歲爲決徙。修築隄防。民困國弊。至九年決益甚。議濬黃河故道。尙書宋禮加濬會通河。用老人白英計。改從南旺分水。遏汶北合漳。衛。遏泗南入沂。淮。其北道魏家灣與土河相連。開二小

河以洩之。有溝渠於衛東北岸通黃河。可直至海豐者如舊。其南道在南旺之北者。開新河。自汶上袁家口左徙二十里。至壽張之沙灣接舊河。以免陸運之艱。侍郎金純導河支流。從汴城金龍口至塌場。仍合會通河以入淮。漕事定。於是運必借黃。欲通運不得不先治黃也。正統十三年河決新城八柳樹。漫流山東。經曹、濮、衝張秋。潰沙灣東堤。奪濟、汶入海路以去。諸水俱洩。壞民廬無算。景泰三年又大決沙灣。近河地皆沒。翰林侍講徐有貞承命以都御史往治之。作制水之閘。疏水之渠。而河流之旁出不順者則堰之。水遂不東衝沙灣。更北出而濟漕渠之涸。弘治三年決陽武河。自原武中牟分流爲三。其大者切近汴堤西北隅。合沁河泛陽武。封丘、祥符、陳留、杞縣、蘭陽、儀封、考城、曹縣、寧睢、歸、虞、永、夏、碭、蕭而下徐、淮。其次者橫流封丘之于家集。決孫家口。漫長垣、曹、濮、鄆城、陽穀、壽張、東昌。至臨清下衛河。延患於德、滄、興、青、縣、靜海、天津。始入於海。又其次者。自中牟南下尉氏。雖稍成川。不通舟楫。至其故道。自汴城西南杏花營入渦河者。則淤澱矣。侍郎白昂治之。河條北徙。去汴城三十里。金龍決口自淤。昂乃築北堤以防張秋之衝激。衛諸郡之泛濫。導南河自原武中牟下南頓。至潁州。由塗山達於鳳陽故道。合淮以入海。又於東平州戴家廟及德州之南一帶多鑿裏河。每河口各建減水閘。以節運河之水。盈則洩之海。而東、兗、德、滄之患紓。縮則蓄之河。而漕艘商舶之行利。隨河修堤二千餘里。隨堤植柳百萬餘株。又濬萊蕪諸泉二百八十餘處。以濟漕河。南塞決口三十六。疏月河十餘。使由河入汴。汴入睢。睢

入泗。泗入淮。以達於海。又以河南入淮非正道。恐不能容。復自魚臺歷德州至吳橋。修古河堤。自東平北至興濟。鑿小河十二道。引水入大清河及古黃河以入海。弘治五年。決張秋。入漕河。與汶水合。僉都御史劉大夏治之。謂宜疏治上流。黃陵岡孫家渡。工方興。而復決張秋東堤百丈。漕舟一經決口。挽力數倍。稍失手。輒覆溺。時訛言沸騰。疑河不可治。應復元海運。大夏於西岸稍南。鑿月河長三里許。引舟次第以濟。歲運不失。及冬水落。始爲塞決計。乃親行相視潰決之源。於孫家渡口開七十餘里。濬祥符四府營洪河二十餘里。以達淮。疏賈魯舊河四十餘里。由曹縣韜道口出徐州運河。支流旣分。水勢漸殺。爲築兩長堤。壅水南下。由徐淮故道。自武陵鵬之礪沛。凡三百六十里。曰太行堤。自金龍口起于家店。及銅瓦箱東橋抵小宋渠。凡百六十里。曰新堤。又以兩堤綿遠。河或失守。必復至張秋爲漕患。相地於舊決之南一里許。爲減水壩。以殺衝鬪。自春徂夏。張秋之決塞。賜名安平鎮。九年。考城縣境東來水勢。徑衝賈魯河曹縣梁靖口。水溢大隄。遂於賈魯河東岸築小隄以護之。正德四年。河決曹單。八年。復決黃陵岡。嘉靖六年。決曹單。城武楊家口衝雞鳴臺。阻運尤甚。下廷臣議。刑部尙書胡世寧疏言。河自經汴以來。新舊分疏六道。皆入漕河。而總南入於淮。今聞諸道皆塞。止存沛縣一道。當因故道而分疏之。若運道。則宜於昭陽湖東岸獨山新安社等處。擇其土堅無石之處。另開新河一道。南接留城。北接沙河。口二處舊河。應止百四十里。隔出昭陽湖在外。以爲河流漫散之區。是則所謂不與水爭地者。七

年復決徐沛漕渠不通。詔舉才幹大臣治之。衆推御史盛應期奉命單車就道。親詣相度。乃請疏趙皮寨以殺河勢。導之亳泗。歸宿以入淮。別開昭陽湖左新渠一百四十餘里以通漕。垂成。謗興。詔罷役。奪職。嘉靖十二年。河決亳泗。歸宿等處淤。濟寧至徐沛數百里運道。命劉天和督浚。時議紛紜。或謂引黃河便。或謂浚漕河便。天和躬親相度。自趙皮寨東流故道淤一百二十餘里。而至梁靖。又自梁靖岔河口東流故道淤二百七十餘里。始至穀亭。遂定計用浚河扒浚南旺淤淺。以免盤剝。築曹單長堤以防衝決。植柳株以護堤岸。浚月河以備霖潦。建減水閘以司蓄洩。置順水壩以束漫流。運道暫復。十九年決睢州野雞岡。經渦入淮。二洪大涸。命侍郎王以旂督理。以旂特言。所資河者以濟運也。河今南徙。第疏山東諸泉入之洪。沛以南障之堤。如會通河制。運卽通矣。於是開李景高支河一道。引水出徐濟洪。八月而成。三十一年決房村。三十七年河北徙新集。淤而爲陸者二百五十餘里。視故道高三丈有奇。河分流弱。離爲十一。河南山東徐邳皆苦之。四十四年河決。以南京刑部尙書朱衡僉都御史潘季馴協治之。旣至。舟行樹杪。力無所施。得鄒縣章時鸞新渠規度。遂開新渠。舊渠之東。湖曰昭陽。河從西來。匯之。其勢遂絕。渠而左。故舊渠不可復。而新渠在湖之東。河卽橫決。得湖而止。乃決策往廬於河畔。撫循十萬衆。與同甘苦。明年新渠成。南陽至留城百四十里。疏舊渠。留城至境山五十三里。隆慶元年開廣秦溝。以通運道。先是。河決沛縣。議者欲復古道。從事於新集。郭貫樓諸處上源。衡言上源之議可罷。

惟廣開秦溝使下流通行修築長堤以防奔潰乃鑿舊渠深廣之爲閘八減水閘二十壩十二堤三萬五千二百八十丈石堤三十里旱則資以濟漕潦則洩之昭陽湖運道盡通是名夏鎮河於是河專由秦溝入洪夏五月山水驟漲衝坍薛河石壩壞糧艘議復譁然給諫吳時來言舊河不必議惟新河所受上源山水宜亟疏濬仍詔衡區處途經理挑築薛河沙河各支河堤壩以資蓄洩運道俱由新河矣隆慶三年河水溢自清河抵淮安城西淤者三十餘里決方信二壩出海平地水深丈餘寶應湖堤崩壞山東莒鄒諸處水溢從沂河直河入邳州山東巡撫洪朝選疏言黃河出口之處必多然後可容其萬里遠來之勢請開支河以爲宣洩利導之方四年河決邳州自睢寧白浪淺至宿遷小河口淤百八十里溺死漕卒千人失米二十餘萬石總督翁大立言邇來黃河之患不在河南山東豐沛而專在徐邳故先欲開泇口河以遠河勢開蕭縣河以殺河流詔令大立躬自相度條其利害以聞復上疏言治邳河關阻之策有三一開泇河一就新衝一復古道五年河決雙溝北決油房曹家青羊諸口南決關家曲頭集馬家溝閭家張擺渡王家房家白浪淺諸口凡十一支流旣散幹流遂微乃淤自匙頭灣八十里而河變又極矣議者欲棄幹河而行舟於曲頭集大枝間冬初水落則幹已平沙而枝復阻淺遂欲棄黃河運而紛紛及於膠河泇河海運乃復起潘季馴開匙頭灣塞十二口大疏八十里故道漸復已而以漕舟壞被劾去六年河決邳州運道阻朱衡於茶城南北築兩隄以防河水之出入北堤自磨

臍溝迄邳州之直河。南堤自離林鋪迄宿遷之小河口。各延袤三百七十里。運艘束於河流。設軍民守之。河流乃安。萬曆元年。黃河水平。先是運道多梗。戶科賈三近小試海運。至山東卽墨縣福島。異常風雨。壞糧船七隻。哨船三隻。漂沒糧米五千石。淹死運丁五名。隨罷海運。專行河運。二年。黃河沙淤海口。決房村。傅希摯議開泇河。不果行。三年。河從崔鎮等口北決。淮從高家堰東決。徐邳以下至淮南北。漂沒千里。總漕吳桂芳上言。淮揚洪潦。萬民號泣。蓋由濱海汶港。歲久道堙。入海惟恃雲梯一徑。至海擁橫流。盡成汎溢。鹽安高寶遂不可收拾矣。國家轉運。惟知急漕而不暇急民。故朝廷設官。亦主治河而不知治海。請另設一官。專疏海道。講求捷徑。如草灣及老黃河皆趣海。不必專事雲梯爲便。又上言。今日之河。雲梯關塞而不通。高家堰通而不塞。兩者爲病。蓋高堰決則淮水東。黃水隨蹕其後。清口塞而堰內皆住址陸地。其洩不及清口之半。故泗州之水并聚矣。塞高堰所以通清口。而洩泗州之水也。又高堰塞黃浦上游。則黃浦之工自易。黃浦旣塞。則興寶鹽城田地盡出。自茲兩河橫流。涓滴皆由正道。千里之內。民業可安。海口河身。日見深刷。亦可免壅潰之患矣。六年。復起潘季馴。時高堰崔鎮決口。猶然未塞。運道沮梗。議者謂諸缺口當勿塞。別開支河殺水。而浚海口以通之。季馴則謂海口潮汐往來。隨浚而亦隨淤。惟導河以歸之海。則導河卽以浚海。而導河未易以人力。惟慎固隄防。使無旁決。水入地益深。則治防卽以導河也。若令河決土流。固宜用疏。今下流之決。但欲其疾赴海而害祛。豈必疏哉。

於是築堤堰。自徐抵淮六百餘里。南北兩堤。淮水畢趨清口。會大河入海。二口不浚得通。十五年命張居敬踏勘黃河時。河漫流開封。封丘縣及東明長垣等處。禮科王士性言。宜復河故道。居敬謂故道難復。議開柴家營支河。尋諸決口皆塞。而淤者復疏。十六年復起潘季馴督理河道。十九年泗州大水。淮水泛起高於城。溺人無算。季馴上言。人欲棄舊爲新。臣謂故道必不可失。人欲支分以殺其勢。臣謂濁流必不可分。霖雨水漲。久當自消。季馴三仕三已。一以求故道築堤束水。借水衝沙爲主。是年有條議河道疏。一放水淤平內地。一接築遙堤。一增支渠大堤。一增砌石堤。一浚河避湖諸事。並於運道民生有利。二十三年泗水爲患。總河楊一魁疏言。分黃導淮。明年開桃源黃壩新河。自黃家陂起。至五港灌口止。分洩黃水入海。以抑黃強。開清口沙七里。建武家墩涇河閘洩淮水。由永濟河達涇河。下射陽湖入海。又建高良澗減水石閘。子嬰溝周家橋減水石閘洩淮水。一由岔河下涇。一由草子湖寶應湖下子嬰溝。俱通廣洋湖入海。二十五年河大決。單縣之黃堎口溢於夏邑永城。經宿之符離橋出宿遷新河口入大河。二洪告涸。楊一魁大挑李吉口。以挽黃流。謂黃堎口深淵難塞。議浚小浮橋。築小河口。功成東利運。尋久旱。運河澀而河又決。義安東壩一魁乃議浚黃堎口。及上歸灣活觜。以受黃水。救小浮橋涸上之涸。因繪河圖。上言謂小浮橋股引之水。李吉言未斷之流。已足濟運。以汶泗沂堯之水。建閘節宣。運道自裕。何必殫力決塞。以回全河而用之哉。三十年於黃家口漲。衝魚單。豐沛。三十一年特用

李化龍徧行淮、徐、鳳、泗間，得前所開泇河遺跡，喟然興歎，遂專力浚成之。於是運艘通行，昔稱過洪，今稱過淮，爲出險矣。按開泇之議，始自隆慶年間中丞翁大立。萬歷三年中丞傅希摯建議詳明，未得允行。二十年中丞舒應龍於韓家莊引湖水注之泇，始啓厥緒。二十六年中丞劉東星鑿侯家灣，梁城通泇口，遂可行舟。然總未能通達，至是始共贊成，出奇道以避至險。迄今運道無阻，開泇之功，蓋亦偉哉。然東南之漕，自清江浦出口，由清河、湖、桃源經宿遷，從董溝口入駱馬湖，而抵泇河，尙有一百八十里，假道於黃河，雖河伯安瀾，不受其害，不可謂非黃輿運究相終始也。然則治黃者固先保運，而利運者不尤急於治黃也哉！天啓六年，總河李從心以運舟過宿遷淺，劉口磨兒莊等處，一船挽拽夫以百計，一夫工費動以數錢，窮旗典鬻以償官夫，人力與水爭衡，簾纜中斷，前船橫下，後船互相磕撞，官儲民命，須臾歸之逝波，風急浪高，竟日不能移一舟。前阻後壓，千艘等待，乃自馬頰口起，下至陳瑤溝止，另挑一河，計程六十七里，運船改從陳口諸溜遠避，公私幫拽之費遂省。漂蕩磕撞之虞亦遂以杜。崇禎八年，駱馬湖淤，泇河運道中阻，總河劉榮嗣自宿遷至徐州，別鑿新河，分黃水注之，通運計二百餘里，費五十萬。其鑿處皆河故道，尺許下皆沙，挑掘成河，沙落河坎數四，引黃水注之，沙隨水下，爲淺爲澀，明年漕至，駱馬湖之淤適平，仍專行泇河，榮嗣被逮，然駱馬湖間淤，此河亦可行舟，其功不容盡泯。漕運一河，泇河以南，勢不得不借黃以達淮，而閘河以內，苟一近黃，未有不受其害者，故避之務遠，防

之務至。即使黃流水大。不得已爲減水之策。亦宜疏之使南。不宜逼之使北也。連河經宿遷入董家口。由駱馬湖進泇河。此開泇後初制也。後因淺。劉口磨兒莊等諸溜。水急壞舟。改從陳家口進駱馬湖。及至駱馬湖淤。劉榮嗣遂有別鑿新河之舉。而究無成功。是駱馬湖乃必經之要路也。邇年黃河身高。黃水倒灌駱馬湖。每至淤淺。議者必將別開一河。以達泇河。始得避駱馬之淤。恆謂莫若卽於駱馬湖東岸。近馬陵山脚。隔出一河。設閘以司啓閉。使黃水之沙。不得倒灌而入。則永久可無淺淤之患。但恐需費浩繁。猶之泇河未成之先。格而難行耳。并識臆見。以備采擇。

山東全河備考。

行水金鑑卷第一百五十九

兩河總說

漕河南盡瓜、儀、北通燕、冀。其間自昌平州神山泉等水，由西山貫都城，過大通橋，東至通州，入白河者，大通河也。自通州而南至直沽，會衛水入海者，白水也。自臨清而北至直沽，會白河入海者，衛水也。自汶上縣南旺分水河口，其分而北流，經張秋至臨清，以會衛河，其分而南流，至濟寧天井閘上，會泗、沂、沭三水者，汶水也。自濟寧州城東北以上，會流而來，出天井閘與汶水合，南流至南陽，出夏鎮，每年俱於三月開彭壩入洳河，出直口入黃，以濟重運入洳。至九月閉彭壩，由呂公堂濟回空，由徐州大浮橋入黃南下者，泗、沭、沂并山東泉水也。自直河口至清口者，黃河水也。自清口通淮南至儀真、瓜洲者，淮河諸水也。國家歲漕四百萬粟，以實京師，餉各邊，勢必由河以濟。是治河卽所以治漕，但兌運之先後，漕輓之遲速，而閘壩之啓閉，水勢之蓄洩，恆必因之。是漕治而河亦治。南河全考。

國家漕輓之政，凡三四變云。洪武間，定鼎金陵，則漕於江，餉餉遼卒，則因元舊，漕於海。自永樂北都，海運由直沽達京師者未改。其自河運者，則由江入淮，由淮入黃河，水運至陽武縣，由陽武陸運至衛輝府，入衛河抵北京，及會通河開，則始漕於裏河，而海運罷矣。裏河者，卽今南盡瓜、儀、北通幽、冀者是也。

其間自昌平神山泉等水。由西山貫都城。過大通橋。東至通州入白河者。大通河也。自通州而南至直沽。會衛河入海者。白水也。自臨清而北至直沽。會白河入海者。衛水也。自汶上縣南旺分水河口。其分而北流。經張秋至臨清。以會衛河。其分而南流。至濟南天井閘。會泗、沂、沭三水者。汶水也。自濟寧州城東北以上。合流而來。出天井閘與汶水合。南流至今新河。出茶城以會河。淮者。泗、沭、小沂河水也。自茶城秦溝南流。歷徐、呂二洪至邳州。會大沂河至清河縣入淮者。沁水、黃河水也。自清江浦通淮南至儀真、瓜洲者。高郵、寶應諸湖之水也。過此則大江矣。然臨清而北。衛水盛。自徐而南。黃流盛。唯自臨清南歷張秋、南旺、濟寧。以至茶城。數百里之渠。全賴汶、泗、沂、沭諸泉以爲用。夏秋漲則懼潦。冬春微則病澀。漕河襟喉。獨此稱最要矣。然閘河雖至要。猶可以人力爲也。徐州以南。運河會黃河而利害大矣。工部尙書朱公衡以黃河侵嘴。沛縣切近運河。乃徙運河而東五十里。以上接於濟。而下通於徐。其意主於遠黃河也。可不謂知耶。然愚以爲當以黃河遠運河。不當以運河遠黃河。以運河遠黃河。則凡黃河之所能至者。皆當遠而避之。此不東走海。南走山耳。故以起膠萊之議。而有泃口之役也。矧所避者止沛縣數十里耳。而徐邳四百里之河患固在也。以黃河遠運河。則上流歸德蘭陽趙皮寨口。原係河流入渦淮故道。去其淤積。排決之耳。無有泃口之斬山焚石也。順其去路。利導之耳。無有膠萊之穿渠亂海也。計不出此。而亟亟於壘堤以障河。吾恐盡徐、淮之土。亦無益於河。且所築之堤。基廣二丈。崇七尺。勢

不加矣。徐、沛每至伏秋之時，白浪如山，拔地數仞，則丈堤尺土，實以激其怒而濟其暴也。夫河性至湍悍，必有以瀦之，則緩其性而不爲暴。有以分之，則殺其勢而不爲暴。古今治河，無出此二者。漢人有言：河南岸強則攻北岸，北岸強則攻南岸，南北俱強則下流受傷。今日之治河，正犯此戒。弘治間，懼黃河之北犯張秋也，故強北岸而障河使南。嘉靖間，以黃河之南徙歸、宿也，故塞南岸而障河使東。今南北俱強矣，所以淮、邳上下毒遭全河之害，而爲運道憂也。夫曹、單、鄆、濟之間，如鉅野、梁山泊等處，汙澤窪下，昔人於此以瀦河也。自荊隆等口重堤以障之，則河水不得上溢於鉅野、梁山之間，而無所瀦矣。孫家渡及蘭陽趙皮寨，昔人於此以分河也。自決口填闕，棄而不治，則河水不得南入於渦、淮，而無所分矣。旣無所瀦，又無所分，洪河萬里，又會番漢川澤之流，而迫束於二洪之間，以激其怒，此不盡吞邳、睢，化而爲溟渤焉，未已也。故今日治河，唯開趙皮寨口，濬亳、泗、歸、宿舊渠而已。而議者有欲分沁水入衛，以殺河患者，有欲於陽武上下開一河，引河入衛者。夫河於四瀆中爲最大，分沁若牛之一毛，折一支而欲以殺河，是猶以掌堙也。若白河，非黃河比也。而底多淤沙，衝決遷改，頗與黃河同。或謂令每運舟自擁兜杓三四五具，遇淺卽濬，此亦省費之一策。要之白河甚廣，沙故漫漲，以堅堤束之，沙亦可以隨水而去。有爲建閘之說者，謬矣。若徐、呂二洪之險，自昔記之，乃今則有異焉。全河東注，深且二三丈，水平石隱，舟行不爲害。以故兩洪主事先後裁省去，而統督於河北一郎中。然是洪東連齊、魯，北界魏、趙，

南通江、淮、西接梁、楚、固敵國必爭之地。師行必據之險也。況漕渠會通於此。則係國用者尤鉅。又不當以水平石隱而易之矣。然民唯邦本。今所治在運河。而徐、淮萬姓之墊溺。中州千里之汙萊。將聽之耶。曰：運道原不煩治。能疏導河流。使民得宅土處業。則運道自安流也。是故治黃河卽所以保運河。保運河卽所以治黃河。而或惡黃河之害也。拂而障之。是白圭以鄰爲壑。而今日以吾中原爲壑。當事者可無戒哉。議晴耳

河渠書曰：大禹導九河。灑九澤。功施於三代。厥後滎陽下引河東南爲鴻溝。以通宋、衛諸國。與淮、泗會於楚。則河之合流於淮。所從來矣。漢興。漕渠議數舉廢。河徙則渠不利也。及瓠子決。汎洲郡。築宣房其上。乃復禹舊跡焉。宋、元徙溢不常。明金純導河。經二洪。南入淮。漕事乃定。隆慶間。高家堰決。淮水東注入高寶諸湖。河躡淮後。濁流西汭。清口遂淤。而崔鎮等處河亦潰。淮分則河不利也。潘季馴大築歸仁隄。崔家壩。約淮水入清口。乃關。則淮之能亂河。亦能治河。所從來矣。語曰：鏡已事者智。不屈。何必神禹之後更有神禹乎。高郵於漕渠僅處百里。乃漕渠者。高郵之大利大害也。高郵者。又漕渠之大利大害也。黃河在山陽以北。由雲梯關入海。不在州境之內。自前朝末年。治河非人。天妃閘口。時有黃水過界首。高郵漕河遂淤。阻礙運艘。又或上流蔡家樓三叉及歸仁堤等處。黃河決入洪澤湖。衝入周橋。翟壩。入高郵湖。漕堤必潰。其害極大。必使淮、黃合流。淮在南。河在北。淮可敵河。河水不得南侵。天妃閘內

止有清水灌入。運河周橋翟壩總無渾水下注。始利於漕。

高郵州志。

河之循太行而北入海也。非自禹疏鑿始也。岐伯靈樞經以水配諸經絡。而河位在丑。屬足太陰脾經。則大陸逆河。從古定勢。特汨陳於鯀。而禹始釐正耳。漢武瓠子之塞。竹槌石菑。功費鉅萬。光武時復決。廷議謂河不當塞。游波往來。將復九河故道。後河果析爲八以北。而千餘年陽侯不驚。塞與不塞。其效昭昭矣。特漢時河徙。不過破民廬舍。而今爲輸輓要津。百萬仰哺。泗陵東北。淮、河合襟。溢則嚙陵。涸則妨運。顧此失彼。掣肘可知。故治何者當熟察利害。知其勢相因。而又知其本末不相涉。使陵自爲陵。運自爲運。則河不言治而治矣。夫運河上資洸、汶。下資淮、泗。不藉河力。自河水決入。而長慮者有狼兵除寇之喻。泗陵淹迫。亦淮之溢而非河咎也。夫地有高卑。水有源委。高寶汎光。淮之委也。往者潘公議築高堰。固借清淮以滌濁河之沙。而減水諸壩通流如故。泗陵無虞。比來層堤累建。勺水不通。源委隔絕。遂成橫流。倘追倣初制。稍裁隄防。限以斗門。使洪流不至下決。而清流歸其故則。雖有百河。不能侵泗陵矣。夫蠱之難療也。與雜病俱也。良醫洞識標本。先已其旁疾。而後專理元氣。庸醫一劑之內。攻補雜施。且左右驚而不支也。

袁嚴續備考。

歷代建都於西北者。皆仰給東南之漕。都長安者。阻塞陝之險。漕運極難。所資者江、淮、河、渭。都洛陽、汴梁者。兼資汴、洛、汝、蔡而已。惟我朝建都幽燕。東至於海。西暨於河。南盡於江。北至大漠。水涓滴皆爲我

國家用其用最大其功最鉅者其運河由江而入邗溝由邗溝達淮而渡上清口經徐呂二洪沂沭泗水至濟寧濟寧居運道之中所謂天井牐者卽元史所謂會元牐也泗沂沭汶諸水畢會於此而分流於南北北至安民山入於新河地降九十尺爲牐十有七而達於漳御南至沽頭地降百十有六尺爲牐二十有一而達於河淮此蓋居兩京之間南北分中之處自是而南至於河淮順流也河淮東流至清口而入於海亂流而渡由邗溝渡江而達於南京自是而北至於漳御順流也御河北流至直沽而入於海沂流而上由白河抵潞而達於北京迤南接濟之水有自武陟來之沁有自琅邪來之沂迤北接濟之水有自金龍口之河有分漳沱河之水通論諸牐天井居其中臨清總其會居中者如人身之有腰脊總會者如人身之有咽喉腰脊損則四肢莫運咽喉閉則五臟不通國家都北而仰給於南恃此運河以爲命脈濟寧居腹裏之地州縣備比居民鱗次而又多有旁出之途惟臨清乃會通河之樞處諸牐於此乎盡衆流於此乎會且居高臨下水勢泄易而濶速是凡三千七百里之漕路此其要害也車控青齊北臨燕趙且去邊關不遠疾馳之騎不決旬可到爲國家深長之思者寧有而棄毋無而侮屯兵以爲防守是亦思患豫防之一事也黃河發源於星宿海繞崑崙歷積石越西域踰關陝山西河南經豐碭出徐州始爲運道會泗沂之水蟠蜿而至清河縣之清口又名南河口會淮而東經安東縣以入於海此黃河之大較也以運河言之由浙江至張家灣凡三千七百餘里自浙至蘇則資茗

雪諸溪之水。常州則資宜、溧諸山之水。至丹陽而山水絕。則資京口所入江潮之水。水之盈涸。視潮之大小。故裏河每患淺澀云。自瓜、儀至淮安。則南資天長諸山所潴高、寶諸湖之水。西資清口所入淮、黃二河之水。俱由瓜、儀出江。故裏河之深淺。亦視兩河之盈縮焉。由清口至鎮江閘。則資黃河與山東汶、泗之水。由鎮江閘以至臨清。則資汶、泗之水。卽泰安、萊蕪、徂徠諸泉也。然汶河由南旺南北分流並濟。故天旱泉微。每苦不足。由臨清至天津。則資汶河與漳、衛之水。由直沽入海。而自天津至張家灣。則資潞河、白河、桑乾諸水矣。此運河之大略也。若江西、湖廣運艘。俱由長江入儀真閘。止有風波之險。而無淺澀之虞。此又在運道之外矣。濟康論

刑科彭之鳳。河工關係最重。疏曰。今河決黃家嘴而北。淮由翟家壩高良澗周家橋而南。淮、黃相背分馳。以致清口淤淺。天妃閘底淤墊。臣近見河臣河淮分流不交一疏。內云。清口河淤。淮水不與黃合。先行挑掘。乃淮水隨挑隨縮。直入湖裏。致回空糧船阻集。目今急務。當思淮之所以退而入湖者。受病根源的在何處。且天妃閘爲運道咽喉。不容不力爲疏通之計。乃不講求實著。而惟於天妃閘外另開新河。引水接濟。又以進口維艱。乃於清河縣南腰鋪地方。其支河之連張福口者。疏濬通舟。由周家閘行。是猶人受病在喉。而始穿咽於脇可乎。況河防考開載云。張福口若決。洩入黃河。則淮水分而清口淤。且黃水漲。亦能倒灌入淮。故於王簡口、張福口等地。築堤扞截。務使淮無所出。黃無所入。則清口之力

專等語。今謂張福口支河相連。可以疏濬通舟。如止目前權宜則可。倘卽以此爲運道。萬一淮、黃並漲。淮水奔注長湖。黃水又復倒灌。尾淮水而入。以滔天之水。四溢於高、寶諸湖。其爲淮、揚隱憂。又非僅如前此之沖決焉。沙河淹傷數百千人命而已。臣反復思維。與其苟安目前。別開支河。爲引水之計。不如速固決口。堅築隄防。會合衆水。以爲刷壅洗淤之爲便也。國朝康熙七年。部覆總河楊茂勳黃河底墊疏言。天妃閘外黃河淮河會流。宜築礮嘴長壩。逼黃而引淮水等語。應如該督所題。繼因大臣會閱漕河。覆疏云。臣等看得清口。爲淮、黃交會處所。漕船行走要路。黃水漲發。勢必越過淮河。淮水返退湖內。黃沙遁入運河。以致塞滯。查得總河楊茂勳題清口添築攔黃礮嘴長壩。但所費錢糧甚多。此處暫停興工。將黃河北岸對直河灣。有挑挖引河之處。可以分引黃河之水。黃勢力減。淮水足以相抵。則沙逐水流。運道似無滯誤。若黃水不由引河而行。總河再具疏題。請仍築礮嘴長壩可也。刑科彭之鳳前疏又曰。十年七月。總河王光裕兩河情形一疏。內稱修救之要在於分黃。及議復崔鎮等三壩。移季太一壩。分黃入海等語。臣惟從來治河者。每云宜合而不宜分。蓋水分則流緩。流緩則沙停。沙停則河塞。必然之理。必嚴築堤岸。使水不旁溢。則勢合而力全。方能直刷河底。此力主分黃之說。猶有未盡也。若復崔鎮等三壩。及移季太壩於黃家嘴舊河地面。而分殺黃勢。先令淮水出口有路。是亦導淮濟運之一法。但前人設此四壩。支河於北岸者。蓋因黃水悍激。堵禦清口。淮水無由入河。故於清口數十里

之上。先殺河勢。使淮流得并力以入河。然黃水雖由遙堤適中之地分流而北。而究之仍令由東而南。仍入黃河。與淮會合。并力齊驅。由海口之雲梯關而後入海。是清口以上之黃流雖分。而清口以下之黃流則仍合也。今據河臣疏云。離堤約一百二十里。即令入海。是各堤所分之水。竟令入海。不復迴顧黃流。將見黃河自崔鎮以下。其流愈緩。淤沙愈停。則黃河愈爲淤塞矣。清口淮流。又何由入河以濟運乎。臣謂必須相度形勢。將四壩所洩之水。仍令由東南以入黃河。使之會合。淮黃同爲逆河入海之勢。此分之終所以合之。而力主分黃之說。猶有未盡也。揚州府志

戰國時。東吳夫差北伐齊。開淮河以運糧給軍。而無漕名。秦始皇用兵於邊。使天下飛芻輓粟。轉輸河北。漢蕭何輓漕滎陽。以援高祖軍。後運山東以給中。都。唐朝水陸互運。開元時。罷陝陸運。置倉河口。漕舟至河口。輸於倉而去。縣官僱船。分入河洛。代宗時。劉晏置倉。轉相授受。隨江汴河。渭所宜。江船不入汴。汴船不入河。河船不入渭。歲轉百萬。無升斗之溺。宋有汴河。黃河。惠民河。廣濟河四運。黃河後淺。仁宗罷之。變其法而漕壞。元初。運浙糧至淮。由黃河至中灤。陸運入御河。達於京。後開濟泗。至利津入海。朱清。張瑄始主海運。迨安山開河。北至臨清。引汶絕濟。直屬御河。建開三十有一。名曰會通河。歲運不及海運矣。明成祖建都北平。初水陸河海並濟。濟寧同知潘叔正疏開會通舊河。增築水閘。以時啓閉。平江伯陳瑄請疏清江浦。以避淮險。鑿徐之呂梁石。以平水怒。於昭陽。南旺。高寶諸湖。築長堤以蓄水。

開秦州白塔河以通大江。鑿高郵渠四十里，以便舟楫。自淮抵臨清，增閘四十有餘，以便蓄洩。此漕務河道始末也。浙西、兩江、湖廣之運船，掛長帆而涉長江，風波之險難避。一也。淮之平河橋，從前水勢滔天，糧船到此多溺覆。正德間始作石堰，至今過淮無虞。二也。過淮必從清江龍汪，天妃二閘入河。閘門一開，淮、黃二水爭入，閘門外高內下，勢如建瓴。運船直豎而上，且船重水洶，傾覆可虞。此時運糧官丁不寒而栗，又恐船不堅固，難敵出閘水勢，用竹棕二纜束縛船身，新船縛一道，舊船縛二道。一船用千夫力，以蝦鬚纜繚之，均人力也。又設絞關於兩岸，助夫力之不及。水緩一日，夜出船二三十隻，水急一日，夜出船七八隻，出閘之險又險於風波。出閘而入黃河，若河水瀰漫，一望無際，灘亦成河，船易閣岸。僱小船盤剝三也。河水若發，澎湃如山，篙槳難施，挽牽無路。皇清總河靳公輔高築堤岡，蜿蜒千里，牽夫不致望洋。出閘河而至御河，流沙或東或西，運船遇之淺阻，僱船起剝，費倍於黃河。四也。此漕船險阻始末也。淮安府志

康熙二十二年，聖祖仁皇帝南巡過高郵，生員葛天祚、孫晉獻海口圖，蒙召問對。云：高郵地形窪下，水從滾閘流入，下河因無去路，一望汪洋。東有海口，原係洩水要道。若開海口，洩水甚速，民田得復耕芸。又云：往年淮水力弱，淮不能敵黃，黃水從天妃口灌入漕河，黃水俱是沙泥，從下河流至海口，海口閘門甚小，水緩沙停，日久淤塞，並閘口外之海河亦皆淤塞。今開海口，與滾閘相對，然開海口

必開引河。若引河不開。水則散漫。開引河務。照漕河制度。將所挑之泥。做成隄岸。兼造閘座。水大則束水歸海。水小則啓閘灌漑民田。康熙二十八年。聖祖仁皇帝南巡過高郵。召問生員葛天祚。孫晉。海口形勢。對云。高郵南有馬飲塘。歷二溝三埭。至興化入場。北有子嬰溝。歷臨澤時堡入場。此二河者。滾壩下之引河也。其入場水道。一名車輅河。達丁溪閘口。一名白途河。達小海草堰閘口。一名海溝河。達白駒閘口。一名舊官河。由北宋莊達天妃石礮閘口。至於山陽。寶應之涇河。黃浦二閘。從射陽湖下廟灣海口。其挑濬之法。務從海口自下而上。由天妃石礮至北宋莊爲第一工。白駒草堰。丁溪諸河爲第二工。車輅白途等河。接高郵南滾壩之水。臨澤時堡接高郵北滾壩之水。射陽湖接山陽寶應衆閘之水。爲第三工。若夫馬橋七節橋引湖水下江。又在各工告竣之後。高郵州新志

總河張鵬翮題爲謹陳節宣之法。仰祈聖裁事。案查康熙四十年二月二十九日。准工部咨開。九卿會議河道總督張鵬翮疏稱。張福口裴家場中間。開引河一道。會張福裴場等引河之水。並力敵黃。但黃水會合。衆流勢大而力強。淮水方出清口。一半敵黃。一半濟運。終虞力分而勢弱。故蓄高堰之水以助其勢。幸而黃水不大發。亦足以敵之。若遇黃水大發。在糧船過完後。仍遵旨堵閉攔黃壩。使不得倒灌。在糧船正行之際。遇黃水大發。將裴家場引河口門暫閉。引清水由三汊河至文華寺。入運河以濟運。倘運河水大山陽一帶。由涇潤二河洩水入射陽湖下海。寶應一帶。由子嬰溝洩水入射陽湖下海。高

郵一帶由城南柏家墩二大壩洩水。江都一帶由人字河、鳳凰橋等河洩水入江。若遇黃淮並漲，清水由翟家壩天然滾壩洩出。黃水由王家營減水壩洩入鹽河，至平旺河下海。應如該督所題等因。奉旨依議速行。欽此。欽遵。鈔出到部。移咨到臣。准此。該臣看得黃水漲發，由王家營減水壩入鹽河，至平旺河下海。經臣具題。九卿會覆。應如所題等因。奉旨依議速行。欽遵在案。今時家馬頭堵閉之後，漫水已涸。臣率河官親往丈勘。鹽河淤塞一千九百一十丈。堤工衝去四千一百八十一丈。則前河臣時刷寬一千二百餘丈。因水大未得確實故也。又查兩岸殘缺，堤工長一萬九百一十九丈九尺。俱係緊要工程。復委員估計挑河築堤。約需銀六萬四千七百五十八兩零。檢查舊案。此河原係商人運鹽之河。康熙二十六年正月內，前河臣靳輔令商人捐銀八萬餘兩挑濬。曾經題准在案。相應仍照往例，令商人捐助銀六萬四千七百五十八兩零，以爲挑河築堤之需。且兩淮商人蒙皇上南巡時沛浩蕩之恩，蠲免加增課銀，禁止鹽院派取贏餘，督撫等衙門陋規，不下數十萬萬。商力已裕，況捐鹽商之資，以挑運鹽之河，當亦衆商所樂從者也。但桃汛已過，伏秋繼至，減水壩開放，爲期已迫，恐衆商捐解緩不濟急。先照數動加捐及節省銀兩，委海州知州張建烈、安東縣知縣彭銘等，作速乘時挑河築堤，用過銀兩，行令兩淮運使照數於各商名下催解補項。此河一通，不特有利於商，又能宣洩黃河減下之水，兼利河道。且上游一帶田畝受益不小。所謂一舉而三善備焉者矣。除估冊另行咨送工部外，臣謹具題伏

乞皇上睿鑒。敕部議覆施行等因。康熙四十年三月二十六日題。四月十二日奉旨。該部議奏。部議覆。
奉旨依議速行。河防志。

行水金鑑卷第一百六十

兩河總說

余闕曰南方之地本高於北河之南徙難而北徙易自宋南渡至今殆二百年而河旋北議者慮河之北則會通之漕廢當築隄起曹南訖嘉祥東西三百里以障遏之不使之北予則以爲河北而會通之漕不廢何也漕以汶而不以河也渭按此言正與挽河之議相左蓋河在梁衛之郊北流爲順其曰南徙難而北徙易是也謂河北而會通之漕不廢則大非明中葉河屢貫會通挾其水以入海而運道淤河不可北也嚮使河北而無害於漕則聽其直衝張秋東北入海數百年可以無患奚必歲歲勞費防其北決邪邵國賢治河論以爲禹治水至於地平天成六府三事允治其功盛矣以今觀之其所空之地甚廣所處之勢甚易所求之效甚小今治水者其去禹也遠而所空之地乃狹於禹所處之勢乃難於禹所求之功乃大於禹禹導河自大伾以下分播合同隨其所之而疏之不與爭利故水得其性而無衝決之患今夫一杯之水舉而注之地必得方尺乃能容之其勢然也河自大伾以上水之在杯者也大伾以下水之在地者也以在地之水而欲拘束周旋如在杯之水大禹不能而況他人乎今河南山東郡縣墓布星列宮亭民舍相比而居凡禹之所空以興水者今皆爲吾有蓋吾無容水之地而

非水據吾之地也。固宜其有衝決之患也。故曰：所空之地狹於禹。禹之治水，隨地施功，無所拘礙。今北有臨清，中有濟寧，南有徐州，皆轉漕要路，而大梁在西南。又宗藩所在，左顧右盼，動則掣肘。使水有知，尚不能使之必隨吾意。況水無情物也，其能委蛇曲折以濟吾事哉？故曰：所處之勢難於禹。況禹之治水，去其熱溺之害而已。此外無求焉。今則賴之以漕，不及汴矣。又恐壞臨清也，不及臨清矣。又恐壞濟寧也，不及濟寧矣。又恐壞徐州也，使皆無壞也。又恐漕渠不足於運也。了是數者，而後謂之治。故曰：所求之功大於禹。由其言觀之，則河水南趨之勢已極，而一代之臣，不過補苴罅漏，以塞目前之責。安望其爲斯民計百世長利哉？

袁黃曰：昔陳平江瑄、宋司空禮之治會通河也，驅汶水逆流至南旺。北至安民山，地降九十尺，因析六分之水，北達臨清。爲閘十有七南至沾頭，地降百十有六尺，因析四分之水，南接徐沛。爲閘二十有一貯六分之水者，其閘長，貯四分之水者，其閘短。後人以意增損，而水之分數紊矣。案而常淤，固其宜也。顧不此之察，乃更閘而東焉。當時故閘由茶山而南，地甚峻，勢如建瓴，故人河無礙。後更夏鎮以南，地平而水緩，黃強清弱，每會必淤。此河渠之一壞也。徐州、呂梁二洪，其流甚駛，其石如牙，永樂間，運道初開，人惡其傷舟，欲稍平之。宋司空不可，蓋欲藉山之險，激水之流，使泥沙先下，而河流不壅。後人相繼磨其崖石，而呂梁無洪矣。無洪則水平，而河身漸高。此河渠之再壞也。至淮河入海之處，平曠無山，而海沙逆上，尤易壅塞。陳平江就山陽之滿浦坊，在淮安府城西北五里累石爲山，蜿蜒千尺，卽古鉅

牙遺制。宋史見。

水得翻騰踴躍以入海。俗謂之礮觜。取相激而名。今皆沒於土中。此河渠之三壞也。

之制。下布七星椿。椿上鑿以石。石有筍。筍相入。鑿有錠。錠三層。灌以糯汁。砌以石灰。長千尺。袁氏以爲陳平江所創。或云天順間。遣都水郎中督工於滿浦坊。作石鋸牙。未知孰是。礮觜爲治河要策。萬歷初。漫入水中。微露形跡。今清江浦尙有之。其濁流不入運。

河渠考云。隆慶四年。淮決於高堰。河亦決於崔鎮。漕臣王宗沐修塞之。

宗沐決河記云。是年。淮決高堰。河蹶淮後。徑趨大閘口。破寶應黃浦口。入射陽湖。清口塗淤。海口幾爲平陸。萬歷三年。高堰復決。於是山。鹽。高。寶。興。泰諸處。悉

爲巨浸。黃水蹶淮之後。濁流西溢。浸及鳳。泗。清口填淤。海口亦復阻塞。而漕。黃交病矣。河臣潘季馴以

爲高堰者。淮。揚之門戶。而黃。淮之關鍵也。欲導河以入海。勢必藉淮以刷沙。淮水南決。則濁流停滯。清

口亦壅。河必決溢上流。水行平地。而邳。徐。鳳。泗不免皆爲巨浸。是淮病而黃病。黃病而漕亦病。相因之

勢也。於是築高堰長八十里。起自武家墩。在高堰北。經大小閘。大閘在高堰南十三里。又南五里。卽小閘也。十餘里。

歷阜陵湖。在堰西南二十餘里。周家橋。北去堰四十餘里。在周家橋南二十餘里。爲山陽盱眙接壤處。築石隄以護之。長數

百丈。壩決。則高郵南。北衝溢無時矣。以捍淮之東侵。又以淮水北岸有王簡。張福二口。淮水每從此洩入黃河。致淮水力分

而清口淤淺。且黃水泛漲。亦往往由此倒灌入淮。於是并築隄捍之。隄在清口西三里。後議者又以東淮太迫。於張福隄窪處。黃龍。王簡二口置減

水二閘。淮溢則繼之外出。黃溢則過其內侵。王簡口亦曰王家口。使淮無所出。黃無所入。全淮畢趨清口。會黃以入海。而河與漕俱治。蓋

高堰之築。始於漢末之陳登。修治於明初之陳瑄。而復於季馴云。隆慶四年。王宗沐修築高堰。卑薄無所加。隨即圯壞。至是經理始盡制焉。

十一年。淮復決於高良澗。在淮安府西南七十里。志云。九十里。凡二十二口。旋築塞之。明年黃水大漲。清口沙墊。阻遏淮

水不能東下。於是挾上源阜陵諸湖。與山溪之水。暴侵泗州陵州城渚沒。科臣張全程請導淮分注江海。以救祖陵。二十三年。淮復決高堰。高良澗諸處。尋築塞之。明年。河臣楊一魁以黃淮衝溢。乃議分黃導淮。關清口沙七里。達淮之經流。建武家墩溼河閘。溼河在寶應縣北三十里。以洩淮之旁溢。又建高良澗減水石閘。子嬰溝。在寶應縣南六十里。周家橋減水石閘。一自岔河下溼河。一自草子湖。在寶應縣西五十里。寶應湖下子嬰溝。俱通廣洋湖。在寶應縣東四十里。及射陽湖入海。猶慮淮水宣洩不及。南注各湖爲患。又開高郵西南之茆塘港。在州西南六十里。通邵伯湖。開金家灣下芒稻河。在揚州府東三十里。入江。以殺淮漲。一盤所舉行。大抵本全程之說。自是淮患漸平。雖時有決溢。而培固高堰。增置壩閘之外。無所爲治。淮長策矣。季馴兩河議曰。高堰去寶應高丈八尺有奇。去高郵高二丈一尺有奇。高寶隄去興化泰州田高丈許。或八九尺。其去堰不啻卑三丈有奇矣。昔人築堰。使淮不南下而北趨者。亦因勢而導之。不然。淮一南下。因三丈餘之地勢。灌千里之平原。安得有淮南數郡。儼然一都會邪。萬曆二十一年。淮漫高堰隄上且數尺。周家橋口原自通行。又加決焉。決高良澗至七十餘丈。南奔之勢若倒海。高寶邵伯諸湖隄。一日崩者百十餘處。于時泗城亦復灌溢。而所減之水不過尺許。則以淮南之地。自高寶而東則下。由邵伯而南則又昂。自興鹽以東濱海諸鹽場。比內地亦復昂也。泗州之地。比高堰爲下。與高寶諸州縣。皆若釜底然。安能免淮之浸哉。今高堰一帶。修守不嚴。奸商鹽販之徒。無日不爲盜決計。泗州之人。未究利害之源。但見高堰增築。勢必遏淮以入泗。

惟恐堰之不速潰也。且淮之旁流日多，則正流日弱。於是刷沙無力，而黃水益橫。清口就淤，勢不得不倒灌淮南。決隄堰而敗城郭，委運道於茫無畔岸中矣。善乎先哲之言曰：禦黃如禦敵。淮日退，則黃日進。論者以導淮爲秘計，而不察其爲弱淮之先徵也。淮之患曷有窮已耶？元末，河復北徙，自東明、曹、濮下及濟寧，而運道壞。明洪武初，命徐達自曹州東引河至魚臺入泗以通運。永樂九年，又命宋禮自曹、濮疏河，經濮州東北入會通河。是北流猶未絕也。迨遷都之後，仰給於會通者重，始畏河之北，北卽塞之。弘治中，兩決金龍口，直衝張秋。議者爲漕計，遂築斷黃陵岡支渠，而北流於是永絕。始以清口一綫，受萬里長河之水。焦弱侯云：明興，河之自汴出者，猶有六。其二入淮，其四合漕以入於淮。出蔡澤者至壽入淮入漕。出沛之南者，從飛雲橋入漕。出徐沛之中，境山之北者，從溜溝入漕。是猶有禹分之遺意也。其後或塞或微，而以一徐受全河之灌矣。陽武以下，河之所經，繕完故隄，增卑倍薄，但期不害於漕，而漢之下策，轉爲明之上策矣。至於黃淮既合，則惟以堰閘爲務。堰，高家堰。閘，淮南諸湖開口。因時修固，則淮不南分，助河刷黃，使海口無壅，故潘尙書論治河之要曰：河性宜合不宜分，宜急不宜緩。合則流急，急則蕩滌，而河深，分則流緩，緩則停滯而沙淤。此以隄束水，借水攻沙，爲以水治水之良法也。又曰：通漕於河，則治河卽以治漕；會河於淮，則治淮卽以治河。合河、淮而同入於海，則治河、淮卽以治海。自漢以來，治河者莫不以分水爲長策。唯張戎之論不然。潘公深得其意。觀其所言，若無赫赫之功，然百餘年來，治河之善卒未有如潘公者。蓋會通必不可廢，則河唯宜注淮以入海。雖有賈魯之才智，亦無所施。故邵文莊有治之以不治

乃所以深治之之說。語曰。守病不治。常得中醫。此之謂也。禹貢鑑指。

自周定王時河徙。歷漢唐至宋熙寧十年。而始與淮合。河曷爲徙也。中高者外溢。流緩者沙停。水性下也。地勢北高而南下也。上流急。下流淤。不決不得也。決不南不得也。合于淮奈何。曰。昔之淮敵河。今之淮從河。敵河而淮強。從河而淮弱。淮強而流迅。淮弱而沙壅。必致之勢也。武陟之決口塞矣乎。河底之高皆是也。淤不滌。流不暢。將別有潰決之處可憂也。於是有斷黃右臂之法。有助淮刷黃之法。沁水之入黃也。黃益熾。非古也。沁水古入衛者也。隋大業七年。始引入黃。征高麗。恐河不能濟運。引沁水以大其勢。故也。河之南徙也。沁仍入衛矣。天順間。沁再入河。無制之者也。今莫若仍引沁水入衛。以殺黃勢。或疑衛不能容。今日而不能容。大業。天順。獨能容耶。夫誠能分沁水。使不入黃。則黃之右臂斷矣。唯水受商邱。寧陵。永城。夏邑。豐。碭。虹。壘。壁。無源之水。從宿遷白洋河小河口入黃。前人防其入淮。築歸仁隄以捍之。順治時。河決入小河口。而白洋河入黃之道遂淤。靳文襄開便民閘。導之入淮。淮不能容而旁洩六壩。遂爲高寶。興。秦。七邑之災。張文端建安仁。利仁諸閘。束水入黃。去白洋河小河口僅數里。地勢高仰。不能入河。今莫若相形勢。開引河。使永遠入黃。水小則助淮出清口。以刷黃。水大則清口以上。淮不能刷沙。唯爲之刷。是謂助淮刷黃之法。右臂斷。安豫也。黃沙刷。又淮也。曷爲必於斯二者。復故道不能行。築隄坊不可恃。鮑裝英治河說。

河源出土番有泉百餘泓望之如列星是爲星宿海我聖祖仁皇帝上諭有云朕於地理從幼留心凡古今山川名號必詳考圖籍詢問方言務得其正如河源之星宿海元史謂之火敦腦兒今番名鄂敦他拉蒙古名禾羅木譯語皆星宿海之字耳至哉王言廣見博聞信而有徵矣東流三百里羣川流合浸大遂名黃河又東六七百里至崑崙山綿亘五萬里河隨山足而東又東北流千餘里有細黃河自西南來注之又東北四五百里至西寧衛之西南又四百餘里至積石山卽禹貢導河之處矣由積石山入塞經陝西臨洮府河州北西寧衛南又東經蘭州北又東經寧夏衛南又東北出塞外經三受降城之南河套之北又經榆林衛北至山西廢東勝州復折而南入塞內南經延安府府谷縣東神木縣南而入葭州界又經州城東河之東岸爲山西河曲縣及保德州興縣之境又東經吳堡縣東及綏德州東河之東岸爲山西臨縣及永寧州寧鄉縣之境又南經清澗縣東及延川延長二縣之東河之東岸爲山西石樓及永和大寧三縣之西境又經宜川縣東河之東岸爲山西吉州及鄉寧縣之西境又南經陝西西安府韓城縣東龍門在焉自龍門南流與汾水合又南經陝西郃陽縣東河之東岸爲山西滎河縣臨晉縣又南經陝西朝邑縣東又南至華陰縣東北與渭水合河之東岸爲山西蒲州又南經雷首山西至潼關衛北折而東是爲河曲經河南陝州之閿鄉縣北又東經靈寶縣北河之北岸爲山西芮城縣又東經陝州北河之北岸爲山西平陸縣又東過底柱又東經河南澠池縣北河之北

岸爲山西絳州之垣曲縣。又東經河南新安縣北。又東經洛陽縣北。又東經孟津縣北。河之北岸爲濟源縣孟縣。卽孟津也。又東經鞏縣北。洛水入焉。河之北岸爲溫縣。濟水入焉。又東經汜水縣北。又東經滎陽縣北。河之北岸爲武陟縣。沁水入焉。又東經河陰縣北。又東經滎澤縣北。河之北岸爲獲嘉縣。又東經原武縣南。又東經陽武縣南。又東經延津縣南。又東經祥符縣北。河之北岸爲封丘縣。又東經陳留縣北。又東經蘭陽縣北。又東經儀封縣北。又東南經睢州北。又東南經考城縣北。又東南經商丘縣北。河之北岸爲山東曹縣。又東經河南虞城縣北。又東經夏邑縣北。河之北岸爲山東單縣。又東經江南徐州之碭山縣北。又東經豐縣南。沛縣南。河之南岸則爲蕭縣。又東經徐州北。與泗水合。又東南經鳳陽府靈璧縣北。又東南經淮安府睢寧縣北。河之北岸則爲淮安府之邳州。又東經宿遷縣南。又東經桃潭縣北。又東經清河縣南。與淮水合。是爲淮黃交匯處。清口在其上。又東經山陽縣北。清江浦。總河行署在焉。又東經安東縣南。而東北入於海。自清口至此。皆古淮水。爲黃河所奪。海自鹽城東北。經山陽縣東。折而西北。爲黃淮入海之口。浙江杭嘉湖三府。江南蘇松常鎮四府。皆有運河。本一水相通。渡大江入瓜洲。江西湖廣及江寧諸府。則自大江入儀真。是爲瓜儀運河。瓜洲至揚州府江都縣三汊河以南。計程二十七里。儀真縣至三汊河以西。計程七十二里。屬江防同知管轄。瓜洲有二閘。曰廣惠。曰通惠。儀真有四閘。曰審水。曰通濟。曰羅泗。曰攔潮。蓋因江湖吞吐。消長靡常。故置閘以啓閉行漕。

者也。自三岔河起。至淮安府山陽縣交界黃浦止。歷江都、高郵、寶應三州縣。計程二百六十里。其汛五。曰江都汛。曰高郵汛。曰永安汛。曰汜水汛。曰寶應汛。屬揚河通判管轄。其三州縣沿堤所設閘壩涵洞。多不勝書。皆所以宣洩運河之水者也。自山陽縣黃浦起。北至甘羅城迤西。山清外河交界清口止。計程九十六里有奇。自黃浦至季家淺。長八十一里有奇。係山陽縣境。自季家淺至甘羅城迤西。長十五里有奇。係清河縣境。其汛三。曰裏河下汛。曰裏河上汛。曰運口汛。有張福口引河一道。長一千二百三十五丈。張莊引河一道。長一千六百七十丈。又裴家場、爛泥淺、三岔等引河。俱挑浚深通。合衆引河之水。會出清口。併力敵黃水之沙。屬淮安裏河同知管轄。向者漕舟自清口出黃河。溯流而上。至支河口入運河。康熙二十六年。總河靳文襄公。以黃河風濤之險。請自駱馬澗鑿渠。歷宿遷、桃源二縣。至清河仲家莊出口。名曰中河。三十八年。總河于振甲公。因桃清中河南岸。逼近黃河。地勢卑下。瀦水瀾漫。難以築堤。乃自桃源盛家道口至清河。棄中河下段。改鑿六十里。名曰新中河。次年。總河張文端公。又以新中河淺狹。未足行運。且盛家道口河頭灣曲。漕舟輓運不順。乃於三義壩以下。用新中河之半。三義壩以上。用舊中河之半。合爲一河。重加挑浚。設兩中河通判管理。自清河縣西三里許。黃河口門起。至桃源縣交界三岔止。計程一十七里。安清中河通判所轄。自桃清交界三岔起。至宿遷境內張莊運口止。計程一百四十里有奇。宿桃中河通判所轄。宿遷運河。自張莊運口中河頭起。至邳州交界密灣口

止。計程四十七里。屬宿虹同知管轄。邳州運河。自宿遷縣交界窩灣口起。至山東嶧縣交界黃林莊止。計程一百二十里。屬邳睢同知管轄。有貓兒窩迤上滾水大壩。萬家莊石壩。馬莊集石壩。又上下竹絡壩三。窩灣竹絡壩一。俱洩運河出岸之水。由隅頭河入駱馬湖者也。泇河歷嶧。滕。沛三縣。計程一百九十六里。跨山東。江南二省間。嶧縣河道。南自邳州黃林莊起。北至滕縣界朱姬莊止。計長九十八里。有八閘。曰臺莊。曰候遷。曰頓莊。曰丁廟。曰萬年。曰張莊。曰德勝。曰韓莊。滕縣河道。南自嶧縣界朱姬莊起。北至江南沛縣界劉昌莊止。計長五十里。沛縣河道。南自滕縣劉昌莊起。北至魚臺縣界王家口止。計長四十八里。有三閘。曰夏鎮。曰楊莊。曰珠梅。屬兗州府泇河通判管理。南旺湖。南自沛縣界辛莊橋王家口起。歷魚臺縣。濟寧州。濟寧衛。鉅野縣。嘉祥縣。至汶上縣袁家口閘迤北。東平州交界止。計程二百七十五里。其魚臺縣河道。南自沛縣界王家口起。北至濟寧州四里灣交界止。計長八十五里。有三閘。曰邢莊。曰利建。曰南陽。濟寧州河道。南自魚臺縣四里灣交界起。北至五里營之東。濟寧衛交界止。計長七十五里。有十閘。曰棗林。曰魯橋。曰師家莊。曰仲家淺。曰新閘。曰新店。曰石佛。曰趙村。曰在城。曰天井。又有月河閘三。曰下新。曰中新。曰上新。濟寧衛河道。南自五里營迤東。濟寧州交界起。北至曹井橋迤北。鉅野縣交界止。計長一十七里。有奇。鉅野縣河道。南自濟寧衛曹井橋迤北交界起。北至嘉祥縣大長溝迤南交界止。計長二十五里。有通濟閘。嘉祥縣河道。南自鉅野縣小長溝迤北交界起。北至汶

上縣孫村交界止。計長一十六里。汶上縣河道。南自孫村。嘉祥縣北界起。北至靳家口。東平州南界止。計長五十六里有奇。有五閘。曰寺前鋪。曰南旺上。曰南旺下。曰開河。曰袁家口。屬兗州府運河同知管轄。按南旺湖在汶上縣西南。漕渠兩涯共一百八十里。中有二長堤。漕渠貫其中。畫而爲三。漕渠西者爲西湖。卽名南旺湖。一名汶河。漕渠東者爲東湖。在汶河堤南。名蜀山湖。在汶河堤北。名馬踏湖。南旺縈迴九十三里。明成化間。始爲石堤。嘉靖萬曆間。累築湖堤。復添築子堤。又於五里鋪建石壩一座。蓄洩濟運。原湖二千七百頃。向除子堤畫界處高亢地。及宋尙書白老人香火地二百八十頃外。其二千四百餘頃。爲水櫃。隨堤內開大渠。以湖身北高南下。復穿小渠二十餘道。縱橫聯絡。使湖水通流。備濟。萬曆十七年。張居敬奏請南旺等湖。於高下相承之地。築一束湖小堤。堤內爲水櫃。堤外爲湖田。聽民耕種。庶界限分明。內外有辨。小民難於侵占。官司易於稽查。詔從之。是南旺諸湖有淤高之地。自昔已然。其所以不令召種者。慮其有害於運也。今西湖積沙日久。高地雖多。而低窪之處。仍以蓄洩濟運。宜開浚深通。復其舊界。否則漸爲平陸。一遇旱暵。難以行漕矣。距汶上縣十三里。有何家壩。爲南旺湖之尾閘。此口稍卑。汶水就西而下。每決房口。而傷運河之堤。南旺之水遂涸。萬曆二十四年。築石壩。平時任其南逝。水漲洩而之西。良得策也。南旺分水。地形最高。所謂水脊也。潘宮保河防一覽曰。南旺地高。決諸南則南流。決諸北則北流。惟吾所用耳。當春夏糧運盛行之時。正汶水微弱之際。分流則不足。

合流則有餘。宜效輪番法。如運艘淺於南。則閉南旺北閘。令汶盡北流。當其南也。更發濱南諸湖水佐之。當其北也。更發濱北諸湖水佐之。泉湖兼注。南北合流。卽遇旱暵。無不克濟。此誠力不勞而功倍也。張秋河南自東平州靳家口上接汶上縣河道北界起。北至陽穀縣官窪口。接東昌府聊城縣河道南界止。計程一百五十五里。歷東平所。東平州。壽張縣。東阿縣。陽穀縣。屬兗州府通判管轄。東平所河道。南自東平州河道北界牌起。北至安山閘。接東平州河道南界止。計長十二里。在東平州河道之內。東平州河道。南自安山閘。接東平所河道起。北至戴家廟閘下三空橋。接壽張縣南界止。計長三十里。有二閘。曰安山閘。曰戴家廟閘。又北自安山閘起。南至靳家口汶上縣北界止。內除東平所河道一十二里。實管河道一十八里。有一閘。曰靳家口閘。接戴家廟距東平州六十里。一名周李村。長五里。汶水陶泰而來就鹽河。由博興。車瀆入海。永樂九年。尚書宋禮用老人白英計。分水南旺。築此壩橫遏汶水南流。會通河始濟運。誠全河之屏障也。壽張縣河道。南自東平州界戴家廟閘下三空橋。北至河灣鋪。接東阿縣南界止。計長二十里。內沙灣運河西岸有積水湖。每年伏秋。鄆濮等處倒坡之水。接流至此濟運。東阿縣河道。南自沙灣鋪。接壽張縣北界起。北至五里鋪。接陽穀縣南界止。計長十五里。其隄岸北自陽穀縣河道荆門閘上紅廟起。南至沙灣鋪止。安平鎮居其中。安平卽張秋。係陽穀、壽張、東阿三縣地。爲漕運之咽喉也。陽穀縣河道。南自五里鋪。接東

阿縣北界起。北至官窰口鋪。接東昌府聊城南界止。計長六十里。有六閘。曰荆門上。曰荆門下。曰阿城上。曰阿城下。曰七級上。曰七級下。縣有阿井。深七八尺。蓋濟水之所經也。上河南自兗州府陽穀縣界官窰口鋪起。北至直隸廣平府清河縣界臨清州鹽店止。計程一百七十七里。歷聊城縣。東昌衛。收并平山衛。堂邑縣。博平縣。德州衛。收并左衛。清平縣。臨清州。屬東昌府。上河通判管轄。聊城縣河道。南自陽穀縣界官窰口鋪起。至堂邑縣界西岸梭堤。博平縣界東岸呂家灣鋪止。計長六十三里。有四閘。曰周家店。曰李海務。曰通濟橋。曰永通。西岸有進水閘二座。如遇伏秋霖潦。坡水積聚。則開此引河入河。以利漕。東岸有出水閘四座。如遇河水漲發。則開此洩水。東流入海。堤岸不致衝決。本縣河道內。有東昌衛收并平山衛河道一段。僅三里。地名南龍灣。北自本營界碑起。南至鄧家樓界碑止。係在西岸一邊也。堂邑縣河道。南自聊城縣界梭堤起。北至清平縣界函谷洞止。計長二十五里。係西岸一邊。與博平縣對岸。其河道截分一十七里半。內建二閘。曰梁家鄉。曰土橋。西岸進水閘三座。伏秋霖潦。則開此引河入河。以利漕運矣。博平縣河道。南自聊城縣界呂家灣鋪起。北至清平縣界魏家灣迤南田家口止。計長三十五里。係東岸一邊。與堂邑縣對岸。其河道截分一十七里半。東岸減水閘五座。河水漲發。則開洩。東流入海矣。德州衛收并左衛南河河道。計長六里。在清平縣河道之內。清平縣河道。南自博平縣界魏家灣迤南田家口起。北至臨清州界二十里鋪止。內有戴家灣閘。臨清州河道。南自清平縣

界二十里鋪起。北至直隸清河縣界鹽店止。計長四十里。有磚閘、板閘各一座。西南衛河水來與汶河合流矣。下河、南自臨清州界鹽店北半壁店起。北至直隸河間府吳橋縣交界降民口鋪止。計程三百二十七里。歷清河縣、夏津縣、武城縣、故城縣、恩縣、德州、德州衛、德州左衛。屬東昌府下河通判管轄。清河縣河道。南自臨清州界鹽店北半壁店起。北至夏津縣界孫家口止。計長二十里。夏津縣河道。南自清河縣界孫家口起。北至武城縣界橫河口止。計長一十七里。武城縣河道。南自夏津縣界橫河口起。北至故城縣界冷家墳止。計長一百四十六里。故城縣河道。南自武城縣界冷家墳起。北至恩縣界孟家灣止。計長一十六里。恩縣河道。南自故城縣孟家灣起。北至德州界曹家口鋪止。計長一十二里。德州河道。南自恩縣界曹家口鋪起。北至德州衛界下八里塘止。計長一十五里。德州衛河道。南自德州界下八里起。北至直隸吳橋縣界降民口鋪止。計長八十九里。德州左衛河道。夾在德州衛河道內。計長一里有奇。河間府景州、吳橋、東光、南皮、交河五州縣河道。南自山東德州衛交界王一光墳起。北至天津衛交界白洋橋止。計程一百八十四里。屬河間府管河通判管轄。景州河道。南自山東德州衛交界石碑起。北至直隸吳橋縣交界清水灣石碣止。計長二十四里。吳橋縣河道。西岸、南自景州交界清水灣起。東岸、南自山東德州衛交界王一光墳起。至東光縣交界止。計長二十四里。東西南岸有六淺。南有四淺。錯落山東德州衛六十餘里河道之間。東光縣河道。南自吳橋縣交界起。西岸至交河縣交

界楊家圈止。東岸至南皮縣交界十二里口止。計長六十里。南皮縣河道。南自東光縣交界十二里口起。東岸至天津衛交界蕭家樓止。計長八十六里。交河縣河道。南自東光縣交界楊家圈起。西岸至天津衛交界白洋橋止。計長八十二里。天津運河。南自山東臨清州衛。汶合流。而北至天津。會潞河入海。故亦名衛河。北自順天府武清縣交界三岔河起。南至東岸河間府南皮縣交界西岸河間府交河縣交界白洋橋止。歷天津衛河間府之滄洲青縣。順天府之霸州靜海縣。計程三百四十五里。屬天津同知管轄。滄州河道有七淺。青縣河道主簿經管。河東有五淺。巡檢經管。河東有二淺。主簿經管。河西有三淺。巡檢經管。河西有三淺。霸州河道計長三里。錯落於靜海縣境內。靜海縣河道。南自趙家窪起。北至小園止。計長一百四十五里。天津河道錯落於靜海、青縣、滄州間。天津東岸有十淺。左衛東岸有八淺。右衛東岸有五淺。天津衛西岸係霸州靜海地方。天津左衛西岸有六淺。右衛西岸係交河縣地方。青縣界內有淖沱河。發源山西繁峙縣。東流經獻縣城南十一里。單家橋。至青縣岔河口入運河。有盤古溝在縣南十五里。深三丈。雖大旱不竭。東流入於衛濟運矣。直隸武清、香河二縣。通州一州。運河北自白河、富河。合流四十里至張家灣。而通惠、桑乾諸河入焉。南流至天津出海。所謂潞河也。亦稱白河。南自天津衛交界起。至通州石壩止。計程三百四十二里。屬揚村通判管轄。武清縣河道。南自天津衛交界望海寺起。至香河縣交界紅廟村止。長一百九十六里。香河縣河道。南自武清縣交界紅廟村起。

北至通州交界板簪口止。計長三十一里。通州河道。南自香河縣交界起。至本州石壩止。計長一十五里。其三州縣隄岸。有官修民修之不同焉。通惠河源則自昌平州白浮村神山泉。南會馬眼諸泉。繞出壩山後。匯爲七里灤。東入都城西水門。貫積水潭。又少東由月橋通流內府。環繞宮殿。南出玉河橋水門。由大通橋東下五十餘里。至通州入白河。其自通州以抵都城有十閘。曰通流。曰普濟。曰平津下。曰平津上。曰慶豐。曰澄清。曰高梁。曰白石。曰廣源。曰青龍。皆通惠河經行之所。河防一覽云。楊村以北。通惠之勢。有若建瓴。白河之流。淤沙易阻。夏秋水漲。則懼其潦。冬春水微。則病其澀。浮沙之地。旣難建閘。以備節宣。惟有濬築之功。殊爲喫緊。此言黃運兩河之梗概。錄成人見之曰。此湖州鏡也。兩河千萬里而遙。一目了然矣。吾湖製鏡。始於李唐薛氏。故曰薛鏡。若夫兩河相關之故。則有前人之成說。具在。蓋黃河自河南武陟以至江南之淮安。一有潰決。則運河自山東張秋以至揚州。在在危險。以故前朝潘宮保印川公之言曰。通漕於河。則治河卽以治漕。會河於淮。則治淮卽以治河。合河淮而同入於海。則治河淮卽以治海。近代河官多弘安之言曰。病淮而并以病運者。莫如河。而敵黃卽所以利運者。莫如淮。故治淮乃治河治運之先務。而治高堰尤治淮之首圖。又聞之前輩胡端明先生曰。河之出海。旁口日多。則正口日塞。淮之會河。支流益分。則經流益弱。皆潘宮保之所禁也。旨哉三說。得治河之三昧矣。我又何敢復贅一辭。

行水金鑑卷第一百六十一

兩河總說

康熙二十三年五月十九日。早出河署。起行過龍汪閘。西北行至惠濟祠過河。又西北行六七里。至清河縣東大王廟。西玉皇閣。險埽工二百餘丈。隔岸清口。相去五六里。此段河形。自西北而南也。從新縷隄西行二十里。卽清桃交界。此三十里。乃一大灣。沿河柳樹最盛。又八里至三岔。有月隄不甚險。又從西北行數里。有三義廟舊壩。從新隄西北行二三里。有大王廟舊決口。內尙有積水。六七里至黃家觔宿。

二十日。從黃家觔縷隄西北行。有支河小壩。二里許至七里溝舊決口。南壩尾新險工二里。西北行至雞觔壩。又西行十五里。卽上渡口挑水壩。過劉家莊外新險工。徐昇減水小壩。對岸卽桃源縣。又西北隄行二十里。下隄沿河走十里至崔鎮。又沿河西行數里至九里岡。險埽工有一百八九十丈。水東北頂衝下有挑水壩。從此西南行十五里至古城。有高土岡。有宿桃界碑。近河止百步有黑土堆。高丈餘。攪水是日宿古城。

二十一日。從古城隄上西行二三里。南行四五里。對岸卽白洋河。西北行五六里。北行七八里至溫州。

隄。隄有七十丈。內有舊遙隄。直至朱家堂。又西北行四五里至楊家莊南壩。壩外南有撐隄二道。北有撐隄一道。隄往西北。越出五六里。卽楊家莊壩工。外有舊北壩壩臺。攪水甚有力。從此一帶臨河縷隄。至朱家堂石壩北首止。又有減水木壩。繞隄外百餘丈。雖有是壩。水難洩也。又北行七里過蕭家渡舊決口。內有積水。又北三四里卽宿遷縣。西門沿隄。城內外窪處。有水臨隄。略北行有岡。繞岡北行五里許。卽攔馬河。減水壩六座。兩頭新添木工。中四座俱磚石工。中間矮橋。流水頗急。自落馬河至此。兩邊皆係土岡。不怕旁決。極善。但水減至縣東湖。今有淤塞之象。恐後來難洩也。宿遷縣宿。

二十二日。從宿遷縣城西下灘陂。沿河西行五里許。此處黃河寬有二百餘丈。東北卽落馬湖。又三里許大王廟。卽舊日運道也。落馬湖口。今已淤墊。若水漲卽連之。其湖有六七十里寬。八十里長。水從西南流入攔馬壩。歸東湖。合沂水等出海。共西行十六里至支河口。兩邊始有隄。內有舊遙隄。上卽張家莊也。從壩西北行。中間離河寬狹不等。二十五里至卓河石壩。南行二百餘丈。卓河口有兩岸直隄。從大灘坡西北行七八里復上隄。此隄從石壩起。東北行三四里。漸轉西南。數里卽邵宿界。內有朱家灣河形一大兜。將成險工。復西行。舊直河向北。近連河隄岸。轉西北卽青墩營。椿工三百丈。又西行五里許。隄外有三官堂椿工。外有灘坡。有積水。從此西北有五工頭董家堂二險工。共行三十餘里。至邵州宿。是日亭午蒸熱。隄草長蔓難行。從東隄看至羊岵山。一望煙光。紅日西沉。遠山村落。荒城漫水。俱堪

入畫。朱家灣即今朱家灣。已早見及此。

二十三日。從羊岵山直隄行。西南五里許。復西行至青羊山。其河勢從此山直東略南。衝南岸象山。繞而西北。頂衝堂池險工。從東南去。折回東北。卽董家堂險工也。由山坡西行。過劉家寨馬家山涵洞。皆南北直隄。過交龍山下。至鳳皇山陳家樓宿。枕上因想涵洞旁開一小河引水。定可救百頃之田。

二十四日。從陳家樓西北行。黃家山窩。過直隄。繞鯉魚山西至廟山下。約二十里。過鯉魚險工隄。西北行徐州界。復西行花山決口龐山下。又西北行至呂梁城小憩。內過廬家山趙家樓。樓有八九座。山村之最盛者。薄暮遊石屋山懸水村。登鳳冠山。山有孔子碑象。禹王廟。復穿城回寓。

二十五日。從呂梁豐山口迤西北。過一帶峯頭。及邢家莊尖頭山。約七八里。河形從呂梁往西南。繞至脚下。至張家橋。河身漸近。此一灣比前稍大。河甚闊。內有天生壩。隄九十丈。又西北行。望見出頭山。王家山。約八里至長樊大壩險埽工。內有遙隄。從出頭山起。西北接玖山。又從大壩西北行。過一帶長山。煙墩。土山寺。邢家莊。狼矢溝。獅子山。駱駝山。隄外華家樓。又北至子房山。上有留侯祠。石公殿。來鶴亭。臨池塢。下小民隄至館驛。渡河對徐州東門。北有小子隄接平山口。自子房山迤西北。隄共一千三四百丈。接陡山口。再東九里山。東南蘇山。大谷山。是日宿徐州東門。

二十六日。從徐州東門石隄。繞西北舊隄至九里溝。對過南門外有雲龍山。戶部山。此山來龍從湖廣

發脈山西南來。中有亞夫塚。卽繫馬臺。北岸對蘇家山。又西行十八里至霸王墓戶部山下。有季札挂劍臺。南門外有王陵母墓。三里至黃家山。再西行十五里至蕭縣界。又略西北十里。李曲集。十八里至北辰集宿。南去千山萬山不知幾許。隄外離河頗遠。灣曲不少。近河處有徐家樓、侯家樓、薛家灣、孔家店、賈家廟等處。卽三大灣之始也。

二十七日。隄上西北行三十里順河集。又三十里礪山界。又西行十里。南行二十里至毛城鋪宿。此處黃河離隄頗遠。灣子亦甚大。

二十八日。從毛城鋪從隄上帶西北行二十里朱家店。又四十里至河南虞城縣界。又數里小喬家集宿。河離隄甚遠。外有清水套甚長大。離交界二十里內有月隄三里許。

二十九日。西行隄上十餘里有舊決水套。舊隄坍塌。從新隄西南灣至西北約五里。又從縷隄行內有月隄二道。直隄四道。共三十里。下隄南行六七里劉家集。隄頗遠。卽從隄內西南行二十里至虞城縣西門宿。

六月初一日。從虞城縣西北行數里。上隄西行數里。南行二三里。又西北行數里。又西行數里劉家口。卽商丘交界處。一帶縷隄。月隄。新舊隄。錯落不等。柳陰蔽天。居民稠密。又帶西北隄二十里。兩邊柳樹頗盛。亦有月隄廢隄。又西行三里。南行五里宿潘家口。

初二日天氣熱甚。暫憩一日。商丘在府城西南三里。高百尺。周二百步。丘之精氣上應列星。世稱閼臺。柳河在縣南三十里。自汴河東流入於永城。經清河口達於淮。巴河在縣北二十里。今名菓河。流入徐達於淮。泗以濟漕運。睢河在縣北一里。漢帝輅軍入穀。泗及睢水之處。白河在縣南五里。源自歸德馬牧。分流於永城。達於小河口。澮河在縣南二十里。自亳州徑流入蒙城。達於淮。孟瀦澤在縣西北四十里。禹貢所謂導荷澤。被孟瀦是也。汴河故道今涸。

初三日從潘家口北行三里。上隄西行五里。邢家樓。又北行五六里至辛集。又數里傅家莊險工。離河八丈。又楊家塘至考城縣界。一里至鐵佛寺。離河二里。又九里至小顏家集。臨河有大顏家集。又隄西行過郝家樓。岳家樓。宿考城縣東門。

初四日從考城縣東門外上隄。西行十里。過石家莊六里。下隄行里許。石家樓。隄離河數十丈。有大灣。內有月隄兩道。直隄一道。此處卽儀封縣界。又西北行半里許。上月隄。又五里趙家莊。過此縷隄。直西行矣。下隄南行四五里。宿儀封縣西門。黃陵岡河在縣東北五十里。巴河。縣南八里。賈魯河去黃陵岡二里。龐家河。縣北八里。黃陵岡。縣東北六十里。堽陽鄉高數丈。周數百步。曹魏所築。明帝葬此。爲黃河通塞要害。

初五日從儀封縣西北行五六里。上隄西行七八里。至蘭陽。儀封交界。又西南行數里。至蘭陽縣。自儀

封隄行約三十五里。至蔡家水口、耿家水口、梁家水口、管家水口。數里至河集。又數里至陳留、蘭陽交界。是日宿曲興集。

初六日。五更西北行七八里大王廟。上隄數里祥符、陳留交界。十八里過埽頭集。聞水聲甚響。下隄東北行四五里至河涯。見水滿平坡。勢亦甚溜。詢土人云。隄長三四尺。已三日矣。復上隄西南行。至康家寨、姜家莊。四段舊水口。又十里進開封府北門宿。

初七日。連日苦旱熱。極困疲難行。

初八日。進謁河撫王諱日藻。號卽周。係同鄉。盤桓竟日。

十一日。連日極熱難行。將王撫軍所送豫省圖。并各州縣呈送地圖。按程布置。繪成一圖。其間名山古蹟。具載志書。不及備錄。各水源流。略志於此。濠、洧二水之源。出密縣東北。至新鄭合金明池。在開封府城西鄭門外西北。周迴九里餘。周世宗鑿習水戰。東門池在陳州城內東北隅。滴瀝泉在密縣天仙廟前。石澗水出。滴瀝如雨。晝夜不息。鴻溝在河陰縣東。楚、漢分界處。北接廣武山。與滎澤相連。圃田澤。中牟縣西北七里。周職方。豫州藪曰圃田。其澤東西五十里。南北二十六里。西限長城。東極官渡。高者可耕。窪者成隄。今爲澤者八。若東澤、西澤之類。爲陂者三十有六。若大灰、小灰之類。其實一圃田澤耳。隋隄在杞縣北五里。闕塞山在河南府城西南三十里。左傳。晉趙鞅納王。使如寬。守闕塞。卽此。又名伊闕。

大禹疏龍門。伊水出其間。漢服虔謂南山伊闕是也。一名龍門山。唐白居易有龍門銘并序。白石山。灑池縣東北二十里。澗水出焉。陽城山。登封縣東。一名車嶺山。洧水所出。孟子曰。禹避舜之子於陽城。卽此。陽乾山在少室正南。潁水所出。一名耿山。龍頭山。永寧縣西四十里。上有快風亭。下有洛水五渡。源出嵩縣太室東谷。自山頂下流。疏二十八浦。過大潭。中平廣多石。其水瀦紆迴流者五。故名。緣溪聚村。稱五渡焉。洛水源出陝西洛南縣冢嶺山。東北流經盧氏。永寧。宜陽入嵩縣界。去城南五里。歷偃師至鞏縣北十里入河。名洛口。一名洛汭。伊水源出盧氏縣悶頓嶺。徑永寧。宜陽入嵩縣界。由伊闕而北。轉折而東。會洛水入於河。商阿衡之得姓以此。澶水源出穀城山。自高廟溝起。與九眼泉合。東南流經孟津。二十里始入嵩縣。卽山西北注。而東南至縣。復轉折而東行。始逶迤而南。入於洛。澗水。婁冢山西四十里。曰白石山。澗水出焉。北流注於穀。白石山在新安縣。澗水徑七里橋。南流轉東入洛。穀水出璠冢。東流注於洛。甘水源出宜陽縣。孝水源出廐山之陰。入澗水。相傳晉王祥臥冰於此。洛汭在鞏縣。洛水入河之處。清濁異流。亦名什谷。黃河在懷慶府城南七十里。濟源之濊水入焉。孟縣。渙與沆入焉。武陟。沁水入焉。濟瀆在濟源縣北三里許。濟水出王屋山爲沆水。潛行地下。平地發爲二源。注曰東源。出原城東北。西源出原城西。今東源在濟瀆廟內。西源卽今所稱龍潭。在廟西二里許。渙水出濟源。春秋會侯於渙梁。卽此。其源有三。一出五指山紙坊。一出曲陽西南。二源俱流經修武縣治南。一出晉陽城南。

溪或斷或續至莽山雙泉寨發源爲白澗水又伏發源修武縣治西又東南流經城南與二源合水經注曰渙出原城西北原山勳掌谷按白澗自莽山來或呼莽河沁水在懷慶府城北二里源出沁州謁戾山出枋口附郡城東南流徑武陟入黃河乘高瀉浪瀑漲不常丹水在懷慶府東北十里源出高平縣山海經曰沁水之東有林焉名曰丹林丹水出焉預河卽小丹河由修武縣南門外東流至獲嘉入衛河漕運水淺則藉以濟運天漿水在濟源縣東南二十里水有二源東北合爲一川入於渙堯池水在府西北三十里太行山麓泉畔有堯廟廟前處處有泉掬手可飲匯而東南流葦荷交映可灌粳田二十里入於沁灤水源出王屋西山枋口在濟源縣東北二十五里沁水依山迴屈至此始長瀉平原亦謂之沁口載舟蕩漾使人胸次浩然山崖多唐宋鐫題望仙溪在濟西八十里源出王屋山北伏流南入於河錦溪源出濟源太乙池在濟源西天壇山上濟水出此大峪澗在濟源西七十里源發王屋山南入河東陽澗在濟源西一百四十里南流入河神農澗在溫縣境內相傳神農采藥至此以杖畫成澗廣濟河在五龍口卽古枋口枋之義從木司馬孚壘石爲門水勢乘高注下石門易崩渠旋淤塞河內令袁應泰鑿山穿澗懸閘於兩崖間啓閘受水閉閘障水永無崩塞之患曰廣濟河鑿山引水爲渠由濟源孟縣河內溫縣武陟至唐郭入於黃河渠闊八丈長百五十里分永孟等二十四堰各有時刻勒石詳記溫泉有五一在開封府城東北一在偃師縣南一在嵩縣西一在澠池縣東一在新安縣

西是夜大雨。暑氣頓減。

十二日。從開封府大街出西門。西北行過土城。斷隄棘針。寨後壘上小長隄約三十里。從隄西行。隄外有彭家店。段家莊。卽黑堽口。復轉南三四里。李盟寨。大王廟。蔣家寨。又西北行二里許。至堽舊大王廟。此一帶河西來直衝一大灣。寬有五六里。漸注東南。又西灣過黑堽工。回龍閣。至馬家寨。又里許中牟縣交界。一路隄岸雜亂。河頗遠。又行數里至杏樹鎮宿。

十三日。從杏樹鎮西行。上隄過小薛廟。小潭溪。此處曾衝決。斷隄二三道。河闊五六里。過郝家寨。碑寨。原武士寨。原武西寨。卽原武縣界。又隄西行數里。原武境隄有馮尙書大寨。馬家渡。俱離河數丈。河闊七八里。縷隄南行卽鄭州界。又西行四五里見村莊。內築新隄。隄外有官莊。沿河十餘里。卽縷隄。傍河面約有數里寬。賈魯河舊河形在此。今改在隄內。又三里許至河邊花園寨宿。是滎澤縣界矣。

十四日。從花園寨下河灘西行三里許。有淤窩。不時坍土。河身約四五里。又行數里。河更寬。過滎澤縣南門。其城卽在河邊。新隄在南。向東接到賈魯河。在隄內去縣南十里。住北關看埽工。有二百餘丈。從柳園南行約數里。上土山坡。俱係低窪。北望有東西兩土城。云是楚漢二城中。卽鴻溝也。過此卽河陰縣界。又行七八里。至縣宿。

十五日。從河陰縣西南行二十餘里。至汜水縣界。又五十里入汜水縣。出西門。度汜水。過虎牢關。又十

五里羣縣界。洛河依北岸山根。東北行入黃河。有山一帶西去。西望兩山夾水。繞南山根沿河行。甚灣曲也。又行過二山澗。有杜工部故里碑。進縣東門。出南門宿。

十六日從羣縣上南山。略中行二十里。卽繞洛南行五里。至黑石渡。過洛河。繞河行五里。入偃師縣界。南望嵩山。煙雲繚繞。峯巒秀拔。層疊而南。回顧土山。大不同矣。繞河西南行。渡石梁橋。山根曲折。土密連絡。有寨有梁。人家稠密。此爲孫家灣。又四十里。進偃師縣東門。過二程夫子祠。下馬進謁。云過洛水南去二三里。卽二夫子故里。出西門宿。

十七日從偃師縣西門外行五里許。渡河卽伊洛合流處。東南行二十五里。至登封縣界。又二十餘里上嵩山。石路崎嶇。山巒環繞於東南。西望蒼茫無際。北望邙山逶迤。遙映伊洛帶水。林木鬱茂。再山高處爲萑嶺口。視嵩峯羅列。如立山岡之上。稍西南御砦如屏列山上。白雲起滅。變態百狀。從西南小路行數里。至少林寺。規模弘整。惜漸坍塌。又繞路看初祖面壁處。復東南行。每過高岡。看嵩山時時變幻。卽御砦亦愈出愈奇。高低遠近。在在秀拔。南望諸峯。又如屏繞。真奇觀也。約二十里至登封縣東門宿。十八日遊嵩岳廟。古樹參天。廟模弘敞。綠琉璃大殿新落成。晤曹羽士。問及興廢。具言火患。卽大殿屢建屢燬。因鼓興寫中流底柱圖於北壁。

二十餘年後。有嵩山道士來江南。向人談及岳廟。向苦於火。甲子年有松江周君過嵩。適大殿新落成。因寫中流底柱圖於北壁。自後火患遂息。

至今畫壁如新。

十九日。至嵩陽書院。耿先生諱介號逸菴。由翰林不仕。講學於此。就學者甚衆。書院對聯云。道本中庸。只是君臣父子夫婦昆弟朋友。理豈高遠。須要博學審問慎思明辨篤行。

二十日。由登封縣舊路西北行。過郭家十里鋪。望見少林寺前一派平田。又過二十里鋪。漸漸登高。又五里至萆嶺口。卽登封偃師界。下坡陡絕。步行五六里。始有坦道。望嵩高一帶之山。宛似岑樓之木也。又五里至參駕店。自萆嶺口以北。俱是立土山岡。山峪有深至數丈。土峯壁立。不可勝數。又數里。非舊路矣。過分守關。涉馬澗水。至緱氏鎮。出西門。小憩鶴道觀。聞轟轟雷聲。狂風吹雨。因急行十五里。渡伊水。又十里至翟家莊。是洛陽第一大鎮店也。宿劉雙槐家。

二十一日。早起行十五里。蒙正窰。十里潘家寨。十餘里過洛河。從東上坡岸。又數里至洛陽東門。飯後熱甚。卽歇南門。午後散步上邙山。遊上清宮老君殿。小小五間。樑柱瓦俱用鐵鎔成。後有玉皇閣。翠雲洞。下清宮。邙山縣北五里。郡之主山也。古名邙山。綿亘四百餘里。起關中。附二華而東。層層起伏。爲狀不一。隨地立石。屹然峙河洛之中。闕塞山。縣正南二十五里。郡之朝山也。兩山相對。望之若闕。元魏胡太后崇信浮屠。琢爲佛像。大小不可勝數。

二十二日。南行里許。過洛水。四里。又西去二里許。林木陰森處。卽邵康節先生安樂窩也。下馬瞻謁。又南去十里。牆垣寬廣。殿宇軒敞。乃曹操葬關雲長處。瞻拜出。南行十里至伊闕。有一石臺。上有方池。二

丈餘。池內有水珠。上出臺邊。涓涓不絕。向三四處瀉下。云旱潦不斷。上有閣供大禹牌位。前有小亭。左右亦有流泉。詢人云百果泉。乃俗稱無考。稍南上石磴。卽寶暘洞。共有三大石洞。俱鑿大佛像。外有僧舍。檻臨伊水。東岸石壁亦甚峭聳。飯後衝熱再行。風雨大作。復回故道至寓。宿上浮橋。在縣西跨洛水上流。卽天津橋故處。有中浮橋。下浮橋。皆跨洛水建焉。

二十三日。西行過周公廟。因甚早不得進謁。三十五里至礪澗。人家皆居堡寨窩洞。澗水環繞於前。人馬可涉。又三十里至漢函谷關。舊函谷關在靈寶。此爲新函谷關。里許至新安縣東門。訪芝泉書院。係呂維祺、維藩兄弟講學處。午後大雨。衣衫濕透。山路泥滑難行。三十里又過澗水。至關門店宿。俗名鐵門。礪澗山。縣東南二十一里。淇水出其陰。密山。縣南十五里。豪水出焉。爛柯山。縣西南三十五里。王喬洞卽此。羣山秀錯。佳木繁密。有清溪洩於山峽之間。其石如爛木。取石塊剖開。有樹葉痕。亦物理之不可解者。巖下有數洞。內一洞深邃莫測。相傳樵子王喬遇仙處。鳳皇山。縣西三十里。與青龍山相對。如闕。澗水中流。謂之闕門。沙崖。縣北五十五里。羣山四拱。中有似水。自張家莊北流入黃河。卽馬陵川。匡渡口。縣北六十里。黃河南岸。一名狂口渡。觀音磧。縣北六十里。黃河灘有巉石。自南岸入河數十步。壅遏水勢。

二十四日。西行三十五里義昌驛。十里千秋鎮。十里擔泥鎮。五里入澠池縣。出西門過正學坊。爲明理

學謚靖修曹月川先生立。又過盟會臺。三十里下坡。至土壕鎮宿。馬頭山東北六十里。穀水出焉。廣陽山。縣西二十里。澠水出於此。天池。縣東南五十里。橫潦無源。鴻雁依焉。唐太宗改澠池爲天池。二十五日。從土壕鎮西南行二十里至石壕。二十五里至峽石。北首高山爲峭陵。東南有金銀山。南去高峯疊出。此一路上高嶺者五六。過溪澗者二三。上有石壁峻嶒。下臨深溝百丈。迎面高峯不計其數。路極寬廣好行。然愈行愈高矣。至陝州界。又從西北行二十里爲張茅鎮。路之最高處。又二十五里磁鍾鎮。從此漸漸下坡。過橫渠堡。路旁有魏野草堂碑。再下進陝州東門。城頗大。內惟頽垣破屋。瓦礫滿目。荒涼爲甚。宿酒樓。底柱山。城東四十里。三門山在底柱上流百餘武。囊山。州東九十里。囊水出焉。黃河自潼關流入陝境。自西繞北。至於底柱。東入澠界。公主河在三門山之左。唐開元中鑿河通漕。以避三門之險。百丈許復入河。馬象河。城東二十里。水源自梨山流入於河。囊水南門外一名永定澗。出囊山西流入河。其水暴悍。益以山澗諸水。甚爲民害。鐵牛城。黃河中頭南尾北。世傳禹鑄以鎮河患。二十六日。出陝州東門北行。上高坡十五里會興頭。又東北行上土岡極險峻。陡絕難行。下馬步行。下坡二十餘里。復上坡。陡峻更甚。沿河行數里。初兩岸皆土山。至此漸見石山。其巖峭拔。水勢曲折洶湧。上石坡二里許。見中流立大石一塊。水從南入。繞東北流爲鬼門。中一道西流爲神門。北一道爲人門。皆衝激雷鳴。南岸多石巖。有一巖壁立甚峭。上鑿峭壁雄流四大字。旁有三行小字。識年月人名。眞鬼。

斧神工也。東去百步外。又有立石三塊。又有大小四峯如柱。南離數丈。有小石亦立。兩岸石山俱極雄壯。洵稱大觀。步行處頗多。至會頭鎮宿。

二十七日。行十五里至陝州城東門。繞城北行。上坡二里許。轉西。下臨黃河。北望河北。林木稠密。樓閣參差。於北岸山脚下有小城。乃山西平陽府平陸縣也。進北門出南門。西行十五里至橋頭溝。又二十五里至曲沃。入靈寶縣界。此一帶官道。離黃河五里許。岸亦甚高。河卽於陝城北繞南帶西南。漸西至靈寶亦然。北岸遙迤幾百里。皆係極高土岡。北去重山疊嶂。高低無定。而南岸從陝州見河至曲沃。亦有高坡遮目。人行岸上。如常在谷中行也。十里至好陽河。十里至靈寶縣東門。繞至南門宿。弘農澗縣西一里。源出米陽鎮藏牛谷魚腹寺石窟中。北流漸大。至縣西北入河。好陽澗縣東十三里。源出峴頭山。北流入河。

二十八日。繞靈寶縣城西門。至北門東北河邊。上有老君堂。卽老君故宅。復回西南行。三里許入山谷。過函谷關。關前澗水急流。入河南去。高山北倚。黃河兩邊高土岡。行如巷內。如上高坡。高山大河俱在左右矣。數里下坡。漸行地上。河離半里許。又十里涉柔桑河。過柔桑鎮。入谷南行。一望高山迤邐數十里。卽女郎山。接秦山一帶矣。行數里。闌鄉縣界。又二十餘里至達紫營。二十里至闌鄉縣。河北卽中條山。綿綿不斷。河之曲折不能計數。又二十里至盤頭鎮宿。郎水西二十里。出自聚鄉峪。北流於河。玉溪

澗。文峪水西南五十里。源出秦山。會入河。

二十九日。從盤頭鎮行二十里。至舊關鄉。涉澗水。此水百餘步。卽入河。十五里上坡。四五里到潼關東門。關城繞山而西。關口下臨河。河面亦寬。北岸土山已盡。河亦北流。依灘二里許。東望皆高山。北岸皆平地。進門上坡。城池廟宇俱壯麗。但俱坍塌。約三里許。出西關。繞河里許宿。

三十日。西行離河半里許。北岸中條。再北望無山矣。路旁柳樹連綿不絕。南去土山綿亘二十里。土山盡處見華頂。連絡秦山數十里。峰巒峻峭。翠壁嵯峨。華頂獨聳出諸峰之上。漸行漸轉。十五里到岳廟。規模弘壯。金壁輝煌。外東西大牌坊。中建鳳樓。進門西首有老君繫青牛古柱。上如杖。下甚擁腫。光潔蒼古。無枝葉而不死。前有柏槐樹。碑碣亦多。松柏槐椿。蔥鬱參天。大殿寢殿及兩邊鐘鼓樓極高敞。後大院牆有大池。最後有萬年閣三層。極高聳。東西連轉。藏殿牆角有十字頂樓。並有敝軒高閣。看華峰。可以及底。西望秦嶺盡處。蒼茫無際。東望渭水如帶。黃河直在東北隅矣。欲一一登臨。暢所欲游。恨終不能。快快出廟。西行五里至華陰縣。城甚卑隘。出西門宿。下午至華山口。遊巖洞。集靈宮等處。黃河自龍門南下。經本縣東北葫蘆灘。寺南至潼關。折而東注。渭水源出隴西首陽縣橫縣北境。與朝邑分壤。逶迤至寺南。東北入河。春秋所謂渭汭。汭者水相入也。周洽看河紀程。

行水金鑑卷第一百六十二

兩河總說

七月初一日。僱山轎入山。因前大雨。水衝壞山路。石塊壘塞。下轎步行。崎嶇之至。過十八盤二十里。始抵青柯坪。過陡山盤上千尺嶂。百尺峽。二仙橋。元帝殿。又上老君犁溝。轉折至北嶺上。坐片時。下宿道院。

初二日。略領大概。疲極而止。怱怱回寓。燈下閱志書。有云。華山三峰。南曰落雁峰。李白登之。歎曰。呼吸之氣。可通帝座。恨不攜謝朓驚人句來。搔首問青天耳。東曰明星玉女峯。西曰蓮花峯。其間名勝甚多。恐悞長行。未能作數日盤桓。書之以志吾恨。

初三日。從華陰東門東北行十五里。渡渭河。此河東行不遠。卽入黃河。又北行二十里。過洛河。不甚闊。水亦濁。五里至趙渡鎮。二十里到朝邑縣。縣大西門宿。河自龍門而南。繞于邑左。逕跨洛鎮。金水今廢。經趙渡鎮。注洛水。經金龍渡。注渭水。三水匯東南一巨浸也。世稱三河口。洛源出延安子午谷。經郿州洛川中部。過白水。蒲城。同州。至趙渡鎮。入于河。

初四日。從朝邑縣北行土岡數里。上岡入谷。時出時入。如是者四十里。至良女鎮。岡上人家斷續。又從

土山溝西北行三十里至北當。又四十里至郃陽縣宿城隍廟。是日約行百餘里。道路紆折。上坡下坡。有極陡之處。且久旱鬱熱。灰土蒙面。甚難行也。夏陽渡縣東南四十里。韓信擊田豹。木罌渡軍處。秦晉要津也。

初五日。出郃陽縣北門東北溝。行漸高。復下坡。過深溝甚陡。有流水。上坡甚遠。四十里至北良鎮。又下深溝。過澗水。上大坡。十里至大棗鎮。有玉皇殿。亦土窯石山頂上。山係土山。壁削如石。峰巒起處極聳秀。林木邨寨窯洞亦多。望原上層層如盤。皆田也。又十里到芝川鎮。係舊韓城縣。城雖小。皆瓦房。人烟稠疊。鎮西南高阜處有漢太史司馬令墓。上有司馬廟。極雄壯。下坡穿城出北門半里許。有牌坊係白樂天故宅。西面上山。林木蔥鬱。東望黃河僅里許。東岸高岡如山。乃山西境也。又里許有張太保大塋。內多樹木亭臺。路傍兩邊地土膏腴。值早即取井水灌漑。井亦多。農亦勤。人家亦稠密。東邊臨河處亦有高原如山。直至韓城縣。城亦壯麗。四望皆山。濛水芝水環繞入河。二十里間風景迥異。經月之行。未之見也。是日宿韓城縣。濛水出麻羨嶺西北來入河。芝水出方山東南入河。龍門者。韓北境之山也。禹鑿山而鑿之。以通厥流。若門然。山海經謂應龍相云。故于門上加龍字。蓋歸功于神也。宜川縣有帶工。初七日。出韓城北門。東北行二十里。咎村鎮。五里潘莊。五里後潘莊。五里謝村。二里臨皋村。三里李村。五里夏餘口。三里喬南村。十里朱頭村。十里到龍門。從縣來三十里許。東岸汾河入河處。一路村莊皆

好。廟宇亦多。喬南村多高樓。云發科甲者。此爲最盛。大約東通大河。環轉村北。從龍門梁山來脈甚壯麗。故也。朱頭村大磚石城。亦龍門前之大鎮也。登大石巖。謁禹廟。巖石如拳。疊覆水上。對岸大石巖。豎立高聳。亦有禹廟。高泉乃龍門之口。雄壯特甚。後覆大山高峻。大斧劈石。天工巧妙。令人驚愛。後面之山亦雄厚。西岸梁山。麻皮皴法。高峯秀拔。一望西北秀山無盡矣。水則盤旋而出。勢亦銳。渡則棹入口內。借東壁急溜而下。船皆方橫。出口亦異。登岸東南行十里。清澗大鎮。十里到河津縣西門宿。龍門在縣西北二十五里。兩山壁立。東西闊八十步。一云禹門。汾源東至太行。西入于河。黃河縣西十五里。禹墳。龍門前里許。中流石磧挺然。大水不沒。按禹葬會稽。蓋因異俗傳之。

初八日。出河津縣南門。西南行二十里。渡汾水。龍門在西北。東面土原。西臨黃河。十里雙營鎮。南行沿河二十里。原上有湯陵。西岸高原卽韓城境。漸入土谷。行數里有破關口。云穆陵關。無考。五里有漢武秋風樓。有碑。今沒入河矣。又一十五里至滎河縣南門宿。黃河距城西百丈許。汾河縣北數里后土祠旁。西流于河。今移河津葫蘆灘南入河。

初九日。從滎河縣南行土谷中。盤旋屈曲。路徑如麻。五十里下坡。至臨晉縣。初行十里許近河。漸漸東南。南望中條。秦嶺。逶迤西岸。高岡不斷。卽邵陽縣境也。宿東關。

初十日。從臨晉縣南行四十里。栲栳鎮。又西南行三十里至蒲州東關宿。歷山。州南六十里。媯。汭。二水。

出焉。上有舜井舜廟。黃河在蒲津門外。今徙去十里。涑水渠。州東三十里。源出絳縣橫嶺山。

十一日。從蒲州南行二十里。漸近黃河。繞中稷山頭。又東南行。沿河三十里。南望泰華如屏。遠甚。谷行數里。對潼關。又原行四十里。至小呂村娘娘廟。少坐。對岸原內。卽盤頭鎮矣。河亦寬。中多淤灘。東行二十里。至永東宮鎮宿。

十二日。從永東宮東行四十里。至芮城縣東門岳廟宿。

十三日。從芮城東門東行三十里。下深溝。上坡十里。陌底鎮宿。

十四日。從陌底鎮東南行五里許。卽沿河行矣。兩岸高原屈曲之甚。對岸乃靈寶東境。河亦隘。一路河灘行數里。下極陡。步行三四里。行過澗水二道。至焦家村。又三十里。到平陸縣宿。土城圯圯不堪之甚。砥柱峯在三門東迤南。中流峭立數仞。有老君爐。險不可升。上流有列石。蓋聃于此渡河。

十五日。出平陸東門西南行三里。下河灘行三四里。上船渡。至官道東南。繞陝州城行。三十里。砥鍾鎮。四十五里。至峽石驛宿。

十六日。從峽石鎮上坡東南行。因夜大雨。路濕難行。二十里。觀音堂。二十五里。土壕鎮。二十里。至澠池縣。繞南門行二十里。鋪。又五里。千秋鎮宿。

十七日。從千秋鎮東行三十五里。至鐵門鎮宿。

十八日從鐵門鎮行三十里新安縣。又七十里至河南府宿。

十九日從洛陽城東北行三十里上邙山。二十里下坡到孟津縣宿。穀城山舊名替亭。縣西六十里。聳出岡阜之上。瀍水出其下。瀍水縣西五十里平地發源。東南流六十里至洛陽。東南入洛。

二十日從孟津縣東北行二十里至孟津渡口。古城惟存基址而已。南傍邙山。北依大河。南北不過三四里。是日東風渡河甚快。渡口少隘。此二十里內對縣處。河闊有數里。中有灘。有五六里長。二三里闊。再西兩邊高原。又隘矣。東河沿邙山又寬。望邙山盡頭卽鞏縣界。過此岸稍高。數餘里到孟縣西關宿。二十一日出孟縣北門西北行數里上土坡。過石橋。又土谷中行二十五里下坡。又二十五里至濟源縣。進南門出西門宿。一路柿棗樹極多。是日大霧。西有層巒。乃王屋一帶也。東北是太行。皆隱隱望見。瀧水縣西源出莽山。其水或斷或續。至雙泉寨始盛。出琮山口穿石暗流。至勳掌村如溝渠。又東至縣西四里水始洶湧。經縣西城下繞流城北。又東南入于洩水。古謂之洩。今謂之瀧。卽白澗水。武山在西北十五里。姑嫂山在武山北。洩水出焉。天井如盤。在西北石上有數頃。其流若井。水自上溢。相接而落。若倚劍然。

二十二日因瀧水漲難渡。進西門出東門。西北行五里許。謁濟瀆廟。碑石雖多。皆御祭文也。從元朝起者。傍有古柏。枝幹如虬龍。稱將軍焉。多娑羅樹。枝葉茂盛。俱合抱者。白楊亦多合抱。傍有三瀆神祠。後

有北海神廟。亦多御祭碑。殿前卽東原也。俗稱通北海。出廟西行三里許。有龍潭。潭皆蘆葦。約二畝許。云此源三年來。三年去。然去來實無定。或其年水來。民以此種水稻。並無大溝通流也。又西北行五六里上靈山。北望太行高而平。西望王屋則重巒疊嶂。峯岫參差。秀拔之甚。遙見天壇頂。高出諸峯之上。是日復至濟源縣宿。

二十三日。進濟源縣西門。出東門。東行三里許。段家園而前一帶。俱繞瀧河。五里過石橋。十五里北望太行。諸峯卓立。重重無盡。因微雨不甚明白。低處卽五龍口。沁水出焉。廣濟河出此。又東南行十里柏鄉鎮。又東行四十里至懷慶府。由西門繞南門。到東門宿。一路道路寬平。濟水低而清。直繞城河。荷花極盛。從南流其勢亦緩。廣濟河高而濁。東流甚急。與清水交處。下清上濁。高低緩急。各行其性。絕不相和也。丹河縣東北十五里。源出澤州界內。穿太行曰丹河口。唐改懷水。南流二十里入沁。

二十四日。從懷慶東北繞城行三里許。渡沁河。值水漲。流甚濁。又七里許。過大丹河。水亦濁。比沁河一半之寬。過二十里鋪。又五里至許良大鎮。又北行十里到山下丹河南行。小丹河名爲九道堰。實從丹河支分第一條。沿山麓東行。淺隘如溝。常因水發淤墊。以此濟運甚覺艱難。因昨夜大雨。泥濘難行。四五里許至湯王廟宿。

二十五日。早過河內縣治。卽向東南行。過廣濟河橋。瓦屋村。龍津橋。夾樹頭至溫縣宿。是日行五十里。

二十六日從溫縣東北行十五里趙堡鎮。又十五里司馬鎮。武陟縣界十五里至小司馬。十五里至武陟縣南關宿。黃河縣南十五里沁河源出沁州綿山。穿太行達濟源。合丹水繞武陟縣城北。由東而南入于黃河。沁河性善變遷。衝決之害。甚于黃河。每年修築。不能一勞永逸也。

二十七日從武陟縣北關東北行。過沁河。闊約二三十丈。水甚淺且濁。繞城東行。上南入河。東岸卽木欒鎮。居民稠密。約數千家。兩面隄岸亦高。三十里至修武縣南門。過預河橋至西關。丹河約七八里寬五六尺深。進西門出東門。過小丹河橋。河繞城北行。又東行滿澤圖。鞏莊鋪。萬箱鋪。離縣二十里。一片平田。丹河兩岸及四野棗柳俱多。又過二三村莊。至獲嘉縣西門宿。清水河縣北十五里。源出輝縣西南。小清河縣南四十里。

二十八日進獲嘉縣西門。出東門東北行二十五里至合河鎮。北行過石橋。橋有九洞。不甚高。東通大船。又東北行三十里至輝縣宿。縣在高原上。一路林木修竹。水溝蘆葦。乃水鄉景象也。百門泉源出蘇門山下。泉通百道。故名。一名衛源。以衛河發源於此。雖以百門名。然實踰千萬。不可勝數。自山麓平地。遍湧石竇中。仰出纍纍如珠。匯爲巨陂。方廣數頃。淵涵澄澈。淨無塵滓。上有威惠王祠。殿名清暉。外有靈源。湧金噴玉。穠翠洗心諸亭。亭有古今名賢題咏甚多。衛河縣西卽百泉匯流。南經新鄉。東達府城。北會淇水。流入于隄口。經大名府濬縣。山東館陶。臨清入漕河。以納于海。蓮花泉。縣西五里。突出于地。

一曰小百泉。世傳晉水伏流至此。東南入衛。卓水泉。縣西八里。平地湧泉。東南入衛。三渡。縣西四里。百泉之支。清水。縣西南七十里。峪河。縣西南五十里。源發太行山麓。

二十九日。從輝縣東關北行五里至梅村。過此卽百門泉。陂渚數頃。泉如聯珠而上。中有清輝閣。頗似西湖湖心亭。松柏迴繞。北倚山麓。樓閣殿亭。排列于後。小山上嘯臺。安樂窩亦頽壞。從西岸南行。看頭關。二關。復回東南行五里許。向西步行二里許。看禮字關。水頗猛。又西行四里許。看智字關。水稍緩。又五里許。看信字關。水更緩。此三關俱用兩水門。又南五里許至雲門鎮。又東南行三十里。到新鄉縣北關。過橋。黃河係東西城脚下行也。近因水大。河面寬有數丈。繞城至東關宿。衛河源發蘇門山。詩云。泉源在左是也。泉通百道。湧自山麓。石竇及平地。水勢屈曲。至合河鎮。凡三十里。此衛水合小丹處。稍行而東。遂新鄉北門民樂橋。歷河透曲里二村。凡六十五里。自此東流。徑賀生屯。瀕衛輝府北門一里。東入大名。潞縣界。卓水源在輝縣城西十里。平地湧出。經雲門。流新鄉縣合河鎮西北入衛。清河源出輝縣西南七十里山陽鎮。東南經獲嘉縣界。至新鄉合河店。正西與衛合。今自獲嘉境內卽會于小丹河。此河止存故道。每逢雨集。太行萬壑之水匯焉。衛水溢出。邑西北苦之。按改丹入衛。議曰。改丹入衛。猶改沁入衛也。其地形之高下。水勢之緩急。泥沙之淤塞。開築之阻絕。與沁水同。衛不能容沁而受其害矣。獨能容丹而受其害乎。丹河源出山西。穿太行屹坦坡狄家嶺。南注而下。中間分散有十八道小溝。

渠民間引爲灌田。總流南經張店。至劉村入沁水。首尾三十餘里。與衛水相通者。係上下溝渠。內東流第二道。由清化鎮南。有金鎗。狗跑等泉水相聚。迤里而東。經修武治南。北轉城東門外。又東經獲嘉縣北。又東名蔣河。至新鄉縣西北名河店。入小清河。而因以入于衛。相沿凡百餘里。名爲丹之支流。而實非丹水矣。若欲將丹水全身。由張店改折而東。過狗跑泉達衛。則丹至張店。地勢傾下。入沁甚易。勢不能挽。若從上面東流第二道小溝渠。決河達衛。則丹正向山嶺而下。奔潰傾跌。橫截不住。何由東流。議者徒欲引丹入衛。殺沁一二耳。而增衛害十九。爲奚可哉。總之。改丹改沁。爲救徐。邳以南漕運計耳。而北地運道如竟。豫。芻糧所繫。療腸內而塞咽喉。此所謂救一河患。添一河患也。萬歷間。總河舒委勘後。其事遂寢。

八月初一日。從新鄉縣稍西行四十餘里。至八柳樹店。又西南行三十里。到原武縣宿。

初二日。進原武縣城。出東門東行二十五里。過張家隄口。五里至陽武縣北關。又東南行過兩道隄。到古倫集宿。

初三日。從古倫集南行至縷隄。東行四十里。至于家店。十五里荆隆口鎮。二十餘里荆隆口。大工內有積水。隄旁有古黃池碑。未詳。稍東卽柳園頭渡口。兩日水漲漫灘。竟無渡船。又東行二十里到陳橋鎮宿。

初四日。從陳橋鎮南行七八里上船。北風頗厲。揚帆破浪。自辰至午後。到南岸淤灘。拖行約兩時。始抵灘岸。從淤泥中行四五里至乾岸。二十里劉家店。又數里入汴城東門宿。卽開封府省城也。

初五日。撫軍又留住數日。

初九日。午刻始行。三十里至黑江口渡頭。水漲流甚急。無船可渡。行人俱望洋而歎。仍回舊寓宿。

初十日。覓船不得。復住一日。

十一日。早出北門。北行三十里。上船順風。渡甚利。三十里到封丘縣宿。

十二日。從封丘西北行二十里東戴村。里許西戴村。二十里到延津縣東關。東北行二十里過沙門鎮。一派沙地。滿目荒涼。十五里進胙城縣宿。黃河故道在延津縣二十八里。明天順間。遷於于家店。淹沒土地沙礫。黃河原自今之陽武北新鄉西南。東北經延津汲縣胙城。至大名府濬縣大伾山北入海。卽禹貢東過洛汭。至於大伾處。胙之河。禹之舊跡也。周定王五年。河徙砦磔。胙流乃塞。漢文帝十二年。河決酸棗。東南流經封丘。入大名府長垣縣。至山東東昌府濮州張秋入海。水經所謂東至酸棗。又過南燕縣故城北是也。隋唐以來。屢經決溢。胙不詳其有無。宋熙寧十年。河溢衛州。自王供壩至汲。懷州等處。北流遂絕。胙于是宜無河矣。縣圯于河。疑在熙寧前也。金正大中。復以河患徙縣。當是二十年決衛州之時。但不知北流旣絕。何時而復注也。旣徙且復湮矣。金明昌五年。河犯武城隄。泛至金山。明年詔

鑿新河。在今新鄉縣南。復經于胙。元自原武決而東南流。經陽武。封丘。茲流復絕。沙沒新州。蓋其時也。迨至明時。遷徙不常。皆未去境內。正統十三年大溢。仍循陽武故道。直抵張秋。景泰四年。又徙而南。百年來故道皆積沙爲患。今其遺蹟。自小店。伍疇社。新州城。棘針鋪。吳安屯。董固。班聚。丁家莊。林家莊等處。以至滑縣。廣狹不同。宛宛可見。其經縣南。乃決酸棗故道也。今自沙門一帶。縣西吳安屯至縣西北董固等處。積沙綿延數十里。皆飛礫走磧之區。胙之土田無幾矣。沁河故道。俗名孟姜女河。自武陟縣流經胙境。北行與汲縣相接。在漢隄西。久塞。漢隄自新鄉西南入衛境。東北至胙城。又北入汲縣小店。西南有大隄。一股由店南而東。蜿蜒幾百里。一股由店西而北入汲縣界。一名古陽隄。護河隄自汲縣東接胙城。抵直隸滑縣。護城隄。縣東西。南接延津。北抵滑縣。

十三日由胙城西北行三十里。一派沙地。并無樹木村莊。飛沙成堆。衰草零落。始至一村莊。長里許。十五里到衛輝府。城郭巍峩。舊爲潞王府。宮牆猶存。有望京樓。綠琉璃瓦極高聳。下卽如村。樓四方磚築。迴闌玲瓏。進東門。出西門。過大石橋。卽衛河也。水不甚深。兩沙岸人家稠密。至關廟宿。衛河在汲縣西。源出輝縣蘇門山。南經新鄉。東遶府城。北會淇水。經濬縣達臨清。至天津入海。斯脛河源出淇縣西北五里。東南流入衛河。昔商紂斬朝涉之脛。因名。一名太和泉。又名陽河。淇水源出林縣西南七十五里。關五步。深可二尺。水經注曰。淇水出河內林慮縣。卽林縣。西大號山。山海經曰。淇水出沮洳山。疑大號沮

洳一山異名也。綿歷太行而東。自藩境西北入界。南流至枋頭入衛。水簾洞在青巖山東南層崖上。寬廣丈許。深可數丈。洞中出泉。澄瑩可鑒。枋頭城在淇縣南八里。衛河北。卽淇水口也。魏志曹操于淇水口下大枋木。以城堰遏淇水。東入白溝。以通漕運。因名枋頭。

十四日從衛輝府出西門。東北行十五里官路。西三里許謁比干墓。內多古碑。夫子書殷比干墓四字。出廟門狂風大作。飛沙滿天。又行二十五里至界碑。有麥秀古墟碑。雨漸大。風吹雨如細石撲面。又五里過斷脛河橋。又五里有衛多君子碑。至淇縣南門外。有殷三仁故里碑。東立賢聖君六七故都碑。有大牆門內琉璃殿。因雨大不及進謁。進南門有柏臺。縣治前。書古朝歌。雨大衣濕。風吹寒甚。卽宿北門。十五日從淇縣北二十五里至高村橋。橋平多孔。水流甚急。水從東來。折南流。箭許過橋漸往西行。是日風雖大。喜天霽。一路西望諸山甚近。峰巒大小不一。水簾洞。海子等俱在內。三十五里至宜溝驛。兩傍多柳樹。有柳廊牌額。路傍有扁鵲墓碑。有稽侍中血濺帝衣坊。有墓祠。進湯陰縣南門內。卽岳武穆故里。有廟。下店宿。蕩水。縣北二里。源出牟山下。水經注曰。蕩水東興長沙溝水合。二水既合。下流河隘難容。而洹水亦時泛溢。萬歷初。屢潰。居民苦之。萬歷中。郡守常公。由大坡青塚高城改入衛河。安瀾數十年。歲久壅淤。復屢決害。順治十四年。知縣康允叔奉府檄疏河二十里。閱兩月竣工。刻石記之。姜水。縣北八十里。源出西山。水經注曰。姜水出蕩西北韓大牛泉。四十里流姜城北。水積成淵。方十餘步。深

丈餘。東至內黃。與防水會。地理志曰。姜水至內黃入蕩者也。今與蕩水別流入衛水。宜師溝。縣西南二十五里。卽長沙溝也。經晉鄙故壘北。以下伏流。至小灘出。經伏道東北流至桓人山。與蕩水合。淇水。縣西七十里。東流三十餘里入淇縣界。廣潤陂在府東南四十里安湯二縣界。地勢窪下。蕩河及萬金渠二水注焉。盈則入洹。以達于衛。後漳水南下。塞洹故道。陂水不能入洹。而洹水反洩于陂。陂日益廣。當夏秋漲溢。沒田數千畝。民病之。郡守常公覽地形爲疏治。由葛家莊鑿渠導蕩水至高城河口入衛。自枉流橋至楊家莊補築舊隄。以障渠水。又自戴家溝疏濬導陂水入洹。於是二水有歸。黃河故道。縣東夏莊小張等處。看河紀程。

行水金鑑卷第一百六十三

兩河總說

十六日從湯陰縣北行四十里至彰德府。陰雨甚久，泥濘難行。進南門，過萬金渠，橋不甚寬。從西東流，繞城支分灌溉。原入安陽河，過鼓樓北門五里至安陽橋。河面四五丈闊，又北行四十里至豐樂鎮。北臨漳河，下灘四五里至河邊。濁水急流，北岸埧圯，西望羣山，東望林木，有曹操疑塚、銅雀臺。此水往東更寬，水發汪洋，地濕難行。復回至府宿。洹水縣北四里，俗曰安陽河，源出上黨洹氏縣洹山。在長子縣東，過隆慮北，黃水注之。又東北出山，徑殷墟。又東北過鄴城南，謂之新河。自鄴東徑安陽縣故城。又東過內黃縣北，東入於白溝。春秋左氏曰：聲伯夢涉洹水。圖經曰：洹水源出林慮西北，平地涌出，初甚微小。東流九十里至安陽界，泉脈漸大。又曲屈東北流六十里至州北，入洹水縣。今曰洹氏縣，在澤州高平，然無洹水。蓋邑遷改不常，天下之水皆發源於山，洑而再發出自平地，濟與百泉是也。夫淄、澠之合，古人能嘗而知之。洹水洑發於林慮，浸發於安陽，無可疑矣。漳水，俗曰濁漳河，尙書禹貢曰：覃懷底績，至於衡漳。職方氏曰：河內曰冀州，其川漳，水經注曰：濁漳源出上黨長子縣西之發鳩山，東過縣南，合堯水。梁水，曲屈從縣東北流，東過壺關，屯留、潞縣合衆水，其流頗大。又東過武安縣東，清漳出樂平南。

少山。自涉縣東南來注之。世名其處曰交漳口。遂東過鄴縣西。而東徑三戶峽。爲三戶津。又東而汙水注之。又東徑西門豹祠。自祠北徑趙閼馬臺西。遂自縣東北入潞陽縣。卽今磁州。州之東北有永樂浦。浦西五里。俗謂之祭陌河。卽西門豹投巫處。在安陽界。魏武帝引入鄴城。經銅雀臺下。水激有聲。不絕長鳴。溝在臨漳縣。西門豹史起、李仁偉所作引水渠。曰西門。曰天平。曰金鳳。曰菊花。曰望雲。曰百陽。皆天。曰天井。曰利物。今曰漳河。舊自安陽豐樂鎮北。東流過臨漳南。又東北至館陶縣南入衛。正德庚辰秋。水溢南決。自安陽顯王村南流折而東。至崔家橋。又東過永和呂村入衛。袤百餘里。當水盛時。廣四十里。凡安陽上田悉注汙潦。其患甚鉅。萬金渠在縣西北二十里。深一丈五尺。闊八尺。鄴都故事曰。魏都鄴後。起石塞堰。自安陽南引洹水入鄴。自鄴入臨漳。東至洹水縣。當時溉田有萬金利。因名高平渠。源出縣西三十里。自高平村堰洹水入渠。東流灌漑。至縣西南流至官道。七里越道入廣潤陂。十七日。從彰德府南行。一路爛泥。十五里。魏家集。十里。二十里。鋪路旁柳樹成陰。西有姜里城。稍南有文王演易處碑。離城七里。過湯河石橋。再進湯陰縣北門。出東門。東南行十五里。迺至土岡。又十五里。到皮家莊。天微雨。將至屯頭。見衛河有一道。河從西來。問土人云。有四十八里長。雨水所積。從山邊起二十里。到屯頭。卽衛河馬頭。因水大。兩岸樹木皆在水中。又大雨積水難行。二十五里到大名府濬縣西門。過橋宿。橋頗大。兩邊俱有店房。衛河自淇門入界。受淇水徑縣城西。又東北受洹。漳二水。至直沽。

入海。波羅河在童山西麓。白祀、童山二陂在城西二十里。亭子陂在城西一里。長豐泊在縣西二十里。卽白祀、童山二陂所匯。每逢夏秋雨集，水泛淪田，後疏鑿成渠，南起交卸村，北抵屯子鎮，工成九十餘里。野鮮沮洳，蒸民乃粒。白龍潭、黑龍潭在縣西南四十里。一在大隄之西，一在大屯東南，四時不竭。井固潭在井固村，其源不測，相傳中有水獸。東北入衛檻泉，在善化山下，共七十有二。爾雅曰：檻泉正出，正出者涌出也。近日湮塞過多。荊家砦、張家窪、王楓園、石橋頭、東陽澗、西陽澗、大屯之大泉、小泉，則最著者。梨水今湮沒無考。黃河故道，縣西南，自石濟徑黎陽，遮害亭，走大伾山下，南爲黎陽津。宋南渡後，河身南徙，流沙壅積，山阜重疊，大有深谷爲陵之勢。

十八日大雨不及行。

十九日，從濬縣西門繞城至南門，南行二十五里至滑縣北門，繞城至南門，衛河水溢道上，水積難行。宿滑河在縣南徑北而東，淇河一名王莽河，冀州圖云：西從河內界入黎陽，慶臨河西十四里至王莽河，東行，永濟渠在慶臨河西北三十里，自濬縣入界，東北入內黃界，黃河故道在縣西北二里，縣東北有苗固魚池，蔡胡諸深，皆河經流處，今淤。

二十日，出滑縣北門稍東行三十里，白馬陂有斬顏良處碑，西望大伾山東一帶，白沙卽黃河故道，又四十里至井泉鎮宿。

二十一日從井泉鎮東北行約五十里至內黃縣因雨大卽宿。

二十二日從內黃縣東北行四望雨水如河泥爛難行辰刻雨止行三十里至雙黃集臨衛河由東北過河河水泛溢兩岸立土頗高又二十里至泊口鎮北行二十里過雙廟一名紅廟東北行二十餘里至魏縣南門宿。

二十三日從魏縣東南行四十里至大名府西門八里至大名縣西門宿地形卑窪昔多衛漳水患今漳水北遷廣平衛河修堤堅厚可無水患一路柳陰甚盛。

二十四日從大名縣北行繞大名府城東門外東北行三十五里至小灘鎮過衛河出鎮北門東北行數里淤沙一道寬五六里又三十五里到東昌府冠縣南門宿。

二十五日從冠縣南門少西行五十里至館陶縣又東北行三十五里至孫兒寨宿。

二十六日從孫兒寨東北行二十里過衛河河甚彎曲至東南復西北穿臨清州城入運河運河從東南來爲汶河十五里到臨清州進西門過運河至東門住飯後南行二里許至板閘看汶運衛三岔口交界處本州城跨兩河新舊周連二十九里巍然巨觀由水路沂會通出崇武遵淮泗按汶水爲會通河元自安民山開渠導汶絕濟直抵臨清建插三十有一度地高下遠近以節蓄洩衛水爲永濟渠始楊帝導百門泉東北引淇淹漳洹之水爲大河以巡幸名御河或曰卽漢屯氏河流八百里至元城。

又五百十里入臨清。廂四曰會通、臨清、□□、□□、橋四曰廣濟、弘濟、永濟、通濟。廣濟在衛河中，弘濟在汶南支，永濟俗名天橋。通濟石橋如廂，制水漲涸，以時蓄洩，並在汶北支。洲一在汶，衛環流之中，財貨聚焉。自元以來，名曰中洲。其東砌以石，如鰲頭突出，築觀音閣於上。四廂建左右如足。廣濟尾其後，曰鰲頭磯，俗謂觀音嘴。天下河渠涓滴之水，皆關漕運，餘俱不論。論濟以北，東惟汶水發源泰安萊蕪，至堤城，挾沂泗南入漕，北流四百五十里達州。西衛河出衛輝，東北流九百里達州。州受兩河之水，合流北放，千一百七十里抵大通河，距京師百六十里。州實據河漕之喉，當南北之衝，故曰第一津州。舊設有廂有壩，有淺鋪，沿河穿泉，植柳以便漕。惟汶流遇旱輒淺，歲加浚挑如故。蓋關天時，非人力也。二十七日出臨清城過河，三十五里孔家集，十五里至寶父坊屯宿。

二十八日從屯南行，二十五里梁家淺，四十里至東昌府北關，又四十里至栖雞渡河東宿。此一帶傍河，河從府大灣直南北，又一大灣，餘小灣亦多。

二十九日從栖雞繞河南行，二十里窩城，二十里張秋城，北渡河出正南門西南行，至大壩，漫地皆水。云係沙河水從西來者。南壩實土，北壩有三石洞，桿船過水，必須拔壩。又西行，路濕泥爛，牲口俱陷，地勢低窪者，一望如河。如此二十五里至杈河，過大石橋宿。橋下水亦大。東南流里許，通沙灣入運河。運河水發則有水，少旱即乾，其積水在曹州洪開口。

三十日從杈河口東南繞出大路行淤泥中二十五里至黑虎廟又東南繞小路二十五里過硝皮口又三十五里至郛城縣西關宿。

九月初一日從郛城東南繞水行至西南三十里武安集二十五里鄧家樓二十五里清浪集俗呼沙土集宿一路因水大皆繞道行。

初二日從沙土集西南繞道行三十里楊寡婦集三十里定陶縣又泥水路行五十餘里至曹縣東關宿。

初三日暫歇一日。

初四日從曹縣東關東南行數里八里灣二十餘里過新月堤數里至護堤頭西望二里許傅家集大半入河中南行二里許至斷堤頭西乃一大埽灣埽斷河從西沖東復折西南行對岸亦係曹縣地一帶柳樹甚盛又從護堤東南行數里過桑村寺東小堤頭東行二三里謝家集堤內東行十二里望魯集數里石香爐舊決口又數里下小堤東北行十餘里曹家集宿。

初五日從曹家集東行十二里浮堽集卽單縣界又東行數里外卽董家營水渡口有月堤從馬家寺起至朱家樓前止八百餘丈係三堤縷河因水大難涉不及到又二三里至大王廟直北半里許卽黃王廟直北半里許卽黃堽集亦係大村莊又東行數里望孟家樓河亦近從此東行三十餘里朱家樓

格堤。又數里姜家莊。至馬良集宿。

初六日。從馬良集東南行。數里王家莊。上堤西去里許。接單縣縷堤。堤帶西北上東南透出。皆成廢堤。堤外郭家寨。堤內朱家樓。東行三十餘里王家堂。水漲漫堤。斷有四五十丈。小船過口。行數里范家集。又十餘里盤龍集宿。此一帶離河遠近不等。立堤上皆不見河。又因水漲。一望汪洋。大約此處對毛城鋪。此堤共長七十二里。從盤龍集到堤頭止。有二十二里。至徐州一百三十六里。毛城鋪離徐州約一百四五十里。

初七日。從蟠龍集東南行里許。上堤東行。十餘里孫家寨。至堤盡頭李道華雙樓下堤。皆泥水路十餘里。又小堤行。數里有南宮寺。往東北行數里陳家樓。東南行二十里李伯調家集宿。

初八日。從東南水路行。十八里李家集。繞水行二十里官莊。從小堤行數里。皆黃河近邊處。東北望大谷山。小谷山。南望王家山。三面峯巒無數。又行至河邊。有一樓及草房數間。特出河岸。急流衝激。不至淹沒。下係石岸故也。內卽大谷山。離河里許。有石壩接到小谷山之麓。俱有柳樹村莊。沿河灘行二十里至河灘衝道。一山獨高山足聳出河內。水溜鏗然有聲。此爲蘇家山。又行二三里。至徐州觀音門過渡。沿城西南行三四里。至下洪宿。簸箕山。州城南九里。東西有二。下有簸箕窪。窪久成湖。南山之水交注於此。民田多汙。萬曆間作二石狗鎮之。湖終未底。今賴奎山一線瀉之。泗水源出山東泗水縣陪尾。

山其源有四。因名。其水由境山歷茶城南流。至州城東北與汴水合。嘉靖間汴水北徙出秦溝。泗水至茶城卽與汴水合。循城東南以達於淮。汴河一名沁河。一名小黃河。按一統志。汴源出河南滎陽縣大周山。東流至中牟縣入黃河。沁河出山西沁源縣。徑山東流至河南懷慶府入黃河。又按漕河志。河居中汴居南。沁居北。河南徙則與汴合。北徙則與沁合。故此立名有三。今沁水久不達。惟河合於汴。爾汴由西來。勢甚湍悍。迤州城東北與泗水合。故稱汴泗交流。自嘉靖末。從西北出秦溝。流至州城東南而下。亦通塞靡恆。至百步洪。今湮。新洪城東南里許有橋。呂梁洪城東南五十里。共長七里。孔子觀於呂梁。懸水見丈人卽此。九里溝城東九里。秦溝城東北三里。隆慶中成大河。今汴由之。夾溝城北六十里有驛有橋。雙溝城東九里有鎮。大彭溝龍溝湖澱溝揚尸溝皆在城西北三十餘里。與五河並分流以達於汴。狼豕溝城東南二十里。今爲黃河要衝。潮河源出山東滕縣。入昭陽湖。薛河出滕。薛境西流會昭陽湖。自金溝口達於泗。

初九日登雲龍山。有黃茅岡。子房山諸舊蹟。雲龍山在州城南二里許。時有雲氣。蜿蜒如龍。東巖有石峯。匝圍中峯。因裝成大佛。面方數丈。覆以殿宇。及諸大士。參差錯置。

初十日從徐州下洪。東堤行數里。繞三山頭東南行三十里。至楊家窪新埽工。對岸張家橋。東北卽呂梁城。因水大。惟河堤高處始有人家。過三山頭東行無山矣。又數里至小店險埽工。又十餘里至房村。

村落頗大。八里至雙溝。西有新沖口子。過渡至雙溝宿。此一帶堤外淤灘頗高。堤內地窪如井。南走四五十里。乃靈璧磬石山。羣山環繞。離河甚遠。

十一日。從雙溝上堤。東行數里。轉東北行。卽綏寧縣界。數里至豐山頭。西邊低者爲龍虎山。西近河邊。有小土岡。上有廟。對岸卽王家山。豐山對岸卽鯉魚山。復東南行至陳家樓。又二十里。對岸卽鳳皇山。稍東爲董家樓。內有靈壁一段。張韓二堡。樁工。又東南行十里。南行十里。朱家樓。內有王家塘。余家塘。孟家灣等處。堤南有土山。又東行十里至戴家樓。險埽工二百三十餘丈。又有一灣頂塘。險工。向東南又成韓家莊。險工。向西北去。又五工頭。險工。此處河身從西北繞東南至象山。復往西北。從東繞過邳州諸險工。又東南行十里。至韓家莊宿。有大險工四百餘丈。

十二日。從塘東行數里。火神廟。南行數里。復東南行。魏家莊。東行王家樓。對岸卽皂河口。里許至張家嘴。一帶有樁工。已至睢宿界矣。又東行數里。蔡家樓。險工。往東南行。彭家堡。險工。內皆有月堤。又數里。朱衣城九龍廟。內有缺口水潭。至小古城。涉水至渡口。過宿遷。至公署宿。此一路南望皆平田水窪。北岸馬陵山一帶黑土岡。宿遷城後卽在土岡上矣。

十三日。留宿遷公署。

十五日。從宿遷東南行。過二郎廟。蕭家渡。楊家莊。東行至河北鎮。渡白洋河。過草壩。復西行。望河自從。

西北來也。又里許卽歸仁堤。起頭有閘。兩邊有河堤。西河往南頗寬。至虹縣歸仁集。有五十里石堤。因瀉水開斷。閘北有舊縷堤一道。通鎮市。南接草壩。因天雨不及遠去。仍回白洋河宿。

十六日。從白洋河街行。三里許桃源縣界。至新堤頭。東南行三里許。連著堤頭。又行五里。對岸古城。又十五里有草亭對岸。九里岡險工。又十五里西南一灣。又連幾灣。至烟墩險工。內有月堤。上水壩臺甚長。七八里至桃源縣。以土堤爲城。離堤約半里。三里至龍窩險埽工。月堤內有潭水。東行數里有草菴。對岸王家嘴。又南行數里。復東行五六里李家口大王廟地方宿。

十七日。東行二十里。復南行數里高家灣。東行數里西吳城。內有舊縷堤。對岸有吳城。南去遙堤。又南卽洪澤湖。近來水漲。堤北有千丈缺口。田土皆水。又東行河邊陳家莊。對岸玉皇閣險工。又東對岸清河縣。此處舊時卽張福口。今斷。又東上小橋過河。從皮家廠稍南過清口。到甘羅城上岸。河從清河縣西來。順清口北灣。惠濟祠北始繞東行。爛泥淺。至惠濟祠乃南北矣。近因清水大皮家廠及清口皆清水。又二十里至龍江閘。過橋進署。

二十日。早出署。從西南行二十五里。至武家墩上堤。卽洪澤湖高家堰之長堤也。傍湖俱石岸。可稱堅固。惜太低。不無水漲掘空之虞。置有減水壩。寬數丈。又十五里至高家堰關帝廟。內有碑文及御祭亭。係明總河潘公季馴夢神授訣成功。奏請建廟者也。又二十里至石工頭。從此皆木工矣。二十里至高

良澗有減水壩。又二十里至周橋宿。云昔年此地亦通運道。今築斷。置減水壩一座。

二十一日。早行五里許。古溝東減水壩寬三十餘丈。又里許。古溝西減水壩寬五十餘丈。又數里至唐埂。減水壩闊四十餘丈。又里許。唐埂又十餘里。卽翟家壩。因有土埂最高。不用築堤。此去西北數里。渡□家口。三十里可到老子山。有數千家烟火。商賈往來甚多。三面皆水。淮水卽出其西南。陸路可通。盱眙約八十里。盱眙至翟家壩止六十里。壩之東去地土稍高。其堤東一帶。地勢低窪。一望惟見水草而已。復回騎過高良澗。至高家堰宿。

二十二日。從高家堰過武家墩。由橫堤至大墩。視三岔口出水。以一半繞墩。灌入運河。置東水閘以緩其勢。不至直衝難受。以一半歸助爛泥淺。同入黃河。此處爲新清口。又從七里閘繞太山墩堤。堤北岸有甘羅城。舊運河卽甘羅。而西南入運河。因黃水灌淤。今改數里。又北行新莊閘。對岸惠濟祠。又北行至文英店。望隔岸止以一堤而攔黃河矣。又過鳳陽廠減水壩。至清江浦進署。

是役也。因靳公每年所進河圖。俱不稱旨。免予繪黃運兩河圖進呈。然非親歷山川城郭。則位置豈能無誤。於是束裝就道。自五月十九日出河署。至九月十七日進署。歷三省。閱四月。計程則萬有餘里。非揮汗於炎雲赤日之中。卽委頓於烈風暴雨之下。道途所經。古蹟間志一二。諸水源有關繫兩河者。俱一一考訂詳明。至名山勝蹟。具載各府州縣志書。不敢獵取。以侈博雅。雲間周洽竹岡氏識。

看河紀程。

行水金鑑卷第一百六十四

官司

舜曰咨四岳有能奮庸熙帝之載使宅百揆亮采惠疇兪曰伯禹作司空帝曰兪咨禹汝平水土惟時懋哉禹拜稽首讓於稷契暨皋陶帝曰兪汝往哉

舜典

據舜典有云歲二月東巡守至於東岳五月南巡守至於南岳八月西巡守至於西岳十有一月朔巡守至於北岳觀四方諸侯而考制度其首協時月正日同律度量衡夫其考制度既以律曆爲先則四岳爲羲和四子必矣有能奮庸熙帝之載者謂有能奮起其功以廣堯之事見於已試之效者將使之宅百揆也蓋舜未卽位凡在位者所以言事無非堯之事也使宅百揆者將使之居度百官之任猶後世之爲宰相也亮采者輔相之義與寅亮天工之亮同爾雅曰亮左右也以是知亮有輔相之義亮采者輔相朝廷之事疇如九疇之疇謂天下之事各以其類無不順也惠疇此蓋宰相之職也載事也采亦事也既曰熙載又曰亮采者蓋前之所言熙堯之事見於已試之效也後之所言將責之以將來之效以亮舜之事也於是四岳同辭薦禹曰伯禹作司空蓋禹於是時以司空居平水土之任已有成績矣故四岳舉之將使舜自司空擢升百揆之任也薛氏以百揆爲司空之職其說失之矣兪者然其所

舉也。既其所舉，於是稱美其平水土之功而勉之曰：惟時懋哉懋，勉也。禹拜稽首，盡敬於君也。讓於

稷、契、暨皋陶，所謂推賢遜能也。俞，然其所推之賢也。汝往哉，不許其讓也。林之奇尚書全解：蒼葢云：紫傳解四岳，謂以一人而總四岳諸

候之事。通考：附會之曰：四岳所領四方諸侯，有在朝者，皆非也。林據孔傳，謂即上羲和之四子，亦未然。愚意四岳，即四方諸侯之長，猶周之二伯也。下文十有二牧，即十二州牧，則知四岳爲四方諸侯長矣。禹平水土有成績，即

擢升直揆之任。今之司河者，能盡厥職，亦可入居黃閣，豈得謂古今人遂不相及哉。

季春之月，命司空曰：時雨將降，下水上騰，循行國邑，周視原野，修利隄防，道達溝瀆，開通道路，毋有障塞。
月令

廣平曰原，國也。邑也。平野也。溝瀆與道路皆不得不通，所以除水潦，便民事也。古者溝上有路。鄭康成注。

司空掌土之官。凡此所命皆土之事，故以命焉。時雨，應時之雨也。方春物生，需雨澤之時，故其雨謂之

時雨。時雨然或過淫，則趨下之水反上騰而爲災，故命以豫備之術也。循行，則行之有序。周視，則視之

無遺。修利，則修而利之，使無害。道達，則道而達之，使無壅。開通，則開而通之，使無窮。皆欲其無有障塞

而已。障言蔽顯以爲隱，塞言窒虛而爲實。凡此皆豫備水災之術也。方慈禮記正義：此經言豫備水災之術，語語與今之河政相關切。月令之命司

空，乃行水者之所當重領而無怠者也。道路即道路之有水者。障塞二字最有味，不修利，不通達，不開通，即爲水所障塞矣。

孟秋之月，命百官始收斂，完隄防，謹壅塞，以備水潦。
月令

順秋氣收斂物也。八月宿直畢，畢好雨，完隄防，謹壅塞，以備八月也。
鄭注

陽爲出。故春主發散。陰爲入。故秋主收斂。聚土而壅之之謂壅。升土而壅之之謂塞。隄防大。故欲完而全。壅塞小。故欲謹而慎。凡此所以備水潦而已。禮記解義。

夏氣舒發。則修利隄防。無有壅塞。秋氣收斂。則全隄防。謹壅塞。水在天地間。最爲流通。不可壅之物。而其盛衰消長。亦因乎時。夏潦不可隄也。故修利而無壅。秋潦則可隄矣。必壅塞之唯謹。雖一通一障不同。而其爲民禦患則一而已。應銚禮記纂義。此經言百官。猶之乎今之大小河官也。八月正秋汛之時。完全隄防。謹慎壅塞。深得行水之精蘊矣。

川衡每大川下士十有二人。史四人。胥十有二人。徒百有二十人。中川下士六人。史二人。胥六人。徒六十人。小川下士二人。史一人。徒二十人。川衡掌巡川澤之禁令。而平其守。以時舍其守。犯禁者執而誅罰之。周禮。

川流水也。禹貢曰。九川滌源。舍其守者。時按視守者於其舍。申戒之。鄭注。

川衡者。平知川之遠近寬狹。及物之所出。官及師徒多者。以其川路長遠。巡行勞逸故也。中川小川之等。自若常法。故少差。水鍾曰澤。澤與川不同。官。今川衡兼云澤者。澤與川連者。則川衡兼掌之謂。若

濟水溢爲滎澤。滎澤則與濟連。則管濟川者兼滎澤掌之。如此之類皆是。賈公彥疏。

澤虞。每大澤大藪。中士四人。下士八人。府二人。史四人。胥八人。徒八十人。中澤中藪。如中川之衡。小澤小藪。如小川之衡。澤虞掌國澤之政令。爲之厲禁。使其地之人守其財物。周禮。

澤、水所鍾也。水希曰藪。禹貢曰：九澤既陂，爾雅有八藪。鄭注

虞亦度也。度，知澤之大小及物之所出。用中士尊於川衡者，以其澤之所出物衆多，胥徒少者，以其巡

行處近故也。中澤、小澤已下，皆如川衡者，自是常法。山虞、林衡、川衡，皆不言國。獨澤、虞云國澤者，又

有不同，皆互見。賈疏

王氏曰：使其地之人守其財物，則人自爲守，所以澤雖大，莫或害其養蕃。李嘉會曰：澤屬乎國，懼民

因之以致爭。今海之沙岸、潮之波落，凡利入之厚，無不租撲於官而後漁焉。此之謂也。王與之周禮訂義

大藪，卽如今山東濟運之昭陽、蜀山等湖。江南瀟水之射陽、汜光等湖。以及山陽、海州、秦棧之蘆蕩，營是也。爲之屬禁，則小民不得侵占，而容蓄之，水足以濟運。守其財物，則葦草不致荒蕪，而刈穫之後，足以供料。豈不大有裨於河工者哉。

者哉。

掌固，上士二人，下士八人，府二人，史四人，胥四人，徒四十人。掌修城郭、溝池、樹渠之固。周禮

樹枳棘之屬，有刺者也。鄭注

掌修城郭、溝池者，謂環城及郭皆有溝池。云樹渠者，非直溝池有樹，兼其餘渠上亦有樹也。云之固者，

總城郭已下數事，皆是牢固之事也。賈疏

劉執中曰：浚溝之土，所以爲城也。鑿池之土，所以爲郭也。溝池深於外，則城郭固於內。用其深以增高

也，渠又在其外，所以出水，因之設固，植木其上，守固之材出焉。鄭鍔曰：城郭本於築者，有時而傾，溝

池本於鑿者。有時而塞。樹則所植以爲阻塞之木也。渠則所導以通不行之水也。渠有時而淺涸。樹有時而枯槁。則吾所依以爲固者。不足恃矣。故掌固修之。蓋治壤之名也。周禮訂義。此經言掌固。雖指固守疆圉之事。然樹渠二字。似與河

事相關。渠、水道。樹、種柳。渠以通水。樹以固隄。亦河上之最要務也。當倣而行之。

司險中士二人。下士四人。史二人。徒四十人。司險掌九州之圖。以周知其山林川澤之阻。而達其道路。

設國之五溝五涂而樹之林。以爲阻固。皆有守禁。而達其道路。周禮

周猶徧也。達道路者。山林之阻。則開鑿之。川澤之阻。則橋梁之。五溝。遂溝、洫、澮、川也。五涂。徑、畛、涂、道、路也。樹之林。作藩落也。鄭注

開鑿之者。謂若禹鑿龍門之類。橋梁之者。若十月輿梁成之類是也。賈疏。愚按川澤之阻。疏云則橋梁之塞處。則疏浚之。水路不通。亦通乎。二義相兼。乃備。

司空公一人。本注曰。掌水土事。凡營城起邑。浚溝洫。修墳防之事。則議其利。建其功。凡四方水土功課。歲

盡則奏其殿最。而行賞罰。韓詩外傳曰。山陵崩陲。川谷不通。五穀不植。草木不茂。則責之司空。世祖卽位。爲大司空。建武二十七年去大。

十三年。又罷司空。置御史大夫。屬長史一人。千石。掾屬二十九人。漢官目錄云。二十四人。令史及御屬四十二人。漢承秦。凡山澤

陂池之稅。名曰禁錢。屬少府。世祖改屬司農考工。轉屬太僕。都水屬郡國。孝武帝初置水衡都尉。秩比二千石。別主上林苑。有離宮燕休之處。世祖省之。并其職於少府。每立秋。驅劉之日。輒暫置水衡都尉。事訖

乃罷之。少府本六丞。省五。又省水衡屬官令長丞尉二十餘人。州郡皆置諸曹掾史。

漢官曰。監津渠漕水掾二十五人。後

漢書百官志。

初。秦漢又有都水長丞。主陂塘灌溉。保守河渠。自太常少府及三輔等。皆有其官。漢武帝以都水官多。乃置左右使者以領之。至漢哀帝省使者官。至東京凡都水皆罷之。併置河隄謁者。漢有水衡丞五人。亦有都水丞。後漢都水使者有參軍二人。蓋亦丞之職任。舟楫署令。漢主簿中尉。屬官有都船令丞。水衡都尉有緡權令丞。文獻通考。

水衡都尉從第五品。都水使者從第五品。河防謁者第六品下。監淮海洋都尉從第六品中。永

平二年正月。尚書令高肇奏。都水臺請依舊二使者。參軍事謁者并錄事令史。亦隨事更立。詔曰。使者置二。可如所奏。其下屬司唯須充事耳。亦何勞多也。參軍錄事並更置一。謁者加二。令史依舊。肇又奏。諸州諸議記室戶曹刑獄田曹水曹集曹士曹參軍悉并省之。魏書官氏志。

魏尚書郎有水部。晉武帝受命。置水部。後又置運漕。凡三十五曹。康穆以後。有水部。後又省。大司農統都水。長東西南北部護漕掾。及渡江。哀帝省并都水。孝武復置。侍御史有水曹。都水使者。漢水衡之職也。漢又有都水長丞。主陂池灌溉。保守河渠。屬太常。漢東京省都水。置河隄謁者。魏因之。及武帝省水衡。置都水使者一人。以河隄謁者爲都水官屬。及江左省河隄使者。置謁者六人。諸州置都水從事各

一人。晉書職官志。

晉元康中、初都水使者有參軍二人。復有水衡都尉。有主簿。爲前後左右中五水衡令。悉皆有之。又有

船曹吏。文獻通考。

司空一人。掌水土事。舜攝帝位。以禹爲司空。契之子曰冥。亦爲夏司空。殷湯以咎單爲司空。周時司空爲

冬官。漢西京初不置。成帝綏和元年。更名御史大夫爲大司空。哀帝建平二年。復爲御史大夫。元壽二年

復爲大司空。光武建武二十七年。去大字。獻帝建安十三年。又罷司空。置御史大夫。魏初又置司空。世魏

晉景帝爲大司空。置掾十人。有水曹一人。無屬。咸熙中。晉文帝爲相國。有水曹掾屬各一人。晉楊駿

爲太傅掾屬。有水曹。置屬。趙王倫爲相國。亦置掾屬四十人。其中必有水曹。宋高祖爲諮議。諸曹有水曹。

初。晉元帝鎮東丞相府。有運漕。其後又有水曹。高祖爲相。曹則猶二也。尙書。晉西朝有水部曹。又有運

曹。江左。有運曹。康穆以來。猶有水部曹。後又省。宋高祖初。加置水部。侍御史。晉西朝有水曹。凡十三

曹。而置御史九人。都水使者一人。掌舟航及運部。此宋世之事。秦漢有都水長丞。主陂池灌溉。保守河渠。屬

太常。東漢省都水。置河隄謁者。魏因之。漢世水衡都尉。主上林苑。魏世主天下水軍舟船器械。晉武帝省

水衡。置都水使者。而河隄爲都水官屬。有參軍二人。謁者一人。令史減置無常員。晉西朝有參軍。而無謁

者。謁者則江左置也。懷帝永嘉六年。胡入洛陽。都水使者爰濬先出督運得免。然則武帝置職。便掌運矣。

江左省河隄此道敍晉世之事

都水使者第四品

參軍謁者第七品

此又宋世之品級也。宋書百官志。

宋孝武帝孝建元年冬十一月癸卯復立都水臺置都水使者官宋書孝武帝本紀。

宋都水使者有參軍二人文獻通考。

凡諸將軍公督府諸曹

有水部曹。

都官尚書

有水部曹。南齊書。

齊有都水臺使者一人有官船典軍

梁初亦有都水臺使者一人又有大舟卿有丞有主簿陳因之

後魏北齊有水部屬都官尚書掌舟船津梁之事亦置都水臺二使者有參軍後周有司水大夫小

司水上十有舟中十文獻通考。

隋尚書省

有水部郎。

天監七年以都水使者爲大舟卿是爲冬卿置丞及功曹主簿

大舟卿梁初爲

都水臺使者一人參軍事二人河隄謁者八人七年改焉位視中書郎列卿之最末者也主舟航隄渠陳

承襲皆循其制隋書百官志。

隋初有水部侍郎屬工部煬帝除侍字

開皇二年廢都水臺入司農十三年復置仁壽元年改臺爲

監更名使者亦爲監煬帝又改爲使者尋又爲監加置少監又改監及少監並爲令領舟楫河渠二署

都水有丞舟楫署有令丞煬帝置河渠署令丞各一人文獻通考。

唐工部尚書其屬有四四曰水部凡津梁道路治以九月水部主事二人龍朔二年改水部曰司川天寶

十一載。改水部曰司水。水部令史四人。書令史九人。掌固四人。水部郎中員外郎各一人。掌津濟船艦。渠梁隄堰溝洫。漁捕運漕之事。京畿有渠長。斗門長。諸州隄堰。刺史縣令以時檢行。而蒞其決。築有埭。則以下戶分牽。禁爭利者。都水監使者二人。正五品上。掌川澤津梁渠堰陂池之政。總河渠諸津監署。凡漁捕有禁。溉田自遠始。先稻後陸。渠長。斗門長。節其多少而均焉。府縣以官督察。丞二人。從七品上。掌判監事。凡京畿諸水。因灌漑盜費者有禁。水入內之。餘則均王公百官。主簿一人。從八品下。掌運漕。漁捕。程會而糾舉之。武德初。廢都水監爲署。貞觀六年復爲監。改令曰使者。龍朔二年。改都水監曰司津監。使者曰監。捕。程會而糾舉之。武后垂拱元年。改都水監曰水衡監。使者曰都尉。開元二十五年。不熟將作監。有錄事一人。府五人。史十人。亭長一人。掌固四人。初。貞觀六年。置舟楫署。有令一人。正八品下。掌舟楫運漕。清正一人。府三人。史六人。監漕一人。漕史一人。典事六人。掌固八人。上元二年。置丞二人。正九品下。掌運漕。開元二十六年。署河渠署令一人。正八品下。丞一人。正九品上。掌河渠陂池隄堰魚鹽之事。凡溝渠開塞。漁捕時禁。皆顯之。饗宗廟則供魚鰕。祀昊天上帝。有司攝事。則供腥魚。日供尙食。及給中書門下歲供諸司。及東宮之冬藏。渭河三百里內。漁釣者五方捕治之。供祠祀。則自便橋至東渭橋禁民漁。三元日。非供祠不探魚。唐河隄使者。貞觀初改曰河隄謁者。有府三人。史六人。典事三人。每渠及斗門有長一人。掌固三人。魚師十三人。初有監漕十人。從九品上。大歷後省。興成、五門、六門、龍首、涇堰、滋隄凡六堰。皆有丞一人。從九品下。府一人。史二人。典事一人。掌固二人。貞觀六年皆廢。河隄謁者六人。正八品下。掌完隄堰。利溝瀆。漁捕之事。涇渭。白渠。以京兆少尹一人督視。諸津令各一人。正九品上。丞二人。從九品下。掌天下津濟舟梁壩橋。永濟橋以勳官散官一人蒞之。天津橋中橋則以衛士拊埽。凡舟渠之備。皆先隄其半。柳塞竹籬。所在供焉。唐改津尉曰令。有錄事一人。府一人。史二人。典事三人。

津吏五人。橋丁各三十人。匠各八人。京兆河南諸津。隸都水監。便橋、渭橋、萬年三橋。
有丞一人。從九品下。府一人。史七人。典事二人。掌固二人。貞觀中廢。唐書百官志。

唐工部尚書一員。

正三品。南朝謂之起部。有所營造則置起部尚書。舉則省之。隋初改置工部尚書。龍朔爲司平太常伯。光宅改爲冬官尚書。神龍復舊也。

侍郎一員。

正四品下。龍朔爲司平少常伯。

尚書侍郎之職。掌天下百工屯田山澤之政令。其屬有四。一曰工部。二曰屯田。三曰虞部。四曰水部。總其

職務而行其制命。凡中外百司之事。由於所屬。咸質正焉。

水部郎中一員。

從五品上。龍朔爲司川大夫。

員外郎一員。

從六品上。

主事二人。從九品上。

令史四人。書令史九人。掌固四人。

郎中員外郎之職。掌天下川瀆陂池之政令。

以導達溝洫。賑決河渠。凡舟楫漑灌之利。咸總而舉之。凡天下水泉三億二萬三千五百五十九。其在遐

荒絕域。殆不可得而知矣。其江河自西極達於東溟。中國之大川者也。其餘百三十五水。是爲中川。其又

千二百五十二水。斯爲小川也。若渭、洛、汾、濟、漳、淇、淮、漢。皆亘遠方域。通濟軸輻。從有之。無利於生人者也。

凡天下造舟之梁四。

河則蒲津、大鵬。洛則孝義也。

河石柱之梁四。

洛則天津、永濟。中橋。霽則橋橋。

木柱之梁三。

皆渭川。便橋、中渭橋、東渭橋也。

巨梁

十有一。習國工修之。其餘皆所管州縣隨時營葺。其大津無梁。皆給船人。量其大小難易。以定其差。都

水監使者二人。

正五品上。

漢官有都水長。屬主爵。掌諸池沼。後改爲使者。後漢改爲河隄易者。晉復置都水。立使者一人。掌舟楫之事。梁改爲大舟。北齊亦曰都水。南改爲都水監。大梁復爲都者。晉又爲監。

使者掌川澤津梁之政令。總舟楫河渠二

復改監爲令。品第三。武德復爲監。貞觀改爲使者。從六品。龍朔改爲司津監。光宅爲水衡都尉。神龍復爲使者。正五品上。仍錄將作監。

署之官屬。凡虞衡之探捕。渠堰陂池之壞決。水田斗門漑漑。皆行其政令。丞二人。

從七品上。主簿二人。從八品下。

錄事一人。府五人。史十人。掌固三人。

舟楫署令一人。

正八品下。

丞二人。

正九品下。

舟楫署令。掌公私舟船運漕。

之事。河渠署令一人。正八品下。丞一人。正九品上。府三人。史六人。河隄謁者六人。掌修補隄堰漁釣之事。典事

三人。掌固四人。長上漁師十人。短番漁師一百二十人。明資漁師一百二十人。河渠令掌供川澤魚醢之事。祭祀則供魚醢。諸司供給魚及冬藏者。每歲支錢二十萬。送都水。命河渠以時價市供之。諸津令一

人。正九品上。丞一人。從九品下。津令各掌其津濟渡舟梁之事。舊唐書職官志。

五代史無職官志。唐臣蕭希甫傳。有河堰牙官李筠。告本軍謀反。周本紀。顯德五年秋七月乙酉。水部

員外郎韓彥市銅於高麗。二事。則五代時亦有水部與都官屬官矣。餘無聞。小谷口舊載。

晉天福二年九月。判詳定院梁文舉奏。以前汴州楊武縣主簿左墀。進策十七條。可行者四。其一。請於

黃河夾岸。仍防秋水暴漲。差上戶充隄長。一年一替。委本縣令。十日一巡。如怯弱處。不早處置。旋令修

補。致臨時偷決。有害秋苗。既失王租。俱爲墮事。隄長處死。縣令勒停。敕曰。修葺河岸。深護田農。每歲差

隄長巡檢。深爲濟要。逐旬遣縣令看行。稍恐煩勞。隄長可差。縣令宜止。四月詔曰。近年以來。大河頻決。

漂蕩人戶。妨廢農桑。言念蒸黎。因茲凋弊。凡居牧皆委山河。旣在封巡。所宜專功。起今後宜令沿河廣

晉開封府尹。逐處觀察防禦使。刺史等。並兼河隄使名額。任便差選職員。分擘勾當。有隄堰薄怯。水勢

衝注。預先計度。不得臨時失於防護。治河通考。

宋工部尙書。掌百工水土之政令。稽其功緒。以詔賞罰。侍郎爲之貳。水部郎中員外郎。掌溝洫津梁舟

捍漕運之事。凡隄防決溢。疏導壅底。以時約束。而計度其歲用之物。修治不如法者。罰之。規畫措置爲民利者。賞之。分案六。置吏十有三。紹興累減吏額。都水監舊隸三司河渠案。嘉祐三年始專置監以領之。判監事一人。以員外郎以上充。同判監事一人。以朝官以上充。丞二人。主簿一人。並以京朝官充。輪遣丞一人。出外治河埽之事。或一歲再歲而罷。其有諳知水政。或至三年。置局於灋州。號曰外監。元豐正名。置使者一人。丞二人。主簿一人。使者掌中外川澤。河渠津梁隄堰。疏鑿浚治之事。丞參領之。凡治水之法。以防止水。以溝瀆水。以滄瀉水。以陂池瀦水。凡江淮海所經都邑。皆頒其禁令。視汴洛水勢漲涸增損。而調節之。凡河防謹其法禁。歲計筭擬之數。前期儲積。以時頒用。各隨其所治地而任其責。興役以後月至十月止。民功則隨其先後。毋過一月。若導水溉田。及疏治壅積。爲民利者。定其賞罰。凡修隄岸。植榆柳。則視其勤惰多寡。以爲殿最。南北外都水丞各一人。都提舉官八人。監埽官百三十有五人。皆分職漚事。卽干機速。非外丞所能治。則使者行視河渠事。元豐八年。詔提舉汴河隄岸司隸本監。先是導洛入汴。專置隄岸司。至是亦歸之。元祐四年。復置外都水使者。五年。詔南北外都水丞。並以三年爲任。七年。方議回河東流。乃詔河北東西漕臣。及開封府界提點各兼南北外都水事。紹聖元年罷。元符三年。詔罷北外都水丞。以河事委之漕臣。三年復置。重和元年。工部尙書王詔言。乞選差曾任水官。諳練者爲南北兩外丞。從之。宣和三年。詔罷南北外都水丞司。依元豐法。通差文武官一員。分案七。置吏三十有七。所隸有街道司。掌

轄治道路人兵。若車駕行幸，則前期修治。有積水，則疏導之。建炎三年，詔都水監置使者一員。紹興九年，

復置南北外都水丞各一員。南丞於應天府，北丞於東京。置司十年，詔都水事歸於工部，不復置官。宋史職官志

志

宋太祖乾德五年正月，詔開府、大名府、鄆、澶、滑、孟、濮、齊、滋、滄、棣、濱、德、博、懷、衛、鄭等州長吏，並兼本州河隄使。蓋以謹力役，以重水患也。宋史河渠志

宋太祖開寶五年三月，詔曰：朕每念河渠潰決，頗爲民患。故署使職，以總領焉。宜委官聯，佐治其事。目今開封等十七州府，各置河隄判官一員，以本州通判充。如通判缺員，卽以本州官充。宋史河渠志

宋太宗淳化二年三月，詔長吏以下，及巡河主埽使臣，經度行視河防，勿致壞墮。違者當寘於法。宋史河渠志

宋真宗咸平三年，詔緣河官吏，雖秩滿須水落受代。知州通判兩月一巡隄，縣令佐迭巡隄防。轉運使勿

委以他職。宋史河渠志

宋仁宗皇祐三年五月壬申，置河渠司。宋史仁宗本紀

宋仁宗嘉祐三年十一月己丑，置都水監，罷河渠司。宋史仁宗本紀

宋神宗熙寧四年，命程昉爲都大提舉黃、御等河。宋史河渠志

宋神宗熙寧六年四月，始置疏濬黃河司。自衛州浚至海口，人船木鐵工匠皆取之諸埽。官吏俸給，視都

水監丞司行移與監司敵體。宋史河渠志。

宋神宗熙寧九年九月丙寅詔罷都大制置河北河防水利司。宋史神宗本紀。

宋神宗元豐三年五月甲申詔改都大提舉導洛通汴司爲都提舉汴河隄岸司。宋史神宗本紀。

宋哲宗元祐四年復置修河使。宋史河渠志。

宋哲宗元祐五年罷修河使及檢舉。宋史河渠志。

宋哲宗元祐七年四月詔南北外丞司管下河埽今後令河北京西轉運使副判官府界提點分認界至。

內河北仍於御內帶兼管南北外都水公事。宋史河渠志。

宋哲宗紹聖二年詔武進丹陽丹徒縣界沿河隄岸及石礮石木溝並委令佐檢察修護勸誘食利人戶

修葺任滿稽其勤惰而賞罰之從工部之請也。宋史河渠志。

宋哲宗元符三年七月復置北外都水丞司。宋史河渠志。

宋徽宗崇寧元年十二月置提舉淮浙澳牐司官一員掌杭州至揚州瓜洲澳牐凡常潤杭秀揚州新舊

等牐通治之。宋史河渠志。

宋徽宗政和五年置提舉修繫永橋所。宋史河渠志。

宋徽宗宣和四年臣僚言都水監因恩州修河舉辟文武官至百二十餘員授牒家居不省所領何事皆

乘傳給券。第功希賞。詔除正官十一員外。餘並罷。所隸有東京四排岸司監官。各以京朝官閣門祇候以上及三班使臣充。掌水運綱船輸納顧直之事。汴河上下鎖。蔡河上下鎖。各監官一人。以三班使臣充。掌算舟船木筏之事。天下堰總二十一。監官各一人。渡總六十五。監官各一人。皆以京朝官三班使臣充。亦有以本處監當兼掌者。宋史河渠志。

行水金鑑卷第一百六十五

官司

金泰和四年吏部定考課法准唐令作四善十七最之法十一曰隄防堅固備禦無虞爲河防之最工部尙書一員正三品侍郎一員正四品郎中一員從五品掌修造工匠屯田山林川澤之禁江河隄岸道路橋梁之事員外郎一員從六品主事二員從七品覆實司管勾一員從七品主事有令史十人都水監街道司隸焉分治監專規措黃沁河衛州置司監正四品掌川澤津梁舟楫河渠之事興定五年兼管勾沿河漕運事作從五品少監正六品以下皆同兼漕事少監從五品明昌二年增一員衛州分治丞二員正七品內一員外監分治貞元元年置掾正八品掌興承同外監分治大定二十七年添一員明昌三年併罷之六年復置二員勾當官四員准備分治監差委明昌五年本以罷掾設二員興定五年設四員都巡河官從七品掌巡視河道修完隄堰栽植榆柳凡河防之事分治監巡河官同此諸都巡河官掌提控諸壩巡河官明昌五年設以合得縣令人年六十者選充大定二年設漳洹河巡河官二員散巡河官於諸局及承簿廉舉人并見勾當人六十以下者充黃汴都巡河官下六處河陰雄武滎澤原武陽武延津各設散巡河官一員黃沁都巡河官下四處懷州孟津孟州城北各設黃沁散巡河官各一員衛南都巡河官下四處新鄉崇福上崇福下衛南淇上散巡河官各一員滑濬都巡河官下四處武城白馬書城教城散巡河官各一員

曹甸都巡河官下四處東明西佳孟華陵城散巡河官各一員曹濟都巡河官下四處定陶濟北寒

山金山散巡河官各一員

凡二十五捕堤兵萬二千人

諸埽物料場官掌受給本場物料分治監物料場官同此唯

崇福上下埽物料場官與當界官通管收支南京延津渡河橋官兼議察事管勾一員同管勾一員掌橋

船渡口議察濟渡給受本橋諸物等事內議察事隸留守司餘浮橋官同此皇統三年四月懷州置黃

沁河隄大管勾司未詳何年罷正大二年外監東置歸德西置于河陰散巡檢正九品內泗州以管勾

排岸兼之皆設副巡檢一員爲之佐大慶關管勾河橋官兼議察事一員正八品掌解繫浮橋濟渡舟

楫巡視河道修完埽岸兼率埽兵四時功役栽植榆柳預備物料議察姦僞等事同管勾一員司吏二人女直漢人各

一人

提舉三門集津南北岸正六品南遷後置金史百官志

金世宗大定十年二月濬沱河金史河渠志設巡河官二員

金世宗大定十九年九月設京埽巡河官一員金史河渠志

金世宗大定二十七年二月丁亥命沿河京府州縣長貳官並帶管勾河防事金史世宗本紀

金章宗泰和六年春正月癸卯始以沿河縣官兼管勾漕河事州府府官兼提控金章宗本紀十二月通濟河

棚設巡河官一員與天津河同爲一司通管漕河隔岸上名天津河巡河官隸都水監金史河渠志

元工部尙書三員四員二員一員不等侍郎員外郎亦多少巡河提領所提領二員副提領一員都水監秩從三

品掌治河渠并隄防水利橋梁插堰之事都水監二員從三品少監一員正五品監丞二員正六品經歷知事各一員令史十人蒙古必闡赤一人回回令史一人通事知印各一人奏差十人壕寨十六人典吏二人至元二十八年置二十九年領河道提舉司大德六年陞正三品延祐七年仍從三品大都河道提舉司秩從五品提舉一員從五品同提舉一員從六品副提舉一員從七品河南山東都水監至正六年五月以連年河決爲患置都水監以專疏塞之任行都水監至正八年二月河水爲患詔於濟寧鄆城立行都水監九年又立山東河南等處行都水監十一年十二月立河防提舉司隸行都水監掌巡視河道從五品十二年正月行都水監添設判官二員十六年正月又添設少監監丞知事各一員都水庸田使司至元二年正月置都水庸田使司于平江旣而罷之至五年復立至正十二年因海運不通京師闕食詔河南窪下水泊之地置屯田八處於汴梁添立都水庸田使司正三品掌種植稻田之事庸田使二員副使二員僉事二員首領官經歷知事照磨各一員司吏十二人元史百官志譯史二人元史百官志元有天下內立都水監外設各處河渠司以興舉水利修理河防爲務元史河渠志自元以來都水河渠設官專元史河渠志元世祖中統四年九月乙酉立漕運河渠司元史世祖本紀按史百官志凡漕運之事中統二年初立軍儲所尋改漕運所至元元年改漕運司十二年改都漕運司十九年改京元史世祖本紀則漕運專司運糧不理河務矣是年立漕運河渠司似爲兼職與明季相同據此

元世祖至元十四年三月癸巳以行都水監兼行漕運司事元史世祖本紀

元世祖至元十九年四月庚戌設懷孟路管河渠使副各一員。元史世祖本紀。

元世祖至元二十五年二月丙寅改河渠提舉司爲轉運司。元史世祖本紀。

至元二十六年會通河成後四年始建都水分監於東阿之景德鎮掌河渠壩閘之政。山東金河備考。

元世祖至元二十七年十月甲戌立會通汶泗河道提舉司從四品。元史世祖本紀。

元世祖至元二十九年正月己亥命太史令郭守敬兼領都水監事仍置都水監少監丞經歷知事凡八

員。四月壬子敕都水監分視黃河隄堰罷河渡司。元史世祖本紀。

元成宗大德二年二月乙丑立浙西都水庸田司專主水利。元史成宗本紀。

元成宗大德三年四月己未自通州至兩淮漕河置巡防捕盜司凡十九所。元史成宗本紀。

尙野改懷孟河渠副使會遣使問民疾苦野建言水利有成法宜隸有司不宜復置河渠官事聞於朝河

渠官遂罷遷國子助教。元史尙野傳。

元成宗大德八年正月辛巳自滎澤至睢州築河防十有八所。元史成宗本紀。

元武宗至大元年八月戊申寧夏立河渠司秩五品官二員參以二僧爲之特授佩頭太史。元史武宗本紀參以二僧

爲之元政之紀綱亂矣。

至大三年十一月河北河南道廉訪司言於汴梁置都水分監妙選廉幹深知水利之人專任其職量

存員數。頻爲巡視。職掌既專。則事功可立。於是省令都水監議黃河泛漲止是一事。難與會通河爲比。先爲御河添官降印兼提點黃河。若使專一分監在彼。則有妨御河公事。況黃河已有拘該有司正官提調。自今莫若分監官吏。以十月往。與各處官司巡視缺破。會計工物督治。比年修完。來春分監新官至。則一一交割。然後代還。庶不相誤。工部議黃河爲害。難同餘水。欲爲經遠之計。非用通知古今水利之人。專任其事。終無補益。河南憲司所言詳悉。今都水監別無他見。止依舊例議擬未當。如量設官。精選廉幹奉公。深知地形水勢者。專任河防之職。往來巡視。以時疏塞。庶可除害。省準令都水分監官專治河患。任滿交代。治河通考。

元泰定帝泰定二年閏正月壬申。罷松江都水庸田使司。命州縣正官領之。仍加兼知渠堰事。二月庚子。姚煒以河水屢決。請立行都水監於汴梁。倣古法備捍。仍命瀕河州縣正官皆兼知河防事。從之。六月丁未。立都水庸田使司。浚吳松二江。元史泰定帝本紀。

元泰定帝泰定三年正月壬子。置都水庸田司於松江。掌江南河渠水利。元史泰定帝本紀。

元順帝至正六年五月丁酉。以黃河決。立河南山東都水監。元史順帝本紀。

元順帝至正九年春正月癸卯。立山東河南等處行都水監。專治河患。元史順帝本紀。

元順帝至正十二年。海運不通。立都水庸田使司於汴梁。元史順帝本紀。

元世祖至元十九年四月庚戌設懷孟路管河渠使副各一員。元史世祖本紀

元世祖至元二十五年二月丙寅改河渠提舉司爲轉運司。元史世祖本紀

至元二十六年會通河成後四年始建都水分監於東阿之景德鎮掌河渠壩閘之政。山東金河備考

元世祖至元二十七年十月甲戌立會通汶泗河道提舉司從四品。元史世祖本紀

元世祖至元二十九年正月己亥命太史令郭守敬兼領都水監事仍置都水監少監丞經歷知事凡八

員。四月壬子敕都水監分視黃河隄堰罷河渡司。元史世祖本紀

元成宗大德二年二月乙丑立浙西都水庸田司專主水利。元史成宗本紀

元成宗大德三年四月己未自通州至兩淮漕河置巡防捕盜司凡十九所。元史成宗本紀

尙野改懷孟河渠副使會遣使問民疾苦野建言水利有成法宜隸有司不宜復置河渠官事聞於朝河

渠官遂罷遷國子助教。元史尙野傳

元成宗大德八年正月辛巳自滎澤至睢州築河防十有八所。元史成宗本紀

元武宗至大元年八月戊申寧夏立河渠司秩五品官二員參以二僧爲之特授佩頭太史。元史武宗本紀

爲之元政之紀綱亂矣

至大三年十一月河北河南道廉訪司言於汴梁置都水分監妙選廉幹深知水利之人專任其職量

存員數。頻爲巡視。職掌既專。則事功可立。於是省令都水監議黃河泛漲止是一事。難與會通河爲比。先爲御河添官降印兼提點黃河。若使專一分監在彼。則有妨御河公事。況黃河已有拘該有司正官提調。自今莫若分監官吏以十月往。與各處官司巡視缺破。會計工物督治。比年修完。來春分監新官至。則一一交割。然後代還。庶不相誤。工部議黃河爲害。難同餘水。欲爲經遠之計。非用通知古今水利之人。專任其事。終無補益。河南憲司所言詳悉。今都水監別無他見。止依舊例議擬未當。如量設官。精選廉幹奉公。深知地形水勢者。專任河防之職。往來巡視。以時疏塞。庶可除害。省準令都水分監官專治河患。任滿交代。治河通考。

元泰定帝泰定二年閏正月壬申。罷松江都水庸田使司。命州縣正官領之。仍加兼知渠堰事。二月庚子。姚煒以河水屢決。請立行都水監於汴梁。倣古法備捍。仍命瀕河州縣正官皆兼知河防事。從之。六月丁未。立都水庸田使司。浚吳松二江。元史泰定帝本紀。

元泰定帝泰定三年正月壬子。置都水庸田司於松江。掌江南河渠水利。元史泰定帝本紀。

元順帝至正六年五月丁酉。以黃河決。立河南山東都水監。元史順帝本紀。

元順帝至正九年春正月癸卯。立山東河南等處行都水監。專治河患。元史順帝本紀。

元順帝至正十二年。海運不通。立都水庸田使司於汴梁。元史順帝本紀。

元順帝至正十五年十月己卯立黃河水軍萬戶府於小清口。

元史順帝本紀。

元順帝至正二十六年二月癸丑朔立河淮水軍元帥府於孟津縣。

元史順帝本紀。

明工部尚書左右侍郎掌天下百工營作山澤採捕窯冶屯種榷稅河渠織造之政令。屬有

部爲都水清吏司郎中員外郎主事分掌川瀆陂池橋道舟車之事。

明會典。

凡運河職官永樂初年差主事一員疏導寧陽縣等處泉源以濟運河後又差通政郎中各一員又差

主事一員專管開河臨清開則令提督衛河提舉司主事兼管皆二年更代十二年議罷海運令工部

尚書一員及都督一員疏濬運河十五年令伯一員充總兵官勅行漕事又遣都督侍郎各一員及

尚書一員伯二員往來提督以本部員外郎主事二員分理又遣侍郎提督監察御史錦衣千戶等官

巡視十九年遣侯伯各二員分理濟寧等開及徐州呂梁二洪通州等處河道徐州洪差御史一員又

差郎中一員呂梁洪差少卿一員又差河南按察司官一員又差郎中一員。

今二洪各差主事一員專管三年更代運爲定制。

宣

德中設濟寧管開主事正統四年定巡視河道部屬官六員提督侍郎都御史各一員以濟寧爲界其

南屬侍郎其北屬都御史又以都督一員遞相提督景泰元年令提督河道專屬都御史二年減巡

視河道主事一員復減巡河御史二員以巡鹽御史兼理三年設山東府州縣管河官六年令總督

漕運都督兼理河道天順元年減淮安臨清沙灣巡河主事三員仍差主事一員管揚州一帶河道

成化初。定設主事一員。專管寧陽縣等處泉源。七年始分河道爲三節。北自通州至德州。南自沛縣至儀真。各屬郎中一員。中自德州至濟寧。屬山東按察司官一員。又以侍郎一員總理。罷主事御史。惟管洪開主事如故。八年復令長蘆巡鹽御史兼理通州臨清一帶河道。又御史一員兼理濟寧至南京河道。十三年奏准管河郎中兼理河道。驛傳捕盜夫役等事。又令河道自通州至濟寧。濟寧至儀真。仍以郎中二員分理。十九年令沛縣沾頭等閘別差主事一員提督。二十一年罷河南布政司管河沁二水官。添設主事一員。弘治元年罷沾頭閘主事。令濟寧以南河道令巡鹽御史兼理。又罷管河沁二水主事。令徐州洪主事提調。三年令山東勸農參政兼理山東河道。又令各府州縣管河官帶領家口。專在該管去處。坐住管理河道。不許私回衙門營幹他事。七年復差沾頭主事。八年因治河工完。奏准仍以河道分三節。設官三員理之。革淮揚二府山陽等縣管河通判主簿。十八年令浙西水利僉事。濬常鎮河道。以便糧運。正德二年。革河南新鄉獲嘉武陟等縣管河主簿。八年設大名府通判一員。東明長垣武城曹縣主簿各一員。專管河道。嘉靖二年復罷沾頭閘主事。并罷湖陵沾頭上中下金溝射溝新興黃家等八閘官吏。令徐州洪主事帶管。又議准遣都御史一員提督河道事務。山東河南南北直隸巡撫三司等官俱聽節制。仍添設郎中員外郎各一員分理。七年罷提督衛河提舉司主事。令管磚主事帶管閘座。又以修濬大通河成。設郎中一員駐劄通州。往來督理。兼管天津一帶河

道。八年罷戶部督運官。令管河郎中兼理。又令徐州兵備副使兼理曹、沛、徐、淮一帶黃河。十三年復設沽頭關主事。并新興、黃家、湖陵等七關官吏人夫。十四年復設直隸景州、滄州管河通判。十五年設兗州府同知一員。疏濬泉源。聽管泉主事提調。又令清江浦抽分主事兼管移風等五關。二十年設南旺管閘主事。置饒山鎮閘及官吏人夫。又令濬南旺、安山、馬場、昭陽四湖築隄開渠。添置閘壩斗門。仍照地界分隸本部郎中帶管。二十四年革南旺管閘主事。令管泉主事帶管。添設歸德府通判一員。商丘縣主簿一員。專管河道。二十五年改兗州府管泉同知。駐劄曹縣。添設單縣管河主簿一員。隆慶元年。移沽頭主事於夏鎮。駐劄管理新河一帶。三年革叢林、魯橋、利建各閘官。以南陽閘帶管。革師家莊新閘閘官。以仲家淺帶管。六年添設河南副使一員。給敕專管黃河修築隄岸。又題復夏津、魚臺二縣各主簿一員。專管新河石隄閘壩。設廣惠閘官吏帶管通惠閘。萬曆元年。題准蘇、常、鎮三府連河。責之蘇、松兵備副使。浙西連河。責之浙江水利僉事。照所轄地方。時加疏濬。如有疏濬不早。致誤糧運者。俱聽總理河道侍郎并價運御史參究。革移風閘帶管板閘官吏。三年革兗州府南旺管河通判。令本府管河同知帶管。仍兼管泉。濟寧衛管河指揮一員。四年添設山東督濬官。東平、濟寧二州各判官一員。泰安州吏目一員。汶上、曲阜、鄒、滕四縣各縣丞一員。泗水、魚臺二縣各主簿一員。新泰、萊蕪、肥城、平陰、寧陽、滋陽、嶧七縣各典史一員。鉅野、嘉祥各典史一員。每州縣設管泉義官一員。或兼管壩。惟魚臺、

平陰不設泉官。以濟寧、東平帶管。又泰安州泉官二員革一員。鄒、嶧二縣各泉官俱革。以濟寧、滕縣帶管。其各州縣管泉老人並革。添設淮安府管河同知一員。五年添設總理河漕都御史一員。後以工完停止。革提督河道都御史。其事務併歸各該巡撫。照地分管。又革呂梁洪主事。添設中河郎中一員。駐劄呂梁。兼管洪事。六年革徐州洪主事。併屬中河郎中兼管。其鈔務歸併戶部分司。七年議准山東河南南北直隸各巡撫銜內。添兼管河道四字。給與專敕。添設高堰、柳浦二隄大使一員。歸仁集遙隄義官一員。八年革土橋、李海務二閘閘官。以良家鄉周家店官各帶管。十一年議准淮安府管河同知二員。原駐邳州者改於甘羅城。專管清、桃、山、鹽等處河道。原駐徐州者改於邳州。管徐州至宿遷河道。設梁境古洪各閘官一員。內華閘以古洪帶管。十三年令山東濟、青、登、萊四府管糧通判。及所屬州縣管糧官。俱帶管水利。凡漕河正閘。各設閘官一員。吏一名。其無官吏者。以別閘帶管。明會典。

明太宗永樂二十一年五月丙戌。設直隸淮安府山陽縣移風閘。置閘官一員。明太宗實錄。明英宗天順元年七月戊子。初。工部奏河道有郎中、主事。及巡河御史管理。上敕右都督徐恭專管漕運。至是恭言平江伯陳瑄總督漕運。兼理河道。今令臣不得兼理河道。恐有誤漕運。上從之。令如平江伯故事。十月乙巳。漕運總兵右都督徐恭奏。揚州一帶。寶應、汜光、邵伯、高郵等處。隄岸衝決數多。清江提舉司造船主事不能兼理。乞增設管河主事一員。從之。明英宗實錄。

按國初或以工部尙書侍郎侯伯都督提督運河。自濟寧分南北界。或差左右通政少卿。或都水司屬分理。又遣監察御史錦衣衛千戶等官巡視。其沿運河之閘泉。及徐州呂梁二洪。皆差官管理。或以御史或以郎中。或以河南按察司官。後皆革去。而止設主事。三年一代。然俱爲漕運之河。不爲黃河也。惟總督河道大臣。則兼理南北直隸河南山東等處黃河。亦以黃河之利害與運河同也。總督之名。自成化。宏治間始。或以工部侍郎。或以都御史。常於濟寧駐劄。其河南山東二省巡撫都御史。則鹽書所載。河道爲重務。分二省各設按察司副使一員。專理河道。山東者則以曹濮兵備帶管。其巡視南北運河御史。亦以各巡鹽御史兼之。不別差也。成化十年。令凡漕河事悉聽專掌官區處。他官不得侵越。凡所徵椿草。并折徵銀錢。備河道之用者。毋得以別事擅支。凡府州縣添設通判判官主簿。閘壩官專理河防。不許別委。凡府州縣管河及閘壩官有犯。行巡河御史等官問理。別項上司不得徑自提問。治河通考。

明憲宗成化二十二年十月己丑。戶部會官議覆漕運巡撫等官所陳事宜。一揚州府朝宗二閘。宜增設

閘官一員。從之。明憲宗實錄。

明孝宗宏治三年五月。增置濟寧州廣運上閘。設閘官一員。明孝宗實錄。

明孝宗宏治八年九月丁未。裁革揚州淮安二府管河通判。及山陽清河睢寧儀真四縣管河主簿。各一

員。明孝宗實錄。淮揚二府。所屬河務多矣。所設通判主簿。斷不可缺。無端裁革。殊不可解。宜乎後來部議之不從何棄中所奏也。

明孝宗宏治十七年五月丁巳。工部覆議。監察御史何天衢所陳。裁革管河冗員之奏。謂先年安平鎮衝決。始則甚微。本處官司互相推調。遂成大患。朝廷特遣大臣修築。動費萬計。終年不已。今天衢所言。固節財省費之意。但管河郎中。比別項官不同。專選主事。止是分管洪閘。其餘河渠壩堰。隄岸決口。或溢或涸。與夫椿草之徵需。官夫之代替。至如蓄少洩餘。興利除害。專官督理。尙恐有失。設若革去。萬一如先年衝決。及今年旱乾。舟楫阻滯。誰任其責。況今廷臣議奏。專設之數。未可裁革。從之。明孝宗實錄。

正德七年。敕命都察院右副都御史劉愷。總理河道。愷擢兵部侍郎。掌通政司事。回京整理曹州等處兵備。兼理河道。山東按察司副使吳漳。督同曹州知州吳瓚。濟寧州同知賈存哲。往來巡視。祭告河神。獲完達撫按。請大臣總理。擢巡撫都御史趙璜爲工部右侍郎。仍兼憲職。總理其事。璜請兗州府添設同知。大名府添設通判。曹縣。城武。東明。長垣各設主簿一員。專事河防。璜具工完始末。繪圖以聞。河治考。

明世宗嘉靖元年六月丁酉。河南考城縣添設管河主簿一員。從總理河道侍郎李瓚奏也。明世宗實錄。
明世宗嘉靖十年五月辛丑。裁革嘉祥。東阿。館陶三縣管河主簿。添設景州。滄洲管河判官。明世宗實錄。
明世宗嘉靖十四年二月戊申。裁革直隸豐縣。河南陽武縣管河主簿各一員。復設直隸景州。滄州管河判官。河南原武。封丘。蘭陽。儀封。夏邑等縣管河主簿各一員。添設河南睢州。歸德州管河判官。及直隸蕭

縣主簿各一員。

明世宗實錄。景州滄州既於十年添設判官矣。至是又復設之。豈二州設有兩員耶。

明世宗嘉靖十七年三月庚辰增設河間府所屬故城、吳橋、東光、南皮、交河、興濟、青縣、靜海等縣主簿各一員。專管治河。裁革兗州府同知一員。單縣、豐縣主簿各一員。從河道都御史于湛奏也。明世宗實錄。

按明初之制。自瓜、儀以至通州。河道皆屬漕撫。設郎中二員。南北專理之。其諸洪閘。各有主事一員。專司漕運。都御史敕諭。則各有自通州至揚州一帶水利。皆當蓄洩者。嚴飭該管官司。并巡河御史。管河管洪郎中等官。設法疏築。以便糧運。怠職誤事者。一體參奏。凡有便於糧運者。利於軍民者。悉聽爾等便宜處置之命。河漕事原歸一。其後偶遇黃河潰決。則專敕大臣一員往治。竣事還京。不常設。後遇有水患。遂以爲定員。其職專管黃河。於曹州駐劄。河南山東管河副使。則屬之管河郎中。洪閘主事。不相屬也。故聽河敕云。今特命照前去總理河道。其黃河北岸長隄。并各該隄岸。應修築者。亦要著實用工。修築高厚。以爲預防之計。如各該地方。遇有水災。即便相度。訪究水源。可以開通分殺。并可築實隄防處所。仍嚴督各該管官員。斟酌事勢緩急。定限工程。分投用工。作急修理。凡修河事宜。敕內該載未盡者。俱聽爾便宜處置。事體重大者。奏請定奪。此原敕也。後增入云。近年沛縣迤北漕河。屢被黃河衝決。已經差官整理。今特命爾前去總理河道。督率管河、管洪、管泉、管閘郎中主事。及各該三司軍衛有司。掌印管河兵備等官。時常往來親歷。多方經畫。遇有淤塞去處。務要挑浚深廣。蓋此敕亦爲黃河衝塞。

漕河故有是命其實專爲黃河也。先年總漕都御史每歲押糧運進京會議往迺查河道其私托巡按奏留自嘉靖元年都御史俞諫後更不赴京矣。至嘉靖二十年二洪淺阻糧運不通總漕乃具疏盡推河道奉旨切責自管河都御史而下俱戴罪料理自此總河總漕分爲二竟以漕爲米不知爲河矣而且彼此水火漕法始亂新文襄公治河書

明世宗嘉靖二十六年閏九月乙酉復設山東兗州府管河同知單縣管河主簿各一員明世宗實錄按此可見十七年總河于濬奏裁之非是也

明世宗嘉靖四十一年二月庚申裁革山東夏津直隸吳橋興濟河南商丘四縣各管河主簿一員明世宗實錄設官分職在祖宗朝原有深意山東河南各縣河務最繁之所河官專責豈容旋復旋革綱更制度甚矣明中葉君臣紀綱之紊亂也

漕河經始官無定員當其時故道久廢天子銳意規畫一時恢宏奇偉之士獻智略者輻輳上前故自工部尙書宋禮都督周長平江伯陳瑄而下有若尙書劉觀侍郎蘭芳張信新寧伯譚清襄城伯李隆員外郎夏濟主事劉文勇等凡數公往來督視其後河工旣成天子重其事遣秦寧侯鎮遠侯新寧遂安兩伯分理濟寧諸閘及徐呂二洪通州諸處河道最後遣大理少卿工部郎中員外主事監察御史河南按察副使等官景泰二年都御史王竑始奉敕總漕兼領河道自通州至揚州一切水利有當蓄洩者得以便宜督所司行之六年迺命都御史陳泰提督濟寧至儀真瓜洲河道亡何罷不設成化六

年漕河處處淺澀。遣戶部尚書薛遠、工部侍郎喬穀分行疏濬。御史丁川上言。請如先年用陳泰事。嵩設提督官。令其久任。工部議以爲運河洪閘有本部郎中一人。主事八人。巡河御史二人。河南黑羊山有參議一人。山東張秋河道有僉事一人。兗州有同知一人。管泉及各府皆有通判一人。管河立法已密。宜勿設便。至是言者復以爲河道因無專主。以至廢弛。乃命郎中陸鏞、郭昇分治南北。副使陳善則治沙河以北。德州以南。而刑部侍郎王恕總之。主事則分理洪閘。其提督淮安至儀真河道主事。及巡河御史。奏罷不用。自恕以後。總理不復設。間值河有他故。遣大臣行視圖方略治之。事竟還朝。正德十一年。始專設總理。以工部侍郎兼都御史。或左右副都御史兼侍郎兼軍務。其沿河分理河務。則有工部郎中三人。北河張秋一。中河呂梁一。南河高郵一。又通惠員外一人。主事五人。一臨清。一南旺。一夏鎮。一徐州。一清江浦。隆慶元年。始分巡漕御史。兼管其各府州縣瀕漕河者。長吏與有修治之責。此外有管河同知。通判。州判。主簿等官。專領其事。衛亦有巡河指揮。諸閘壩有閘官壩官。南河全考

明永樂都燕。最重漕政。始差主事一員。疏導山東泉源。及分汶水以利漕。其後或以通政少卿。及監察御史。錦衣衛千戶等官。巡視運河閘泉。宣德中。設主事管理濟寧閘座。兼管河道。又設主事提督徂徠等處泉源。已而罷遣。以山東參政副使管理河漕。天順二年。以河南道副使一員。整理濟寧以北河道。成化初。改命通政駐劄張秋。掌衛河。會通河漕政。北至天津。南至魚臺一帶。凡泉湖閘壩隄淺之事皆

隸焉。旋以山東副使兼攝之。尋改都水司郎中。奉敕行事。凡沿河有司及管河文武官員。悉聽節制。又除都水司主事二員。奉部檄行事。一駐劄寧陽管泉源。一駐劄濟寧管閘座。其南陽以南。沛縣所轄。用平江伯陳銳議。命主事一員。駐劄於上沽頭。以治水事。宏治十八年。以南旺南北二閘。係水泉總會分派之所。最爲要害。二閘一官一吏管理。職卑任小。往來官豪。得以擅自啓閉。常至走洩水利。糧艘淺閣。別設分司。以寧陽管泉主事兼攝之。正德間。專差主事一員。駐劄南旺。又設主事一員。管理臨清閘座。嘉靖間。罷遣南旺主事。仍以寧陽主事兼攝其政。亦罷臨清主事。屬其事於輒廠。移沽頭分司於夏鎮。隆慶初。議併濟寧閘務於管泉主事。遂以都水主事一員。管理徂徠等處泉源。兼管南旺濟寧閘座。改稱南旺分司。萬歷十六年。以科臣張居敬請。夏鎮。南旺各給關防。以重事權。山東全河備考

漕河至山東。爲府者三。爲州者四。爲縣者六。自魚臺至臨清。得洸、汶、泗、沂四水。其泉百七十餘。會於四水。而分流於漕渠。有水部郎一人以掌之。爲牐凡三十。有守津吏以啓閉。爲淺凡二百二十。各有津老。以時疏治。又黃河常決張秋。決曹、單、魚臺。其道非一。有司空兼御史臺一人。水部郎一人。按察副使一人。統州邑判官、主簿。以分治其事。漕河之有藉於山東者。煩重如此。此舊制也。唯有水性遷徙靡常。隆萬之間。總河潘季馴爲之疏浚建置。凡湖河壩口泉閘。多所創修。山東通志

自虞舜命伯禹作司空。帝曰。兪。咨禹。汝平水土。至秦、漢。有都水長丞。漢武帝以都水官多。乃置左右使

都以領之。成帝以王延世爲河隄使者。哀帝初，平當爲鉅鹿太守，以明禹貢，使行河爲騎都尉，領河隄。晉武帝置都水臺，而河隄爲都水官屬。梁改都水使者爲大舟卿，其最卑者，主舟航河隄。後魏初，有水衡都尉，及河隄謁者，都水使者，隋煬帝河渠署，置令丞各一人。唐因之。開元中，以宇文融爲九河使，石晉置隄長，宋置都水監，黃御等河都大提舉，巡河主壩使，提舉河防司。元以工部尙書爲總治河防使，明或以工部尙書侍郎侯伯都督提督運河，自濟寧分南北界，或差左右通政少卿，或都水司屬。又遣監察御史錦衣衛千戶等官巡視運河開泉。宣德以後，遣郎中一人，提督濟寧河道，主事一人，提督徂徠等處泉源。已而都郎罷遣，以山東參政副使管理河漕。天順二年，以河南道副使一員，整理濟寧，以北河道，成化初，改命通政，駐劄張秋，掌衛河，會通河漕政。北至天津，南至魚臺一帶，凡泉湖閘壩隄淺之事，皆隸焉。旋以山東副使兼攝之，已改都水司郎中，奉敕行事。凡沿河有司，及管河文武官員，悉聽節制。又除都水司主事二員，奉部檄行事。一駐劄寧陽，一駐劄濟寧，掌諸泉源閘壩之政。凡有司管泉管河官員，皆屬焉。宏治十八年，南旺別設分司，以寧陽都水兼攝。正德十四年，專差主事一員，駐劄南旺。嘉靖二十四年，罷遣南旺主事，而以寧陽主事兼攝其政。隆慶三年，罷遣濟寧主事，而三分司之政，俱屬寧陽。今止南旺分司一員，駐劄濟寧，管理泉閘。其臨清閘座，則正德間設都水司主事一員管理。嘉靖七年罷之，而屬其事於輓廠。輓廠今順治八年裁，歸併北河。然地雖分管，而總理之者，北河郎中也。其在所屬者，文武官郡有丞判州。

有判縣有簿尉。闡有官衛有指揮。所有千百戶。

今易以守備千總。

各守其疆。不相踰越。

北河續紀。

明神宗萬歷二十五年十二月乙卯。初設備倭游擊一員於濟寧州地方。聽河道總督山東撫鎮節制。以濟寧乃運道咽喉。宜防倭侵犯。從河道尚書楊一魁之請也。

明神宗實錄。

明神宗萬歷三十三年四月丁未。以順天府通州管河同知改兼土壩。專督通糧事務。管糧判官改兼石壩。專督京糧白糧事務。俱選用正途。三年之內。果賢能稱職。咨部優轉。

明神宗實錄。

行水金鑑卷第一百六十六

官司

國家漕運全資黃運兩河特設河道總督一員駐劄濟寧總理兩河事務至於通惠北河南旺夏鎮中河南河衛河各設分司管理以下俱大清會典

通惠河分司駐劄通州順治初差漢司官一員三年更代十二年添差滿洲理事官一員筆帖式一員一年更代十四年裁滿官三年更代康熙元年復設一年更代六年裁九年復差滿司官一員筆帖式二員三年更代十年裁筆帖式十八年照內外河差例一年更代二十年仍改三年更代二十三年改令各部院衙門掣籤差遣

北河分司駐劄張秋順治初差漢司官一員三年更代康熙九年添差滿司官一員筆帖式二員十年裁筆帖式十七年裁分司歸併濟寧天津二道管理

南旺分司駐劄濟寧州順治初差漢司官一員三年更代康熙九年添差滿司官一員筆帖式二員十年裁筆帖式十五年裁分司歸併濟寧道管理

夏鎮分司駐劄夏鎮順治初差漢司官一員三年更代康熙九年添差滿司官一員筆帖式二員十年裁

筆帖式十五年裁分司。原管滕嶧二縣河道閘座。歸東兗道管理。沛縣河道閘座。歸淮徐道管理。十七年。滕嶧河務改歸濟寧道管理。

中河分司。舊駐呂梁洪。後移駐宿遷縣。順治初。差漢司官一員。三年更代。四年添差滿司官一員。八年裁。十二

年復差滿官。一年更代。十四年裁。其間有三年更代四字。疑衍。康熙元年復差。一年更代。四年裁。九年復添滿司官一

員。筆帖式二員。十年裁。筆帖式。十七年裁分司。分歸淮揚。淮徐二道管理。

南河分司。駐劄高郵州。順治初。差漢司官一員。三年更代。康熙九年添差滿司官一員。筆帖式二員。十年

裁。筆帖式。十七年裁分司。分歸淮揚。淮徐二道管理。

衛河分司。駐劄輝縣。順治十三年。差漢司官一員。本年裁。歸衛輝府同知兼理。十四年復差。三年更代。康

熙四年裁。歸分守河北道及衛輝府通判管理。六年裁。河北道令通判專理。九年復設河北道。

順治初。設河南管河道一員。駐劄開封府。康熙五年裁。九年復設。濟寧管河道一員。駐劄濟寧州。康熙六年裁。九年復設。開封

府南河同知一員。駐劄本府。專管南岸河務。康熙七年裁。九年復設。歸清軍。開封府北河同知一員。駐劄祥符縣陳橋

鎮。專管北岸河務。歸德府河捕通判一員。駐劄考城縣。專管歸屬南北岸河務。康熙七年裁。九年復設。又商丘、虞城、

考城三縣管河主簿各一員。懷慶府糧河通判一員。駐劄本府。河內武陟二縣管河縣丞各一員。徐屬河

務同知一員。駐劄徐州。邳宿同知一員。駐劄邳州。山清同知一員。駐劄淮安府。康熙九年。設宿桃同知

一員。駐劄宿遷縣。桃清同知一員。駐劄桃源縣。歸仁堤同知一員。駐劄宿遷之白洋河。兼設宿遷縣主簿二員。桃源縣主簿一員。各隨同知駐劄。十年設淮安府同知一員。安東縣主簿一員。俱駐劄安東縣。又鉅野縣管河主簿一員。十三年設淮安府同知一員。駐劄盱眙縣。又盱眙縣主簿一員。十七年裁山清同知。將河務歸併盱眙同知管理。改爲山清盱眙同知。駐劄淮安府外河。裁安東同知。併山清同知。原管外河河務。俱歸宿桃同知管理。改爲山清安海同知。駐劄安東縣。裁桃清同知。將河務歸併歸仁隄同知管理。改爲宿桃歸仁同知。駐劄白洋河。其邳宿同知。改爲邳睢靈璧同知。仍駐邳州。以上俱大清會典。

世祖章皇帝順治四年五月日。工部覆總河楊方興。爲分司權輕。判簿職微。仰祈皇上嚴飭道印各官。毋誤河工事。看得河道修濬工程。責任料理。在分司佐貳。其地方夫役。治辦物料。皆賴於道府州縣正官。故前朝議定。凡有關河務者。年終列名考成。如或有誤。一體題參。移咨吏部。按以降調黜革。戴罪之例。今總河臣具題道印等官。視河務非己任。而整飭措辦之責。全不料理。卸擔於分司佐貳。以致漕河廢弛已極。請飭前來。伏乞敕下臣部。咨行山東河南督撫按衙門。嚴行申飭。各道府州縣印官。照依往例。務要同心協理。無誤河務。如有仍前故違。許該督撫按卽指名題參。請旨治罪。庶人心知警。而河道有賴矣。奉旨依議行。河南管河道
治河檔案。

世祖章皇帝順治十年正月日。工部覆總河楊方興。爲河患日亟。夫料日艱。請復舊規。責成印官。募夫

辦料以濟急工。毋誤河漕事。看得治河要務。全在責成得人。今據河臣楊疏稱。欲以修築責之河官。募辦責之印官。且照新增之數。夫給現銀。料給現價。於治河各官。功罪相同。鼓舞有法。河工喫緊。無出於此。合應復請。敕下總河臣。會同督撫。按嚴行司道府縣印官。嗣後凡係河務。俱要印。河等官相助爲理。不得推諉。永著爲令。如有故違。聽河臣指名參處。奉旨。以後河務。著各司道府州縣官。同河官協力料理。有推諉的。河道總督指名參處。河南管河道治河橋案。

世祖章皇帝順治十六年三月日。吏部覆總河朱之錫。爲申明激勸大典事。據總河朱之錫疏稱。前吏部覆臣特請歲行舉劾之例一疏內。敕下該督。每年歲修告竣。卽行舉劾。奉有依議行之旨。於內督撫年終舉劾。奉旨停止。不敢冒昧具題。今十五年河工久已報竣。合無仍遵前旨。亦合令臣照例分別舉劾。以示勸懲。再照管河佐貳等官。亦應量擇其尤。另疏薦錄。至於貪婪不職。一概題參等語。查十五年九月。臣部覆漕督。尤請明漕竣舉劾之例一疏內。議總漕衙門。似難於督撫事例同論。相應仍舊舉劾。奉有依議之旨。今河臣專司河道。原就本年濬築之勤惰。別其臧否。若概停舉劾。則管河之官。無以勸懲。不便與督撫事例同論。相應如其所請。照舊舉行。至管河佐貳等官。職雖微。其河工之責成頗重。如有勤勞盡職者。應行荐舉。寧嚴勿濫。其貪婪不職者。聽河臣一體題參可也。奉旨。依議。河南管河道治河橋案。

聖祖仁皇帝康熙十六年。爲謹酌河工繁簡等事。總河王光裕題奉旨。將南旺、夏鎮二司。所管河道泉

源開座夫役等項歸併濟寧東兗淮徐三道分管

山東寬寧道冊

聖祖仁皇帝康熙十七年七月日總河靳輔題爲敬陳經理河工事宜第七疏事臣惟修治河工必先以措設錢糧爲要今措設錢糧之處已經臣條議上請倘蒙皇上俞允則大工自應刻期興舉矣惟是大工興舉之日協理必需多員而大工告竣之後保護尤資羣力與夫事可兼攝者則冗員應裁權宜歸一者則職守應併是皆當因時度宜先爲酌派定其責成使之可遵可守無紛雜掣肘玩忽坐誤之弊庶可望其樂於黽勉不爲推諉而其相維持以保永久也竊思臣身任總河凡直隸東豫江浙各省有河地方并河務河官皆臣總理統轄不待言矣其自臣而下兼理兼轄者則爲分司各道端管者則爲應印諸員分管者則爲各州縣之佐貳雜職等員雖官無大小各有所司然其職掌之紛淆事權之雜出以致掣肘貽誤者皆宜確議釐定也查河道項下與修守護等事既有專管分管各官駐宿河干朝夕料理其司道等官原以兼總大綱承上接下膺督率屬員指揮提調之任只須一官而兼轄數府不必一府而兼設數官也今淮揚兩府既設淮揚道淮徐道又設南河中河兩分司其間實多冗贅茲臣於司道之中權衡攸當竊見分司三年一換自以一官爲傳舍而他人亦以客官目之未免呼應不靈且無地方錢穀刑名之任其於民情之休戚風俗之奸良不能一一熟察道臣係久任之官則凡所舉行必圖久遠而又兼管錢穀刑名之事於地方情形自能周知一切調撥協濟事宜庶易得當而官

民之奉行。尤稱惟謹。臣愚以爲宜將南河中河兩分司裁去。其該管各務。量其地形事勢。分歸淮揚。淮徐兩道兼理。淮郡之山陽、清河、安東、鹽城、海州、沭陽、贛榆。并揚州府屬河道。俱責成淮揚道兼理。令該道仍駐淮安郡城。其淮郡之桃、宿、邳、睢。并鳳陽府之靈璧。以及徐州所屬河道。俱責成淮徐道兼理。令該道移駐邳州。至北河通惠兩分司。亦應併裁。將北河分司事務。照省歸併。分交濟寧、天津二道管理。通惠分司事務。交給通永道管理。又東兗道遠駐沂州。而兼轄滕、嶧兩縣河務。亦屬未當。應併歸濟寧道兼理。庶爲妥協也。又淮安一府。共有同知十員。而管河者居其八。皆係節次添設也。殊不知河工事務。全在用人之當。而不在設官之多。矧知河之法。疏浚防塞。各有攸宜。同知爲專管官。與分管防守之佐雜微員不同。乃畫河爲兩岸而分管之。是竟置河於不問矣。且其間有彼此意見不同。而推諉觀望者。有屬員奉行不一。而奔命不遑者。事權之難出。誠爲未便也。臣愚以爲同知八員之內。今宜裁去三員。將山清同知原管運河事務。歸併山盱同知。多弘安管理。駐淮安府。山清同知原管外河。并安海同知河務。俱交宿桃南岸同知董安國管理。改爲山清、安海同知。駐安東縣。俱令淮揚道兼轄宿桃兩縣河務。并歸仁一隄。俱歸併歸仁同知修國聘管理。改爲宿桃歸仁同知。駐白洋河。邳宿靈璧三州縣河務。仍令邳宿同知蘇崐管理。改爲邳宿靈璧同知。仍駐邳州。徐屬同知事務。仍令祖文明管理。仍駐徐州。俱令淮徐道兼轄。其所裁山清同知魏師段、安海同知李朝事、宿桃山清北岸同知黃道弘。俱應赴

部改補。又宿桃兩縣。既有主簿四員。理應每縣各設二員。不宜彼此牽混。臣請將宿遷主簿王振先。改爲宿遷北岸主簿。宿桃南岸主簿。改爲宿遷南岸主簿。桃源縣主簿王金。改爲桃源南岸主簿。宿桃北岸主簿夏文象。改爲桃源北岸主簿。庶職掌畫一。而無混淆之虞。此臣所謂事可兼攝。冗員應裁。權宜歸一。職守應併者是也。若夫河道一事。攸關民生休戚。地方安危。良非渺小。凡膺民社之寄者。皆當曲圖補救。力爲保護。不宜徒諉河官。坐視敝壞。如撥夫運料等事。在正印官有人民地方之責。設法自易。其管河同知通判等官。與民絕不相親。於錢穀刑名街坊里下諸務。毫無關涉。安能設施。且府州縣之正印官。往往視河務爲餘事。目河官爲贅瘤。雖遇疾呼。未必馳救。每有膜不相關之狀。而無同舟共濟之情。以致掣肘誤工。不一而足。臣請嗣今以後。凡遇河防沖決之事。不論欽工民工。俱倣照盜案之例。將該管之道府廳州縣佐雜等官。一併照例題參議處。仍勒限半年修復完固。亦照盜案定承修督修之例。而責成之。如有諱決者。照諱盜例處分。至於薦舉大計等典。凡有河地方之司府州縣正印。并道廳佐雜等官。俱將河工之治否。一併考成。以分殿最。必任內無河道沖決之事。并遇決旋修。不致殃民損課者。方准保舉卓異。如此。庶各官知警。共相維持。綢繆於未雨之先。而河道之沖決自少。卽有沖決。亦自速爲修治。不致蔓延滋害。如今日之甚。此臣所謂大工告竣之後。保護尤資羣力者是也。以上事宜。皆指平日而言。如蒙俞允。則可爲將來章程。新文襄公治河書。

聖祖仁皇帝康熙二十四年九月日。總河靳輔疏稱。豫省河道。居江南之上游。豫省河道安。則江南之河道亦安。臣亦於另疏陳明矣。惟是河道全資修守。而修防專賴得人。是以州縣管河官員。品職雖微。而關係甚重。非年力強壯。熟諳河工者。不足勝任也。又已得幹員矣。尤必諒其力所能及者。而責成之。庶不致於貽誤。今豫省沿河如蘭陽、儀封、滎澤三縣。兩岸均有堤工。俱長數十餘里。乃向來止有管河官一員。不特奔馳難及。而每歲伏秋異漲之時。處處出漕。河面寬數十餘里。且急溜非常。一過渡而費窮。日工夫安得依往來修守之計。又如虞城縣堤長百里。而修防僅有一主簿。亦萬難兼顧者也。此四縣者。必須添設河官四員。但增官勢必增俸。是以臣等行令藩司、河道等官。酌裁可省之員。添設至緊之缺。今據該藩司郎永清、該道祖文明等。再三酌議前來。查濟源縣原無修防之責。所有額設主簿一員。儘可裁去。又修武、封丘兩縣縣丞。虞城石榴堦驛驛丞。職掌俱閒。均可裁去。內一議裁濟源縣主簿一員。移設蘭陽。改爲蘭陽縣管河主簿。與見任蘭陽縣縣丞。分管該縣兩岸工程。一議裁修武縣縣丞一員。移設儀封。改爲儀封縣管河縣丞。與見任儀封縣主簿。分管該縣兩岸工程。一議裁封丘縣縣丞一員。移設滎澤。改爲滎澤縣管河縣丞。與見任滎澤縣主簿。分管該縣兩岸工程。一議裁虞城縣石榴堦驛驛丞一員。另添設虞城縣管河縣丞一員。與見任虞城縣主簿。分管該縣工程。又陽武縣主簿。止能管北岸工程。其南岸工程。查該縣見有縣丞一員。應歸該縣承就近管理。又原武南岸有堤六百餘

丈界在鄭州境內。應歸併鄭州。見任州判帶管。更查得山東單縣有南岸堤工二千餘丈。錯雜於河南虞城縣堤內。應該歸歸德府管河通判。督虞城縣印河官就近修防。河南考城縣北岸有堤工五千餘丈。界連山東曹縣境內。應換歸兗州府黃河同知。督曹縣印河官就近修防。內考城北岸堤工。甚爲殘損。應俟修完更換。如此一轉移間。而繁簡緩急。均得其宜。修防者足以施其力。則責成既專。自免貽誤之虞矣。除山東省尙有未盡事宜。容臣會同東撫臣核明另題外。臣謹會同河南撫臣王日藻。合詞題請。伏乞皇上睿鑒。敕部議覆施行。奉旨該部議奏。部議覆皆如其請。奉旨依議。河南管河道治河檔案。

聖祖仁皇帝康熙三十一年十二月日。吏部等衙門爲微臣在河言河等事。會覆原任河道總督靳疏稱。山東東昌府通判。原管德州等十餘州縣衛河道。共計六百餘里。道里綿長。不能分身兼顧。今查德州有原設管河州判一員。但德州河道止一十八里。誠可歸併州同帶管。將此州判裁去。添入東昌府。改爲下河通判。分轄德州一州二衛。恩縣、夏津、武城、直隸之清河。故城八州縣衛河道。駐劄武城縣。仍以見任通判。改爲上河通判。分轄聊城、堂邑、博平、清平、臨清、館陶六州縣河道。駐劄郡城。又直隸河間府管河通判一員。嵩轄景州、吳橋等十一州縣衛河道。綿長八百里。內天津同知止於分催滄州、青縣、靜海、并天津三衛六州縣衛之重空漕船。其修防疏浚之事不與焉。今應將景州、吳橋、東光、交河、南皮、五州縣河道。與夫重運回空漕船。照舊責令通判修防挑浚催價外。其滄州、青縣、靜海三州縣。并天津

三衛河道。與夫重空漕船。一併分與天津同知崑管修防挑浚催償。至青縣河道二百餘里。主簿一員。不能兼顧。應與該縣興濟鎮巡檢。分管料理。又直隸故城縣河道。夾在山東武城、恩縣兩縣之中。江南沛縣河道。夾在山東魚臺、滕縣兩縣之中。故城見隸河間府管河通判崑轄。遠住泊頭。沛縣見隸徐屬同知崑轄。遠住徐州。俱不能兼顧。應照直隸清河縣例。將故城改隸山東東昌府下河通判兼轄。將沛縣改隸山東漕河通判兼轄。至凡有河道州縣。俱有管河丞簿。以崑司之。今山東博平一縣。直隸之香河、南皮、吳橋、故城、清河五縣。俱無專員。乃係典史帶管。夫典史有城社捕盜之責。不能兼管河道。查鄰近地僻之縣。可以不設縣丞。並有丞簿兼設之縣。如山東之冠縣、直隸之魏縣、南樂、清豐、東明、元城、滑縣等縣。俱可通融裁併。應將冠縣縣丞裁去。改爲博平縣管河縣丞。將魏縣縣丞裁去。改爲吳橋縣管河縣丞。將南樂縣縣丞裁去。改爲故城縣管河縣丞。將清豐縣縣丞裁去。改爲清河縣管河縣丞。再查大名府元城滑縣。各有縣丞主簿兩員。應將元城縣主簿裁去。改爲香河縣管河主簿。將滑縣主簿裁去。改爲南皮縣管河主簿。所遺元城滑縣衛河河道。并長垣縣新經高河徙至境內。創築堤工。俱應歸併各縣縣丞。又大名縣亦有衛河。並無崑責。應將東明縣縣丞裁去。改爲大名縣衛河縣丞。崑管而責成之。並濬縣、內黃二縣管河縣丞。俱令大名府通判管轄。至於河南丹、衛兩河。每年春夏之交。資其東河濟運。而修武、湯陰兩縣。並無崑設河員。應將尉氏縣縣丞裁去。改爲修武縣丹河縣丞。並河內武陟

管河縣丞。令懷慶府通判管轄。再將永城縣縣丞裁去。改爲湯陰縣衛河縣丞。又安陽縣洹水流入衛河。濟運應令該縣縣丞。耑管疏浚。一併交與彰德府通判管轄。又衛輝府汲縣、新鄉、獲嘉、淇縣管河縣丞。輝縣管河主簿。相應交與該府通判管轄。再江南揚州府管河通判。管轄高寶、江、儀四州縣之運河。事務頗繁。更兼興、泰、如、通四州縣之下河。地方遼闊。一員不能兼顧。且下河已設立運河減水壩。又且建閘疏通。一切溝洫渠堰。必得耑員。豈可置之不問。應將下河興、泰、如、通并范公堤、串場河等處。分與揚州府管糧通判兼管。移駐泰州。至泰州幅幘甚廣。州判一員。亦難總理。應於該州州同酌量分管。以期無誤。若夫如臯縣亦無管河耑員。查泰興縣偏僻空閒。亦應將縣丞裁去。改爲如臯縣管河縣丞。其通州、興化、鹽城、海州四州縣河道。俱應責成該州縣州同、州判、縣丞管理。而今廟灣同知兼轄鹽城、海州知州兼轄州同等因。具題前來。查通判縣丞主簿等官。俱各照事設立之員。倘若更調。各官職務。以致廢弛。亦未可定。且黃、運兩河。俱設耑員。責成分管。已經年久。若照所題更調。事屬繁多。相應將原任總河靳輔所題之處。毋庸議。奉旨管河官員更調設立之處。俱著照該督所題行。河南管河道治河檔案。



行水金鑑卷第一百六十七

官司

總河、古司空之職。凡河道所經地方數千里，皆調度控制之，任綦重矣。然大小相承，分猷戮力，亦非一手足之勞也。故凡在工諸職，駐劄必詳，疆里必悉，以嚴其所守焉。以下俱新文襄公治河書。

總督河道部院，駐劄濟寧州，所統直隸、山東、河南、江南、浙江等處。

江南文職屬員

淮揚道駐劄淮安府。凡淮屬之山陽、清河、安東、鳳屬之泗、盱，并揚郡所屬河道，舊屬南河分司者，悉歸併本道管理。所轄管河同知三員，通判一員。

淮安府分管山清、盱眙河務同知一員，駐劄淮安府。

清河縣管河縣丞一員，駐劄甘羅城，修防運河汛地，自甘羅城西南角起，下至山陽縣界橫隄頭止。

山陽縣管裏河縣丞一員，駐劄府城，修防運河汛地，上自府城西南角樓起，下至寶應縣界止。

裏河主簿一員，駐劄府城，修防運河汛地，上自清河縣界起，下至府城西南角樓止。

高堰主簿一員，駐劄高堰，修防湖隄汛地，上自石工頭起，下至清河縣界橫隄頭止。

高良澗主簿一員。駐劄周家橋。修防湖堤汛地。上自周家橋起。下至石工頭止。

山盱主簿一員。駐劄翟家壩。修防湖隄汛地。上自翟家壩起。下至周家橋止。

淮安府分管山清外河同知一員。駐劄清江浦。

清河縣主簿一員。駐劄縣城。修防本縣黃河北岸汛地。

馬頭司巡檢一員。駐劄甘羅城。修防本縣黃河南岸汛地。

山陽縣外河縣丞一員。駐劄清江浦。修防黃河南岸汛地。上自清河縣界起。下至朱家觔止。

外河主簿一員。駐劄蘇家觔。修防黃河南岸汛地。上自朱家觔起。下至董家營止。

馬邏司巡檢一員。駐劄盧鋪。修防黃河南岸汛地。上自董家營起。下至陳家社止。嗣於康熙二十四年

八月內。於書明事案內。將董家營之馬邏。沈家圍一帶險工。改歸馬邏司巡檢。并山清外河營把總經管。

淮安府分管山安河務同知一員。駐劄安東。

安東縣縣丞一員。駐劄縣城。修防黃河汛地。上自清河縣界起。下至縣東門止。

安東縣主簿一員。駐劄夏村營。修防黃河汛地。上自縣東門起。下至彭家灘止。

五港司巡檢一員。駐劄佃湖。修防黃河汛地。上自彭家灘起。下至雲梯關止。

山陽縣羊寨司巡檢一員。駐劄薛家套。修防黃河北岸汛地。上自雲梯關起。下至泗汾港止。
大套大使一員。駐劄大套。修防黃河南岸汛地。上自雲梯關對岸陳家社起。下至陸家社止。
揚州府管河通判一員。駐劄府城。

寶應縣縣丞一員。駐劄縣城。修防運河汛地。上自山陽縣界起。下至劉家堡止。

寶應縣主簿一員。駐劄縣城。修防運河汛地。上自劉家堡起。下至高郵州界止。

高郵州州同一員。駐劄州城。修防運河汛地。上自永安河尾起。下至江都縣界止。

高郵州州判一員。駐劄州城。修防運河汛地。上自寶應縣界起。下至永安河止。

江都縣縣丞一員。駐劄府城。修防運河汛地。上自灣頭閘起。下至瓜洲止。

江都縣主簿一員。駐劄府城。修防運河汛地。上自高郵州界起。下至灣頭閘止。

儀真縣縣丞一員。駐劄縣城。修防本縣運河汛地。

淮徐道駐劄宿遷。凡淮屬之桃源、宿遷、邳州、睢寧、并鳳屬之靈璧、虹縣。以及徐州所屬河道。舊屬中

河、夏鎮兩分司者。悉歸併本道管理。所轄河務同知四員。

淮安府分管徐屬同知一員。駐劄徐州。

徐州州同一員。駐劄州城。修防黃河南岸汛地。上自蕭縣界王家塘起。下至青田止。

南岸州判一員。駐劄房村驛。修防黃河南岸汛地。上自青田起。下至靈璧縣界止。

北岸州判一員。駐劄河北炭場館驛門。修防黃河北岸汛地。上自大谷山起。下至王家山止。

呂梁巡檢一員。駐劄呂梁。修防黃河北岸汛地。上自狄家山起。下至邳州界止。

蕭縣主簿一員。駐劄郝家集。修防本縣黃河汛地。

碭山縣主簿一員。駐劄縣城。修防黃河南岸汛地。

豐縣主簿一員。兼管碭山縣北岸。駐劄盤龍集。修防本縣黃河。

沛縣主簿一員。駐劄夏鎮。修防本縣運河汛地。

淮安府分管邳。睢。靈璧同知一員。駐劄邳州。

邳州州同一員。管運河。駐劄貓兒窩。修防運河汛地。上自徐塘口起。下至宿遷縣界止。并唐宋山堤工。

邳州州判一員。管黃河。駐劄州城。修防黃河汛地。上自徐州界起。下至馬船幫止。

直河司巡檢一員。管黃河。駐劄州城。修防黃河汛地。上自馬船幫起。下至宿遷縣界止。

新安司巡檢一員。管運河。駐劄泇口。修防運河汛地。上自山東嶧縣界起。下至徐塘口止。

靈璧縣主簿一員。駐劄雙溝集。修防本縣黃河汛地。

睢寧縣縣丞一員。駐劄姚家集。修防黃河汛地。上自靈璧縣界起。下至戴家樓止。

睢寧縣主簿一員。駐劄魏家集。修防黃河汛地。上自戴家樓起。下至宿遷縣界止。

淮安府分管宿虹同知一員。駐劄白洋河。

宿遷縣縣丞一員。管黃河。駐劄縣城。修防黃河南岸汛地。上自睢寧縣界起。下至小古城止。

南岸主簿一員。駐劄白洋河。修防黃河南岸汛地。上自小古城起。下至桃源縣界止。

北岸主簿一員。駐劄縣城。修防黃河北岸汛地。上自縣西門起。下至桃源縣界止。

劉馬莊巡檢一員。駐劄阜河口。修防黃河北岸汛地。上自邳州界起。下至張莊運口止。并新運河上自

阜河口起。下至運口止。

運河主簿一員。駐劄阜河口。修防運河汛地。上自邳州界起。下至阜河口止。

歸仁堤巡檢一員。駐劄歸仁集。修防宿虹二縣歸仁堤汛地。

淮安府分管桃源同知一員。駐劄桃源縣。

桃源縣縣丞一員。駐劄縣城。修防黃河南岸汛地。上自宿遷縣界起。下至煙墩止。

南岸主簿一員。駐劄縣城。修防黃河南岸汛地。上自煙墩起。下至清河縣界止。

北岸主簿一員。駐劄重興集。修防黃河北岸汛地。上自宿遷縣界起。下至渡口止。

三義鎮巡檢一員。駐劄三岔。修防黃河北岸汛地。上自渡口起。下至清河縣界止。

河南省文職屬員

管河道駐劄開封府。凡開封、歸德及舊屬河道所管彰德、衛輝、懷慶各府河道俱歸併本道管理。所轄管河同知二員、通判三員。

開封府南河廳同知一員、駐劄開封府。

鄭州管河州判一員。

祥符縣管河縣丞一員。

祥符縣管河主簿一員。

陽武縣管河縣丞一員。

陽武縣管河主簿一員。

滎澤縣管河縣丞一員。

滎澤縣管河主簿一員。

蘭陽縣管河縣丞一員。

蘭陽縣管河主簿一員。

儀封縣管河縣丞一員。

儀封縣管河主簿一員。
中牟縣管河縣丞一員。
陳留縣管河縣丞一員。
開封府北河廳同知一員駐劄周橋。
祥符縣管河縣丞一員。
祥符縣管河主簿一員。
陽武縣管河縣丞一員。
陽武縣管河主簿一員。
原武縣管河主簿一員。
滎澤縣管河縣丞一員。
滎澤縣管河主簿一員。
蘭陽縣管河縣丞一員。
蘭陽縣管河主簿一員。
儀封縣管河縣丞一員。

儀封縣管河主簿一員。

封丘縣管河主簿一員。

歸德府分管河務通判一員。駐劄考城。

商丘縣管河主簿一員。

虞城縣管河縣丞一員。

虞城縣管河主簿一員。

考城縣管河主簿一員。

彰德府屬

安陽縣管河縣丞一員。

湯陰縣管河典史一員。

林縣管河典史一員。

衛輝府分管河務通判一員。駐劄衛輝府。

汲縣管河縣丞一員。

新鄉縣管河縣丞一員。

獲嘉縣管河縣丞一員。

輝縣管河主簿一員。

淇縣管河縣丞一員。

懷慶府分管河務通判一員。駐劄懷慶府。今駐劄清化鎮。

河內縣管河縣丞一員。

武陟縣管河縣丞一員。

山東省文職屬員

濟寧道駐劄濟寧州。凡濟寧所屬舊屬南旺、北河兩分司事務及舊屬東兗者悉歸併本道管理。所

轄河務同知二員。通判三員。

兗州府黃河同知一員。駐劄曹縣。山東全河備考云。曹州、定陶、城武、金鄉、曹、單等縣河務隸之。

曹縣縣丞一員。

曹縣主簿一員。駐劄傅家集。

安陵司巡檢一員。駐劄塔兒灣。

單縣主簿一員。駐劄本城。

兗州府運河同知一員。駐劄濟寧州。北河續記云。魚臺以北至汶上河道隸之。兼管泉源。

濟寧州州判一員。駐劄本州城。北河續記云。河道南接魚臺界牌淺起。北接濟寧衛五里淺止。共六十八里。內東岸南自魯橋。北至師莊三里。屬鄒縣。

魚臺縣主簿一員。駐劄南陽鎮。北河續記云。河道南接沛縣縣珠梅閣起。北接濟寧南陽關止。共六十里。

鉅嘉主簿一員。駐劄長溝。北河續記云。鉅野主簿帶管嘉祥河道。南接濟寧火頭灣起。北接嘉祥大長溝止。共二十五里。又自大長溝起。北接汶上界首止。共十八里。屬嘉祥。

汶上縣主簿一員。駐劄南旺。北河續記云。河道南接嘉祥界首起。北接東平靳家口止。共七十二里。

兗州府捕河通判一員。駐劄張秋。北河續記云。東平以北至陽穀河道隸之。兼管張秋城池。

東平州州判一員。駐劄州城。北河續記云。河道南接汶上新家口起。北接壽張戴家廟止。共三十里。

陽穀縣主簿一員。駐劄縣城。北河續記云。河道南接東阿荆門上關起。北接聊城官箐口止。共四十里。

壽張縣主簿一員。駐劄壽張縣。北河續記云。壽張主簿帶管東阿河道。南接東平戴家廟起。北接東阿沙灣止。共二十里。又自沙灣起。北接陽穀荆門上關止。共二十里。屬阿城。

兗州府泃河通判一員。駐劄成城。山東全河備考云。駐夏鎮。南陽以南至黃林莊河道隸之。

滕縣主簿一員。駐劄縣城。山東全河備考云。河道南接嶧縣吳家橋起。北接沛縣辛莊橋止。共五十里。

嶧縣縣丞一員。駐劄縣城。山東全河備考云。河道南自黃林莊起。北至吳家橋止。共一百一十里。

東昌府運河通判一員。駐劄府城。北河續記云。聊城以北至德州河道隸之。兼管直隸之清河縣。

聊城縣主簿一員。駐劄縣城。北河續記云。河道東西俱有。東岸南自本縣皮家寨起。北接博平棧堤止。共六十里。西岸南接陽穀官箐口起。北接堂邑梁家鄉止。共六十五里。

臨清州州判一員。駐劄州城。

北河續記云。河道汶河北岸東自潘家橋起。西北至板橋止。二十里。南岸東自趙家口起。西北至板橋止。二十三里。衛河東岸南自板橋起。北接夏津趙貨郎口止。三

十四里。西岸南自板橋起。北接清河二哥營止。三十一里。

德州州判一員。駐劄州城。

北河續記云。河道東西俱有。東岸南接恩縣新開口鋪起。北接德州衛張家口鋪止。共五十三里。西岸南接德州衛南陽務鋪起。北接德州左衛鄭家口鋪止。共十五里。

武城縣縣丞一員。駐劄縣城。

北河續記云。河道東西俱有。東岸南接夏津桑園起。北接恩縣白馬廟止。共一百四十四里。西岸南接夏津王家莊起。北接故城鄭家口止。共一百十四里。

故城縣管河典史一員。

北河續記云。河道南接武城鄭家口淺起。北接德州衛孟家灣淺止。共六十里。

甲馬營巡檢一員。駐劄甲馬營。

清平縣典史一員。駐劄縣城。

北河續記云。河道東西俱有。西岸內帶管德州左衛四鋪。東岸南接博平減水閘起。北接臨清潘家橋止。共三十九里。西岸南接堂邑西谷洞起。北接臨清潘家橋止。共

三十三里。

夏津縣主簿一員。駐劄縣城。

北河續記云。河道東西俱有。東岸南接臨清趙貨郎口起。北接武城桑園止。共四十六里。西岸南接清河渡口起。北接武城劉家道口止。共七里。

堂邑縣主簿一員。

北河續記云。河道南接聊城呂家灣起。北接清平魏家灣止。共三十五里。

清河縣典史一員。

北河續記云。河道南接臨清二哥營起。北接夏津渡口止。共二十九里。

直隸文職屬員

天津道駐劄天津。凡北河分司所屬在濟寧州以北者。歸本道管理。所轄通判一員。

河間府管河通判一員。駐劄泊頭。

北河續記云。景州以北至天津河道錄之。

景州州判一員

北河續記云。河道南接德州羅家口起。北接吳橋鎮家口止。共二十四里。

滄州州判一員

北河續記云。河道南接天津右衛磚河。北接天津右衛朱家墳止。共四十里。

交河縣主簿一員

北河續記云。河道南接東光李道灣起。北接青縣白洋橋止。共五十里。又河間衛河道三十八里。交河縣帶管。河道南接交河縣北口起。北接交河縣陳家口止。共三十八里。又瀋陽衛河道一里。交河縣帶管。河道南接交河縣家口起。北接天津右衛家口止。共一里。

青縣主簿一員

北河續記云。河道南接天津衛八里堂止。共一百七十里。又天津衛八里堂起。北接天津衛八里堂止。共四十八里。青縣帶管。河道南接天津衛八里堂起。北接天津衛八里堂止。共一百三十里。又天津衛八里堂起。北接天津衛八里堂止。共三十三里。

靜海縣主簿一員

北河續記云。河道南接天津衛八里堂起。北接天津衛八里堂止。共一百三十里。又天津衛八里堂起。北接天津衛八里堂止。共三十三里。靜海縣帶管。河道南接天津衛八里堂起。北接天津衛八里堂止。共一百三十里。又天津衛八里堂起。北接天津衛八里堂止。共三十三里。

吳橋縣主簿一員

北河續記云。河道南接德州羅家口起。北接吳橋鎮家口止。共二十四里。吳橋縣帶管。河道南接德州羅家口起。北接吳橋鎮家口止。共二十四里。

東光縣主簿一員

北河續記云。河道南接東光李道灣起。北接青縣白洋橋止。共五十里。東光縣帶管。河道南接東光李道灣起。北接青縣白洋橋止。共五十里。

南皮縣典史一員

北河續記云。河道南接南皮縣北口起。北接天津右衛家口止。共一里。

江南武職屬員

徐屬河營守備一員。駐劄徐州。所屬千總二員。把總五員。

徐州南岸千總一員。駐劄州城。修防黃河汛地。上自蕭縣界王家堂起。下至青田止。

南岸把總一員。駐劄房村驛。修防黃河汛地。上自青田起。下至靈璧縣界止。

北岸千總一員。駐劄長樊大壩。修防黃河汛地。上自大谷山起。下至王家山止。

北岸把總一員。駐劄龐家山。修防黃河汛地。上自狄家山起。下至邳州界止。

蕭縣把總一員。駐劄郝家集。修防本縣黃河汛地。

碭山縣把總一員。駐劄毛城鋪。修防黃河南岸汛地。

豐碭把總一員。駐劄盤龍集。修防豐縣黃河及碭山縣北岸黃河汛地。

邳、睢、靈璧河營守備一員。駐劄邳州。所屬千總二員。把總四員。

邳州黃河千總一員。駐劄州城。修防汛地。上自徐州界起。下至馬船幫止。

黃河把總一員。駐劄州城。修防汛地。上自馬船幫起。下至宿遷縣界止。

運河把總一員。駐劄隅頭集。修防汛地。上自徐塘口起。下至宿遷縣界止。并唐宋山堤止。

靈璧縣把總一員。駐劄雙溝集。修防本縣黃河汛地。

睢寧縣千總一員。駐劄姚家集。修防黃河汛地。上自靈璧縣界起。下至戴家樓止。

把總一員。駐劄魏家集。修防黃河汛地。上自戴家樓起。下至宿遷縣界止。

宿虹河營守備一員。駐劄宿遷縣。所屬千總二員。把總四員。

宿遷縣黃河南岸千總一員。駐劄白洋河。修防汛地。上自小古城起。下至桃源縣界止。

黃河南岸把總一員。駐劄蔡家樓。修防汛地。上自睢寧縣界起。下至小古城止。

黃河北岸千總一員。駐劄阜河集。修防汛地。上自邳州界起。下至張莊運口止。并新運河上自阜河口起。下至運口止。

黃河北岸把總一員。駐劄縣城。修防汛地。上自攔馬河起。下至桃源縣界止。

運河把總一員。駐劄阜河集。修防汛地。上自邳州界起。下至阜河口止。

歸仁堤把總一員。駐劄白洋河。修防宿虹二縣歸仁堤汛地。

桃源河營守備一員。駐劄重興集。所屬千總一員。把總三員。

桃源縣北岸千總一員。駐劄崔鎮。修防黃河汛地。上自宿遷縣界起。下至上渡口止。

北岸把總一員。駐劄黃家嘴。修防黃河汛地。上自上渡口起。下至清河縣界止。

南岸上河把總一員。駐劄縣城。修防黃河汛地。上自宿遷縣界起。下至煙墩止。

南岸下河把總一員。駐劄縣城。修防黃河汛地。上自煙墩起。下至清河縣界止。

山清外河營守備一員。駐劄清江浦。所屬千總二員。把總三員。

清河縣外河北岸千總一員。駐劄縣城。修防本縣黃河汛地。

外河南岸把總一員。駐劄甘羅城。修防本縣黃河汛地。

山陽縣外河千總一員。駐劄湯董莊。修防黃河汛地。上自清河縣界起。下至朱家嘴止。

外河上河把總一員。駐劄真武廟。修防黃河汛地。上自宋家觜起。下至童家營止。
外河下河把總一員。駐劄周門。修防黃河汛地。上自童家營起。下至雲梯關對岸陳家社止。
山安河營守備一員。駐劄安東縣。所屬千總二員。把總四員。
安東縣千總一員。駐劄縣城。修防黃河汛地。上自清河縣界起。下至縣東門止。
上河把總一員。駐劄夏村營。修防黃河汛地。上自縣東門起。下至彭家灘止。
下河把總一員。駐劄佃湖。修防黃河汛地。上自彭家灘起。下至雲梯關止。
山陽縣北岸把總一員。駐劄薛家套。修防黃河汛地。上自雲梯關起。下至泗汾港止。
南岸把總一員。駐劄□家港。修防黃河汛地。上自雲梯關對岸陳家社起。下至陸家社止。
山陽縣管理葦灘千總一員。駐劄七巨港。每年專司採割海灘葦柴。以濟工用。
山清盱眙河營守備一員。駐劄武家墩。所屬千總二員。把總四員。
清河縣裏河把總一員。駐劄甘羅城。修防運河汛地。上自甘羅城西南角起。下至山陽縣界橫堤頭止。
山陽縣裏河千總一員。駐劄清江浦。修防運河汛地。上自清河縣界起。下至府城西南角樓止。
裏河把總一員。駐劄平河橋。修防運河汛地。上自府城西南角樓起。下至寶應縣界止。
高家堰千總一員。駐劄高家堰。防修湖堤汛地。上自石工頭起。下至清河縣界橫堤頭止。

高良澗把總一員。駐劄高良澗。修防湖堤汛地。上自周家橋起。下至石工頭止。

山旰把總一員。駐劄徐家口。修防湖堤汛地。上自翟家壩起。下至周家橋止。

揚屬河營守備一員。駐劄高郵州。所屬千總二員。把總四員。

寶應縣千總一員。駐劄汜水鎮。修防運河汛地。上自劉家堡起。下至高郵州界。

把總一員。駐劄縣城。修防運河汛地。上自山陽縣界起。下至劉家堡止。

高郵州千總一員。駐劄永安河。修防運河汛地。上自寶應縣界起。下至永安河尾止。

把總一員。駐劄州城。修防運河汛地。上自永安河尾起。下至江都縣界止。

江都縣把總一員。駐劄邵伯鎮。修防運河汛地。上自高郵州界起。下至灣頭閘止。以上皆新文寶公治河書

濟寧衛管河千總一員。河道南接濟寧五里淺起。北接鉅野火頭灣止。共二十五里。以下俱北河續記

東平所管河千總一員。河道南接東平馮家莊起。北接東平安山鋪止。共七里。

平山衛管河千總一員。河道止西岸一面。南接聊城龍灣鋪起。北接東昌衛冷鋪止。共三里。其東昌衛

河道南自真武廟起。北至糧廠止。共九十一丈。並無鋪舍。

德州衛管河千總一員。河道東西俱有。東岸南接恩縣迴龍廟鋪起。北接吳橋降民屯止。共八十四里。

西岸南接故城范家園起。北接景州羅家口止。共一百二十七里。

德州左衛管河千總一員。河道東西俱有。內有四鋪在清平縣地方。縣河官帶管。東岸南接德州耿家灣起。北接德州四里屯止。共三里。西岸南接德州蔡張城起。北接德州衛四里屯止。共一里半。

天津衛管河千總一員。河道南接興濟蔡家淺起。北接靜海□□淺止。共六十五里。

天津左衛管河千總一員。河道南接青縣流佛寺起。北接興濟張家口止。共七十七里。

天津右衛管河千總一員。河道南接南皮北馮家口起。北接滄州北楊家口止。共十四里。以上俱北河續記。

聖祖仁皇帝康熙三十八年五月日。總河于成龍等。照部咨。新設河營遊擊一員。守備二員。本部照例籤補外。千總二員。把總四員。行令該督。遴選熟練河務之人。拔補戰守兵丁。照數將年力精壯之人募補。仍將年貌籍貫。造冊報部。其應給敕書。俟該督將管轄事宜清冊。造送到日。揭請內閣。撰給關防。移咨禮部鑄給可也。淮揚道檔案。此營已奉裁矣。見前。

行水金鑑卷第一百六十八

官司

直隸專兼管河官以下俱河防志

直隸守道一員兼管通省河道

通永道一員兼管通州起至天津止運河河道工程

通州知州一員兼管本州運河工程 州同一員專管本州運河工程 州判一員專管本州運河工程

楊村管河通判一員專管自通州起至天津止運河河道工程

此員今緝紳無之

武清縣知縣一員兼管本縣運河工程 管河縣丞一員住劄楊村

今緝紳有之

主簿一員專管本縣運

河工程

寶坻縣知縣一員兼管本縣河夫挑浚運河淤淺工程 主簿一員專管本縣河夫挑浚運河淤淺工程

霸昌道一員兼管霸州、香河二州縣運河工程

霸州知州一員兼管本州運河工程。州判一員專管本州運河工程。淺夫三名。

香河縣知縣一員兼管本縣運河工程。主簿一員專管本縣運河工程。

天津道一員兼管河間府屬各州縣衛運河工程。

河間府知府一員兼管府屬各州縣運河工程。

河間府天津海防河務同知一員專管滄州、青縣、靜海三州縣天津衛運河工程。

天津衛守備一員兼管本衛并左右二衛運河工程。千總一員專管本衛運河工程。淺夫五十名。兼

管左衛運河淺夫七十名。右衛運河淺夫二十五名。

滄州知州一員專管本州運河工程。淺夫三十名。

州判一員專管本州運河工程。淺夫三十名。

青縣知縣一員兼管本縣運河工程。主簿一員專管本縣運河工程。淺夫六十三名半。

興濟鎮巡檢一員專管本縣運河工程。

靜海縣知縣一員兼管本縣運河工程。主簿一員專管本縣運河工程。淺夫三十名。

河間府管河通判一員專管交河、景州、吳橋、東光、南皮五州縣運河工程。住剡泊頭。

交河縣知縣一員兼管本縣運河工程。主簿一員專管本縣運河工程。淺夫二十名。帶管河間衛淺

夫五名半。

景州知州一員。兼管本州運河工程。州判一員。專管本州運河工程。淺夫一十七名半。

吳橋縣知縣一員。兼管本縣運河工程。縣丞一員。專管本縣運河工程。淺夫四十五名。

東光縣知縣一員。兼管本縣運河工程。主簿一員。專管本縣運河工程。淺夫四十名半。

南皮縣知縣一員。兼管本縣運河工程。主簿一員。專管本縣運河工程。淺夫二十名。

大名道一員。兼管大名府屬衛河黃河工程。

大名府知府一員。兼管府屬衛河黃河工程。

河捕通判一員。專管府屬衛河黃河工程。

元城縣知縣一員。兼管本縣衛河。縣丞一員。專管本縣衛河。

大名縣知縣一員。兼管本縣衛河。縣丞一員。專管本縣衛河。

內黃縣知縣一員。兼管本縣衛河。縣丞一員。專管本縣衛河。

濬縣知縣一員。兼管本縣衛河。縣丞一員。專管本縣衛河。

滑縣知縣一員。兼管本縣衛河。縣丞一員。專管本縣衛河。

長垣縣知縣一員。兼管本縣黃河工程。縣丞一員。專管本縣黃河工程。今續紳有主簿。無縣丞。

山東專兼管河官

濟寧道一員。專管濟南、兗州、東昌三府屬黃、運二河河隄開座泉源。舊云：按山東全河備考：國初南旺分

康熙十五年，以總河王光裕議，裁南旺夏鎮分司。將南旺所管泉開事務，歸併濟寧道。其夏鎮所管河道開座，在江南
濟寧者，歸併清河道。在山東滕縣二縣者，歸併東寧道。康熙十七年，又以總河靳輔議，將東寧道所併夏鎮原管山東
滕縣二縣河道開座，亦併濟寧道。並將張秋鄭中所管河道開座事務，盡併濟寧道。於是南自黃林莊，北至桑園驛，一
千二百里之河道，專責之濟寧道矣。夫濟寧道有分巡之專責，庶務孔多，且駐劄濟寧，去臨清、張秋甚遠，二處所有
河道開座，顧長不及，殊難將瞭周到。且州縣泉開數百十處，常恐其湮塞，不能濟運，漕艘每有淺阻之虞。濟寧一
道，任職重矣。又云：濟寧道駐於明隆慶間，謂之管河兵巡道，其實實專運務，而兼職兵巡。又有防禦之責焉。嚴標
兵二百名，由東營奏，順治間以兗屬九邑民事隸之。蓋沿河不無勞民，使省河百姓疾苦，得以禁陳。康熙六年，以省
官裁去。至九年，總河疏請復設專管河道，十五年，歸併泉務。十七年，並併南北關務。謂之分巡濟寧河道，今又將濟
寧東寧二道并爲兗寧道，所屬河道開座
泉源，歸於一道管轄，較前任尤重焉。

東兗道一員。兼管東昌、兗州二府屬河道，并江南徐州屬沛縣河道隄工。

濟東道一員。兼管濟南、東昌二府屬河道，并直隸廣平府屬清河縣、河間府屬故城縣河道隄工。

東昌府知府一員。兼管東昌、上河通判屬聊城、堂邑、博平、清平、臨清、館陶六州縣。下河通判屬恩縣、夏

津、武城三縣運河河道隄工。

東昌上河通判一員。專管東昌府屬聊城、堂邑、博平、清平、臨清、館陶六州縣。并東昌衛并平山衛運河

開座隄河工程。

聊城縣知縣一員。兼管本縣運河工程。主簿一員。專管本縣運河隄工。淺鋪溜夫九十七名。

周家店閘閘官一員。專管周家店李海務二閘。閘夫十六名。通濟閘閘官一員。專管閘夫三十七名。
永通閘閘官一員。專管閘夫二十八名。

東昌衛守備一員。兼管收并平山衛運河工程。平山衛管河千總一員。專管本衛河道。淺夫七名半。
堂邑縣知縣一員。兼管本縣運河工程。主簿一員。專管本縣運河隄工。淺鋪溜夫五十一名。

梁家鄉閘閘官一員。專管梁家鄉土橋二閘。閘夫五十六名。

博平縣知縣一員。兼管本縣運河工程。縣丞一員。專管本縣運河工程。淺鋪夫四十名半。

北河續記云。河道

東西俱有。東岸南接聊城陵起。北接清平減水閘止。共二十七里。西岸南接清平魏家灣起。北接清平丁家口止。共四十里。屬典史管河。

清平縣知縣一員。兼管本縣運河工程。主簿一員。專管本縣運河工程。淺鋪夫四十七名。

戴家灣閘閘官一員。專管閘夫二十八名。

德州衛守備一員。兼管收併左衛運河工程。左衛管河千總一員。專管本衛南河。淺夫二十名。

河南管河

道沿河檔案云。康熙三十二年。總河于成龍等疏稱。德州左衛南河。既在上河通判界內。應歸上河通判管轄。奉旨依議。

臨清州知州一員。兼管本州運河工程。州判一員。專管本州運河衛河工程。淺鋪溜夫七十四名。橋

夫一十八名。

磚板閘閘官一員。專管閘夫七十七名。

館陶縣知縣一員兼管本縣衛河工程主簿一員專管本縣衛河工程淺鋪溜夫三十名半

北河續記云

衛河南接元城南館陶起北接臨清南板蘭止共一百五十里

濟南府知府一員兼管德州運河工程

直隸廣平府知府一員兼管清河縣運河工程

直隸河間府知府一員兼管故城縣運河工程

東昌府下河通判一員專管濟南府屬德州、德州衛、東昌府屬恩縣、夏津、武城、直隸廣平府屬清河、河

間府屬故城六州縣衛運河工程

德州知州一員兼管本州運河工程州同一員專管本州運河工程淺鋪夫二十九名半橋夫一名

短役四名

德州衛守備一員兼管本衛并收併左衛所河道

德州衛管河千總二員專管本衛河道淺夫五十名左衛管河千總一員專管本衛北河淺夫十名

恩縣知縣一員兼管本縣運河工程主簿一員專管本縣運河工程淺鋪夫二十六名半

北河續記云河道

南接武城白馬廟起北接德州四女寺止共七十里

夏津縣知縣一員兼管本縣運河工程主簿一員專管本縣運河工程淺鋪夫二十五名半

武城縣知縣一員。兼管本縣運河工程。縣丞一員。專管本縣運河工程。淺鋪夫七十三名。

甲馬營巡檢一員。專管本縣運河工程。

直隸清河縣知縣一員。兼管本縣運河工程。

河南管河道治河檔案云。康熙三十二年。總河于成龍等題准。直隸之清河、故城二縣。並江南之沛縣河道。既在東省界中。改隸

東省。廳員僅償疏浚事宜。亦應歸併東省道員兼轄。

縣丞一員。專管本縣運河工程。淺鋪夫二十三名半。

直隸故城縣知縣一員。兼管本縣運河工程。縣丞一員。專管本縣運河工程。淺鋪夫一十五名。

兗州府知府一員。兼管張秋通判屬陽穀、東平、東阿、壽張四州縣。運河同知屬汶上、鉅野、嘉祥、濟寧、魚臺五州縣。泇河通判屬滕、嶧二縣。并江南沛縣。黃河同知屬曹、單二縣。沂、鄒、海、贛同知屬郯城縣河道工程。

兗州府張秋河捕通判一員。專管東平、陽穀、東阿、壽張各州縣所運河開座工程。

陽穀縣知縣一員。兼管本縣運河工程。

主簿一員。專管本縣運河工程。淺鋪橋夫一百二十九名半。

七級閘閘官一員。專管上下二閘。閘夫四十七名。

按七級下閘之上。有周家店閘。有閘官一員。帶管李海務閘。又有梁家鄉閘。有閘官一員。帶管上橋閘。又

上有新開上閘。有閘官一員。帶管南板閘。自此以上無閘矣。見北河續記。

阿城閘閘官一員。專管上下二閘。閘夫四十六名。荊門閘閘官

一員。專管上下二閘。閘夫四十七名。

壽張縣知縣一員。兼管本縣運河工程。管河縣丞一員。今縉紳有之。

東阿縣知縣一員兼管本縣運河工程。壽東主簿一員專管本縣運河工程。壽張淺鋪夫三十名七分。東阿縣淺鋪夫五十八名半。

東平州知州一員兼管本州運河工程。州判一員專管本州運河工程。淺鋪夫七十八名。

戴家廟閘閘官一員專管閘夫二十八名。安山閘閘官一員專管閘夫二十八名。靳家口閘閘官一員專管閘夫二十八名。

東平所管河千總二員專管本所運河工程夫二十名。

兗州府運河同知一員專管汶上、鉅野、嘉祥、濟寧、魚臺各州縣衛所河閘座泉源工程。居濟一得云每年重運過完之後如

過汶河水發。卽將柳林閘嚴閉。宜將寺前閘嚴閉。使水由各斗門入南旺湖。再看水勢之大小。如水不甚大。卽將十里閘並開。開亦嚴閉。收水入南旺湖。如南旺湖滿。水勢仍大。卽將十里閘、開河閘及進北各閘閘板全啓。放水北行。蓋北行入海爲近。不百里卽有戴家廟三空橋洩水入海。再北又有張秋五空橋洩水入海。再北又有聊城之減水閘。博平之減水閘。皆洩水入海者也。所以嚴閉柳林寺前二閘者。以水不可往南行。南行之水。入海甚遠也。查南行之水。直至宿遷。始有西事橋可以洩水入海。南旺至宿遷七八百里遠。安能一時入海。中間田地之淹沒者。不知幾何也。予所以分汶河之水專濟北運。而以泗河之水專濟南運者。以水小之時。東昌一帶不至膠舟。水大之時。南陽夏鎮、徐州、邳州不爲澤國也。然此微山湖、昭陽湖、南陽湖水大而言之也。若此三湖水小。又宜閉十里開河二閘。放水南行。蓄之各湖矣。但南旺去黃浦甚遠。水之大小。恐無由知。而南陽甚近。又同屬運河廳轄。視南陽水之大小。則知徐浦矣。

汶上縣知縣一員兼管本縣運河工程。主簿一員專管本縣運河工程。淺鋪夫一百五十二名。管泉老人一名。

袁家口閘閘官一員。專管閘夫二十六名。開河閘閘官一員。專管閘夫二十六名。南旺閘閘官一員。專管上下二閘。閘夫五十四名。寺前鋪閘閘官一員。專管閘夫四十七名。

鉅野縣知縣一員。兼管本縣運河工程。

嘉祥縣知縣一員。兼管本縣運河工程。

名。嘉祥縣淺鋪夫四十八名半。

通濟閘閘官一員。專管閘夫五十一名半。

海寧衛守備一員。兼管本衛運河工程。

濟寧州知州一員。兼管本州運河工程。

管泉老人一名。又魯橋閘廢閘夫一十二名半。隨淺夫用工。

天井閘閘官一員。專管閘夫八十一名。

在城閘閘官一員。專管閘夫五十五名。

關緊要者。尤在天井、在城、荆門上下、磚板二閘也。此六閘啓閉得宜。則糧運必無淺阻之患。而其職掌則在閘官。

閘官職微。非有擔當者。每聽命於往來之差船。宜令聽官主其事。天井、在城則以運河廳主之。荆門上下則以捕河廳主之。磚板二閘則以上河廳主之。查上河廳向駐劄東昌府。而臨清亦有衙門。宜令改駐臨清。若有差船欲待壅啓板。令閘官稟於廳官。廳官以理諭之。令其遵照定例。隨漕打放。若廳官再不能主。則申報濟寧道定奪。自可以無錯。但

閘官係專職。恐有民船受賄私放者。亦未可定。須道廳各官不時稽查。如有啓閉不時。乖違職掌者。立即揭報河院斥逐。則閘官有所畏憚。亦不敢私自啓板。而徇私謀利者。尤莫過於閘夫。且有閘夫啓板。而閘官不知者。尤宜嚴飭閘夫。使各依閘規。方無錯誤。磚板二閘一官。荆門上下一官。天

井在城二閘亦止可用一官。上新中新二閘既廢。其夫亦可不設。

趙村閘閘官一員。專管閘夫五十名。石

佛閣閘官一員。專管閘夫四十九名半。新店閘閘官一員。專管閘夫四十九名半。仲家淺閘閘官

一員。專管仲家淺閘夫二十八名。新閘夫四十九名半。師家莊閘夫三十七名半。棗林閘閘官一員。

專管閘夫二十四名。北河續紀云。帶管魯橋閘。

魚臺縣知縣一員。兼管本縣運河工程。主簿一員。專管本縣運河泉源工程。淺鋪夫九十一名半。居

一得云。魚臺有南陽獨山二湖。皆所以蓄水濟運也。運河兩岸俱有閘座。為主簿者。惟在蓄洩得宜。啓閉有方。乃爲稱職。今閘座俱已廢壞。陡岸悉皆殘缺。非大加修理。必不能濟運。宜時加修理。以便蓄水。乃爲稱職。以蓄水之多

少。爲該職之稱否。庶該官知職守所係。無敢或懈矣。南陽湖低於運河。若將各閘門堵閉。不放水入湖。獨山湖高於運河。若將各湖口開放。將水放盡。此則溺職之甚者也。魚臺境內泉水源甚多。尤宜時爲稽察。俾疏浚深通。暢流入

運。斯爲稱職。

南陽閘閘官一員。專管南陽閘夫三十二名。利建閘夫五十一名半。邢莊閘夫四十七名半。

居濟得一云。南陽

閘官管南陽、利建、邢莊三閘。此三閘最關緊要。下板一不嚴。而魯橋、棗林勢必淺阻。故此三閘與棗林閘均宜低會牌。必上下兩閘閉板。中間一閘乃可啓板。則水勢不致妄洩。而糧運自無淺阻之患矣。

兗州府泇河通判一員。專管滕嶧二縣并江南沛縣運河閘座工程。

滕縣知縣一員。兼管本縣運河工程。主簿一員。專管本縣運河工程。壩夫一百四十一名。管泉老人

一名。居濟一得云。滕縣主簿。亦以收水入湖爲職。三空橋、朱姬莊、減水閘皆湖口也。每遇運河水大。及伏秋水

發。卽宜從此收水入湖。蓄以濟運。境內有彭口。每年宜挑。若彭口以下淺處多。則宜將彭口以上築壩河大

壩。使水由引河西行。至呂壩入湖。以便挑空彭口以下淺工。若彭口以上淺處多。則宜將夏鎮人家頭築壩。又將朱姬莊減水閘下築壩。使彭口之水。由漸家口出。至姬莊減水閘入湖。則彭口之上。皆可挑空。若彭口上下皆淺。則宜開康

留壩。卽將彭口上運築壩。使水由三河口入運河。再於夏鎮之南築壩。使水仍由呂壩入湖。則彭口上下皆可挑空矣。運河北岸。又有修永閘。所以節宣泉水。以濟運者也。其內引河宜時加疏浚。以備蓄洩。朱姬莊一帶陡工。單溝處甚

多。亦宜時加修築。不可或懈。至境內泉源。皆以濟運。尤宜時爲稽察。俾疏濬深通。暢流入運。庶爲稱職。

嶧縣知縣一員兼管本縣運河工程。縣丞一員專管本縣運河工程。徭夫一百一十六名。

居濟一得云。嶧縣

縣丞專以蓄微山湖水爲職。蓋微山湖水。所以蓄之。濟入閘之運者也。故韓莊湖口閘。最關緊要。堵閉不嚴。則水從此洩。必將兩板廠下。中間用埽堵實。則水不妄洩矣。但徐州往來民船。皆從此閘入運河。閘夫借此取利。則湖口閘必不能閉。官宜時爲稽察。稍有疎失。卽宜嚴究。

韓家莊閘閘官一員專管韓莊閘夫三十名。德勝閘夫三十名。萬年閘閘官一員專管萬年閘夫三十名。張莊閘夫三十名。頓莊閘閘官一員專管頓莊閘夫三十名。丁廟閘夫三十名。臺莊閘閘官一員專管臺莊閘夫三十名。候遷閘夫三十名。

江南徐州知州一員兼管沛縣運河工程。

沛縣知縣一員兼管本縣運河工程。

沛縣改隸東省。見前故城縣下。

主簿一員專管本縣運河工程。浚淺人夫八十

名。居濟一得云。沛縣主簿。專以收水入湖爲職。微山湖口有呂壩滿壩二處。遇河水盛大。或伏秋水發。卽當開此二壩。收水入湖。蓄以濟來歲之運。不可有悞。若少有惰玩。不能蓄水。卽爲溺職。沿河兩岸。亦宜時加修築。境內有鮎魚泉。每遇天旱。中輒乾斷。不能通水。宜時加疏浚。令暢入運。

楊莊閘閘官一員專管楊莊閘夫三十名。珠梅閘夫三十名。夏鎮閘閘官一員專管閘夫四十名。

兗州府黃河同知一員專管曹單二縣黃河隄工。

曹縣知縣一員兼管本縣黃河工程。縣丞一員專管本縣黃河隄工。主簿一員專管本縣黃河隄

工。

安陵鎮巡檢一員。專管本縣黃河隄工。以上三汛共徭夫九百八十七名。鋪夫一百零八名。堡夫九十名。

單縣知縣一員。兼管本縣黃河工程。主簿一員。專管本縣黃河工程。徭鋪夫三百六十名。

兗州府沂鄆海贛同知一員。專管禹王臺工程。

鄆城縣知縣一員。兼管禹王臺工程。縣丞一員。專管禹王臺工程。

河南專兼管河官

管河道一員。專管通省黃河南北兩岸及衛河、丹河、洹河、沁河、淇河各河道工程。

開封府知府一員。兼管府屬黃河工程。

南河同知一員。專管府屬黃河南岸工程。今分上下南河同知二員。

北河同知一員。專管府屬黃河北岸工程。今分上下北河同知一員。

祥符縣知縣一員。兼管本縣黃河工程。縣丞一員。專管本縣黃河南岸工程。鄉徭堡夫一百七十二

名。主簿一員。專管本縣黃河北岸工程。鄉徭堡夫五十六名。

陳留縣知縣一員。兼管本縣黃河工程。縣丞一員。專管本縣黃河南北兩岸工程。鄉徭堡夫一十六名。

中牟縣知縣一員兼管本縣黃河工程。縣丞一員專管本縣黃河南岸工程。鄉堡夫三十八名。
陽武縣知縣一員兼管本縣黃河工程。縣丞一員專管本縣黃河南岸工程。鄉堡夫一十八名。主
簿一員專管本縣黃河北岸工程。鄉堡夫三十六名。

原武縣知縣一員兼管本縣黃河工程。主簿一員專管本縣黃河北岸工程。鄉堡夫八十八名。
封丘縣知縣一員兼管本縣黃河工程。主簿一員專管本縣黃河北岸工程。鄉堡堡夫七十八名。今緡紳縣丞管河。

蘭陽縣知縣一員兼管本縣黃河工程。縣丞一員專管本縣黃河南岸工程。鄉堡堡夫四十名。撥補曹縣去五名。
主簿一員專管本縣黃河北岸工程。鄉堡堡夫八十名。撥補曹縣去十名。

儀封縣知縣一員兼管本縣黃河工程。縣丞一員專管本縣黃河南岸工程。鄉堡堡夫六十六名。主
簿一員專管本縣黃河北岸工程。鄉堡堡夫一百零六名。

鄭州知州一員兼管本州黃河工程。州判一員專管本州黃河南岸工程。鄉堡夫六名。
滎澤縣知縣一員兼管本縣黃河工程。縣丞一員專管本縣黃河南岸工程。鄉堡堡夫二十二名。主
簿一員專管本縣黃河北岸工程。鄉堡堡夫六名。

歸德府知府一員兼管府屬黃河工程。

管河通判一員。專管府屬黃河南岸工程。北岸係山東界。

商丘縣知縣一員。兼管本縣黃河工程。主簿一員。專管本縣黃河南岸工程。堡夫四十二名。

虞城縣知縣一員。兼管本縣黃河工程。縣丞一員。專管本縣黃河南岸工程。主簿一員。專管本縣

黃河南岸工程。以上共堡夫六十名。

考城縣知縣一員。兼管本縣黃河工程。主簿一員。專管本縣黃河南岸工程。鄉堡夫六十名。

彰德府知府一員。兼管府屬洹衛淇三河河道。

管河同知一員。專管府屬洹衛淇三河河道。

河南管河道治河檔案云。康熙三十二年。總河于成龍等題准。彰德府河務向係同知專管。通判有糧捕之責。難以兼管。應仍令該

同知專管河務。
安陽縣知縣一員。兼管本縣洹河。縣丞一員。專管本縣洹河。

湯陰縣知縣一員。兼管本縣衛河。縣丞一員。專管本縣衛河。

衛輝府知府一員。兼管府屬衛河丹河河間。

管河通判一員。專管府屬衛河丹河河間。

汲縣知縣一員。兼管本縣衛河。縣丞一員。專管本縣衛河。

新鄉縣知縣一員。兼管本縣衛河。縣丞一員。專管本縣衛河。人夫一百名。

輝縣知縣一員。兼管本縣衛河源五閘。主簿一員。專管本縣衛河源五閘。人夫一百一十五名。

獲嘉縣知縣一員。兼管本縣小丹河。縣丞一員。專管本縣小丹河。

淇縣知縣一員。兼管本縣淇河。縣丞一員。專管本縣淇河。

懷慶府知府一員。兼管府屬黃河、沁河、大小丹河工程。

管河通判一員。專管府屬黃河、沁河、大小丹河工程。駐劉清化鎮。

河內縣知縣一員。兼管本縣沁河、大小丹河工程。縣丞一員。專管本縣沁河、大小丹河工程。堡夫十名。

修武縣知縣一員。兼管本縣小丹河工程。縣丞一員。專管本縣小丹河工程。

武陟縣知縣一員。兼管本縣黃河、小丹河、沁河工程。縣丞一員。專管本縣黃河、小丹河、沁河工程。堡夫一十四名。

江南專兼管河官

淮徐道一員。專管徐屬邳、睢、宿、虹、桃、源、宿、桃、中、河、五廳屬府、州、縣、黃河、運河、中、河、隄、河工程。

鳳廬道一員。兼管靈璧、虹、縣、盱、眈、三縣、黃河、湖、隄、河、道工程。

淮安府知府一員。兼管邳、州、睢、寧、宿、遷、桃、源、各州、縣、黃河、運河、中、河、隄、河工程。

鳳陽府知府一員兼管靈璧縣黃河虹縣歸仁隄工程。

徐屬河務同知一員專管徐、蕭、豐、碭四州縣黃河南岸工程。蕃菴云：按淮安府志：徐屬河務同知始於萬曆二十二年孫鳴教。蓋於此時置立。

徐州知州一員兼管本州并蕭、豐、碭三縣黃河工程。州同一員專管本州黃河南岸工程。南岸州

判一員專管本州黃河南岸工程。北岸州判一員專管本州黃河北岸工程。

呂梁巡檢一員專管本州黃河北岸工程。

蕭縣知縣一員兼管本縣黃河工程。主簿一員專管本縣黃河工程。

豐縣知縣一員兼管本縣黃河工程。主簿一員專管豐、碭二縣黃河工程。

碭山縣知縣一員兼管本縣黃河工程。主簿一員專管本縣黃河工程。

邳睢靈璧河務同知一員專管邳州、睢寧、靈璧三州縣黃運兩河工程。蕃菴云：按淮安府志：康熙二十年李懷宗任邳睢靈璧河務同知。則自

此殆也。

邳州知州一員兼管本州黃河運河工程。州同一員專管本州黃河北岸工程。州判一員專管本

州黃河北岸工程。

新安司巡檢一員專管本州運河工程。直河司巡檢一員專管本州運河工程。

靈璧縣知縣一員兼管本縣黃河工程。主簿一員專管本縣黃河工程。

睢寧縣知縣一員。兼管本縣黃河工程。縣丞一員。專管本縣黃河工程。主簿一員。專管本縣黃河工程。

宿虹河務同知一員。專管宿虹二縣黃運兩河隄河工程。蒼葢云。按淮安府志。康熙二十四年。劉沛引任宿虹河務同知。

宿遷縣知縣一員。兼管本縣黃河運河工程。縣丞一員。專管本縣黃河南岸工程。南岸主簿一員。

專管本縣黃河南岸工程。北岸主簿一員。專管本縣黃河北岸工程。運河主簿一員。專管本縣運河工程。

劉馬莊巡檢一員。專管本縣黃河北岸工程。歸仁隄巡檢一員。專管宿虹二縣歸仁隄工程。

虹縣知縣一員。兼管本縣歸仁隄工程。

桃源河務同知一員。專管本縣黃河工程。蒼葢云。按淮安府志。康熙二十三年。新設桃源河務同知。

桃源縣知縣一員。兼管本縣黃河工程。縣丞一員。專管本縣黃河南岸工程。南岸主簿一員。專管

本縣黃河南岸工程。北岸主簿一員。專管本縣黃河北岸工程。

三義鎮巡檢一員。專管本縣黃河北岸工程。

宿桃中河通判一員。專管宿桃二縣中河工程。改設緣由。見後安清中河廳冊。

宿遷縣知縣一員。兼管本縣中河工程。中河縣丞一員。專管本縣中河工程。

桃源縣知縣一員兼管本縣中河工程。中河主簿一員專管本縣中河工程。

淮揚道一員專管淮屬外河、山安、安清、中河、裏河、高堰、山盱、海防、揚屬揚河江防下河十廳府州縣黃運河湖中河下河工程。

淮安府知府一員兼管府屬清河、山陽、安東、鹽城、海州各州縣黃運河湖中河下河工程。

鳳陽府知府一員兼管府屬盱眙縣湖隄工程。此湖隄卽洪澤湖之隄也。

揚州府知府一員兼管府屬寶應、高郵、江都、儀真、通州、泰州、如臯、興化各州縣運河河湖工程下河河道。

山清外河同知一員專管山陽、清河二縣黃河工程。舊裁云。按淮安府志。康熙十一年。新添安海河務同知。十七年奉裁。至十九年復又添設。改爲山清外河同知。

清河縣知縣一員兼管本縣黃河工程。主簿一員專管本縣黃河北岸工程。

馬頭司巡檢一員專管本縣黃河南岸工程。

山陽縣知縣一員兼管本縣黃河工程。外河縣丞一員專管本縣黃河南岸工程。外河主簿一員。

專管本縣黃河南岸工程。

馬遷司巡檢一員專管本縣黃河南岸工程。

山安河務同知一員專管山安二縣黃河工程。舊裁云。按淮安府志。康熙十九年。新設山安外河同知。疑卽此也。

安東縣知縣一員兼管本縣黃河工程。縣丞一員專管本縣黃河工程。主簿一員專管本縣黃河工程。

五港司巡檢一員專管本縣黃河工程。

山陽縣知縣一員兼管本縣黃河工程。

羊寨司巡檢一員專管本縣黃河北岸工程。大套司巡檢一員專管本縣黃河南岸工程。

安清中河通判一員專管清山安三縣中河工程。安清中河廳冊云。安清中河通判。係康熙三十二年。於湖河

河。駐劉桃源北岸衆興集。復於康熙三十四年。請併廳員等事案內。前院于成龍等題設。管轄宿桃山安清五縣中河。轄代管。又于康熙三十八年。河員職守宜專等事案內。前院于成龍題請。添設宿桃中河通判一員。安清中河通判一

員。管轄山清安三縣中河隄河開壩工程。

清河縣知縣一員兼管本縣中河工程。

山陽縣知縣一員兼管本縣中河工程。清山中河主簿一員專管清山二縣中河工程。

廣濟閘閘官一員專管閘夫三十六名。

安東縣知縣一員兼管本縣中河工程。

長樂司巡檢一員專管本縣中河工程。

山清裏河同知一員專管山清二縣運河工程。裏河廳冊云。裏河同知。原係山清盱眙河務同知。始自康熙十六年間。總河靳輔題設。管理高堰運口裏河一帶工程。康熙三

十二年。總河于成龍題。將高堰隄工。另設高堰山圩通判一員。而山圩同知改爲山清裏河同知。舊志云。按淮安府志。山清河隄同知。始於明萬曆八年。本朝康熙十六年裁缺。改爲山清圩貽河務同知。三十二年又改焉。

清河縣知縣一員。兼管本縣運河工程。縣丞一員。專管本縣運河工程。

惠濟閘閘官一員。專管閘夫三十名。

山陽縣知縣一員。兼管本縣運河工程。裏河縣丞一員。專管本縣運河工程。裏河主簿一員。專管

本縣運河工程。

龍汪閘閘官一員。專管閘夫三十三名。

高堰通判一員。專管高堰湖隄工程。高堰總冊云。高堰山圩通判。於康熙三十二年。前院于成龍等。於湖河險

成龍題請。添設高堰通判一員。管轄北自山陽縣山清交界五家墩後橫隄頭起。南至高良閘禹王廟前止。計程五十里。山圩通判一員。管轄自高良閘禹王廟前起。至圩貽縣秦家高岡止。計程四十三里。

山陽縣知縣一員。兼管本縣高堰湖隄工程。高堰主簿一員。專管本縣高堰湖隄工程。高粱澗主

簿一員。專管高粱澗湖隄工程。

山圩通判一員。專管山圩二縣湖隄工程。

山陽縣知縣一員。兼管本縣湖隄工程。

圩貽縣知縣一員。兼管本縣湖隄工程。縣丞一員。專管本縣湖隄工程。

淮安府海防河務同知一員。專管海鹽二州縣下河河道。河南管河道治河橋案云。康熙三十二年。總河于成龍等題准。廟灣同知兼管鹽城。海州知州兼管州同

等語。句讀未明。應令該同知兼管鹽城海州二州縣河務。舊葺云。按淮安府志。海防同知始於明萬曆二十二年。新建廟灣鎮成。添設專管淮屬海防軍務。此其所自昉也。至是則兼管河務焉。

鹽城縣知縣一員兼管本縣下河河道。縣丞一員專管本縣下河河道。

海州知州一員兼管本州下河河道。州同一員專管本州下河河道。

揚州府管河通判一員專管高寶江三州縣運河工程。

揚河廳冊云。揚河通判。舊制統轄高、寶、江、儀、興、如、通、泰、興九州縣河道。康熙三十二年九月

地。總河于成龍等題。將江儀河道改交江防。將揚河通判移駐高郵州。與永安工爲適中之地。往來料理修防。乃自寶應黃浦起。歷高郵至江都三岔河止。河道分隸揚河通判專轄。

寶應縣知縣一員兼管本縣運河河湖工程。縣丞一員專管本縣運河河湖工程。

主簿一員專管

本縣運河河湖工程。

高郵州知州一員兼管本州運河河湖工程。

州同一員專管本州運河河湖工程。

州判一員專管

本州運河河湖工程。

江都縣知縣一員兼管本縣運河工程。

縣丞一員專管本縣運河工程。

主簿一員專管本縣運河

工程。

揚州府江防河務同知一員專管江都儀真二縣運河工程。

淮揚道治河檔案云。康熙三十二年。總河于成龍等題准。瓜洲儀真河道閘座。爲清運經由之區。

最爲緊要。向係揚河通判專管。今查揚屬河道。北自寶應縣交界起。南至儀真縣江口止。綿長三百餘里。內高郵之水

安工及各減壩。甚屬危險。再加瓜洲儀真河道修防。閘座啓閉。以及催備挑浚一切事宜。通判一員。殊有鞭長莫及之慮。勢難彼此兼顧。應將瓜洲儀真河道

閘座事務。就近改交江防同知專管。

江都縣知縣一員兼管本縣運河工程。

瓜州閘閘官一員專管閘夫一百零五名。

儀真縣知縣一員兼管本縣運河工程。縣丞一員專管本縣運河工程。

清江閘閘官一員專管閘夫一百五十四名。

揚州府下河通判一員專管通泰如興四州縣下河河道。今歸紳糧河通判。

通州知州一員兼管本州下河河道。州判一員專管本州下河河道。

泰州知州一員兼管本州下河河道。州同一員專管本州下河河道。州判一員專管本州下河河道。

道。

西溪司巡檢一員專管丁溪草堰二閘閘夫六名。

如皋縣知縣一員兼管本縣下河河道。縣丞一員專管本縣下河河道。

興化縣知縣一員兼管本縣下河河道。縣丞一員專管本縣下河河道。

安豐司巡檢一員專管白駒三閘閘夫八名。

江鎮道一員兼管鎮江府丹陽丹徒二縣運河河道。

鎮江府知府一員兼管丹陽丹徒二縣運河河道。

水利通判一員。專管丹陽丹徒二縣運河河道。

蒼莪云。康熙三十二年。總河于成龍等題准。鎮江府屬丹陽丹徒二縣河道。爲江浙漕運咽喉。向無專員管理。每至運期淤淺。

臨時倉皇。應將二縣河道。每年挑浚事宜。實令各該縣縣丞專管。交與該府通判管理。

丹陽縣知縣一員。兼管本縣運河工程。

縣丞一員。專管本縣運河河道。

丹徒縣知縣一員。兼管本縣運河河道。

縣丞一員。專管本縣運河河道。

行水金鑑卷第一百六十九

官司

徐屬河營守備一員。管轄徐屬河道工程。上自河南山東交界起。下至邳睢二州縣界止。戰守兵一千八十八名。舊志云。康熙十七年。總河靳公題設江南河兵八營。罷淮揚徐靈壁州縣等隄淺夫。此河營所自昉也。淮徐道屬諸營。此後不知有無更改。無案可稽。悉依而錄之。礪山縣黃河南岸

把總一員。專管汛地。上自虞城縣界起。下至毛城鋪止。又自小石閘起。至蕭縣界止。一帶工程。蕭縣

黃河南岸把總一員。專管汛地。上自礪山縣界起。下至北城集三官廟止。一帶工程。徐州黃河南岸

千總一員。專管汛地。上自蕭縣界北城集三官廟起。下至王家山止。又自韓家山起。至徐城郭家觜上

壩頭止。又自郭家觜上壩頭起。由徐城石岸至青田三山頭止。一帶工程。徐州黃河南岸把總一員。

專管汛地。上自青田三山頭起。下至靈壁縣界止。一帶工程。礪山縣黃河北岸兼豐縣黃河把總一

員。專管汛地。上自山東單縣界起。下至徐州李家樓止。一帶工程。徐州黃河北岸千總一員。專管汛

地。上自大谷山起。下至邳州界止。一帶工程。

邳睢靈壁河營守備一員。管轄邳睢靈壁三州縣黃運兩河工程。戰守兵九百四十七名。睢靈二縣

黃河南岸把總一員。專管汛地。上自徐州界起。下至睢寧縣余堂埽工止。一帶工程。睢寧縣黃河南

岸千總一員。專管汛地。上自余家堂起。下至宿遷縣古隄頭止。一帶工程。邳州黃河北岸千總一員。專管汛地。上自徐州界起。下至邳州馬船幫止。一帶工程。邳州黃河北岸把總一員。專管汛地。上自邳州馬船幫起。下至宿遷縣界止。一帶工程。邳州運河把總一員。專管汛地。上自徐塘口起。下至宿遷縣止。并唐宋山一帶工程。

宿虹河營守備一員。管轄宿虹二縣黃運隄壩工程。戰守兵七百八十六名。宿遷縣運河把總一員。專管汛地。上自邳州礮灣口交界起。下至石礮止。一帶工程。宿遷縣黃河南岸把總一員。專管汛地。上自睢寧縣界谷堆頭起。下至徐家灣西張王廟前止。一帶工程。宿遷縣黃河南岸。并歸仁隄千總一員。專管汛地。上自張王廟前起。下至白洋河鈔關口桃源縣界止。又歸仁隄自烏鴉嶺起。至石工頭止。一帶工程。

宿遷縣黃河北岸千總一員。專管汛地。上自邳州直河交界起。下至阜河石礮止。又新運河上自阜河口石礮對過起。下至支河口下口止。一帶工程。宿遷縣黃河北岸把總一員。專管汛地。上自宿遷縣西門外吳家墩起。下至大古城桃源縣交界止。一帶工程。

桃源河營守備一員。管轄黃河工程。戰守兵七百一十三名。桃源縣黃河南岸把總一員。專管汛地。上自宿遷白洋河鈔關口起。下至煙墩廠東止。一帶工程。桃源縣黃河南岸千總一員。專管汛地。上

自煙墩起。下至清河縣界止一帶工程。桃源縣黃河北岸千總一員。專管汛地。上自古城宿遷縣界起。下至河北鎮止一帶工程。桃源縣黃河北岸把總一員。專管汛地。上自河北鎮起。下至清河縣界止一帶工程。

山清外河營守備一員。管轄山清二縣黃河工程。戰守兵一千三十九名。

外河廳冊云：山清外河營守備。係康熙十七年。蒙前總河靳輔題請。

分設。清河縣外河北岸千總一員。專管汛地。上自桃源縣界起。下至山安營界止一帶工程。清河縣

外河南岸把總一員。專管汛地。上自吳城接桃源縣界起。下至季家淺接山陽縣界止一帶工程。山

陽縣外河南岸千總一員。專管汛地。上自季家淺起。下至三岔隄止一帶工程。山陽縣外河上河把

總一員。專管汛地。上至三岔交界起。下至葉家營馬頭止。又上自朱家嘴起。下至大菱陵廟巷止一帶

工程。山陽縣外河下河把總一員。專管汛地。上自葉家營起。下至陳家社接山安營界止一帶工程。

山安河營守備一員。管轄山陽安東二縣工程。戰守兵八百七名。山陽縣黃河南岸把總一員。專管

汛地。上自陳家社起。下至陸家社止一帶工程。山安二縣外河北岸千總一員。專管汛地。上自泗鋪

溝起。下至安東縣東門止一帶工程。安東縣黃河上河把總一員。專管汛地。上自安東縣東門起。下

至彭家灘止一帶工程。安東縣黃河下河把總一員。專管汛地。上自彭家灘起。下至雲梯關止一帶

工程。山陽縣黃河北岸把總一員。專管汛地。上自雲梯關起。下至泗汾港止一帶工程。

山清裏河營守備一員。管轄山陽裏河工程。戰守兵三百九十八名。

裏河總冊云。裏河營守備。康熙十七年。總河靳輔題設。爲山清野貽河營守備。

康熙三十八年。遼河于成龍題分設山野高堰河營。遷改爲山清裏河營守備。

山陽縣裏河千總一員。專管汛地上自清河縣界起。下至山陽縣

界西南角樓止一帶工程。清河縣裏河運口把總一員。專管汛地上自甘羅城西南角樓起。下至山

陽縣界橫隄頭止一帶工程。山陽縣裏河把總一員。專管汛地上自府城西南角樓起。下至寶應縣

界止一帶工程。

山盱高堰營守備一員。管轄高堰湖堰工程。戰守兵三百五十名。

高堰總冊云。山盱高堰河營守備。係康熙三十八年內。於遵旨保題等事案內。前院

于成龍等題請添設。管轄山陽縣山清交界起。至盱眙縣秦家高閘止。修防湖隄工程。

山陽縣高堰千總一員。專管汛地上自清河橫隄起。下至石工

盡頭止一帶工程。山陽縣高良澗把總一員。專管汛地上自石工頭起。下至周家橋止一帶工程。

山盱二縣把總一員。專管汛地上自周家橋起。下至翟家壩止一帶工程。

揚屬河營守備一員。管轄高寶江三州縣工程。戰守兵六百一十三名。

揚河總冊云。揚河營守備。係康熙十七年四月內。奉總河靳輔題請設

立。督率五汛千把等弁。并河兵修防寶高江三州縣河道工程。

寶應縣運河把總一員。專管汛地上自寶應縣黃浦起。下至劉家堡止

一帶工程。寶應縣運河千總一員。專管汛地上自劉家堡起。下至界首鎮止一帶工程。高郵州運

河千總一員。專管汛地上自界首鎮起。下至永安河尾止一帶工程。高郵州運河把總一員。專管汛

地上至永安河尾起。下至江都縣界止一帶工程。江都縣運河把總一員。專管汛地上自江都縣界

起。下至江都縣灣頭閘止一帶工程。

安清中河營守備一員。管轄宿桃山安清五縣中河工程。戰守兵六百四名。

安清中河廳冊云。安清宿桃中河營守備。係康熙三十八年遵

旨保題等事案內。前院于成龍題請添設。管轄山清宿桃安四汛弁目。修防河道隄壩工程。

宿遷縣中河把總一員。專管汛地上自張莊運口中河頭

起。下至大古城桃源界止。又上自張莊運口中河頭起。下至攔馬河迤上土堆止一帶工程。

桃源縣

中河把總一員。專管汛地上自宿遷縣起。下至沈家莊迤東清河縣止一帶工程。

山清二縣中河把

總一員。專管汛地上自趙家莊迤西接桃源縣界起。下至朱元莊接安東縣界烽墩止一帶工程。

安

東縣中河千總一員。專管汛地上自安東縣遙隄五里墩起。下至平旺河隄尾止。又上自朱元莊接外

河營界起。下至平旺河隄尾止一帶工程。

葦蕩河營遊擊一員。管轄兵一千二百三十名。督採龍窩蕩、施家出河港、陸家社、陳家浦、惠家港東西

各官蕩。每歲砍額柴一百二十萬四千一百束內。運蘆左營守備一員。管理龍窩蕩、施家出河港、每

歲砍額柴五十七萬四千一百束內。千總一員。分管龍窩蕩。把總一員。分管龍窩蕩。把總一員。

分管施家出河港。運蘆右營守備一員。管理陳家浦、陸家社、楊柳二溝、惠家港東西各官蕩。每歲砍

額柴六十三萬束內。千總一員。分管惠家港東蕩、北窪竈六灘、塢巴港、陳必甫港一帶。至新淤界止。

把總一員。分管惠家港東蕩、南窪竈三灘、竈五灘。并新淤灘一帶。至海口止。把總一員。分管惠家

港西蕩以亮子港界起。至關港黃泥窪。接至惠家港西界老灘鹽路界止。以上俱河防志。舊葭云。此營產柴甚廣。是供河工料物。文寶公穀養之意。至深遠矣。前總河賈世顯忽以葭蕩不產柴草。題請裁汰。將宜蕩肅行給兵佃種。今已成沃壤。壟特葭菰滋生。日禾穰遍野矣。當日嚴禁之始。原以節省俸餉起見。似有資於國計。殊不知河工料物。最屬緊要。若使歸於各鄉。則源不窮。不更多於附科之額微乎。惜乎見不及此。

天津河協營副將一員。守備三員。千總六員。把總十五員。幾輔通志。

總督河道部院標下中左右城守四營。順治元年。總督部院楊題設河標中營。兼河標中軍。並左右

兩營。以下俱山東通志。

中營定制官八員。副總兵一員。中軍守備一員。千總二員。把總四員。防漕河十六汛地。南

自小長溝接城守營界碑起。北至右營王仲口界碑止。計河程九十二里。小長溝係鉅野縣河道。大長

溝係寺前鋪開孫村臺堡三汛係嘉祥縣河道。柳林開南旺堡十里開堡。開河開堡。劉老口臺。袁家口

關堡。王老口臺。張八老口堡。靳家口開河。西堡九汛。俱係汶上縣河道。靳家口河東堡。花園頭臺。王仲

口堡三汛。係東平州河道。按汛分派官兵駐防。

左營定制官八員。遊擊一員。中軍守備一員。千總二員。把總四員。防漕河十四汛地。南自

山東辛莊橋。接江南徐州營界碑起。北至濟寧城守營韋駄廟界碑止。計河程一百五十里。徐家口堡。

馬家口堡。邢莊。利建開堡。南陽開五汛地。俱係魚臺縣河道。聚林開。魯橋堡。師家莊開。仲家淺開。新開。

新店閘、石佛閘、趙村閘、關南頭九汛地。俱係濟寧州河道。按汛分派官兵駐防。

右營定制官八員。遊擊一員。中軍守備一員。千總二員。把總四員。防漕河十二汛地。南自王仲口接中營界碑起。北至壽張營張秋鎮北水門外界碑止。計河程七十八里。王仲口、界碑臺、長張口、安山閘堡、十里鋪、防河臺、裕國臺、戴家廟閘堡八汛。俱係東平州河道。壯猷臺、通濟臺二汛。係東平、壽張二州縣河道。沙灣係東平、東阿、壽張三州縣河道。張秋鎮係陽穀、壽張、東阿三縣河道。按汛分派官兵駐防。

濟寧城守營定制官五員。都司一員。中軍守備一員。千總一員。把總二員。防倉庫監獄武庫四門四鄉。東關馬驛橋。北關鎮武廟。週圍二百餘里。八汛俱係濟寧州衛地方。又防漕河。南自關南頭韋馱廟接左營界碑起。北至中營小長溝界碑止。計河程四十五里。韋馱廟、三官廟、濟安臺三汛。係濟寧州河道。安居臺係濟寧衛河道。通濟閘堡、白鬚臺堡、小長溝三汛。係鉅野縣河道。按汛分派官兵駐防。

臨清營城守副將設左右兩營。左營河汛。自胡家窰起。至鄭家口南頭十二里止。共計河程一百八十里。右營河汛。自臨清板閘北胡家窰起。南至七級郎家灣。共一百里。就州縣而分河汛。便於兼領。因左營河汛多於右營。故右營多加一汛也。

東昌城守營都司一員。千總一員。把總二員。分轄聊城、館陶、平陰三縣。平山、東昌二衛。漕河六閘。七汛。分防館陶、平陰二縣。每縣千把總一員。輪流駐防。聊城縣漕河千把總官一員。曹州營河汛。阿城等閘五汛把總一員。

范縣營河汛。荆門閘百總一名。

沙溝營守備一員。把總一員。分防滕縣、魚臺二縣、韓莊等閘河汛。以上俱山東通志。

揚州居江北。最爲衝險要口。商船漕艘往來之路。南對鎮江之金山。古稱長江之門戶。南北之要津。揚屬上自儀真縣所轄東溝墩馬路沿江起。至何家港墩止。共墩臺十六座。木樓二座。汛地八十里。俱係奇兵營撥兵防守。下接江都縣所轄沿江汛地。江都縣所轄花園港墩馬路沿江起。至朱圍窩墩止。共墩臺二十座。木樓三座。汛地九十里。俱係京口右路左營撥兵防守。下接泰興縣所轄沿江汛地。萬壽司地方。黃墩港。長命港。沙河港。小史家港。大史家港。八港。梁家港。梁孟港。孫溝港。徐家壩。穆家嘴。三江營。唐家港。嘶馬。朱圍窩。徐墩係泰興接界。俱設有橋墩煙籠營房。

淮安府廟灣營所轄射陽湖、黃河、灌口三大險汛。切近邊海。射陽湖汛地。係廟灣場龜地方。有大新港三板港下川子諸水路。下川子距海口水路四十里。海口南岸。係鹽城營所轄。汛地。黃河營係陸路駐

防北岸海口往西一百里至雲梯關地方派兵防守瞭望灌口汛地接連黃河北岸其七條港陸套港湧洋河小河口嚴家舍派有唬船兵丁防守係安東縣地方其七條港木樓係海州地方乃海州營汛地以上俱江南通志

漕標左右二營汛地輪防山清二縣黃淮兩河洪澤湖面又北河大套雲梯關一汛切近海邊

漕標宿遷後營汛地南自桃源三岔起北至邳州黃林莊止水路七汛桃源洋河宿遷隅頭并劉馬莊泇河口千把六員每年輪流領兵更防所有水路自桃源以及洋河宿遷邳州四汛皆屬黃河北入阜河口內水路隅頭泇口二汛皆係運河直抵黃林莊止唯劉馬莊一汛係通山東陸路

徐州營汛地統領徐蕭二營官兵駐劄徐州兼轄蕭沛豐碭睢寧六州縣每遇糧運盛行親詣夏鎮催儻重運回空漕船東接淮安府邳州宿遷後營官兵汛界西接河南歸德營官兵汛界南接鳳陽府壽春營官兵汛界北接山東兗州府濟寧營官兵汛界周圍千餘里淮安府志

聖祖仁皇帝康熙六十年三月日淮揚道傅澤洪詳効力人員分別等第敍用河工之重首在任用得人而用人之法必須按照功績所以鼓舞人才慎重名器昭勸懲示公道也往例凡遇大小員缺俱遴選諳練河務勞效昭著人地相宜之員題補委用近因河上缺少人多一時難滿衆望間有熱中燥妄之輩冒昧呈瀆固由功名心迫亦屬義命不安憲議嗣後補用俱令掣籤各聽天命而効力官會席珍

等。又復連名具呈。請照舊例委用。本道等遵奉憲批。率領在浦各廳公同會議。竊以爲掣籤委用。必不可行。蓋河工効力人員。賢愚勤惰不一。其中有自備鞍馬資斧。終年在工伺候。凡奉緊要差委。無不竭蹶趨事。櫛沐於狂風驟雨之中。奔馳於烈日嚴霜之下。搶險則手足胼胝。軀命不惜。催料則日夜償運。依限回銷。修築工程。則爭先償竣。急公捐備。則不顧家資。更有熟諳水勢情形。練曉修防機要。在工年久。羣推老成。此則河員中之備極勤勞。功績之所稱上等者也。至於奉委湖河防險。催價空重糧船。以及傳遞往來水報。伺候憲轅雜差。未嘗無効力之處。然較之前項勞員功績。其輕重大小。不啻霄壤之隔。甚有挂名河上。並不到工。或乘輿往來。毫無實効。此則有効力之名。而並無効力之實者也。今若不分勤惰高下。槩以掣籤爲準。則凡在冊挂名之員。亦將聞風而來。隨班同掣。一時僥倖。或得掣補。不繼使効力年久。功績最上之勞員。反致有時命不猶之歎乎。從此人心懈怠。坐待倖邀。不惟河工失用人之效。且恐人心不服。爭論滋多。夫掣籤之舉。原爲杜衆議起見。乃反開僥倖之門。啓紛爭之漸。是殆不如按照功績。分別鉅用之爲公平允當也。查通工人員。効力大小勞績。備載憲冊可考。卽前憲張任內河員功績。亦有底冊可查。伏祈本部院按冊稽核。將功績之最大最多者。列爲上等。其次列爲中等。而防險催漕水報雜差各功績。則量其久暫遠近大小。或以二三次準作中等功績一次。依次分別鉅用。其中有功績相等者。則又以効力年分相較久近。以定後先。注明憲冊。並將各員名下功績等第。開列

曉諭此等人員中如有後奉差委實心効力著有功績者則又核明更定示知許其越班敘用若始終挂名河員並不在工効力者槩不準用如此則勸懲分明人心競奮河工收得人之效矣又五月日詳分別拔補把總河營把總專任修防必由河兵出身熟諳隄埽工程者委用方無貽悞近來把總員缺奉憲示令各河營百隊并部發効力以及轅門効力人員公同掣籤此誠矢公矢慎之至意惟是十缺之內其真正年久諳練著有勞績之河兵所得不過三四餘皆効力人員掣獲其得失雖由時命而法久實宜變通查淮揚淮徐所屬黃河運河工程原有平險之別黃河水勢變遷工程甚關險要非得深知水性在工力作年久之河兵專汛修防鮮不貽悞現在部發以及轅門効力人員所有功績不過催漕防險奔走使令等類其於黃河隄埽工程事宜毫不諳練一旦掣補黃河險汛把總勢必臨事張皇悞工匪淺今本道等謬陳管見嗣後凡徐屬邳睢宿虹桃源外河山安六廳所屬黃河各汛把總缺出請於黃河各營汛內選取力作年久實有勞績真正深知水性熟諳工程之百隊河兵著令該廳於本年霜降之後預爲保詳由道察核轉送聽候驗拔補放如有從不在工力作虛冒河兵名姓夤緣濫送者一經發覺將保送道廳各官嚴加參處其効力人員不得槩同掣籤以滋混冒至於邳睢宿虹宿桃安清高堰山盱裏河揚河八廳所屬之中運兩河沿湖各汛把總缺出請將裏河中河高堰山盱揚河著有勞績之百隊河兵與部發効力及轅門効力人員聽候本部院一併驗拔補放其中運兩河沿

湖各汛百隊河兵亦一例著令該廳於本年霜降之後預爲保詳由道核送聽候驗放如此分別則實在効力之河兵不致有偏枯向隅之泣而黃運兩河之工程均收修防得人之效矣

梅軒
偶存

行水金鑑卷第一百七十

夫役 宋元以前不錄。斷自勝國。以其近而可做也。

運河夫役在各泉閘原額頗多。後或議裁革。或改停役。停役夫候大挑調用。或徵銀一兩六錢爲銀差。或改折徵。折徵每名歲徵銀六兩。貯庫。沿革不常。今斷自萬曆四年爲則。新舊額數備載焉。以下俱明會典。

宛平縣青龍等閘五。共夫七十五名。

大興縣慶豐等閘三。共夫四十七名。

通州普濟等閘五。共夫九十三名。淺鋪十。小甲十名。夫一百名。修堤小甲八名。夫七十五名。

通州左衛淺鋪二。小甲二名。夫二十名。修堤小甲三名。夫二十六名。

通州右衛淺鋪四。小甲四名。夫四十名。修堤小甲四名。夫三十六名。

定邊衛淺鋪二。小甲二名。夫二十名。修堤總甲一名。小甲四名。夫四十五名。

神武中衛淺鋪三。小甲三名。夫三十名。修堤小甲五名。夫四十五名。

寶坻縣修堤小甲四名。夫四十六名。

東安縣修堤總甲一名。小甲六名。夫七十名。

灤縣淺鋪四。小甲四名。夫四十名。修堤總甲二名。小甲八名。夫九十名。

香河縣淺鋪六。小甲六名。舊用老人。夫六十名。修堤總甲一名。小甲三名。夫四十名。

營州前屯衛淺鋪四。小甲四名。夫四十名。修堤總甲一名。小甲二名。夫二十四名。看淺夫三名。

武清縣淺鋪十一。小甲十一名。夫一百一十名。看守要兒渡口等堤五處。總甲一名。小甲五名。夫五十名。修堤老人一名。總甲二名。小甲九名。夫九十二名。

武清衛淺鋪四。小甲四名。夫四十名。修堤總甲一名。小甲一名。夫九十九名。

天津衛淺鋪十二。舊十一。小甲十二名。夫一百八名。今存二十四名。軍夫六十名。修堤小甲五名。夫四十五名。

天津左衛淺鋪二十四。小甲二十四名。夫二百十六名。今存四十八名。軍夫一百八十名。修堤小甲五名。夫四十五名。

天津右衛淺鋪十。小甲十名。夫九十名。今存二十名。軍夫五十名。修堤小甲五名。夫四十五名。

霸州蘇家等淺鋪十一。舊十。老人十一名。夫一百十名。修堤夫二百六十名。

靜海縣淺鋪九。老人九名。夫九十名。修堤夫六百名。

青縣淺鋪六。老人六名。夫六十名。修堤夫六百十六名。

興濟縣淺鋪七。老人七名。夫七十名。內軍夫二十名。民夫五十名。

滄州淺鋪七。老人七名。夫七十名。

交河縣淺鋪五。老人五名。夫五十名。修堤夫三百名。

南皮縣淺鋪五。老人五名。夫五十名。修堤夫三百五十名。

景州淺鋪四。老人四名。夫四十名。修堤夫二百名。

吳橋縣淺鋪十。老人十名。夫一百名。修堤夫四百五十名。

故城縣淺鋪三。老人三名。夫三十名。修堤夫八十名。

東光縣淺鋪七。老人七名。夫七十名。

德州上八里等淺鋪七。舊六。老人七名。夫一百四十名。後折徵七。今存七十名。以上俱明會典。

濟南府德州。自衛河東岸德州衛之張家口。至恩縣之四女樹四十一里。又自西岸左衛之鄭家口。至

德州衛之楊烏屯二十里。置淺鋪六。下八里屯淺、四里屯淺、耿家灣淺、劉皮口淺、蔡張成口淺、上八里堂淺六鋪。老人六人。夫六十人。州設判官一人。山東通志。

德州衛張家灣等淺鋪十。舊八。小甲十名。軍夫一百名。舊每鋪九名。以下俱明會典。

德州左衛鄭家口等淺鋪六。小甲六名。軍夫六十名。舊每鋪九名。

恩縣白馬廟等淺鋪七。舊五。老人七名。夫七十名。今存三十五名。撈淺夫二十八名。今存十四名。沙灣修

堤大戶夫七十五名。以上俱明會典。

恩縣衛河之東岸。自四女樹至武城之白馬廟。七十里。置淺鋪五。新開淺、同龍廟淺、滕家口淺、高師姑淺、白馬廟淺五鋪。老人五人。夫五十人。守口夫七十五人。
山東通志。

武城縣桑園口等淺鋪二十九。六。二十老人二十九名。夫二百六十一名。後折徵八十七名。今存一百七十四名。

沙灣修堤守口大戶夫二十五名。明會典。

武城縣衛河東一里。始恩縣之白馬廟。南至夏津之桑園。一百四十四口。西岸。始故城之鄭家口。南至

夏津之王家莊。一百四十四里。置淺鋪二十有六。王家口淺、孟家莊淺、小流口淺、北釣口淺、南釣口淺、西關

家橋淺、何家堤口淺、康家林淺、高家園淺、大運河淺、耿家林淺、灣頭口淺、大龍頭口淺、白家園口淺、白龍口淺、馬家園口淺、徐家園口淺、侯家園口淺、南家園口淺、桑園口淺二十六鋪。老人二十六人。夫二百六十人。守口夫二十五人。
縣設主簿一人。山東通志。

夏津縣趙貨郎口等淺鋪八。老人八名。夫八十名。後折徵四十名。今存四十名。撈淺夫二十名。今存十名。沙灣

修堤夫六名。明會典。

夏津縣衛河之東岸。自桑園南至臨清之趙貨郎口。四十六里。西岸。北自武城之劉家道口。南至清河

之渡口。七里。置淺鋪八。黃河口淺、大口子淺、小口子淺、郝家園淺、草廟兒淺、新開口淺、裴家園淺、趙

清河縣二哥營等淺鋪八。老人八名。夫八十名。後折徵三十二名。今存四十八名。明會典。

臨清州南板閘。夫四十名。溜夫一百十五名。新開上閘。夫四十名。溜夫七十五名。今二閘共夫八十四名。溜夫共存四十名。潘家橋等淺鋪十一。老人十一名。夫一百七十一名。後折徵七十六名。今存九十五名。撈淺夫九十名。今存三十九名。橋夫二十八名。今存二十名。明會典。

臨清州會通河之東岸趙貨郎口南至板閘三十四里。西岸北自清河之二哥營南至板閘三十一里。

汶河北岸板閘口東至潘家橋二十里。南岸板閘東至趙家口二十五里。置淺鋪十。上仗柳園淺、下仗柳園淺、潘家橋淺十鋪。老人十人。夫一百人。守口夫九十人。置閘二。新開上閘。南接清平之戴家閘。三十里。閘官

一口廠淺、北土門淺、破關淺、潘家屯淺、陳家莊淺、沙灣南板閘。南至新開上閘。五里四十八步。夫四十人。溜夫一百一十五人。治漕船廠二十有八。臨清、平山、濟寧、東昌、賓州、濰縣、濰州所、天津、天津左、天津右、通州左、通州右、神武、中

定、邊德州、德州左、應天、龍江左、龍江右、水軍左、水軍右、橫海、江陰、廣洋、長淮、淮安、高郵、大河、揚州等衛廠。俱治州城西北。其事係於各衛官。總隸於督漕都御史焉。州設判官一人。山東通志。

館陶縣尖塚兒等淺鋪十二。老人十二名。夫九十六名。後折徵二十四名。今存七十二名。明會典。

清平縣戴家灣閘。夫三十名。魏家灣等淺鋪九。老人九名。夫八十一名。後折徵三十六名。今存四十五名。撈淺夫

一百三十二名。後折徵六十六名。今存六十六名。明會典。

清平縣河之東岸北自潘官屯南至博平之減水閘三十九里。西岸北自臨清之潘家橋南至堂邑之

涵谷洞三十三里。置淺鋪九。潘家橋淺、張家口淺、左家橋淺、李家口淺、丁家口淺、趙家口淺、戴家

戴家灣閘。南接堂邑之土橋閘。四十八里。閘官一人。夫三十人。減水閘二。李家口魏家灣。山東通志。

行 水 金 鑑 卷一百七十

堂邑縣土橋梁家鄉二閘各夫三十名梁家鄉等淺鋪七老人七名夫七十名今存三十五名撈淺夫二百名今存六十六名明會典

堂邑縣河之西岸北自清平之魏家灣南至聊城之呂家灣三十五里置淺鋪七濰谷湖淺、新開口淺、土橋淺、中開口淺、馬

家灣淺、北梁家鄉淺、南梁家鄉淺七鋪置閘二梁家鄉閘南接聊城之通濟橋閘三十里、閘官一人、夫三十人、土橋閘十五里、閘官

一人夫三十人土城中減水閘二山東通志

博平縣棧堤等淺鋪六老人六名夫五十四名後折徵二十四名今存三十名撈淺夫一百三十二名後折徵十六名今

存六十六名明會典

博平縣河之東岸北自清平之界南至聊城之棧堤兒三十七里西岸北自清平之丁家口南至魏家

灣四十里置淺鋪六朱家灣淺、減水閘淺、老堤頭淺、袁家灣淺、朱官屯淺、棧堤兒淺六鋪老人六人、夫六十人、守口夫二百五十人、縣設主簿一人、老堤頭北減水閘大水

則開以洩水非通用之閘也山東通志

聊城縣通濟橋李海務周家店三閘各夫三十名官審口等淺鋪二十三老人二十三名夫二百七名後折

徵九十二名今存一百十五名撈淺夫二百名今存八十五名明會典

東昌府聊城縣河之東岸北至博平之棧堤兒三十里西岸北自堂邑之南梁家鄉南至陽穀之官審

口三十五里置淺鋪二十有三北端口淺、徐家口淺、柳行口淺、房家口淺、呂家灣淺、龍灣兒淺、宋家口淺、破開口淺、林家口淺、于家口淺、周家店淺、北端口淺、稍張閘淺、柳行口淺、

白廟兒淺、雙堤兒淺、裴家口淺、方家口淺、李家口淺、米家口淺、耿家口淺、置閘三。周家店閘。南接陽穀之七級下閘、十二里。南官一人。李海務閘。南至周家店閘十二里。通濟橋閘。南至李海務閘二十里。審官等五減水閘。水大則開以洩水。非通舟之閘也。
山東通志。

陽穀縣七級阿城荆門六閘。舊各夫二十名。今共夫一百五十名。荆門上下二閘。月河修壩夫各五十名。

管驛灣等淺鋪十二。舊。老人十二名。夫一百八名。後折徵四十八名。今存六十名。撈淺夫四百八十七名。後折徵二

百四十名。今存二百四十四名。明會典。

陽穀縣河之西岸、北自聊城之官窰口、南至東阿之荆門上閘、四十里。黃河西南自開封之祥符縣金

龍口、至本縣南入灣河、通塞不常。置鋪十。官窰口淺、擺渡口淺、劉家口淺、何家口西岸淺、館驛灣西岸淺、汶河口淺、秦家口淺、張家道口淺、何家口東岸淺、館驛灣東岸淺、

鋪。老人十人。夫一百人。守口夫五百人。置閘六。荆門上閘。南接東平之安山閘七十里。閘官一人。夫二十人。壩夫五十人。荆門下閘。南至荆門上閘三里。閘夫二十人。壩夫五十人。

阿城上閘。南至荆門下閘十里。閘官一人。夫二十人。壩夫五十人。阿城下閘。南至上閘三里。閘夫二十人。壩夫五十人。七級上閘。南至阿城下閘十二里。閘官一人。夫二十人。壩夫

五十人。七級下閘。南至上閘三里。夫二十人。壩夫五十人。
山東通志。

東阿縣沙灣等淺鋪九。舊。老人九名。夫八十名。後折徵二十五名。今存四十五名。撈淺夫一百五十八名。後折徵七

十九名。今存七十九名。明會典。

東阿縣河之東岸、北自陽穀之荆門上閘、南至壽張之沙灣、二十里。正統十三年。河決汴梁。東北趨漕

河至本縣決沙灣東堤以達於海。遣工部尙書石璞侍郎王永和都御史王文相繼塞之。景泰四年左僉都御史徐有貞塞成。天順八年僉事劉進用石修砌東堤。自大感應廟起至沙灣淺止。長一百六十丈。成化年間副使陳善用石修砌東堤。自沙灣淺至荊門驛。長一千九百三丈。弘治六年河決汴梁東北趨漕河。至本縣決張秋東堤以達於海。遣右副都御史劉大夏治之。七年復遣太監李興平江伯陳銳同治決河。塞成。復於黃陵岡築堤以絕其流。詔改張秋名安平鎮。置淺鋪八。新安口淺、南浮橋淺、沙灣淺八鋪。老人八人。夫八十人。守口夫一百二十人。縣主簿一人。山東通志。

壽張縣大家廟等淺鋪五。老人五名。夫四十五名。後折徵二今存二十五名。撈淺夫九十二名。後折徵四今存四十六名。渡夫四名。今存二名。明會典。

壽張縣河之西三十里。北自東阿之沙灣南至東平之戴家廟二十里。置淺鋪五。沙灣淺、張家莊淺、戴家廟淺五鋪。老人五人。夫五十人。守口夫一百人。沙灣積水閘。成化七年建。師家壩。過黃河水。使入通源閘。分沙灣勢。野猪腦堰。灘湖三十里。用以瀦水。使不衝決漕河。

山東通志。

東平州戴家廟安山二閘。各夫三十名。靳家等淺鋪十三。老人十三名。夫一百一十七名。後折徵四今存七十五名。撈淺夫一百八十二名。後折徵九今存九十一名。戴村修壩老人四名。舊夫一百五十名。後折徵一今存二十八名。又停役十二名。銀差二十名。後又折徵四十六名。今存二十四名。安圈等泉老人二名。存一名。今革。夫六十五名。後折徵一今存

三十九名。明會典。

東平州河之東岸、北至壽張之戴家廟三十里、南至汶上之靳家口三十三里、置淺鋪一十有三。戴家廟淺、

沙孤堆淺、邢家莊淺、蘇家莊淺、譚家莊淺、安山下淺、積水湖淺、馮家莊淺、王忠口淺、劉家莊淺、李家莊淺、栗家莊淺、靳家口淺十三鋪。老人十三人。夫一百三十人。守口夫二百人。戴村修壩老人二人。夫三百人。安

山湖。距州治西南十五里。北臨漕河。縈迴百餘里。正統三年。知州傅霖於湖口建閘以蓄水。州設判官一人。安山閘。南接汶上之開河閘三十里。開官一人。夫二十人。戴家廟減水閘。分

汶上至安山。入清濟。以疏水勢。山東通志。

東平守禦千戶所安山等淺鋪四、小甲四名、軍夫四十名。以下俱明會典。

平山衛第五等淺鋪五、軍夫五十名。

汶上縣開河寺前鋪、袁家口、靳家口四閘、各夫三十名。袁靳二口有溜夫。并各閘夫。俱於撈淺夫內改編。南旺上下二閘、共夫四十

名、南旺寺前鋪二處、溜夫各八十名。後各折徵四十五名。今各存四十五名、界首等淺鋪十四、老人十四名、夫一百

二十六名。後折徵五十六名。今存七十名、撈淺夫四百五十二名。後折徵二百二十六名。今存二百二十六名、戴村修壩夫一

百五十名。後革四十八名。又停役十二名。折徵六十六名。今存二十四名、蒲灣泊武家湖共老人一名、夫三十名、龍鬬等泉老人

二名。今革。後停役六名。又折徵十四名。今存二十二名。以上俱明會典。

汶上縣河之東北三十五里、自東平之靳家口南至嘉祥之界首七十二里、置淺鋪一十有四。靳家口淺、步

家口淺、張八老口淺、關家口淺、袁家口淺、劉家口淺、開河淺、關城淺、田家口淺、鵝河口淺、南旺淺、柳堤淺、石口淺、界首淺十四鋪。老人十四人。夫一百四十人。守口夫五百五十人。置閘三、南旺南

閘南至濟寧之分水閘。七十五里。閘官一人。夫二十人。南旺北閘南至南旺南閘。十一里。閘官一人。夫二十人。開河閘南至南旺北閘十三里。閘官一人。夫三十人。界首積水

閘。成化六年建。石口積水閘。成化四年建。南旺湖。距縣治西南四十五里。蒙迴百五十餘里。中爲三長堤。漕運貫其中。西堤有斗門。上有橋。以便挽外蓄水。號爲水櫃。成化四年。山東按察司

今事蹟皆因舊土堤崩壞。始用石修砌西堤，
又貢土增築東堤。老人一人，夫三十人。

汝河。東平九皇、蜀山泉、鐵溝嘴泉、吳家泉、張厓郎泉、安園泉、苗
頭山泉、蒿橋泉、坎河泉、王老溝泉。汝上三泉：龍圖泉、朴當

山泉。通陽五泉。關帝廟泉。負瑕泉。薊湖泉。城西新泉。城東新泉。沂水十泉。單家泉。大泉。小水泉。龍王堂泉。衛王泉。上泉。銅井泉。芙蓉泉。灰泉。盆泉。寧陽十二泉。蛇眼泉。古泉。三里溝泉。井泉。古城泉。張家泉。衛王泉。上泉。銅井泉。芙蓉泉。灰泉。盆泉。寧陽十二泉。蛇眼泉。古泉。三里溝泉。井泉。古城泉。張家泉。

喝泉、龍潭溝泉、鯉魚泉、魯姑泉、坡當山泉、金馬莊泉、平陰一泉、薄泉、泰安三十二泉、狗跑泉、報恩泉、昭濟泉、胡家泉、馬莊溝泉、清泉、周家泉、鯉魚溝泉、張家泉、水磨泉、鐵佛泉、順河泉、羊舍泉、龍王泉、科溝泉、

車西二柳泉、北溝泉、上泉、馬蹄溝泉、水波泉、圓河泉、木頭溝泉、朔港溝泉、臭泉、龍堂泉、龍灣泉、力溝泉、花家溝泉、梁家泉、顧謝泉、馬兒溝泉、皂泥泉、新秦十四泉、南師家泉、北鮑泉、西都泉、劉社泉、和莊泉、孫村

泉、魏家泉、五里泉、南陳泉、古河泉、零香泉、公家莊泉、崖頭泉、西周泉、肥城六泉、鹽河泉、減家泉、黃家泉、胡家泉、清泉、紫蘆十泉、郭娘泉、湖眼泉、朋山泉、烏江泉、鎮里泉、牛王泉、蓮花池泉、小龍潭泉、魏家泉、五里泉、南陳泉、古河泉、零香泉、公家莊泉、崖頭泉、西周泉、肥城六泉、鹽河泉、減家泉、黃家泉、胡家泉、清泉、紫蘆十泉、郭娘泉、湖眼泉、朋山泉、烏江泉、鎮里泉、牛王泉、蓮花池泉、小龍潭泉。

泉、牛驢泉、王寧溝泉。以上一百一泉。同入於汶泉。夫八百餘人。掌於水都郎。山東通志。

祥縣大長溝等淺鋪四老人四名。夫三十六名。後折徵十六名。今存二十名。撈淺夫一百三十七名。後折徵十八名。

存六十九名。明會典。

嘉祥縣河之西二十五里岸北自汶上之界首南至鉅野之大長溝一十八里原係濟寧左衛景泰元

年衛調於臨清嘉祥代之堤岸用石修砌一十里置淺鋪四
孫村淺、寺前淺、十字河淺、大長溝淺四鋪
老人四人。夫四十人。守口夫一百八十人。縣

殷主簿一人。
山東通志。

正野縣大頭灣等淺鋪五小甲五名夫四十五名後停役折徵二十名今存二十五名撈淺夫二百四十五名後停役折

徵一百一十二名。今存一百二十三名。蓬子山壩夫三十名。明會典。

鉅野縣河之西八十里。岸北自嘉祥之大長溝南至火頭灣二十五里。原係濟寧左衛。景泰元年。衛調於臨清。鉅野代之。堤岸用石修砌一十二里。置淺鋪五。小長溝淺、黃沙灣淺、白嘴兒淺、梁家口淺、火頭灣淺五鋪。老人五人。夫五十人。守口夫二百五十人。

縣設主簿一人。蓬子山壩。築城南旺孫村二湖。以濟清河。夫一十五人。山東通志。

濟寧衛永通閘夫二名。曹井橋等淺鋪五。小甲五名。軍夫五十名。撈淺夫一百八十二名。舊二百名。隆慶三年減。後折徵九十一名。今存九十一名。明會典。

濟寧州天井。在城。趙村。石佛。新店。新閘。仲家淺。師家莊。魯橋。聚林閘各夫三十名。上新。中新。下新三閘各四名。在城閘溜夫三百名。後折徵九十名。撥補天井閘二十三名。今存六十七名。天井閘溜夫九十名。後折徵四十五名。今存六十八

名。內借撥在城閘二十三名。趙村。石佛。新店。新閘。仲家淺。魯橋。聚林七閘。溜夫各一百三十三名。師家莊閘溜夫一百三十六名。後趙村等四閘。各折徵六十六名。今存六十七名。仲家淺改編一百一十三名。折徵十名。今存十名。

師家莊改編七十名。折徵三十名。今存三十三名。硯瓦等淺鋪十二。老人十二名。夫一百八名。後折徵四十八名。今存六十名。撈淺夫四百三十五名。後折徵二百一十七名。今存二百一十八名。南門橋草橋夫二十名。舊橋五。夫五十。盧溝

等泉老人一名。今革。夫二十六名。後革四名。折徵十三名。今存九名。明會典。

濟寧州河之北岸。西抵東六十八里。置淺鋪二十有七。趙村淺、楊灣淺、石佛淺、花家淺、新店淺、新閘淺、仲家莊淺、師家莊上淺、師家莊下淺、魯橋淺、

襄林淺、硯瓦溝淺、水通淺、夾河淺、馮糧淺、河長口淺、大河淺、禮義淺、大溜淺、夾灣淺、王家淺、張家淺、牛頭河淺、王家淺、邢家上淺、邢家淺、魏村淺二十七鋪、老人二十七人。夫二百七十人。守口夫五百人。置

關十四聚林關、南接魚鹽之南關、十二里。關官一人。夫三十人。溜夫一百五十人。魯橋關、南至臺林關六里。關官一人。夫三十人。溜夫一百四十四人。師家莊關、南至

關五里。關官一人。夫三十人。仲家淺關、南至師家莊關六里。關官一人。夫三十人。溜夫一百四十四人。新關、南至仲家淺關五里。關官一人。夫三十人。溜夫一百四十四人。新店

關、南至新關八里。關官一人。夫三十人。石佛關、南至新店關十八里。關官一人。夫三十人。溜夫一百四十四人。趙村關、南至石佛關七里。關官一人。夫三十人。溜夫一百四十四人。中

在城關、南至趙村關六里。關官一人。夫三十人。天井關、東至在城關二里。關官一人。夫三十人。溜夫一百五十人。下新關、在趙村關西北。中新關、在下新關上

新關、在中新關北。以上三關。關官一人。夫六十人。溜夫二百人。分水關、在上新關北。沈沂泗三河、鄒縣九泉、淵源泉、柳青泉、白莊泉、白

馬泉、三角灣泉、泗水縣三十泉、泉林泉、下莊泉、吳家泉、鮑村泉、蔣泉、東岩石礮泉、龜陰泉、響水泉、潘波泉、黃家泉、杜家泉、雙眼泉、趙家泉、曹家泉、岳陵泉、黃溝泉、石河泉、柘溝泉、盧城泉、小玉泉、雍球泉、淘

泉、魯溝泉、珍珠泉、白溝泉、石岩石礮泉、大玉泉、三角灣泉、黑虎泉、虹口泉、以上三十泉俱入泗。蒙陰四泉、後牛馬泉、順德泉、河泉、官橋泉、俱入沂。曲阜十八泉、達泉、雙泉、柳青泉、新泉、曲水、鯉泉、溫泉、

南關泉、車轎泉、革泉、兩聖下泉、運糧泉、澤盤泉、連珠泉、埠下泉、蜈蚣泉、新安泉、橫溝泉、南關泉。以上十八泉俱入沂泗。同達於天井關泉。夫四百二十六人。州設判官一人。山東通志。

滋陽縣金口壩老人四名。修壩夫一百八十名。後革二十八名。改停役銀差。今存十名。沈河淺鋪十。夫四十

名。後革十三名。又今存十三名。濟河淺鋪五。夫二十五名。後革三名。又今存十二名。沙灣守口大戶夫十

五名。東北新等泉老人二名。今存二十六名。後革四名。折今存十三名。以下俱明

平陰縣柳溝泉老人一名。今存夫十名。

寧陽縣壩城壩老人二名。今存夫二百一十五名。後革一百八十三名。停役三十一名。今存一名。龍魚等泉老人二名。今

夫一百八十七名。後革十八名。停役六十九名。今存一百名。

魚臺縣南陽利建二閘各夫三十名。南陽閘溜夫一百三十四名。後改堤夫一百二十名。折徵七名。今存七名。利建閘溜

夫一百五十一名。後折徵七十五名。今存七十六名。改新河堤夫張家林等淺鋪二十一。老人二十一名。夫一百

八十九名。後折徵八十四名。今存一百五十五名。撈淺夫二百二十名。後折徵一百十名。今存一百十名。東龍等泉老人三名。

今革。夫五十五名。後革十三名。折徵二十五名。今存十七名。以上俱明會典。

兗州府魚臺縣河之西南二十里。岸北自濟寧之界。南至沙河五十四里。置淺鋪二十有六。界牌淺、北林淺、南陽

上淺、南陽下淺、大場淺、小場淺、擺渡口淺、馬溝淺、大龍淺、小龍淺、谷亭上淺、谷亭店下淺、谷亭下淺、八里灣淺、三柳樹淺、礮子頭淺、孟陽上淺、孟陽下淺、徐家林淺、張家林淺、廣運淺、馬家淺、梅家淺、

古家淺、張家淺二十六鋪。老人二十六人。夫二百六十人。守口夫二百五十人。縣設主簿一人。置閘四。孟陽泊閘。南接沛之湖陵城關八里。閘官一人。夫三十人。溜夫一百五十人。八里灣閘

南至孟陽泊閘八里。閘官一人。谷亭閘。南至八里灣閘八里。閘官一人。夫二十人。溜夫三百人。南陽閘。南至谷亭閘十八里。閘官一人。積

夫三十人。溜夫一百五十人。水閘三。硯瓦溝、陽城湖、泥河。夫三人。蘇家壩。在沙河北。過大烏河水入漕。夫六人。山東通志。

鄒縣撈淺夫十名。鱗眼等泉老人六名。後革十名。又改堤夫五十名。又折徵四十六名。今存三十一名。明會典。

鄒縣河之東北七十里。東岸北自濟寧之師家莊。南至魯橋閘三里。置淺鋪一。港里淺鋪。夫十人。港里積水閘。

老人一人。夫十人。山東通志。

曲阜縣橫溝等泉老人一名。後折徵三十三名。今存三十四名。以下俱明會典。

泗水縣趵突等泉。老人二名。今華。後折徵七十八名。今存七十九名。

滕縣北石橋等泉。老人二名。今華。後又折徵九十名。華三十一名。今存三十一名。東

邵等壩五。夫一百一十名。

嶧縣許有等泉。老人一名。今華。後折徵九十四名。又華五名。今存五名。

泰安州板橋灣等泉。老人四名。今華。後折徵一百三十名。今存一百九十三名。

新泰縣南陳等泉。老人二名。今華。後折徵八十六名。今存九十九名。

肥城縣清泉等泉。老人一名。今華。後折徵三十二名。今存四十七名。

萊蕪縣小龍灣等泉。老人一名。今華。後折徵八十三名。今存一百二十名。

沛縣珠梅岡。夫三十名。守堤夫三十六名。夏鎮岡。夫四十名。溜夫一百十五名。留城、滿家橋、西柳莊、馬家

橋、楊莊岡。各夫三十名。溜夫各一百二十五名。以上七關夫。俱以舊運河孟陽泊等七關夫改撥。金溝等淺鋪十九。老人十九名。夫

三百八十名。後華一百六十八名。今存一百三十三名。

豐縣大黃堤鋪十七。鋪夫三百六十六名。

碭山縣鐵堤鋪九。鋪夫一百六十八名。

徐州黃家、梁境、內華、古洪四關。各夫三十名。黃家關溜夫一百三十名。後華三十名。今存九十八名。徐州洪

夫九百一名。今存七百五十一名。呂梁洪夫一千五百五十名。今存一千三百名。雙溝等淺鋪四十三。三舊

六。老人四十三名。夫四百三十名。舊每鋪四十名。後止七名。今存三百一名。堤鋪二十二。守堤夫六百六名。

雕寧縣龍岡等淺鋪十一。老人十一名。夫一百二十名。舊每鋪一百五十名。弘治三年。革存前數。今存一百九十八名。改堤夫。堤

鋪二十七。守堤夫七百四十一名。

邳州蔡家莊等淺鋪十一。舊十。老人十一名。夫二百二十名。舊每鋪一百五十名。宏治三年。革存前數。後又革二十二名。今存一百九十

八名。改堤夫。堤鋪二十八。守堤夫四百七十三名。

邳州衛東城安淺鋪夫二十名。後革二名。今存一十八名。

宿遷縣武家溝等淺鋪二十一。舊三。老人二十一。夫四百二十名。舊每鋪一百名。宏治三年。革存前數。今存二百三十名。

改堤夫。堤鋪十四。守堤夫六十四名。歸仁集遙堤鋪十三。守堤義官一員。夫二百七十九名。

桃源縣汶河南等淺鋪十二。老人十二名。夫二百四十名。舊每鋪一百名。宏治三年。革存前數。後又減停七十四名。今存一百六十六名。

堤鋪二十七。守堤夫三百三十一名。

清河縣通濟閘夫三十名。李家橋等淺鋪五。老人五名。夫六十名。舊每鋪十二名。後各減二名。吳城淺二十名。今存五十三名。堤

鋪五。守堤夫六十五名。

山陽縣福興閘夫四十名。後革十名。停役六名。今存二十四名。清江閘夫四十名。後革十名。停役六名。改撥天妃閘五名。今存二十一

名板閘夫三十名

後革六名·停役十四名

今存十名。龍汪等三閘。卽以福興清汪舊閘官夫改撥。黃家等淺鋪十五

老人十五名。夫七十五名

後革七名·後又復板閘等·停役夫三十二名

今一百名。清江浦西橋守堤夫五十名。高家堰堤鋪六十

七。守堤夫八百八名。

寶應縣子嬰溝等淺鋪九。淺官九員

舊老人塘長各九名

夫四百四十三名

後革二百五名

今存二百八十八名。舊有子

嬰溝第一淺夫二十五名。瓦店等二淺夫十名

今革

高郵州王琴新河等淺鋪十七。夫二百七十名

後革一百二十四名

蛤蜊壩夫七名

原設永充·壩夫十五名·宏治末年·逃絕存前數

舊有丁

家灣等淺鋪十一。老人十一名。夫一百九十名。康濟河淺鋪六。老人六名。夫六十名

江都縣廣惠通惠二閘。各夫六十名。城南北等淺鋪十一。老人十七名

舊老人塘長各十一名

夫二百五十四名

舊二百二

十名。瓜洲十壩夫三百七名

後革二十八名·又停役一百五十九名

今存一百二十名。於閘夫內撥用。三年一次。挑港夫二千

四百九十二名。

儀真縣通濟閘夫五十七名。響水、羅泗、欄潮三閘。各夫十五名。麻線港等淺鋪三。老人三名。夫二十七名。

六壩夫於閘夫內撥二名看守。三年一次。挑港夫九千二百二十名

以上俱明會典

行水金鑑卷第一百七十一

夫役

凡河道泉閘隄壩關係漕運各設夫役以備修濬額數具載於後

以下俱大清會典

直隸屬通州淺夫一百五十二名武清縣淺夫二百三十名香河縣淺夫一百五十五名寶坻縣

協濟通州淺夫一百名又協濟武清縣淺夫三十名永清縣協濟武清縣淺夫三十三名半東安縣

協濟武清縣淺夫一百三十二名

已上全裁

霸州淺夫三名大城縣協濟霸州長屯淺夫三名故城縣

淺夫三十名景州淺夫三十五名吳橋縣淺夫九十名東光縣淺夫八十一名河間衛並濬陽

衛淺夫一十一名交河縣淺夫四十名南皮縣淺夫四十名滄洲淺夫六十名青縣淺夫一百

二十七名靜海縣淺夫六十名天津衛淺夫一百名天津左衛淺夫一百四十名天津右衛淺

夫五十名清河縣淺夫四十七名

已上裁半淺夫原爲疏浚河道而設乃有全裁者有半裁者毋怪乎河道之淤淺也

山東屬泰安州泉夫一百二十一名萊蕪縣泉夫九十名新泰縣泉夫七十五名肥城縣泉夫三

十五名滋陽縣泉夫十名寧陽縣泉夫九十四名曲阜縣泉夫二十六名泗水縣泉夫六十名

鄒縣泉夫二十四名滕縣泉夫二十九名嶧縣泉夫五名東平州泉夫五十五名濟寧州泉

夫九名。汶上縣泉夫二十一名。平陰縣泉夫十名。魚臺縣泉夫十一名。蒙陰縣泉夫十六名。
已上 德州淺舖橋夫六十一名。德州衛軍夫一百名。德州左衛軍夫六十名。滋陽縣壩夫二十
六名。滕縣壩夫一百四十一名。嶧縣衛閘夫三百五十名半。曹州衛夫一百二十六名。曹縣衛
隄夫五百九名。溜閘夫二百四十四名。定陶縣衛夫八十名。金鄉縣衛夫一百八十四名。單縣
衛隄夫三百六十名。武縣衛隄夫共五百三十五名。魚臺縣淺舖閘溜隄夫共三百六十二名。
濟寧州淺舖閘橋夫共八百六十三名。濟寧衛淺舖軍閘夫共一百三十名。鉅野縣淺舖閘溜夫
共二百四十一名。嘉祥縣淺夫九十七名。汶上縣淺舖閘溜壩夫共五百一十八名。東平州淺舖
閘夫共二百六十三名。東平所軍夫四十名。壽張縣淺舖閘渡夫共五十八名四分。東阿縣淺舖
夫一百一十七名。陽穀縣淺舖橋閘夫共三百九十一名。聊城縣淺舖溜閘夫共三百一十五名。
平山衛軍夫一十五名。堂邑縣淺舖溜閘夫共一百五十八名。博平縣淺舖夫八十一名。清平縣
淺舖閘夫共一百二十二名。臨清州淺舖橋溜閘夫共二百四十三名。館陶縣淺舖夫六十一名。
夏津縣淺舖夫五十一名。武城縣淺舖夫一百四十六名。恩縣淺舖夫五十三名。
江南屬徐州淺夫一百四十名。長夫一百八十名。隄夫九十名。上河淺夫一百五十三名。下河淺夫五十
七名。又宿州協夫十名半。蕭縣衛夫九十名。溜夫一百四十四名。沛縣淺夫一百七十八名。碭山

縣遊夫九十名。溜夫九十七名。豐縣溜夫二百四名。靈璧縣淺夫三十名。睢寧縣淺夫三百一十二名。宿州協濟睢寧縣淺夫六名。虹縣協濟睢寧縣淺夫六名。邳州淺夫一百三十七名。徭夫二百六十九名。宿遷縣淺夫二百三十名。桃源縣淺夫七十三名。堡夫二百一十四名。清河縣淺夫三十五名。徭夫三百一名。山陽縣裏河淺夫一百二十名。堰夫二百四十名。外河募夫一千名。高郵州淺夫一百三十二名。江都縣淺夫一百二十名。寶應縣淺夫一百一十五名。儀真縣淺夫二十七名。已上全裁。蕭縣珠梅閘閘夫三十名。碭山縣楊莊閘閘夫三十名。豐縣閘夫四十名。清河縣清河閘閘夫三十名。山陽縣龍汪閘閘夫三十三名。高郵州陸漫閘閘夫四十名。江都縣瓜州閘閘夫一百五名。儀真縣儀真閘閘夫一百五十四名。

河南屬滎澤縣堡夫二十八名。原武縣堡夫八十八名。陽武縣堡夫五十四名。中牟縣堡夫三十八名。祥符縣堡夫二百二十八名。陳留縣堡夫一十六名。蘭陽縣堡夫一百三十八名。儀封縣堡夫一百五十四名。封丘縣堡夫七十八名。考城縣堡夫一百一十名。虞城縣堡夫五十四名。商丘縣堡夫四十二名。河內縣堡夫十名。武陟縣堡夫十四名。

凡河道額設夫役。康熙十五年。覆准夏鎮分司項下淺溜夫。南旺分司項下泉夫。盡行裁去。北河分司項下額夫。裁半餘俱照額留用。十七年。議定江南鳳、淮、揚、徐四府州屬淺溜等夫全裁。設兵五千八百六

十名其閘夫仍留。十八年覆准增兵五百餘名各設官督率防守挑築將額夫工食改充防河官兵俸餉歸併河銀項下考成。二十年題准裁通州武清香河寶坻永清東安等處淺夫將原額工食銀歸通惠河分司僱募挑濬。

凡河道僱募夫役舊例歲修工程僉派民夫康熙十二年議准停止河南僉派河夫如遇歲修准動河道錢糧僱募每夫一名月給銀二兩。十三年覆准江南河夫停止僉派准動河銀召募每夫一名月給銀一兩二錢。十六年題准河南河夫照江南例每日給銀四分。以上俱大清會典

臺莊閘閘夫三十名每名歲食銀九兩八錢三分七毫六絲九忽二微共銀二百九十四兩九錢二分三釐七絲六忽額編嶧縣支給。以下俱山東全河備考

侯邊閘閘夫三十名每名歲食銀九兩八錢三分七毫六絲九忽二微共銀二百九十四兩九錢二分三釐七絲六忽額編嶧縣支給。

頓莊閘閘夫三十名每名歲食銀九兩八錢三分七毫六絲九忽二微共銀二百九十四兩九錢二分三釐七絲六忽額編嶧縣支給。

丁廟閘閘夫三十名內額編嶧縣十名每名歲食銀九兩八錢三分七毫六絲九忽二微共銀九十八兩三錢有零額編滕縣二十名每名歲食銀十兩八錢共銀二百一十六兩。

萬年閘閘夫三十名。每名歲食銀十兩八錢。共銀三百二十四兩。額編滕縣支給。

張莊閘閘夫三十名。每名歲食銀九兩八錢三分七毫六絲九忽二微。共銀二百九十四兩九錢二分三釐七絲六忽。額編嶧縣支給。

德勝閘閘夫三十名。每名歲食銀十兩八錢。共銀三百二十四兩。額編滕縣支給。

韓莊閘閘夫三十名。每名歲食銀九兩八錢三分七毫六絲九忽二微。共銀二百九十四兩九錢二分三釐七絲六忽。額編嶧縣支給。

夏鎮閘閘夫四十名。每名歲食銀十兩八錢。共銀四百三十二兩。額編江南豐縣支給。

楊莊閘閘夫三十名。每名歲食銀十兩八錢。共銀三百二十四兩。額編江南碭山縣支給。

珠梅閘閘夫三十名。每名歲食銀十兩八錢。共銀三百二十四兩。額編江南蕭縣支給。

邢莊閘閘夫二十四名。內額編魚臺縣五名。每名歲食銀十兩八錢。共銀五十四兩。額編曹州十九名。每名歲食銀十兩八錢。共銀二百五兩二錢。溜夫四十七名。康熙十五年奉裁一半。見存夫二十三名五分。每名歲食銀十二兩。共銀二百八十二兩。額編魚臺縣支給。

利建閘閘夫二十七名。內編魚臺縣二十二名。每名歲食銀十兩八錢。共銀二百三十七兩六錢。額編曹州五名。每名歲食銀十兩八錢。共銀五十四兩。溜夫四十六名。康熙十五年奉裁一半。見存夫二十三

名。每名歲食銀十二兩。共銀二百七十六兩。額編魚臺縣支給。隄夫三名。康熙十五年奉裁一半。見存夫一名五分。每名歲食銀十二兩。共銀一十八兩。額編曹州支給。

南陽閘閘夫三十二名。內額編魚臺縣七名。每名歲食銀十兩八錢。共銀七十五兩六錢。額編曹州九名。每名歲食銀十兩八錢。共銀九十七兩二錢。額編陽穀縣五名。每名歲食銀九兩四錢七分九釐二毫。共銀四十七兩三錢九分六釐。額編單縣八名。每名歲食銀十兩八錢。共銀八十六兩四錢。額編曹縣三名。每名歲食銀十兩八錢。共銀三十二兩四錢。

叢林閘閘夫二十四名。內額編魚臺縣十六名。每名歲食銀十兩八錢。共銀一百七十二兩八錢。額編單縣八名。每名歲食銀十兩八錢。共銀八十六兩四錢。

魯橋閘閘夫二十五名。康熙十五年奉裁一半。見存夫十二名五分。每名歲食銀十兩八錢。共銀一百三十五兩。額編單縣支給。今閘廢。夫隨淺夫應役河工。

師家莊閘閘夫二十五名。內額編濟寧州八名。每名歲食銀十兩八錢。共銀八十六兩四錢。原編嶧縣十七名。後改編單縣。每名歲食銀十兩八錢。共銀一百八十三兩六錢。溜夫二十五名。康熙十五年奉裁一半。見存夫十二名五分。內額編濟寧州一名。歲食銀十二兩。額編鄒縣十一名五分。每名歲食銀十二兩。共銀一百三十八兩。

仲家淺開闢夫二十四名。內額編金鄉縣七名。每名歲食銀十兩八錢。共銀七十五兩六錢。額編城武縣八名。每名歲食銀十兩八錢。共銀八十六兩四錢。額編單縣九名。每名歲食銀十兩八錢。共銀九十七兩二錢。溜夫八名。康熙十五年奉裁一半。見存夫四名。每名歲食銀十二兩。共銀四十八兩。額編陽穀縣支給。

新開闢夫二十五名。內額編金鄉縣二十一名。每名歲食銀十兩八錢。共銀二百二十六兩八錢。額編單縣四名。每名歲食銀十兩八錢。共銀四十三兩二錢。溜夫四十九名。康熙十五年奉裁一半。見存夫二十四名五分。內額編金鄉縣六名五分。每名歲食銀十二兩。共銀七十八兩。額編單縣六名五分。每名歲食銀十二兩。共銀七十八兩。額編滕縣十一名五分。每名歲食銀十二兩。共銀一百三十八兩。

新店開闢夫二十五名。內額編金鄉縣十七名。每名歲食銀十兩八錢。共銀一百八十三兩六錢。額編單縣八名。每名歲食銀十兩八錢。共銀八十六兩四錢。溜夫四十九名。康熙十五年奉裁一半。見存夫二十四名五分。內額編城武縣一十八名五分。每名歲食銀十二兩。共銀二百二十二兩。額編單縣六名。每名歲食銀十二兩。共銀七十二兩。

石佛開闢夫二十五名。內額編濟寧州九名。每名歲食銀十兩八錢。共銀九十七兩二錢。額編金鄉縣十六名。每名歲食銀十兩八錢。共銀一百七十一兩八錢。溜夫四十九名。康熙十五年奉裁一半。見存夫

二十四名五分。內額編城武縣十一名五分。每名歲食銀十二兩。共銀一百三十八兩。額編單縣七名五分。每名歲食銀十二兩。共銀九十兩。額編定陶縣五名五分。每名歲食銀十二兩。共銀六十兩。

趙村閘閘夫二十五名。內額編曹州十六名。每名歲食銀十兩八錢。共銀一百七十二兩八錢。額編單縣九名。每名歲食銀十兩八錢。共銀九十七兩二錢。溜夫五十名。康熙十五年奉裁一半。見存夫二十五名。內額編鄆城縣三名。每名歲食銀十二兩。共銀三十六兩。額編單縣七名五分。每名歲食銀十二兩。共銀九十兩。額編曹縣八名五分。每名歲食銀十二兩。共銀一百二兩。額編定陶縣三名五分。每名歲食銀十二兩。共銀四十二兩。額編鉅野縣二名五分。每名歲食銀十二兩。共銀三十兩。

在城閘閘夫二十五名。每名歲食銀十兩八錢。共銀二百七十兩。額編濟寧州支給。溜夫五十二名。康熙十五年奉裁一半。見存夫二十六名。內額編金鄉縣五名。每名歲食銀十二兩。共銀六十兩。額編鄆城縣二十一名。每名歲食銀十二兩。共銀二百五十二兩。又下新閘廢閘夫四名。每名歲食銀十兩八錢。共銀四十三兩二錢。額編定陶縣支給。

天井閘閘夫二十五名。每名歲食銀十兩八錢。共銀三百七十兩。額編曹州支給。溜夫五十四名。康熙十五年奉裁一半。見存夫二十七名。內額編金鄉縣二名。每名歲食銀十二兩。共銀二十四兩。額編鄆城縣五名。每名歲食銀十二兩。共銀六十兩。額編單縣二十名。每名歲食銀十二兩。共銀二百四十兩。

南門草橋橋夫二十三名。內額編金鄉縣一名。歲食銀十兩八錢。額編鄆城縣一名。歲食銀十兩八錢。額編單縣二名。每名歲食銀十兩八錢。共銀二十一兩六錢。額編曹縣十九名。原額工食銀二百五兩二錢。康熙十五年奉裁一半。每名歲食銀五兩四錢。共銀一百零二兩六錢。又上新開廢闢夫六名。每名歲食銀十兩八錢。共銀六十四兩八錢。額編單縣支給。

通濟閘閘夫二十八名。內額編鉅野縣十七名。每名歲食銀九兩六錢一分二釐。共銀一百六十三兩四錢四釐。額編鄆城縣八名。每名歲食銀十兩八錢。共銀八十六兩四錢。額編曹州二名。每名歲食銀十兩八錢。共銀二十一兩六錢。額編嘉祥縣一名。歲食銀十兩八錢。溜夫四十七名。康熙十五年奉裁一半。見存夫二十三名。內額編鉅野縣十三名五分。每名歲食銀九兩六錢二釐九毫。共銀一百二十八兩四錢二分一釐八毫。額編鄆城縣七名。每名歲食銀十二兩。共銀八十四兩。額編曹州三名。每名歲食銀十一兩一錢一釐六毫。共銀三十三兩三錢五釐。

寺前舖閘閘夫二十六名。內額編汶上縣十八名。每名歲食銀十兩四錢七分六釐。共銀一百八十八兩五錢六分八釐。額編東阿縣八名。每名歲食銀八兩七錢九分五釐九毫。共銀七十兩三錢六分八釐。溜夫四十二名。康熙十五年奉裁一半。見存夫二十一名。每名歲食銀九兩五錢一分二釐七毫。共銀一百九十九兩七錢六分七釐。額編鉅野縣支給。隨鉅野縣河官應役。

南旺上閘閘夫十八名。每名歲食銀十兩四錢七分六釐。共銀一百八十八兩五錢六分八釐。額編汶上縣支給。溜夫十八名。康熙十五年奉裁一半。見存夫九名。每名歲食銀十二兩。共銀一百零八兩。額編汶上縣支給。

南旺下閘閘夫十八名。每名歲食銀十兩四錢七分六釐。共銀一百八十八兩五錢六分八釐。額編汶上縣支給。溜夫十八名。康熙十五年奉裁一半。見存夫九名。每名歲食銀十二兩。共銀一百零八兩。額編汶上縣支給。

開河閘閘夫二十六名。內額編汶上縣十七名。每名歲食銀十兩四錢七分六釐。共銀一百七十八兩九分二釐。額編曹縣九名。每名歲食銀十兩六錢八分。共銀九十六兩一錢二分。

袁口閘閘夫二十六名。每名歲食銀十兩四錢七分六釐。共銀二百七十二兩三錢七分六釐。額編汶上縣支給。

靳家口閘閘夫二十八名。內額編東平州十名。每名歲食銀十兩一錢六分七釐八毫。共銀一百零一兩六錢七分八釐。額編東阿縣九名。每名歲食銀八兩七錢九分六釐。共銀七十九兩一錢六分三釐。額編寧陽縣九名。每名歲食銀十兩八錢。共銀九十七兩二錢。

安山閘閘夫二十八名。每名歲食銀八兩七錢九分六釐。共銀二百四十六兩二錢八分八釐。額編東阿

縣支給

戴家廟開闢夫二十八名。每名歲食銀十兩一錢六分七釐八毫。共銀二百八十四兩六錢九分八釐七毫。額編東平州支給。

荊門上下開闢夫四十七名。每名歲食銀九兩四錢七分九釐二毫。共銀四百四十五兩五錢二分四釐。額編陽穀縣支給。

阿城上下開闢夫四十六名。每名歲食銀九兩四錢七分九釐。共銀四百三十六兩四分五釐。額編陽穀縣支給。

七級上下開闢夫四十七名。內額編陽穀縣十九名。每名歲食銀九兩四錢七分九釐。共銀一百八十兩一錢五釐六毫。額編壽張縣二十八名。每名歲食銀十兩八錢。共銀三百二兩四錢。橋夫八名。原額工食銀八十四兩四錢八分。康熙十五年奉裁一半。止存每名歲食銀五兩二錢八分。共銀四十二兩二錢四分。額編陽穀縣支給。

周家店開闢夫二十八名。內額編濮州九名。每名歲食銀十兩八錢。共銀九十七兩二錢。額編朝城縣十名。每名歲食銀九兩六錢一分二釐。共銀九十六兩一錢二分。額編范縣九名。每名歲食銀九兩四錢四分三釐七毫。共銀八十四兩九錢九分四釐。

李海務閘閘夫二十八名。內額編聊城縣十名。每名歲食銀八兩八錢五分五釐三毫。共銀八十八兩五錢五分三釐。額編堂邑縣十八名。每名歲食銀九兩六錢一分二釐。共銀一百七十三兩一分六釐。

永通閘閘夫二十八名。每名歲食銀九兩五錢四分六釐。共銀二百六十七兩三錢七釐。額編堂邑縣支給。

梁家鄉閘閘夫二十八名。每名歲食銀九兩六錢一分二釐。共銀二百六十九兩一錢三分六釐。額編堂邑縣支給。

七橋閘閘夫二十八名。每名歲食銀九兩六錢一分二釐。共銀二百六十九兩一錢三分六釐。額編堂邑縣支給。

戴家灣閘閘夫二十八名。內額編清平縣十八名。每名歲食銀九兩六錢一分二釐。共銀一百七十三兩零一分六釐。額編冠縣十名。每名歲食銀九兩六錢一分二釐。共銀九十六兩一錢二分。

新開南板二閘閘夫七十七名。每名歲食銀九兩六錢一分二釐。共銀七百四十兩一錢二分四釐。額編臨清州支給。橋夫十八名。每名歲食銀六兩。共銀一百八兩。額編臨清州支給。

縣河道共設壩夫一百五十三名。每名歲食銀十兩八錢。共銀一千六百五十二兩四錢。額編本縣支給。

嶧縣河道原設徭夫二百三十一名。額銀二千四百九十四兩八錢。康熙十五年奉裁一半。見存夫一百一十五名五分。每名歲食銀十兩八錢。共銀一千二百四十七兩四錢。額編本縣支給。

沛縣河道原設淺壩夫七百一十名。每名歲食銀十兩八錢。共額銀七千六百六十八兩。內額編徐州一百四十七名。豐縣二百零四名。沛縣八十八名。蕭縣一百七十四名。碭山縣九十七名。康熙十五年全裁。魚臺縣河道原設淺夫一百八十三名。額銀二千一百九十六兩。康熙十五年奉裁一半。見存夫九十一名。內額編本縣六十八名。每名歲食銀十二兩。共銀八百一十六兩。單縣協濟二十三名五分。每名歲食銀十二兩。共銀二百八十二兩。

濟寧州河道原設淺夫二百四十六名。額銀二千九百五十二兩。康熙十五年奉裁一半。見存夫一百一十三名。內額編本州八十七名。每名歲食銀十二兩。共銀一千四十四兩。金鄉縣協濟十名五分。每名歲食銀十二兩。共銀一百二十六兩。鄆城縣協濟二十名五分。每名歲食銀十二兩。共銀二百四十六兩。城武縣協濟五名。每名歲食銀十二兩。共銀六十兩。

濟寧衛河道原設淺夫七十名。額銀九百二十七兩三錢六分。康熙十五年奉裁一半。見存夫三十五名。內單縣協濟五名五分。每名歲食銀十二兩。共銀六十六兩。金鄉縣協濟六名五分。每名歲食銀十二兩。共銀七十八兩。曹縣協濟六名五分。每名歲食銀十二兩。共銀七十八兩。鉅野縣協濟六名五分。每名歲

食銀十二兩共銀七十八兩。定陶縣協濟七名五分。每名歲食銀十一兩七錢一分二釐。共銀八十七兩八錢四分。曹州協濟六名五分。每名歲食銀十一兩六錢六分七釐六毫。共銀七十五兩八錢四分。永通廢闢原設闢夫二名。額銀二十一兩六錢。康熙十五年奉裁一半。見存夫一名。歲食銀十兩八錢。係曹州協濟隨淺夫應役。原設河夫五十名。額銀三百六十兩。康熙十五年奉裁一半。見存夫二十五名。每名歲食銀七兩二錢。共銀一百八十兩。額編本衛支給。

鉅野縣河道原設淺夫一百六十六名。額銀一千五百九十六兩五錢二分三釐五毫。康熙十五年奉裁一半。見存夫八十三名。每名歲食銀九兩六錢二釐九毫。共銀七百九十八兩二錢六分一釐。額編本縣支給。

嘉祥縣河道原設淺夫九十七名。額銀九百八十三兩五錢五分四釐。康熙十五年奉裁一半。見存夫四十八名。內額編本縣二十三名。每名歲食銀九兩八錢二分四釐四毫。共銀二百二十五兩九錢六釐。鄆城縣協濟九名。每名歲食銀十二兩。共銀一百八兩。鉅野縣協濟十二名五分。每名歲食銀九兩六錢二釐九毫。共銀一百一十八兩九錢一分。曹州協濟四名。每名歲食銀九兩七錢二分六釐。共銀三十八兩九錢五釐。

汶上縣河道原設淺夫三百零四名。額銀三千五百二十五兩六錢。康熙十五年奉裁一半。見存夫一百

五十二名。每名歲食銀一十一兩五錢九分七釐。共銀一千七百六十二兩八錢。額編本縣支給。

東平州河道。原設淺鋪夫一百五十六名。額銀一千五百八十六兩一錢七分八釐八毫。康熙十五年奉裁一半。見存夫七十八名。每名歲食銀十兩一錢六分七釐。共銀七百九十三兩零八分九釐。額編本州支給。

東平所河道。原設軍夫四十名。額銀四百八十兩。康熙十五年奉裁一半。見存夫二十名。每名歲食銀十二兩。共銀二百四十兩。額編本所支給。

壽張縣河道。原設淺鋪夫五十五名四分。額銀六百六十四兩。康熙十五年奉裁一半。見存夫二十七名七分。每名歲食銀十一兩九錢八分五釐。共銀三百三十二兩。額編本縣支給。沙灣小閘夫一名。歲食銀十兩八錢。額編本縣支給。渡夫二名。原額銀六兩六錢。康熙十七年奉文全裁。

東阿縣河道。原設淺鋪夫一百一十七名。額銀一千一百四十三兩四錢七分九釐。康熙十五年奉裁一半。見存夫五十八名五分。每名歲食銀九兩七錢七分。共銀五百七十一兩七錢三分九釐。額編本縣支給。

陽穀縣河道。原設淺鋪夫二百四十三名。額銀二千二百八十兩四錢。康熙十五年奉裁一半。見存夫一百二十一名五分。每名歲食銀九兩三錢八分四釐。共銀一千一百四十兩二錢。額編本縣支給。

聊城縣河道原設淺鋪溜夫一百九十四名額銀二千八十兩八錢五分八釐康熙十五年奉裁一半見存夫九十七名內額編本縣三十三名每名歲食銀十一兩二錢九分共銀三百七十二兩五錢七分冠縣協濟九名五分每名歲食銀十兩四錢七分七釐共銀九十九兩五錢四分濮州協濟四十七名五分每名歲食銀十兩四錢六分五釐共銀四百九十七兩八分七釐莘縣協濟七名每名歲食銀十兩一錢五分七釐共銀七十一兩一錢

平山衛河道原設擄淺夫十五名額銀一百八兩康熙十五年奉裁一半見存夫七名五分每名歲食銀七兩二錢共銀五十四兩

堂邑縣河道原設淺鋪夫八十六名額銀九百一十八兩二錢九分二釐康熙十五年奉裁一半見存夫四十三名每名歲食銀十兩六錢七分九釐共銀四百五十九兩一錢九分六釐額編本縣支給又冠縣原協濟淺夫十六名原額銀一百七十兩八錢八分康熙十五年奉裁一半見存夫八名每名歲食銀十兩六錢八分共銀八十五兩四錢四分

博平縣河道原設淺鋪夫八十一名額銀八百六十五兩八分康熙十五年奉裁一半見存夫四十名五分每名歲食銀十兩六錢八分共銀四百三十二兩五錢四分額編本縣支給

清平縣河道原設淺鋪夫九十四名額銀一千零三兩九錢二分康熙十五年奉裁一半見存夫四十七

名。每名歲食銀十兩六錢八分。共銀五百零一兩九錢六分。額編本縣支給。

臨澧州河道。原設淺鋪夫一百四十八名。額銀一千五百七十八兩二錢四分。康熙十五年奉裁一半。見存夫七十四名。每名歲食銀十兩六錢六分三釐。共銀七百八十九兩一錢二分。額編本州支給。

館陶縣河道。原設淺鋪夫六十一名。額銀六百五十一兩四錢八分。康熙十五年奉裁一半。見存夫三十一名。每名歲食銀十兩六錢八分。共銀三百二十五兩七錢四分。額編本縣支給。

夏津縣河道。原設淺鋪夫五十一名。額銀五百四十四兩六錢七分。康熙十五年奉裁一半。見存夫二十五名。每名歲食銀十兩六錢七分九釐。共銀二百七十二兩三錢三分五釐。額編本縣支給。

武城縣河道。原設淺鋪夫一百四十六名。額銀一千五百五十九兩二錢八分。康熙十五年奉裁一半。見存夫七十三名。每名歲食銀十兩六錢八分。共銀七百七十九兩六錢四分。額編本縣支給。

恩縣河道。原設淺鋪夫五十三名。額銀五百六十六兩四分。康熙十五年奉裁一半。見存夫二十六名。每名歲食銀十兩六錢八分。共銀二百八十三兩二分。額編本縣支給。

德州河道。原設淺鋪夫五十九名。額銀六百三十兩一錢二分。康熙十五年奉裁一半。見存夫二十九名。每名歲食銀十兩六錢八分。共銀三百一十五兩六分。橋夫二名。每名歲食銀六兩。共銀一十二兩。

俱額編本州支給。

德州衛河道。原設撈淺夫一百名。額銀七百二十兩。康熙十五年奉裁一半。見存夫五十名。內額編左所一十七名五分。每名歲食銀七兩二錢。共銀一百二十六兩。中所一十三名。每名歲食銀七兩二錢。共銀九十三兩六錢。前所一十九名五分。每名歲食銀七兩二錢。共銀一百四十四兩四錢。

德州左衛河道。原設撈淺夫六十名。額銀四百三十二兩。康熙十五年奉裁一半。見存夫三十名。內額編左所十名二分半。每名歲食銀七兩二錢。共銀七十三兩八錢。右所一十二名二分半。每名歲食銀七兩二錢。共銀八十八兩二錢。中所七名五分。每名歲食銀七兩二錢。共銀五十四兩。

閘河。閘年一大挑。每年一小挑。小挑止調各州縣額設河夫應役。大挑之年。除調各夫外。南旺工應募夫三千五百八十三名。每名日給銀四分。定例十八日完工。共該銀二千五百七十九兩七錢六分。臨清工應募夫一千六百七十九名。每名日給銀四分。定例十日完工。共該銀六百七十一兩六錢。又南旺工築壩物料犒賞夫役銀二百三十兩六錢八分。臨清工築壩物料犒賞夫役銀三十兩一錢。通計銀三千五百十二兩一錢四分。例於兗州府運河應庫動支河銀二千七十六兩四錢八分。東昌府庫動支河銀一千二百零四兩九錢八分。汶上縣庫動支河銀二百三十兩六錢八分。

以下俱山東
全河備考。

行水金鑑卷第一百七十二

夫役

東平州泉源三十八處。原設泉壩夫七十八名。每名歲食銀十兩一錢六分三釐八毫。共銀七百九十二

兩七錢七分八釐二毫。

以下俱山東
金河備考。

平陰縣泉源二處。原設泉夫十名。每名歲食銀十二兩。共銀一百二十兩。

汶上縣泉源七處。原設泉壩夫四十三名。每名歲食銀十一兩六錢四分。共銀五百兩五錢二分。

滋陽縣泉源十四處。原設泉壩夫二十九名。每名歲食銀十二兩。共銀三百四十八兩。

寧陽縣泉源十五處。原設泉夫九十三名。每名歲食銀九兩五錢四分八釐。共銀八百八十七兩八錢八分。堽城壩壩夫一名。歲食銀三兩。

曲阜縣泉源二十八處。原設泉夫二十六名。每名歲食銀一十一兩八錢六分。共銀三百八兩四錢。泗水縣泉源七十九處。原設泉夫六十名。每名歲食銀一十一兩八錢八分。共銀七百一十二兩九錢二分。

鄒縣泉源十五處。原設泉夫二十四名。每名歲食銀十二兩。共銀二百八十八兩。

滕縣泉源三十一處。原設泉夫二十九名。每名歲食銀九兩八錢七分三釐。共銀二百八十六兩三錢二分。

嶧縣泉源十處。原設泉夫五名。每名歲食銀九兩七錢八毫。共銀四十八兩五錢四釐。

魚臺縣泉源二十處。原設泉夫十一名。每名歲食銀十二兩。共銀一百三十二兩。

濟寧州泉源四處。原設泉夫九名。每名歲食銀十兩九錢七分三釐。共銀九十八兩七錢六分。以上俱兗州府屬。

泰安州泉源六十五處。原設泉夫一百二十一名。每名歲食銀九兩五錢一分六釐。共銀一千一百五十一兩五錢五分。

萊蕪縣泉源四十六處。原設泉夫九十名。每名歲食銀十一兩八錢三分八釐。共銀一千六十五兩四錢八分。

新泰縣泉源三十六處。原設泉夫七十五名。每名歲食銀一十一兩八錢五分六釐。共銀八百八十九兩二錢。

肥城縣泉源十三處。原設泉夫三十五名。每名歲食銀十二兩。共銀四百二十兩。以上濟南府屬。

已上各州縣泉夫工食。於康熙十五年奉文全裁。

蒙陰縣泉源四處。原設泉夫十六名。役食向例該縣設措。不動正項。青州府屬。

按額設泉夫挑濬渠道栽種柳株使無枯竭阻塞以濟運道原係通力合作如一泉阻塞則衆夫齊集應役互相幫助是以夫額少而工無悞自裁食之後夫役渙散挑渠栽柳諸務廢弛恆於康熙十七年查勘諸泉各州縣設法民夫挑濬每多草率將來必致淤塞遂進諸長吏而商之咸謂工食旣裁勢不得不於泉源左右就近起夫而近泉之民祇能自應其地之役若源長河遠原額夫數力不能贍者豈能令別泉之民裹糧以襄厥事於是量泉之大小度渠之遠近添設民夫免其雜差用酬勞苦除東平平陰寧陽魚臺肥城各州縣仍照舊額泰安萊蕪二州縣未奉裁食之先已經添設義夫外其滋陽縣議添夫八名曲阜縣議添夫十六名泗水縣議添夫二十九名鄒縣議添夫二十八名滕縣議添夫二十三名嶧縣議添夫二名濟寧州議添夫八名新泰縣議添夫七十五名汶上縣議添夫二十名東平滋陽鄒縣魚臺濟寧寧陽新泰平陰肥城汶上各州縣每夫議免地五頃雜差泗水嶧縣每夫議免地四頃雜差曲阜縣每夫議免地三頃雜差泰安萊蕪每夫議免地二頃雜差各設老人總甲小甲董率稽查泉源得以無恙此雖一時權宜之術而於漕運未必無小補云然以言乎經久可垂之策則惟復額夫以專其責庶幾無弊歟

曹州黃河徭夫一百二十六名每名歲食銀十二兩共銀一千五百一十二兩

曹縣黃河徭夫三百六十四名每名歲食銀十二兩共銀四千三百六十八兩鋪夫一百四十五名除衝決鋪夫三十九名止存一百零六名每名歲食銀四兩一錢四分共銀四百三十八兩八錢四分

定陶縣黃河衛夫八十名。每名歲食銀十二兩。共銀九百六十兩。

單縣黃河衛夫三百二十一名。每名歲食銀十二兩。共銀三千八百五十二兩。鋪夫三十九名。每名歲食銀七兩。共銀二百七十三兩。

金鄉縣黃河衛夫一百八十四名。每名歲食銀十二兩。共銀二千二百零八兩。

城武縣黃河衛夫二百三十三名。每名歲食銀十二兩。共銀二千七百九十六兩。鋪夫二名。每名歲食銀

七兩。共銀十四兩。以上俱山東全河備考。

南河工程莫大於淮揚。徐邳間其險工最多。又地方遼遠。故題設江南河兵八營。凡七千二百名。專司挑築防守。捲掃柳之事。若河南自滎澤以至儀封河道。不過五百餘里。但設堡夫一千三百零六名。山東河道。不過曹單等六縣二百餘里。但設額夫一千二百零八名。至如直隸之淺夫。專以浚運江南之閘夫。專以司閘。亦并志之。以下俱新文襄公治河書。

徐屬河營額兵一千一百七十二名。內戰兵二十名。守兵一千一百五十二名。

邳睢靈河營額兵九百四十七名。內戰兵十七名。守兵九百三十名。舊疏云。營兵專司挑築防守。捲掃柳之事。自新公以後。挑浚之一字。竟不講矣。

宿虹河營額兵八百八十一名。內戰兵十六名。守兵八百六十五名。又於桃源縣添兵四名。

桃源河營額兵七百一十七名。內戰兵十二名。守兵七百五名。又於前詳撥歸宿虹營兵四名。

山清外河營額兵一千零三十九名。內戰兵十七名。守兵一千二十二名。

山清盱眙河營額兵七百六十九名。內戰兵十四名。守兵七百五十五名。

揚屬河營額兵六百一十三名。內戰兵十一名。守兵六百二名。

山安河營額兵一千零六十二名。內戰兵十九名。守兵一千四十三名。

八營兵共七千二百名。內戰兵一百二十六名。守兵七千七十四名。

河南管河道。轄開封府屬滎澤縣。堡夫二十名。中牟縣。堡夫三十名。陽武縣。堡夫一十八名。陳留縣。堡夫十名。祥

符縣。堡夫五十六名。衛原武縣。堡夫四十名。儀封縣。堡夫一百一十二名。封丘縣。堡夫七十八名。鄭州。堡夫六名。蘭陽

縣。堡夫一百二十名。

歸德府屬考城縣。流通看堤堡夫五十名。商丘縣。看堤堡夫四十名。虞城縣。看堤堡夫五十四名。

懷慶府屬河內縣。公直堡夫十名。武陟縣。看堤堡夫十四名。

山東濟寧道。轄兗州府屬曹縣。堡夫五百七十名。見單縣。堡夫七百三十八名。

直隸天津道。轄河間府屬靜海縣。堡夫三十名。天津衛。堡夫五十名。天津左衛。堡夫七十名。天津右衛。堡夫二十名。交河縣。

堡夫二十名。瀋陽衛。堡夫半名。吳橋縣。堡夫四十名。故城縣。堡夫五十名。霸州。堡夫三名。青縣。堡夫六十名。滄州。堡夫三十名。南皮縣。

堡夫二十名。河間衛。堡夫五名。東光縣。堡夫四十名。景州。堡夫十七名。

山東濟寧道轄東昌府屬并帶管德州及德州兩衛清河縣德州衛撈淺夫五德州左衛撈淺夫十名德州淺

鋪橋共三十一名半恩縣淺鋪夫二十武城縣淺鋪夫七夏津縣淺鋪夫二十清河縣淺鋪夫二十館陶

縣淺鋪夫三臨清州淺鋪夫九十二名新開上關夫七十戴家灣關夫二十清平縣淺鋪夫四德州右衛撈

夫二十博平縣堂邑縣淺鋪夫五土橋關夫二十梁家鄉關夫二十聊城縣淺鋪夫九永

通關關夫二十通濟橋關夫三十李海務關夫二十周家店關夫二十平山衛撈淺夫七

兗州府屬陽穀縣淺鋪夫一百七級上下關夫四十阿城上下關夫四十荊門上下關夫四十東

阿縣淺鋪夫五壽張縣淺鋪夫三東平州淺鋪夫七戴家廟關夫二十安山關關夫二十靳家口關

二十八東平所軍夫二十以上捕河廳管

汶上縣淺鋪夫一百袁口關關夫二十開河關關夫二十南旺下關關夫二十南旺上關關夫二十寺前

鋪關關夫四嘉祥縣淺鋪夫四十鉅野縣淺鋪夫八通濟關關夫五十濟寧衛淺鋪夫六十五名濟寧州淺

夫一百二十天津關在城關關夫十五名趙村關關夫十名石佛關關夫四十新店關關夫四十

魚橋關久廢關夫十二棗林關關夫二十魚臺縣淺鋪夫九十南陽關關夫三十利建關關夫五邢

莊關關夫四十以上運河廳管

滕縣關夫一百四嶧縣備夫分班一韓莊關關夫三德勝關關夫三張莊關關夫三萬年關關夫三丁廟

十一名

關夫一百四

開。開夫三
十名。

頓莊開。

開夫三
十名。

侯遷開。

開夫三
十名。

臺莊開。

開夫三
十名。

以上洳河廳管。

江南淮徐道轄沛縣地方夏鎮開。

開夫四
十名。

楊莊開。

開夫三
十名。

珠梅開。

開夫三
十名。

以上徐屬廳管。

淮揚道轄淮安府屬山陽縣清江開。

開夫三
十名。

清河縣新莊開。

開夫三
十名。

揚州府屬瓜洲開。

開夫一百
五名。

儀真縣。

清江等開。開夫一百五十四名。
以上俱新文襄公治河書。

世祖章皇帝順治五年工部覆請復原額夫食以重河道事。據總河楊方輿題請。順治三年奉旨該部議奏。隨移戶部酌議。咨稱河道全借人夫。額似難以裁併。夫役全借工食。若食缺夫逃。有廢河工。總河請復原額。夫食無論各府州縣衛地畝。荒熟多寡。各夫照原額全徵。非謂撥別項倉口錢糧。以致缺額。移咨工部具題。奉旨河夫工食。照原額徵給。幫貼不必行。

河南等河道
治河橋案。

世祖章皇帝順治十二年二月二十日工部覆總河朱之錫詳覈夫役。以甦民困事。疏稱治河需夫。驗夫給食。而以僉解不均。并扣減工銀。屢經條議。臣部請旨再三嚴飭。今總河臣朱之錫疏稱。各州縣照地派夫。按冊稽查。清包攬而剔朦混。誠有裨於河工。均應如議。合請敕下總河臣嚴檄經管司道等官。著實遵行。倘有奉行不力。及徇庇情弊。即指名題參。臣部從重議處可也。奉旨依議行。三月二十八日工部覆總河朱之錫。遵旨詳切指陳事。議得黃河自元年以來。南北屢決。民受募夫辦柳之累已極。河工築塞。令官自募夫。稍能餬口。誰肯應募。應募者必無賴貧民。工食入手。難保不逃。至於埽料。用柳繁多。柳復不產。

一處。若令官買官難分身。必假吏胥。則包攬冒破之弊益生。然則治河必用夫柳。夫柳必出於里甲。民雖勞。誠有不得不然者。但河臣所稱。依規給價採柳。按日給夫官銀。未必無尅扣折乾需索情弊。況更有有司之借題科斂。委員之包攬冒破。皆其重爲民累者。河臣雖專力治河。恐耳目不能徧及。相應該督撫協同。不時體訪。務令工食價值。實實沾被於民。如有尅扣使費科派折准等弊。立行題參。以甦民累可也。奉旨依議。嚴飭行。河南管河通治河橋案。

世祖章皇帝順治十六年正月初八日。總河朱之錫題爲陳明河南夫役事。竊照黃河經由南河地界。南岸自滎澤縣堤界起。至虞城縣界止。計六百四十里。北岸自武涉縣堤界起。至考城縣界止。計三百四十餘里。山東之境。僅北岸歷曹單二縣。計二百里。每歲修守。固有成例。但查曹單額設夫數。除裁減抽兵外。僅有徭夫一千三百零八名。看堤鋪夫一百八十六名。河南開歸等府。止見在徭夫八百餘名。臣檄查該省河屬舊籍。皆已散失無攷。僅檢得前河臣翁大立疏。艸內開河南黃河夫役。每年五百里內。七十三州縣。編做工河夫一萬五千七百六十二名半。每名做工三箇月。工食銀三兩。共計工食銀四萬七千二百八十七兩五錢。五百里外。三十五州縣。編徵銀河夫一萬一千六十一名。每名徵銀三兩。共計銀二萬三千一百八十三兩。聽候辦料。及僱夫支用。若臨河二十六州縣。又於均徭內編僉徭夫一千一百五十七名。看守堤壩船廠等役。每名工食銀一十二兩。共計銀一萬三千八十四兩。又檢得前河臣潘季馴河防

壽內開河南山東自遙堤成後。無復衝決者。夫力多也。今徐北至單縣界。見修堤壩長一百五十餘里。而夫役止七百餘名。是每里僅四五名耳。其何能濟。夫以百餘里之堤。猶以七百名爲少。河南兩堤所云夫多者。又可類推矣。隆萬年間。該省歲修夫數。大概如此。不知何時更變。五百里內亦止一例微銀。計通省歲額共八萬八千餘兩。本朝來除荒缺額。不及三萬。此外止察出新增銀一千有奇。河工歲修。仍沿明季之制。每年估計。準工鳩夫。計夫給食。堤工以土方論。埽工以日期論。在官曰募。其實在民不得不計畝而派。總以河夫之役倍苦。日給之食本廉。若憑空號召。縱懸金市門。誰則肯應。若欲槩從民間平價。則河帑雖裕。勢亦不敷。據萬歷時。黃河全書內。河臣劉士忠有云。貧者不肯應募。富者論地派夫。卽翁大立疏內。旣稱河夫每名工食銀三兩。而亦不免曰編者是募夫之法。又必兼派而行。不特今時爲然也。若以黃河已決爲有事。歲修爲安瀾。衡量夫數。則前河臣曾如春。曹時聘。蒙牆之役。兩請帑金至二百萬。用夫三十萬者。一決口也。去歲雷家集柴溝。姚家蕩。用夫不過數百名者。亦一決口也。由前言之。則積數十年歲修而有餘。由後言之。則第較歲修一工且不足。是又未可執一而論。卽所云安瀾之義。正以爲河本湍激。未至橫流。謂之曰安。然其湍激之性。固無分於已決未決也。伏秋水漲。數里之岸。呼吸而至。一當掃灣迎溜之所。非埽護之。縱有重障。如穿縞葭。其防之也。一里之堤。非三萬餘工不成。高一丈長十丈之埽。非千人數百人。不任推挽。今歲之堤。歷再歲而風雨之所淋卸。車道獲穴之所毀蝕。高者已卑。厚者已薄。加以濁

流無定。條南條北。縷堤不支。棄而守月。月堤之內。不得不又議土工。是故朝廷設官。無不以愛民節財爲職。獨治河一事。以勞民者保民。費財者經國。歲修之制。載在勅書。豈不欲與民休息哉。河之所在。勢固無如何耳。見在河南夫數。屢經諸臣條陳。未免以夫多爲疑。臣惟該省瘡痍雖經新復。洪流寧異昔時。今雖不必遠照隆萬舊例。若徒一意減縮。勢必馴致坐斃之患。案查臣於去年十一月內。題覆河南按臣李及秀。河夫之徵派當更一疏。據司道府廳僉議通省夫數。已經部覆行。臣會同河南撫臣覆議。奉有俞旨。但臣職掌所關。河道情形。得於目擊。夫役規則亦屬司存。任其責而不究事體原委。與事體有干。典守而緘默。不以入告。皆溺職也。除前疏容臣會同河南撫臣賈漢復覆議。具題另候部覆外。所有河道夫役事宜。覆議疏內。不便備述。謹特專疏陳明。伏乞睿鑒。敕部施行。奉旨工部議奏。部覆奉旨依議。同日又題爲酌議淮工夫役事。竊照江淮河濟。謂之四瀆。自明迄今。挽河資運。會淮注海。是以一淮而受兩瀆之全。故桃源之上。但一黃河爲害。清河之下。內則淮河宣洩維艱。外則黃淮相濟爲累。每遇泛濫。其患尤烈。查得前代南河志。河防一覽。內載淮揚一帶。自平江伯陳瑄經理之後。萬歷三年。河決崔鎮而北。淮決高堰而東。運道梗阻。民生昏墊。特遣河臣潘季馴大行葺理。請帑六十萬金。分委管工。自司道而下。共一百八十餘員。徵調徭募等夫八萬名。經營數載。兩河之流。始還故道。未幾而十四年外。河范家口天妃壩。又以決溢告矣。二十一年以後。高堰裏河連歲報決。河臣楊一魁又有分黃導淮。減水各閘等工。天啓元年。高堰並

裏外兩河一時共決十餘處。自後漫決時有難以悉述。計今距潘季馴時又將七十餘載。如淮河高堰、外河南岸、柳浦灣堤、桃清兩岸遙堤、崔鎮四減水壩、日漸月累。風雨剝蝕。廢弛過半。卽楊一魁所開分水黃壩新河亦久淤塞。本朝來河決上流。南河賴以無事。自順治十三年全黃歸故之後。去歲水患已見端倪矣。夫疇昔之戒愆甚周。猶不免昏墊之害。今日之河淮如故。乃欲安敵壤之餘。其萬萬無幸。固不待智者而知也。但欲議工作。須先計錢糧。頃者司農告匱。搜括爲難。無論請太府之金。爲未雨之策。未敢輕出。而歲額河銀。昔時二十有七萬。本朝除荒缺額裁減歸併。僅十七萬有奇。又於此內撥出九千餘兩。解司充餉。加之通惠河道。從不取給河帑者。連年撥解。動至數萬。常例歲修已不勝捉襟露肘之苦矣。臣去歲在淮。卽與司道多方商榷。雖不能如前人大舉。若高堰塌卸。損動石堤。不下數里。五險壩工。太行老堤三工。似皆難緩。五險遙堤。宮家營引河。尙在勘議。查得蘇建堤工。在前明時民修官修。屢經更變。我朝初年。猶官出料物。山陽、高郵、寶應、興化、泰州、鹽城、秦興七州縣。協濟人夫。赴工修築。河帑所費亦自無幾。自順治九年該省按臣有題改之議。始設募夫。歲計工食銀一萬四千四百兩。勘估料物不在此數。至於太行老堤。民築民修。司道報文確確可據。良以前明河帑之設。總爲運道起見。山清黃河南岸。自草灣以下。關民生爲多。關運道爲少。朝廷爲民賦計。百姓固亦自爲身家計也。國家愛養民力。損上益下。恩非不渥。然今者帑拙工繁。使盡照估計。支給河銀。則黃運兩河各數千里。顧此失彼。萬一運道梗阻。所憂又恐不止淮

流無定。脩南脩北。縷堤不支。棄而守月。月堤之內。不得不又議土工。是故朝廷設官。無不以愛民節財爲職。獨治河一事。以勞民者保民。費財者經國。歲修之制。載在勅書。豈不欲與民休息哉。河之所在。勢固無如何耳。見在河南夫數。屢經諸臣條陳。未免以夫多爲疑。臣惟該省瘡痍雖經新復。洪流寧異昔時。今雖不必遽照隆萬舊例。若徒一意減縮。勢必馴致坐斃之患。案查臣於去年十一月內。題覆河南按臣李及秀。河夫之徵派當更一疏。據司道府廳僉議通省夫數。已經部覆行。臣會同河南撫臣覆議。奉有俞旨。但臣職掌所關。河道情形。得於目擊。夫役規則亦屬司存。任其責而不究事體原委。與事體有干典守。而緘默不以入告。皆溺職也。除前疏容臣會同河南撫臣賈漢復覆議具題。另候部覆外。所有河道夫役事宜。覆議疏內。不便備述。謹特專疏陳明。伏乞睿鑒。敕部施行。奉旨工部議奏。部覆奉旨依議。同日又題爲酌議淮工夫役事。竊照江淮河濟。謂之四瀆。自明迄今。挽河資運。會淮注海。是以一淮而受兩瀆之全。故桃源之上。但一黃河爲害。清河之下。內則淮河宣洩維艱。外則黃淮相濟爲暴。每遇泛濫。其患尤烈。查得前代南河志。河防一覽。內載淮揚一帶。自平江伯陳瑄經理之後。萬歷三年。河決崔鎮而北。淮決高堰而東。運道梗阻。民生昏墊。特遣河臣潘季馴大行葺理。請帑六十萬金。分委管工。自司道而下。共一百八十餘員。徵調衛募等夫八萬名。經營數載。兩河之流。始還故道。未幾而十四年外。河范家口天妃壩。又以決溢告矣。二十一年以後。高堰裏河連歲報決。河臣楊一魁又有分黃導淮減水各閘等工。天啓元年。高堰並

裏外兩河一時共決十餘處。自後漫決時有難以悉述。計今距潘季馴時。又將七十餘載。如淮河高堰、外河南岸、柳浦灣堤、桃清兩岸遙堤、崔鎮四減水壩、日漸月累。風雨剝蝕。廢弛過半。卽楊一魁所開分水黃壩新河。亦久淤塞。本朝來河決上流。南河賴以無事。自順治十三年。全黃歸故之後。去歲水患已見端倪矣。夫疇昔之戒。甚周。猶不免昏墊之害。今日之河。淮如故。乃欲安敵壞之餘。其萬萬無幸。固不待智者而知也。但欲議工作。須先計錢糧。頃者司農告匱。搜括爲難。無論請太府之金。爲未雨之策。未敢輕出。而歲額河銀。昔時二十有七萬。本朝除荒缺額裁減歸併。僅十七萬有奇。又於此內撥出九千餘兩。解司充餉。加之通惠河道。從不取給河帑者。連年撥解。動至數萬。常例歲修。已不勝捉襟露肘之苦矣。臣去歲在淮。卽與司道多方商榷。雖不能如前人大舉。若高堰塌卸。損動石堤。不下數里。五險埽工。太行老堤三工。似皆難緩。五險遙堤。宮家營引河。尙在勘議。查得蘇建堤工。在前明時。民修官修。屢經更變。我朝初年。猶官出料物。山陽、高郵、寶應、興化、泰州、鹽城、泰興七州縣。協濟人夫。赴工修築。河帑所費。亦自無幾。自順治九年。該省按臣有題改之議。始設募夫。歲計工食銀一萬四千四百兩。勘估料物。不在此數。至於太行老堤。民築民修。司道報文。確確可據。良以前明河帑之設。總爲運道起見。山清黃河南岸。自草灣以下。關民生爲多。關運道爲少。朝廷爲民賦計。百姓固亦自爲身家計也。國家愛養民力。損上益下。恩非不渥。然今者帑詰工繁。使盡照估計。支給河銀。則黃運兩河。各數千里。顧此失彼。萬一運道梗阻。所憂又恐不止淮

容不愜也。又治河必資夫力一疏。專爲印官玩誤河工而言。有云。邇來帖息之議日多。觀望之情滋起。河屬各官。掣肘難行。有非一端可盡。夫無米不能爲炊。空拳不能格獸。此必然之理也。河官責任在躬。惟恐一粟難收。方恨不得重門以待暴。投鞭以斷流。而局外者絕不知誤河之爲害。徒自見恤民之爲名。以省夫爲循良。以急公爲苛刻。不思民固朝廷之民。河亦朝廷之河。無故而勞民。則所重在民。不得已而治河。則所重又在河。人情好逸惡勞。雖大聲疾呼。尙不免秦越相視。今臣方望之以保河之功。而人反責之以佚民之說。然則爲河官者。將勞其民以保河之爲盡職乎。抑佚其民以誤河者之爲盡職乎。長此不已。竊恐百姓藉口遷延。莫肯効力。河官戒心瞻顧。不敢督催。馴至大弊極壞。而後追咎誤夫者之失計。亦何及哉。伏乞呈上天語。特賜申飭。地方各官。共殫公忠。保全運道。所屬印官。違例抗夫。容臣衙門據實特參。從重議處。庶全漕血脈。無憂梗阻。而直省地方。亦藉以免淪胥之患。則勞民之利。上固在國。而下亦未嘗不在民也。三疏所言。何其痛快如此。節錄之以備當事者之鑑戒。

十二月二十四日工部覆河工。國之大政。修防民之命脈等事。據總河朱之錫疏稱。塞大王廟決工。河南初時。每起四十五頃。派夫一名。久後不足。故爲二十二頃五十畝。派夫一名。此外歲修用夫。不在大王廟工數內。況此一萬二千五百餘名。不過通省虛額。量工調用。足用而止。原非一槩全役。堡夫一項。僅有八百餘名。以供瞭望等項。惟日不給。萬萬難濟。捲埽築堤。其盧氏固始縣離河原遠。預估工程。每歲皆以本府爲主。本府不足。然後漸次調協。倘數年之間。近府俱經調過。然後間調遠府。以寬近河民力等因。具題前來。查得部臣調議。與河南前任按臣李及秀所陳款事同一體。既經總河會同河南撫按酌妥。除衝決大工外。至於歲修。分爲三分。數年之間。始一輪流調用。庶民有餘力。勞逸得均。相應如議。永爲定例。仍請敕下總河臣與河南巡撫。嚴飭道府。嗣後凡遇修築。照議調用。徭役既平。而河工可以無誤。如未調之先。有司於額數之外。擅行加派。該督撫按指名參處可也。奉旨依議。

河南管河道治

河橋案。



行水金鑑卷第一百七十三

夫役

聖祖仁皇帝康熙十二年三月日。工部爲豫省平定有年等事。議得河南巡撫修鳳彩疏稱。河夫之偏累。宜通變也。臣察修築黃河。每歲用夫。或至萬餘名。或至七八千名。自二三月起。直至十月終止。俱按地畝起派。似乎公矣。其實弊竇有不可罄言者。如狡猾之徒。將自己田土。飛灑於人。豪勢之家。將他人地畝。包攬於己。甚至紳衿衙役。借題優免。如有不肖有司。或礙於情面。不能秉公持正。以致懦弱鄉愚者。愈累愈貧。每月或三四兩不等。方能僱夫一名。卽以初僱每月三四兩而言。以一歲萬夫計之。每年費至三四十萬矣。在廟堂之上。知河有歲修。而不知歲修之夫如許。卽知有歲修之夫。更不知費百姓如許之金銀。爲今之計。莫若官僱一策。查舊例。河工夫役。管河道每歲預估用人夫若干。方行各州縣。按地起派。今若官僱。每夫每月僱價二兩足矣。每歲上工九個月。每夫止用僱價一十八兩。卽以萬夫計之。止用一十八萬。較百姓之自僱。每歲三四十萬。不啻天淵矣。其每歲估夫若干。該銀若干。除歲徵河銀外。不起者於河南八府一州地畝。分別等則。每畝派銀若干。算明刊於由單內。出納亦照地丁錢糧。年終河臣奏銷。倘有餘剩。留爲下年之用。如是則民知有定額。不但狡猾之徒。勢豪之家。紳衿衙役。不能影射倖免。卽河棍夫頭。

管工官役輩亦無所施其巧矣。臣入境時體訪輿情無不以官僱稱便。倘謂我朝制度凡錢糧俱照萬曆年間則例徵收。此項銀兩似屬加派。不知派銀派夫均出於民。而派夫較之派銀所費不啻數倍。曷若稍一更變。每畝不過加之毫毫。俾得安心于畝畝。併不知有河夫之擾。不亦大有便於民乎。等因。應准其所議具題。奉旨。九卿科道會議具奏。九卿等會議。當日歲修派夫供役。原動河銀支給。于順治十八年停其支給銀兩。今若仍行派夫修理。似屬累民。應將豫省河夫停其僉派。如遇歲修工程。仍動河道錢糧。僱覓夫役。若錢糧不敷。該撫應動某項錢糧具題可也。等因。奉旨依議。

河南管河道
治河檔案。

聖祖仁皇帝康熙十六年七月初八日。總河靳輔題爲敬陳經理河工第八疏。內稱六營共設兵五千八百六十名。每兵每月支銀一兩。米三斗。每歲共需銀四萬六千三百二十兩。共需米一萬三千八百九十六石。連守備千把總等官之俸薪馬乾等項。每歲約需銀四萬九千餘兩。應將淮揚徐三府州屬并靈璧一縣舊設之募淺等夫查明全裁。卽以夫工而充兵餉。其不敷者容臣於河庫錢糧內通融撥給。歲需米石亦於河庫內動銀買給。一并容臣於年終報銷等因。奉旨會議議覆允行。

新文襄公
疏略。

南河志。覈夫役一款。淺閘停溜等夫。專屬河道。邇來各衙門或私自占役。或別爲調用。殊壞漕規。今議管河官員須要督率各夫。常川應役。不得仍前恣縱。其河夫曠役之罰。禁革已久。陰雨空閒時實使然。河官止宜不時點察。偷惰不在工者。量行責警。逃去日久者。以法繩之。自無虛曠。又給工食一款。河夫有三。一

曰徭夫。一曰白夫。一曰募夫。徭夫者。編定淺舖之夫。卽淺夫也。相沿已久。官民俱安。白夫者。州縣借派之夫。民貼安家。官給糧食。擾民而復損官。募夫者。僱募窮貧之夫。官給僱工。民樂趨事。損官而不擾民。除白夫題革。永不用外。凡遇工作募夫。行各該沿河衙門。出示召募。每工給銀四分。調發百里之外。每日添行糧一分。五日一給。印河官時時親勘面散。不得假手于吏胥。致滋弊端。前朝淺夫。工食支領艱難。各里私貼每名二十四兩。挑河撈淺。仍責里民。則是徒出工食。迄無實用。新奉憲例。一概僱夫。不用里民。實實奉行。則民患以除。漕事以整。

高郵州志。錄此以見當時募夫淺夫之所自來也。

按歲修夫。清河舊設共三百一名。每年額給工食銀四千三百三十四兩。雖派地丁。實同召募也。自康熙十七年。裁去歲夫。將工食銀改給河營兵餉。二十年復歲夫。不復工食。又累加至八百名。分工南北。三河力役。檄於本邑。地丁錢糧起派。是以枵腹之民。責其驅公赴事矣。田少役重。曾不加之恤。旣白役之。而又遠調之。竭十餘里之民力。應數千金之夫差。在民之負痛。而不敢疾呼者。懼違憲也。隱忍苟延。計一歲之夫費。強半於正供。馨鼓聲聞。未有不張皇失措者。且近役在縣。尙得寢食便安。隔河遠調。則宿露飯沙之不免。乃其中有名在籍。而人不在工者。亦未必不徒滋中飽耳。康熙三十四年。奉行分月減派。自正月起至四月。十月起至十二月。派夫四百名。其五月至九月。仍照八百名全派。以防水漲。但夏秋水漲之時。更係農忙之時。計田起夫。而奪其耕耨。勢難兩全。或者土兵亦王民也。旣奪歲夫之食。亦可均歲夫之差。況

士兵原爲河防而設。無農事之勞。暫借協役。以寬民力。正情理之允當者。否則改照舊額。仍復三百一名之工食。俾供役之夫。得沾贍養。是則清民日所冀望者也。

清河縣志。錄此以見清河民困如此。可以例其餘矣。

聖祖仁皇帝康熙十七年六月日。爲請復河夫官僱之舊制。以免按地派夫之苦累事。總河靳輔題稱。河水清漲無定。河道變遷靡常。稍有疎虞。攸關國計民生。誠非渺小。是以向來設有夫役。疏防修補。隨時用工。惟是工食無多。各夫不足餬口。往往潛逃貽悞。故定有按地僉派土著之例。行之已久。今臺臣傅廷俊以旣徵其賦稅。又徵其力役。未免有重累之苦。請照前任河南撫臣佟鳳彩題定之例。將額徵銀兩。改解河官僱覓等語。都覆請敕臣衙門會同各撫臣查明。確議具題等因。奉有依議之旨。欽遵移咨前來。查前任河南撫臣題定之例。係每夫一名。月給工食銀二兩。較之見在額夫。計多一倍有奇。當此需餉之時。未便比例。其江南淮揚徐鳳等處額夫。臣已于敬陳經理河工事宜第八疏內。條議全裁。改議官兵防守修葺。並浙省原無河夫。俱無庸查議外。今據山東直隸各司道詳稱。皆以河工關係重大。若令河官僱覓。應役徵員。應難專任。恐靡募之輩。多係貧窮無藉之徒。欲令先役而後給食。彼不能枵腹從事。勢必先給銀而後用工。及至工程嚴緊。逃避不前。坐悞河工。皆由於此。況夫食又已裁半充餉。官僱之說。更屬難行等語。臣職掌河務。關係漕運。反覆籌維。難以更張貽悞。不若仍照舊例。按地公派土著。照數實給工食。嚴禁扣剋之爲安便也。至遇有修築大工。動支河道錢糧。僱覓夫役。原無派夫累民處。無庸再議者也。臣謹會

同直隸、山東、河南、江寧、安徽、浙江撫臣合詞具題。伏乞敕部議覆施行。

河南管河道
治河檔案。

聖祖仁皇帝康熙二十二年五月初九日。總河靳輔題爲請修上流隄岸。以保運道萬全事。奉旨。河工關係運道民生。最爲緊要。下流旣已築塞。上流隄岸。自應堅固修築。嚴加防護。以免潰決。這本內事情。該部速行確議具奏。工部議查。山東調額設人夫。並酌撥附近州縣民夫。竭力飛價。以求保固。惟河南開封歸德兩府隄工。通長一千餘里。南來附近州縣。原有歲修人夫。每年加修。頗稱鞏固。前撫佟鳳彩具題。歸官僱募修理之後。民旣膜視罔顧。而官復畏難。不勤行修理。以致工程漸壞。自康熙二十一年以前。江南決口未堵。上流不致十分壅滯。今江南決口全堵。除核減水壩之外。更無旁洩之途。江南費過如許金錢。甫有頭緒。設河南一有疎失。則前功盡棄。而阻運殃民。更無底止。伏乞敕下巡撫。將開封府、歸德府兩岸隄工遍勘。某處高厚堅寬。可以不修。某處卑矮窄薄。斷須加修。某處極險。或仍照往例。撥歲修人夫興築。或照近例。動帑興築。上流旣可保無虞。而下流河道得以刷深。方爲以保運道民生萬全之計等因。具題前來。查康熙十二年三月內。原任河南巡撫佟鳳彩將河南省河夫。應停止僉派等因。具題經九卿會議。修理河隄。若仍行派夫修理。似屬累民。停止派夫。如遇歲修工程。動支河道錢糧僱夫。若錢糧不敷。應動何項錢糧之處。該撫具題等因。具題在案。應將撥夫興築之處。毋庸議。再查康熙十七年三月內。總河靳輔以江南大工方興。斷不能遠離。豫省河務。責成河南巡撫。就近料理等因。具題臣部議覆。暫交豫省料理。

俟江南大工告竣之日。照舊或遇衝決疎防之處。將該督撫一併處分等因。亦具題在案。河道關係運道民生緊要。且係總河專責。不便止交河南巡撫相應。敕下總河。河南巡撫。如果有卑矮窄薄。極險應修之處。會同詳定。一面估題。一面動歲修河庫錢糧。務須該省盡心鼓勵各官。修理堅固。永保無虞。若借此將堅固不應修之處。捏報修理。或修不堅固。將該督撫並督修官員。俱各從重議處可也。奉旨。河工關係緊要。蕭家渡決口。築壩方完。河南隄岸工程。專令河南巡撫暫行料理。如有應會同總河事情。仍移文商確。勿致貽誤。河南督河道
治河檔案。

聖祖仁皇帝康熙二十四年九月初二日。總河靳輔題爲再請豁免保夫課程柳料。以甦苦累。以固河防事。奉旨該部議奏。工部議得。先經河南巡撫王日藻疏稱。豫省黃河。榮澤至虞城。額設保夫九百餘名。所給伊等工食甚少。而每夫每年納柳一百束。糴十斤。芟三十套。纜二十條。計其所納課程之費。過倍於工食之數。因之相率逃亡。河務廢弛。乞將保夫課程。槩行蠲免。專令守防隄岸。餘閒栽柳灌漑。倘遇壩工。令協採閘閘官柳需用等因。具題。臣部以柳蘆等物。關係河工。應行總河靳輔。將保夫課程。應否豁免。及免此課程。而豫省河務。有無貽誤之處。會同詳確。定議具題。到日再議。續據總河靳輔。會同河南巡撫王日藻疏稱。各夫盡力所備物料。久收朽壞。別工忽然取用。不得不從新另賠。於是苦累至極。勢必相率逃亡。反將本等力役廢弛。乞將課程豁免。庶豫省實有裨益。而又並無貽誤等因。具題。行文在案。該臣等查得。

總河靳輔疏稱。河南額設堡夫。工食每名每歲止給工食銀三兩八錢有奇。論其力役。則灌漑隄園官柳。修補隄工殘缺。實不能閒。自辦納課程。而堡夫苦累不堪矣。將柳貯於隄旁。日見損失蹂躪。此柳一日不交工。堡夫一日不能釋負。久貯之柳。多年不用。變成灰土。無益於工。反將修補殘缺等力役。盡行廢弛。臣因柳束久貯。變成灰土。僱船運來江南。爲歲修工用。柳價盡爲水脚。尙苦不足。亦甚非計。臣于康熙二十二年內。曾經題請豁免。部議不准。究竟有課程之虛名。而無用柳之實濟。反弛堡夫實在力役。伏乞自康熙二十四年爲始。槩予除免。庶夫力稍甦。修防不廢。有裨河道民生。良非淺鮮等因。會同河南巡撫具題前來。查順治十三年。原任管河道方大猷條奏。責令各夫。每年種植柳蘆等項。於各縣河衙。公收入廠。毋致過爛等因。在案。應行該督將此柳蘆等項。於河南隄工處。每年應用之數。餘剩之數。查明具題。到日再議可也。奉旨。這本內事情。爾部卽議結具奏。工部議應如所題。奉旨依議。河南管河道治河檔案。

聖祖仁皇帝康熙三十八年五月日。總河于成龍等題。爲歲夫徒滋苦累等事。奉旨。該部議奏。工部議得。總河于成龍疏稱。江南黃河運河。額設河營修防兵夫外。每年徐州所屬邳州、睢寧、宿遷、桃源、清河、山陽、安東、寶應各州縣。每年照數分出修理民夫。共六千九百五十名。幫助河兵共修。民夫每名一年。大概出銀二十兩。往修工處之人。皆老少充數。一到卽逃。查此情由。俱河工光棍代應。將銀入己所致。每年修理民夫空勞。終年不得實惠。急當整飭。請將徐州所屬各州縣。每年修理民夫六千九百五十名。竟行裁去。

每年每夫酌量出銀五兩入正項地丁錢糧內照河銀追取送入修河處每年裁去修理民夫添設戰守兵三千三十名遊擊一員守備二員千總二員把總四員管河秋夏水漲之時酌量緩急分調疾速扶救卽將裁去夫銀充作俸餉則小民亦情願輸納河工亦得實濟又查海州山陽等處官地所出蘆葦每年或派夫去割或派官去取此特爲運至兩河以資平常緊要修理之用不意日久成弊或運至違限或借端遭水浸朽或借端被火燒燬或借端被海潮漂沒所以多致欠少今查各官地畝所得額數蘆葦一百一十八萬束有餘將此卽交興遊擊等專管每年九月霜降之後派兵去割計日照數割完運至河口收貯撥各營淺船交與該守備運至各修理處收用每年蘆葦銀可得二萬六千兩有餘銀兩除湊合給官兵俸餉外尙剩減省銀一萬五千二百兩等語查該督等將徐州所屬每年盡裁去修理民夫每夫出銀五兩以充正項地丁錢糧照河銀追取送入修河去處裁去每年修理人夫添設戰守兵遊擊等官管轄水漲之時分修疾速扶救將裁去人夫銀兩充入俸餉之用則小民亦情願輸納修河去處亦得實濟又海州山陽等處官地畝所得額數蘆葦每年大概一百一十八萬束有餘交與該遊擊等官專管每年照數去割運至河口收用此蘆葦價銀可得二萬六千兩有餘湊合官兵俸餉外尙剩減省銀一萬五千二百兩有餘等語應如該督所題奉旨依議

淮揚道治河橋案

聖祖仁皇帝康熙六十年正月日淮揚道傅澤洪詳河營兵餉遲延借扣之弊事河工需兵力役河兵賴

餉資生定例。兵餉每月廳營公同唱名。照數給發。取具各兵領狀。廳營具結。由道轉呈憲核達部。稍有遲延侵餉。卽干參處。功令森嚴。不惟憲臺屢經嚴飭。卽本道等亦遵照通行飭禁。真不啻三令五申矣。詎各該屬賢愚不等。其中竟有應給兵餉。遲至三五個月。或半年不行給發者。究其弊源。皆因各該管官將兵餉那移別用。無項給發。任意稽遲。或亦有正項不足放餉。應請撥補支給者。該管官復漫不經心。早爲詳請。以致各河兵枵腹力役。窮苦難支。不得已而出于借貸一途。因而不肖員弁。乘其窘急。滾剝橫加。巧託夫人公子管家各名色。抽放利債。有七八折及對折不等。甚有各上司衙門。及勢要豪強之人。販賣不堪米麥。勒令營汛借領。時價之外。加倍作價。威尊命賤。各兵飲恨遵依。及至放餉之時。先將前項利債。竝米麥價銀。盡數扣清。其河兵實領之餉。十分中不及二三。且甚有整月餉銀全扣。河兵未得分毫者。有餉之名。無餉之實。河兵安得不累。又安得不怨乎。切思河兵終歲在工力作。胼手胝足。沐雨櫛風。寒暑不辭。驅命不顧。原指月領額餉。贍家養生。今違例遲延不發。致令各兵餬口無資。乃復乘機滾砌。取盡錙銖。兵受苦中之苦。彼獲利上之利。王法奚存。天理何在。興言及此。真不得不爲之太息痛恨矣。夫兵必實力做工。工程始固。餉必實發到兵。兵力方舒。本道等職任監司。稔悉河兵苦累。用敢會詳。仰請本部院嚴加飭禁。嗣後河營兵餉。務遵定例。按月給發。廳營公同唱散取領。具結送轉。毋許巧借各名色。借債滾扣。以及壓領米麥。擡價剝兵。如敢仍前朘剝遲延。或經訪聞。或被告發。嚴參按律治罪。追贓給兵。其有正項不足。應

請撥發者。該管官早爲詳請。務使每月兵沾實餉。毋致忍饑銜恨。則兵心咸悅。力作益勤。有裨河工。匪淺鮮矣。又河營兵餉。請飭勒榜事。河兵苦役。藉餉資生。定例每月給領。豈容絲毫借扣。上年十一月間。本道會同淮徐道。詳陳河營兵餉。遲延借扣之苦。弊仰請憲飭嚴禁。蒙憲嚴批。轉行禁飭在案。茲山安營去年八九十三個月兵餉。緣王丞題補赴京引見。未經給發。延至歲暮。該營守備宋可鳳。詳請憲臺飭行本道嚴催去後。據王丞之子王師鳳稟稱。已於十二月二十二日。赴河庫領銀。賁交該營守備給放矣。隨據該守備呈稱。王丞向有支借之項。於中扣除。僅將找給餉銀。照數包封。給兵領訖。本道卽檄行該備查明。王丞支借之項。是否實數實借。及取到借支原領內。有上河把總甯繩祖。於五十九年三月內。借米二百二十石。每石價銀一兩三錢五分一紙。夫兵餉從無給米之例。況去年三月間。米價亦不致騰貴至此。其爲擡價勒領。不問可知。無怪乎兵丁陸標等有尅扣兵餉。冒派官米之控也。蒙憲批准山安廳詳飭查到。隨據該守備詳開前後情辭。呈請銷結前來。本道逐一查核。陳元等所控。汛書王宴賓。果係革營責革之犯。豈可蚤充字識。結構生非。至每兵只給京錢三百文。及扣銀一兩。作爲官事之用。情弊顯然。殊難寬貸。至於張化魁等。訴稱透支庫餉銀五十七兩零。餉簿欠領可據。又稱道庫米銀。並王太爺庫銀。俱經除去。現有守府發帳爲憑。是以無銀找給。試思該營兵餉。如果按月給發。安有借領。若非重利滾扣。及擡價壓領。安有透支。米銀庫銀盡皆扣除。以致無銀找給。嗟此窮兵枵腹。其何以使之在工力作。終無怨咨也。

耶。本應遵提目兵人等。徹底根查。按律究擬。姑念時值春初。桃汛將屆。正衆兵盡力汛防之候。既據伍汛効用百隊焦彝昌等稟稱。五個月餉銀帳目。一并公同算清。並無尅扣苛派情弊。兩情俱已輸服。合無詳請憲臺宏開祝網。其復充之王宴賓。多事之楊士昇。似應分別責革。把總黃良臣不遵會放。記過一次。從寬發落。以結斯案。弘恩出自憲臺。非本道所敢擅便。至於前會詳請禁巧立名色。借債滾扣。以及壓領米麥。擡價剝兵。及不遵定例。每月廳營公同唱名。照數給領等事宜。還祈憲臺再行嚴飭。勒榜廳營各衙門。取具遵依。永遠恪守。庶窮兵得霑憲惠。而於河工亦大有裨益矣。

梅軒偶存

聖祖仁皇帝康熙六十年五月日。淮揚道傅澤洪詳。清查河兵力作事。河營設立兵丁。按工汛之短長。定兵數之多寡。原期名名在工力作。稍有閒曠。卽屬悞工。乃近年該管各衙門。全不以河工爲重。虛兵冒餉。巧立名色。坐佔太多。每當伏秋水長。工程險急。河兵寥寥。不足供用。廳官呼應不靈。不得不重價僱覓人夫濟急。有兵之名。無兵之實。及至放餉之時。則又照額支領。其坐佔之兵餉。盡飽私橐。做工無人。蝕餉無厭。貽悞修防。深可痛恨。按以新例。更在不赦之條。姑念積弊相沿。從前槩請免究。嗣後每營酌量守備議留跟役四名。字識四名。千把總議留跟役二名。字識二名。其餘水火夫馬夫守門人役等名色。盡行清出發工力作。如敢仍前坐佔。本道等查實揭詳。仰請憲臺嚴參治罪。再有請者。奉憲准充効力把總。因其著有勞績。給以紙上虛銜。原係憲臺鼓勵人材之至意。但其中有自本汛兵丁効力勤勞恩賞者。尚在本汛

力作其餘從不到工力作之人既已得授銜名實領糧餉卽應一例到工力作倘有仍前避勞就逸不親身到工力作者該管廳營查明呈報本道等據實詳憲追繳委牌革除糧名驅逐回籍務使兵無冒佔餉不虛糜則河工力作有人而修防得以無悞整頓營制慎重河防其裨益實非淺鮮矣

噶梅軒
偶存

聖祖仁皇帝康熙六十一年四月日王家營居民桂蕃等稟爲冰夫一免恩澤萬民事竊惟三冬冰結漕艘難行勢必敲冰以接新運雖肌膚凍裂何敢辭勞但苦樂不均敢匍匐上告伏查直隸山東等州縣俱有額設漫夫供應此役從不勞民獨江南淮屬臨河州縣皆起民夫而我清河更甚從前設有歲夫伏秋二時力作河工隆冬冰凍打閒河渠蒙前部院軫恤民艱題將歲夫改折有田一頃納夫價若干充作河兵之餉食此餉者卽代民修築打凌之役蓋歲莫祁寒河工無事修防兵日束手宴閒用彼敲冰急公報効上有益于漕運下有利于窮民此改折之初心也迄今日久事弛時方立冬縣肯出票要備榔頭未及冬至住宿河干候冰結實風吹雨灑十人九病受凍就飢命喪溝渠差粟齊集鳴鑼催夫點卯查責老幼悲啼男婦號泣殷實者折酒折飯折夫無力者受笞受壓受鎖吞聲忍泣萬狀艱苦幸逢特簡大老爺總督河臺別弊蠲奸蠲蠲民瘼害除利興美德善政童叟福星身等得見堯天冒將茹苦下情公籲憲轅伏乞天恩普濟仁德遍施豁免凌夫永脫苛派則臨河百姓得以完聚室家不致流離鞭比簪纓世世哀切上呈批行淮揚道查議議上前總河陳批開歲夫既經里民折價解廳召募河兵充餉則敲冰之役自應

責之河兵。況冬時又無力作工程。何得尙派民夫。仰卽通飭免累。仍先出示曉諭。繳裏河等廳營復會詳院。飭兩道會議。九月間會看得。河道攸關漕運。冬月冰凍。回空漕艘。不能過往。赴次節蒙憲檄行令沿河印河各官。親駐河干催餉。則是地方河員。均應協同設法料理。以期無悞運行者也。查淮揚二屬。上自臺兒莊起。下至瓜洲闌止。沿河地方官僱夫。廳管河兵。協力打凍。歷今遵行已久。今各廳營公詳。五十年冰凌凍積。部議以地方官不早爲設法打通。前淮安姚知府。清河涂知縣議處有例等情。備查原案。緣因五十年十一月十九日。冰湧風狂。漕艘難進。該縣含糊具報。淮府率轉。本日夜半風息凌開。該縣又未具報。故奉查參。有案可據。康熙五十四年間。前淮揚道吳僉事。備具詳飭捐備。以速漕運事。一詳該道捐造堅實雜木壓凌船六隻。安清中河外河二廳各捐船二隻。裏河廳捐船三隻。揚河廳捐船三隻。江防廳捐船一隻。清河山陽二縣各捐船三隻。寶高江儀四州縣各捐船二隻。并多備敲冰器具。遇有冰阻。卽便往來壓凌敲冰。該道所捐之船。交給裏外中揚四營。著令河兵管駕。遇寒冬時。伺候壓凌。閒時令其駕運工料。各廳營州縣捐備之船。聽其僱人管駕。又該道捐鑄大鐵礮二十一副。各發山清寶高四州縣各四副。江邑三副。儀邑二副。以備該州縣僱夫敲打。力大勢雄。堅冰立剖。凍阻無虞。緣由詳明。前河憲趙當蒙批開。據詳。捐造堅船以壓冰凌。捐鑄鐵礮以開凍結。俾回空得免凍阻之虞。殊可嘉尙。所議分造捐修之處。俱如議舉行。仰卽立速轉飭。勒限造完具報。如有觀望遲延。捏稱捐備。仍撥民船擾累者。該道據實揭報參。

處。仍候總漕部院批示錄報。繳又詳蒙前漕憲施批開如詳行。仍候河部院批示繳等因。遵奉通飭遵行在案。又于康熙五十五年內。奉前河憲趙檄行本道。飛飭沿河州縣印官。打造壓凌船隻。并多備器具。打冰使回空漕船邁行。是壓凌打凍。原係沿河印河各官協同設法料理之事。淮揚二屬奉行已久。茲奉憲批。會議詳覆。相應仍照前道吳僉事議。令地方官僱夫。并廳營河兵協同打凍。以速運行者也。擬合會詳。伏候憲裁。批示遵行。總河陳批。仰卽通飭沿河地方官僱夫。廳營河兵協同打凍。毋得派累里民。並抄詳行知遵照。繳。淮揚道檔案。黃巖云。批免冰夫。乃清洲先生第一善政。後總道復詳。亦不得已通變之計。但僱夫每日常給工食銀四分。載在會典。當此農人務閒之候。獲四分現給之銀。以餬其八口。無不欣然。子來恐後者。第恐官役扣剋。有名無實。仍爲窮民之苦累。上下有司。當極爲留意。斯爲國爲民之道。兼得之矣。

設立河兵。專供力役。按程計里。每汛分派修防。各在本營境內。桃伏秋汛。不時巡查。遇有險要。竭力搶護。以保無虞。至霜降後。水勢漸落。量撥堤園刈草。其巡堤遞送之兵。常川往來。從不外撥。漕河涵洞應歸此輩專責。何必又設洞頭看守。所謂洞頭者。不獨不請修防。反藉此以科派小民。需索工食。近奉禁革。可謂善政。但復委之地保。夫地保自有地方之責。豈能顧及涵洞。勢必更名替役。仍屬向日之洞頭。擾累終無已時。頃見應詳。地保無幾。涵洞甚多。不無顧此失彼。乃議每洞著一老人看守。令其搭蓬備料。守洞防護。嗚呼。計愈出而愈奇矣。按明初里編老人。得參議民間利害。及政事得失。太祖謂之方巾御史。每里一人。專以教民勸俗。如漢三老故事。子童卯時。猶見有七八十歲人。手持木鐸。口宣聖諭。所稱搖鐸老人者是。

也。若今之老人。卽叨沐皇恩。衣帛食肉之輩。含哺鼓腹。詠歌太平。乃其本事。而顧令之看守涵洞。禮云。五十不從力役。又云。五十不爲甸徒。其謂之何哉。雖明會典。開載河工夫役之內。每每有老人執事。此乃當時之敝政。不可爲訓者。今聞高堰。以及清河等處。大小壩洞。皆屬汛兵專司啓閉。現有成例。裏河事同一轍。既有巡堤遞送之兵。卽令其乘便管守。何用累及老人。此事雖小。亦河政之必當留意者也。學今水



行水金鑑卷第一百七十四

河道錢糧

通惠河郎中所屬 通州東安等七州縣 椿草銀五百三兩六錢五分 通州左右神武等九衛 椿草銀

六百十六兩 以下俱明會典

北河郎中所屬 兗州府屬州縣并衛所 石灰十三萬八千斤 纈麻九十六斤 椿草纈麻銀五千五百三

十五兩六錢八分 副軹銀二百五十七兩七錢六分 安山南旺等湖 租銀三千三百三十五兩二錢四釐

八毫 各州縣裁革折徵 撈淺淺鋪等夫二千二百八十名 每名歲徵銀十一兩 渡夫二名 每名歲徵銀八兩 共該銀二萬

七千三百七十六兩 萬曆四年 議定每名連椿草歲徵銀六兩 著爲例 每歲共該銀一萬三千六百九十

二兩 東昌府屬州縣并帶管德州 德州左二衛及清河縣 副軹一萬六千九百九十三箇 石灰九千二

百斤 椿草纈麻軹銀二千四百八十兩六錢四分 各州縣裁革折徵 撈淺淺鋪夫八百六十二名 萬曆

四年 議定每名連椿草歲徵銀六兩 每歲共該銀五千一百七十八兩 河間府屬州縣并衛所 椿草銀

二百五十八兩五錢六分 葦草銀二百三十五兩三錢六分 纈麻副軹銀各五十三兩四分 石灰銀二十

六兩五錢二分

南河郎中所屬

今天祀開以北改屬中河。中以南。仍屬南河郎中。

淮安府屬天妃閘以北。邳州、清桃、睢、宿五州縣。并邳州衛。椿草

甄灰銀四百六十九兩八分。廬鳳二府并滁和二州。徵解邳州河隄防守夫銀一萬二千九十六兩。徐州

并屬縣。椿草甄灰銀八百七十九兩八分。廬鳳二府并揚州府屬州縣。徵解徐州停役夫協助河工銀一

千三百九十九兩二錢。徐州庫收支徐州洪稅。協濟河工錢糧。歲徵無定額。約萬餘兩不等。

管泉主事所屬。濟兗二府有泉州縣額。徵泉壩錢糧椿草銀四百五十三兩一錢二分。壩夫銀二百十

一兩二錢。裁革泉夫。折徵銀九千二十四兩。裁革壩夫。折徵銀一千五百四十四兩。裁革洸濟河淺夫。折

徵銀二百八十八兩。萬曆四年。議定每名連椿草歲徵銀六兩。

以上俱運河錢糧。明會典。

山東管河道副使所屬。兗州府屬州縣堤鋪夫銀九千八百六十兩。

明會典。

河南管河道副使所屬。開封等八府并汝州。河堡夫銀三萬二千八百五十三兩。

以上黃河錢糧。明會典。

黃連兩河需用錢糧。由直省徵解河道總督。及各分司支用。年終稽核完欠。分別奏銷。

以下俱大清會典。

直隸所屬河銀一萬一千五百七十七兩六錢七分零。

江南安徽布政司所屬。河銀二萬三千四百四十六兩九分零。

江南江蘇布政司所屬。河銀八萬二千一百四十八兩五錢五分零。

浙江布政司所屬。河銀一萬五百二十五兩二錢四分零。

山東布政司所屬河銀四萬五百三十八兩二錢四分零。

河南布政司所屬河銀九萬九百八十三兩一錢八分零。

通惠河分司所轄通州武清等州縣衛河道錢糧額徵銀八千三百一兩三錢五分零。又木稅銀七千一百兩。

北河分司所轄兗州東昌河間三府河道錢糧額徵銀一萬五千八百九十八兩五錢七分零。蠶蔴一萬二千八百七十八觔八兩。康熙十七年裁分司歸併濟寧天津二道。

南旺分司所轄濟南兗州二府河道錢糧額徵銀二千九百三十六兩八錢七分零。康熙十五年裁分司歸併濟寧道。

夏鎮分司所轄廬州鳳陽揚州兗州徐州河道錢糧額徵銀一千五百一十四兩三錢五分零。康熙十五年裁分司。滕嶧二縣歸東兗道沛縣歸淮徐道。十七年滕嶧改歸濟寧道。

中河分司所轄淮安廬州鳳陽徐州和州滁州河道錢糧額徵銀二萬八千一百三十八兩九錢八釐零。兼徵鈔銀五千二百五十兩。又石價銀六百五十兩。遇閏月加徵銀五十四兩二錢。順治十五年加徵六百兩。康熙五年

歸淮海道徵收。七年歸徐屬河務同知徵收。八年仍歸本司。十一年兼徵徐州稅契銀三千六百兩。二十年加三千兩。康熙十七年裁分司分歸淮揚淮徐二道。

南河分司所轄揚州、廬州、鳳陽、江寧、徐州并江防廳河道錢糧額徵銀三萬四千五百三十一兩四錢二分零。又由開稅銀六千六百六十六兩零。康熙二十年增銀一千兩。康熙十七年裁分司分歸淮揚淮

徐二道。以上俱大清會典。

直隸守道所屬原額河銀一萬一千五百七十七兩六錢七分零。除荒實徵銀一萬一千五百四十五兩四分零。內除霸州故城等州縣衛裁半椿草銀二百七十六兩三錢八分零。止實徵銀一萬一千二百六十八兩六錢五分零。計缺額銀三百九兩零二分零。外有故城東光等四縣椿櫟銀九十三兩八錢四分零。徵解河間府庫於十八年造入考成。不係原額之數。以下俱新文襄公治河書。

江南江蘇布政司所屬原額河道項下銀八萬二千八十六兩六錢一分零。內除存留支給夫食、水腳、解費等項并裁減夏鎮分司項下河夫工食共銀一萬一千八百七十八兩九錢七分零。應聽各州縣自行分別起解外。止實該起解河道銀七萬二百七兩六錢四分零。除荒實徵銀六萬六千五百一十三兩七錢四分零。計缺額銀三千六百九十三兩九錢零。

江南安徽布政司所屬原額河銀并帶閘二萬三千四百四十六兩九分零。除荒實徵并新陞撥補二萬二千八百八十四兩七錢六分零。計缺額銀五百六十一兩三錢三分零。

山東布政司所屬原額河銀四萬二百一十二兩二分零。除荒實徵銀二萬二千三十四兩八錢七分零。

計缺額銀一萬八千一百七十七兩一錢五分零。

山東都司所屬原額河銀三百二十六兩二錢二分零。除荒實徵銀三百一十三兩四錢四分零。計缺額銀一十二兩七錢八分零。

河南布政司所屬原額河銀九萬九百八十三兩一錢八分零。除荒實徵銀四萬二千一百八十一兩七錢九分零。計缺額銀四萬八千八百一兩三錢九分零。

浙江布政司所屬原額河銀一萬五百二十五兩二錢四分零。並無除荒。

江寧府屬水脚解費銀三百七兩二錢八分零。

蘇州府屬解費銀一百四十四兩二錢七分零。

松江府屬解費銀五十六兩五錢一分零。

常州府屬解費銀五十八兩四錢七分零。

鎮江府屬水脚銀三十七兩一錢六分零。

淮安府仍存開夫工食銀三百六十兩四錢。

揚州府屬仍存淺夫工食銀二千三百五十兩四錢五分零。

徐州屬裁減夏鎮分司項下河夫工食銀七千三百四十四兩。仍存開夫工食銀一千二百二十兩四

錢。

淮關分司額解五項銀兩。一日稅銀五千七百八十一兩一錢四分。又遇閏月加銀四百八十一兩七錢六分六釐。共銀六千二百六十二兩九錢六釐。一石價銀六百五十兩。又遇閏月加銀五十四兩一錢六分六釐六毫六絲六忽六微六纖。共銀七百四兩一錢六分六釐六毫六絲六忽六微六纖。一梁頭銀二千六百兩。一由關銀三千三百三十三兩三錢三分三釐三毫三絲。又遇閏月加銀二百七十七兩七錢七分七釐七毫七絲。共銀三千六百一十一兩一錢一分一釐一毫。一扣利銀一萬一千五百九十八兩五錢六分四釐八毫四絲四忽。又遇閏月加銀九百六十六兩五錢四分七釐七絲三忽三微一纖。共銀一萬二千五百六十五兩一錢一分一釐九毫一絲七忽三微一纖。一折夫銀五千五兩七錢六分三釐六毫五絲六忽。又遇閏月加銀四百一十七兩一錢四分六釐九毫七絲一忽三微三纖四沙。共銀五千四百二十二兩九錢一分六毫二絲七忽三微三纖四沙。

淮徐道額解石價銀六百五十兩。

江防廳額解由關銀六千六百六十六兩六錢零。

又竹木過嘴民船木稅儘收儘解。又解加增由關銀一千兩。

歲撥徐屬廳庫二萬三百三十四兩八錢零。徐州并屬實徵河銀六千六百五十三兩六錢零。廬州

府屬實徵河銀六千八百三十八兩三錢零。滁州并屬實徵河銀八百三十二兩四錢。沛縣昭陽湖租銀一千三百二十八兩。徐州裁夫銀二千六百二十四兩四錢。蕭縣裁夫銀九百七十二兩。碭山縣裁夫銀九百七十二兩。宿州協濟徐州裁夫銀一百一十三兩四錢。

歲撥邳睢廳庫二萬四千三百五十九兩七錢零。鳳陽府屬實徵河銀一萬三千五百九十三兩六錢。和州并屬實徵河銀一千八十七兩九錢。邳州裁夫銀一千四百七十九兩六錢。睢寧縣裁夫銀三千三百八十四兩。宿州協濟睢寧縣裁夫銀六十四兩八錢。虹縣協濟睢寧縣裁夫銀六十四兩八錢。靈璧縣裁夫銀三百二十四兩。東平州安山湖租銀三千七百三十六兩二分五釐零。邳州浮田說六百二十五兩九分七釐二毫。

歲撥宿虹廳庫一萬二千九百八十四兩九錢零。揚州府屬實徵河銀一萬五百兩九錢零。宿遷縣裁夫銀二千四百八十四兩。

歲撥桃源廳庫一萬一千二百九十七兩三錢零。江寧府屬實徵河銀一萬五百九兩零。桃源縣裁夫銀六百四十二兩。又撥補桃源縣裁夫銀一百四十六兩零。

歲撥外河廳庫一萬九千二百三十八兩零。松江府屬實徵河銀三千三百二十四兩一錢零。鎮江府屬實徵河銀一千六百八十七兩四錢零。淮關分司石價銀六百五十兩。梁頭銀二千六百兩。儘

徵儘解。五行扣利銀一萬一千五百九十八兩五錢零。沭陽縣協濟清河縣裁夫銀三百七十八兩。
歲撥山安廳庫一萬七千二百二兩七錢零。蘇州府屬實徵河銀八千二百一十三兩七錢零。淮關
分司折夫銀五千五兩七錢零。又由閘三千二百三十三兩三錢零。淮徐道石價六百五十兩。
歲撥山盱廳庫二萬一千三百七十九兩零。淮安府屬實徵河銀三千一百九十八兩七錢零。合米銀
五百七十八兩。浙江杭嘉湖三府屬實徵河銀一萬五百二十五兩二錢零。淮關分司四稅河銀五
千七百八十一兩一錢零。山陽縣裁夫銀一千二百九十六兩。
歲撥揚河廳庫一萬四千九百七十一兩四錢零。常州府屬實徵河銀四千一百三十六兩八錢零。
江防廳由閘銀六千六百六十六兩六錢零。又竹木過壩民船木纜銀數十兩。儘收儘解。高郵州裁
夫銀一千四百二十五兩六錢。寶應縣裁夫銀一千二百四十二兩。江都縣裁夫銀一千二百九十
六兩。儀真縣裁夫銀一百九十四兩四錢。
通惠河分司庫銀一萬四千九百一十八兩四錢零。
河間府庫銀八百七十九兩八錢五分零。
大名府庫銀一千七百六十兩八錢七釐零。
東昌府庫銀七千九百七十九兩四錢七分零。

運河廳庫銀三萬一千三百四十三兩二錢一分零。

開封府庫銀三萬五千六百一十八兩一錢九分零。

歸德府庫銀六千一百九十四兩六錢四分零。以上俱新文襄公治河書。

堤河彙考

賈魯治河有疏有濬有塞。潘季馴曰：治河惟有築堤束水，以水刷沙。此外別無奇謀異策。此亦專爲治黃言耳。若清水淤泥，疆沙之地，沖之不開，刷之不深，安能舍疏濬而專言塞乎？然疏濬之工十二三，堤之工則得十之七八矣。故堤爲要焉。以下俱新文襄公治河書。

江南碭山縣黃河南岸堤工，上自河南虞城縣界起，下至蕭縣界止，計長一萬四千三百九十三丈七尺。內毛城鋪減水壩閘各一座。

蕭縣黃河南岸堤工，上自碭山縣界起，下至徐州界王家山西止，計長一萬一千四百八十九丈八尺。又東鎮口格堤一道，長八百六十四丈五尺。以東毛城鋪減壩之水，并止流各處行潦，由小神湖入灘河。徐州黃河南岸堤工，上自蕭縣界起，下至靈璧縣界止，計長三萬一千二百一十八丈五尺。內護城堤石工五百一十二丈六尺。又郭家嘴至韓家山舊橫堤一道，長八百二十一丈。

碭山縣黃河北岸堤工，上自山東單縣界起，下至豐縣界止，縷堤一道，計長一萬零四百四十丈八尺。

豐縣黃河北岸堤工。上自碭山縣界起。下至徐州工界止。計長二千一百二十二丈。

徐州黃河北岸堤工。上自豐縣界起。下至李道華樓止。計長七百三十丈四尺。又大谷山蘇家山一堤四百四十七丈五寸。李道華樓以下。至徐州大谷山九十里。地勢稍亢。無堤恐毛城鋪大谷山二處減水。閘壩不足洩水。空此以洩異漲。又自涉山起。至子房山止。一堤計長一千三百五十丈。又上自獅子山起。下至長樊大壩西頭止。計長二千七百十五丈。外長樊大壩遙堤長一千六百八十九丈。又上自長樊大壩壩東起。下至王家山東止。舊縷堤一千一百二十丈。又北岸花山遙堤至邳州界止。長一千六百六十四丈。

靈璧縣南岸堤工。上自徐州界起。下至睢寧縣界止。計長三千九百七十一丈。

睢寧縣南岸堤工。上自靈璧縣界起。下至宿遷縣界止。計長一萬六千六百七十六丈零二尺。內戴家樓險工壩臺長三百丈。月堤五百九十三丈。韓家莊險工壩臺五百二十一丈五尺。月堤一千一百十丈。武官營月堤八百九十丈。王家在險工壩臺。

邳州北岸堤工。上自徐州界起。下至宿遷縣界止。計長九千四百七十九丈九尺。外自徐州界起接廟山。自綿山起接拐山。堤四百二十丈。又羊山寺西寺南遙格堤。長六百四十二丈。又董家堂險工壩臺五百七十四丈。木社店格堤九十八丈。五工頭險工堤二百一丈。又運河西北。唐宋山格堤三千五十丈。又運

河東西堤八千二百三十九丈二尺五寸。邳州地勢甚窪，貓兒窩一帶地勢甚高，北來諸水直灌州城內湖外河，及邳宿兩州縣各堤俱難保，故築唐宋山格堤以攔之。貓兒窩斜對爲彭家河，凡豐碭沛徐及東省十餘州縣北岸之水俱由此河入運，每慮伏秋瀑漲，運河難容，故築貓兒窩、萬家莊、馬莊集減壩三座以洩之，使東入駱馬湖也。

宿遷縣黃河南岸堤工，上自睢寧縣界起，下至白洋河止，計長一萬一千二百六十二丈七尺。又白洋河磯嘴壩九十丈，格堤七十八丈，墩郎廟彭家堡遙月堤三道，共一千六百零九丈。徐家灣遙堤一千零九丈。

宿遷縣黃河北岸堤工，上自邳州界直河起，下至皂河止。又自西門吳家墩起，下至古城桃源縣界止，計長一萬零三百一十一丈九尺。又朱家堂護壩堤五千六十二丈五尺。又西挑水壩中挑水壩及格堤共五百三十五丈。楊家莊壩工一百六十二丈。蕭家渡壩工九十四丈。

宿遷縣運河東西兩堤，上自邳州寧灣界起，下至張莊運口止，共一萬七千五百十七丈三尺。又攔馬河橋壩七座，三百七十丈。

宿遷、桃源、清河、山陽、安東五縣中河北岸堤，上自張莊運口起，下到安東平旺河止，共計堤工六萬一千六百四十五丈。內中河南堤七千七百九十八丈餘。又宿遷、清河、安東三縣護城堤三千四百六十五丈。

宿虹兩縣黃河南岸歸仁堤長六千三百二十五丈六尺

桃源南岸堤工上自宿遷白洋河界起下至清河縣界止計長一萬六千五十三丈二尺外烟墩挑水壩一百零一丈

桃源縣黃河北岸堤工上自宿遷縣界起下至清河縣界止計長一萬四千六百五十一丈九尺又上渡口及七里溝兩挑水壩共二百七十八丈五尺三岔月堤五百五十丈

清河縣黃河南岸堤工上自桃源界起縷堤一道下至裴家橋河西止長二千八百八十九丈遙堤一道下至張福口止長三千二十八丈廿羅城椿埽工二百十五丈二尺天妃壩磚石工三百三十四丈又自惠濟祠起至山陽界止縷堤長八百三十九丈三尺又運口東南攔湖橫堤三道共長八百六十七丈四尺又桃源清河界格堤一道三百四十三丈

清河縣黃河北岸堤工上自桃源縣界起下至山陽縣界止計長八千五百八十三丈內王家營大渡壩一座長一百丈

山陽縣黃河南岸堤工上自清河縣界起下至雲梯關止計長三萬二千三十五丈五尺內王公堤石工五百九十五丈一尺又自雲梯關起至海口七巨港迤西盡頭止計長一萬二百六十一丈二尺

山陽縣黃河北岸堤工上自清河縣界起下至安東縣界止共長三千六百零六丈八尺又上自雲梯關

安東界起。下至六套迤東止。長八千一百四十二丈五尺。

安東縣黃河北岸堤工。上自山陽縣界起。下至雲梯關山陽縣界止。計長二萬三千三百一十一丈。

山陽盱眙兩縣湖堰堤工。北自山陽縣武家墩起。歷高家堰、高良澗、周家橋、古溝塘埂。至盱眙縣之翟家壩止。計長一萬五千六百四十四丈六尺。內石工五千四百五十一丈五尺。椿工六千二百二十八丈九尺。土工三千九百六十四丈二尺。

山陽縣運河西岸堤工。上自清河縣界起。歷鳳陽廠減水壩。下至寶應縣界止。計長一萬三千七百五十九丈四尺。

山陽縣運河東岸堤工。上自清河縣界起。下至寶應縣界止。計長一萬三千八百八十九丈四尺。

寶應縣運河東岸堤工。上自山陽縣界起。歷子嬰溝減水壩。至高郵縣界止。計長一萬一千九百一十一丈四尺。子嬰溝壩長十二丈。

寶應縣運河西岸堤工。上自山陽縣界起。下至高郵州界止。計長一萬一千八百一十八丈一尺。

高郵州運河東岸堤工。上自寶應縣界起。下至江都縣界止。計長一萬二千八百七十七丈。內減水壩六座。

高郵州運河西岸堤工。上自寶應縣界起。下至本州私鹽港石工盡頭止。除七百六十丈無壩外。計長八

千一百四十六丈。下俱湖灘高地。無堤。

江都縣運河東岸堤工。上自高郵州界起。下至金灣三閘北頭止。計長五千一百九十七丈。內減壩一座。江都縣運河西岸堤工。上自露筋閘起。下至三溝閘石工盡處止。計長二千六百十五丈。此下無堤。清河縣南岸運河河工。自新建大墩閘起。東行一百七十六丈。又開爲西道。一由東北歷七里閘。折而開向西北。至文華寺。歸入惠濟祠旁舊運河。計長一千五百五十八丈一尺。一道徑開由西北。歸入攔河壩。迤北甘羅墩。東門外舊運河。計長四百一十丈。又自攔河壩歷新莊閘。文華寺。至山陽縣界止。計長一千一百一十七丈八尺。俱卽以挑河之土。分運兩岸。築成堤工。

清河縣清口引河河工。河凡四道。武家墩沿堤史家胡一道。爛泥淺一道。帥家莊一道。裴家場一道。共長六千餘丈。今爛泥淺裴家場二道。愈加冲刷寬深。俱成大河。

宿桃清山安五縣中河河工。西自張莊口起。東至平旺河海口止。計長三百餘里。歷宿遷、桃源、清河、山陽、安東五縣境。自清河縣仲家莊閘以上。爲運河行運。自仲家莊閘以下。洩東省諸泉露潦。及黃河異漲。宿遷縣皂河河工。上自溫家溝起。下至皂河。又歷龍岡岔頭口。達張莊口止。計長四十里。上通漣河。下接中河。

山陽縣高堰運料小河河工。南自周橋起。北至武家墩止。計長四十里。高堰一堤。長百餘里。西障洪澤湖。

東護淮揚。歲修之工最鉅。運料必須船隻往。每由清口入湖給工。風濤漂沒者。不可勝計。故開此河。以便運料。

山陽縣南岸運料小河河工。西自草灣柳園頭起。東至海口止。約長二百里。

以上俱新文藝
公治河書。

行水金鑑第卷一百七十五

閘壩涵洞彙考

防水之功莫大於隄。然水之消長不時。過障之虞其溢也。閘壩以減之。然閘壩之爲費也鉅。非最要弗建也。次之以涵洞。其減之用微矣。然其爲減一也。保隄之道。三者略備。他或平疇繡錯。河潤是需。或下土沮洳。停淤成沃。功亦大矣哉。

以下俱新文襄公治河書。

黃河南岸。碭山縣毛城鋪減水壩一座。毛城鋪減水閘一座。二閘壩水俱減入小神湖。歷靈芝孟山等湖。從歸仁隄五堡減壩便民閘。匯洪澤湖助淮。徐州王家山天然減水閘一座。十八里屯天然減水閘二座。三閘水俱減入馬廠湖。經永堙湖。歸靈芝孟山等湖。由歸仁隄減壩入洪澤湖助淮。睢寧縣峯山龍虎山天然減水閘四座。四閘水俱減入馬淺湖。由靈芝孟山等湖越歸仁隄減壩入洪澤湖助淮。

宿遷縣歸仁隄便民閘一座。五堡閘一座。二閘水俱減入洪澤湖助淮。

桃源縣龍窩涵洞三座。建以淤窪。

山陽縣柳園頭閘一座。所減水由運料小河沿縷隄出雲梯關掌家港。注黃入海。專爲各險工運料而

建。

黃河北岸 徐州大谷山減水壩一座。蘇家山天然減水壩一座。鎮口閘一座。三壩閘水俱減。由荊山口出彭家河口。會入北運河。

邳州羊山寺涵洞十二座。青墩營涵洞十座。直河涵洞二座。張家莊涵洞十座。奶奶廟涵洞十二座。但建以洪窪。

宿遷縣攔馬河減水壩六座。朱家堂減水壩一座。此壩係淤窪而設。若蕭家渡、楊家莊、七里溝、新莊口諸卑窪處悉淤高。此壩可以不用。各壩水俱

減入中河。

清河縣仲家莊閘一座。王家營大壩一座。二閘壩水俱減入中河。由平旺河入海。

山陽縣武家墩減水壩一座。武家涵洞。

高家堰高良湖減水壩一座。小王莊涵洞。周橋涵洞。古溝減水壩一座。茆家園減水壩一座。夏家橋減水壩一座。唐埂北減水壩一座。唐埂中減水壩一座。唐埂南減水壩一座。以上高堰各閘壩涵洞所減之水俱從高寶等湖出高寶各減壩入下河。

南運河 清河縣太平閘一座。金門寬二丈一尺。所以約全淮之水。止令爛泥淺一水分十之二。由此閘以進運河。今宜移置新閘。運道從草壩出入。太平閘涵洞。七里閘一座。與新莊閘南北并行。以備挑

淺而平水勢。

山陽縣鳳陽廠減水石壩一座。壩門寬八尺四寸。壩長十八丈。較龍汪閘頂並各隄頂約低五尺。專爲分龍汪閘上流水勢。以保清江浦淮安城而建。所減之水由運料新河。歷楊家廟入山陽運河。狀元墩涵洞。

楊家廟單家口涵洞五十座。

寶應縣北宏濟閘一座。南宏濟閘一座。子嬰溝減水壩一座。長十二丈。洩水之地六丈。所減之水由子嬰溝入下河。永平閘壩一座。所減之水俱入下河。高郵州東岸減水壩一座。洩水之地長四十丈。壩底高於高郵城南磚壩底二尺有奇。止以洩異漲。所洩之水入下河。每年六月初一日開放。東岸南關減水磚壩一座。洩水之地計長四十八丈二尺。其所洩之水亦入下河。每年六月初一日開放。東岸五里鋪減水石壩一座。洩水之地寬十一丈。底低於磚壩者二尺有奇。每年四月初一日開放。東岸八里鋪減水石壩一座。洩水之地計長十丈六尺。底低於磚壩者二尺有奇。每年四月初一日開放。東岸柏家墩減水磚壩一座。洩水之地計長五十一丈四尺。每年六月初一日開放。東岸車邏減水石壩一座。洩水之地計長十一丈。每年四月初一日開放。東岸金灣三閘壩一座。其江都縣東岸鰍魚減水壩一座。洩水之地計長十一丈。所洩之水亦入下河。東岸金灣三閘壩一座。其水減入人字河。歸芒稻河入江。

高寶諸湖下於洪澤湖。而運河又下於高寶諸湖。諸湖西南受滁泗天長之水。山下河入海。故東隄舊有閘座涵洞以洩之。而西北周橋六壩洩下之水。亦由諸湖以入下河。故臣復於舊閘壩涵洞之外。增建改建減水壩八座。以向來原有之閘壩涵洞。抵洩運河下注及天泗等處山溪之水。而以新建八壩。抵洩周橋六壩之水。而後因入爲出。節宣有度。旱不致於涸運。澇不致於傷隄也。

北運河 邳州貓兒窩減水閘一座。減入駱馬湖。會歸中河。馬莊集減水壩一座。萬家莊減水壩一座。二壩水俱減入駱馬湖。會歸中河。

宿遷縣免車頭涵洞。張八莊涵洞。晁家溝涵洞。阜河石礮一座。

閘之底深於岸。其寬不過二丈四尺。至三丈而止。壩之寬爲丈者。可以百。而其底則與岸平。若洞之徑。僅三尺而已。其減水之用。大小不同。而其爲減則一也。夫東水莫如隄。然隄有常。而水之消長無常。故隄以束之。又爲之閘壩涵洞以減之。而後隄可保也。今使上流河身。其廣數里。而下流河身。或爲山岡郡邑所逼。限其廣也。僅得其半。更或僅得其十之一二。勢必滂薄奔馳。怒極而思逞。加以伏秋暴漲。非時霖雨。其不致於敗壞城郭。漂溺室廬。溺人民而淹田畝者。幾希矣。今於黃河兩岸。及運河上下高堰一帶。凡遇河道險隘。及水勢激蕩之處。相度地形。建置閘壩涵洞。其若干座。其詳分載各考下。務令險地分洩。上既有以殺之。於未溢之先。下復有以消之。於將溢之後。故自建閘壩以來。各隄得以保固。而無衝決也。乃不知

河道者。與懷怨而尋釁者。噴有煩言。夫閘壩高卑。各有規畫。原以洩異漲。非以洩平漕水。且以隄禦河。以閘壩保隄。誠以河不他潰。則河底日深。河底日深。則河水亦日低。行且置閘壩於不用矣。卽黃河土鬆而水悍。不無損傷修葺之費。然較之隄工漲潰。普而漫溢。敗壞城郭。漂蕩廬室。溺人民而淹田畝。塞決挑淤。經年累月。爲費不貲。其利害之大小何如乎。不唯是也。耕種之區。資減水而得以灌溉。窪下之地。藉減黃而得以淤高。久之而礪瘠沮洳。且悉變而爲沃壤。一事而數利興。故既有隄堰。必不可無閘壩涵洞也。涵洞之用有三。一減水。二淤窪。三溉田。固矣。然神而明之。更以之擋水。以之衛閘。其用微妙。非久於河者不知也。夫閘壩所過之水。大抵伏秋異漲。澎湃之勢。旣足以撼閘之基。傾跌之力。又足以陷閘之底。而我以涵洞之水。透入閘後。使之旋瀾湧波。以護其基而承其底。則閘反若有所憑以固。而澎湃之勢平。傾跌之力衰矣。閘之於壩也亦然。顧置洞必與隄內地面相等。前所建涵洞。正值河身墊高之時。故所置皆高。今河底日深。前建涵洞。非夏秋水發之時。希復過水。必須因河底之高下而高下之。方得涵洞之用焉。以上俱斬

文襄公治河書。

聖祖仁皇帝康熙二十四年十一月十三日。准工部咨請。循河工定例。以便遵守。以固河防事。內開。搶修工程。隄岸閘壩。偶被傷損。稍遲則工程漸損。是以該員一面詳明臣衙門。一面運料修防。或費帑數兩。或數十兩。或二三百餘兩。臣衙門確核。造入歲報冊內。彙題開銷者。謂之搶修。每歲不下一二百件。若亦照

歲修之例。一估一銷。則每歲應添本章三四百件等語。查從前搶修工程。該督冊內止有總數。並未分晰細數。無憑查核。屢次駁查在案。嗣後如有搶修工程。五百兩以內者。令該督詳開各工細數。造冊彙銷等因。奉旨依議。准揭道治河權案。

漕規

宿桃木價：尺一木。一錢四分 尺二木。一錢八分 尺三木。二錢三分 尺四木。三錢一分 尺五木。四錢零

尺六木。四錢五分 尺七木。五錢三分 尺八木。六錢七分 尺九木。八錢三分 二尺木。九錢八分

邵雕木價：尺三木。二錢七分 餘與宿同。以下俱新文襄公治河書。

徐湖木價：尺三木。二錢七分 尺五木。四錢二分 尺六木。四錢七分

餘與宿桃同

寶應木價：一尺木。九分二釐 尺一木。一錢零 尺二木。一錢二分 尺三木。一錢四分 尺四木。一錢六分

尺五木。一錢七分 尺六木。二錢五分 尺七木。三錢三分 尺八木。三錢九分 尺九木。四錢六分

二尺木。五錢四分 二尺一木。六錢二分 二尺二木。七錢二分 二尺三木。七錢八分 二尺四木。八錢六分

八釐 二尺五木。九錢五分

江都木價：一尺木。九分 尺一木。一錢零 尺二木。一錢二分 尺三木。一錢四分 尺四木。一錢五分

尺五木一錢七分
 尺六木二錢五分
 尺七木三錢三
 尺八木三錢八分
 尺九木四錢六分
 二尺五木五錢四分
 二尺一木六錢三分
 二尺二木七錢一分
 二尺三木六錢八分
 二尺四木八錢六分
 二尺五木九錢五分

山清水價一尺木一錢一分
 尺一木一錢四
 尺二木一錢八
 尺三木二錢三
 尺四木二錢七分
 尺五木三錢四
 尺六木四錢三
 尺七木五錢三
 尺八木六錢七
 尺九木八錢三
 二尺一木一兩二錢
 二尺二木一兩四錢
 二尺三木一兩七錢
 二尺四木二兩零
 二尺五木二兩

二尺六木二兩七
 二尺七木三兩一錢
 二尺八木三兩五錢
 二尺九木四兩五
 三尺一木五兩一
 三尺二木五兩六錢
 三尺三木六兩二錢
 三尺四木六兩九
 三尺五木七兩五錢
 三尺六木八兩二錢
 三尺七木八兩九錢
 三尺八木九兩七錢
 三尺九木十兩

四尺一木十一兩三
 四尺二木十二兩一
 四尺三木十三兩零
 四尺四木十三兩九
 四尺五木十四兩八
 四尺六木十五兩八
 四尺七木十六兩
 四尺八木十七兩八
 四尺九木十八兩

五尺一木二十一兩
 五尺二木二十二兩
 五尺三木二十三兩
 五尺四木二十四兩
 五尺五木二十五兩
 五尺六木二十六兩
 五尺七木二十七兩
 五尺八木二十八兩
 五尺九木二十九兩

六尺一木三十一兩
 六尺二木三十二兩
 六尺三木三十三兩
 六尺四木三十四兩
 六尺五木三十五兩
 六尺六木三十六兩
 六尺七木三十七兩
 六尺八木三十八兩
 六尺九木三十九兩

徐屬應各色料價
 雜草每束六斤價銀三釐
 葦每束二十斤價銀一分
 纓麻一斤價銀一分六釐
 草繩每套九斤價銀一分

邵唯廳各色料價：草每束六斤價銀二釐六毫。餘與徐屬同。

楊河廳各色料價：紅草每束二十五斤價銀一分五釐。稻草每束二十五斤價銀一分二釐五毫。

江柴每束百斤價銀八分。黃麻每斤價銀一分二釐。白麻每斤價銀一分八釐。石灰每石價銀二

錢。糯米每石價銀一兩。纜柴每石價銀一錢。稻草每條重五斤價銀二釐五毫。每砌舊石一

丈工價銀三分。每砌磚百塊工價銀三分。每灰一石用糯米五升。每磚一塊用石灰二升。每砌

石一丈用石灰□□。釘每斤價銀三分。煤炭一石價銀三錢。每磚一塊價銀一分三釐。灰篩一

面價銀二分。灰籬一隻價銀五分。木匠每名每日食米一升五合。

石匠同。

山盱山清山安三廳各色料價：埽柴每束三十斤價銀二分二釐。紅草每束十斤價銀六釐。纜柴

每束三十斤價銀二分七釐。纜麻每斤價銀一分四釐。劉淳蕩柴山陽產柴每束三十斤價銀一分

七釐。劉淳採運各工紅草每束十斤價銀三釐。楊樟葉每百斤價銀五錢三分九釐二毫六絲。石

灰每石價銀一錢四分四釐。芬草每斤價銀三釐。釘每斤價銀三分。蘆蓆每片價銀一分。灰篩

每面價銀四分。木墩每把價銀六分。埽帚每把價銀六釐。

宿桃二廳各色料價：草每束六斤價銀二釐六毫。餘與徐屬同。

修造大柳船：三年小修銀二十兩。五年大修銀三十兩。八年折造銀五十兩。

大浚船：三年小修銀八兩，五年大修銀十二兩，八年折造銀十八兩。

中浚船減十之一五。

小浚船減十分之三。未到年限損壞，著船頭賠修。如遇真正暴風漂沒，本船頭賠十分之三。通幫賠十分之七。

山盱廳各減壩：大河磚每塊銀一分六釐。單料面石，每丈銀九錢五分。料半青面石，每丈銀一兩四錢二分五釐。石灰每石銀一錢四分四釐。石匠鑿錠眼，每個給銀五釐。鍋眼每個銀三釐。石匠鑿光石連砌，每面石一丈，給銀一錢五分。每石一丈，不論雙單料半，牽用石灰一石。每磚一塊，用灰五升。釘每斤三分。生鐵錠每斤銀一分四釐。熟鐵鍋每斤五分。竹篾每斤銀一分二釐。黃麻每斤銀二分。醬每斤銀一分五釐。礮肘每副銀八分。煤炭每石銀三錢五分。油灰每斤銀一分。桐油每斤銀五分五釐。真火灰每石銀二錢八分八釐。

山清外河廳減壩：楊桃藤每斤銀六釐。做三和土，每方用火灰三十石，黃土一百筐，楊桃藤六十斤。餘料與山盱廳同。

宿桃大工料價：雙料青面石，每丈銀一兩八錢。大磚每塊銀一分二釐。石灰每石銀一錢六分。熬汁荒柴，每石銀二分。生鐵錠每斤銀一分二釐。鐵鍋每斤銀五分。釘每斤銀三分。抬石鐵繩。

每條重十五斤。價銀七錢五分。檀木撬槓。每根銀七分。鐵揪每把銀一錢。木揪每把銀六分。埤
簪每把銀一分五釐。煤炭每石銀三錢。牽鑽皮條銀一分。雲礮每架銀三錢五分。鍋鐵每斤銀
一分五釐。黃麻每斤銀二分。黑煤每斤銀四分。繫紅每斤銀五分。水膠每斤銀八分。椿手每
工銀五分。竹笆每片用匠一工。蘆笆每四片用匠一工。簽椿八根用匠一工。
高寶大工料價。石灰每石銀二錢。僱船運磚。每塊銀三釐。僱船運石。每單料一丈銀一錢二分。
鐵撬每斤銀四分。煤炭每石銀四錢。石匠鑿砌石塊。不論雙單料半。每丈給銀八分。竹槓每條銀
二分。山竹每根銀三分。灰篩每面銀二分。灰籬每隻銀五分。

開牆高三丈。用一尺二寸寬。一尺二寸厚。雙料石二十五層。五層用裏石七路。四層六路。四層五
路。四層四路。四層三路。四層二路。


兩牆共長□□□。用牆石九百丈。裏石一千九百八十丈。俱用一尺二寸寬。一尺二寸厚。河磚七萬九千二


百塊。一尺二寸長。五寸闊。二寸厚。頂牆石馬牙椿一千八百。改用尺五六木六百株。一木三藏。每丈用椿三路。每路二十段。後又添一路。共四路。

頂裏石梅花椿三千九百六十段。尺四五木九百九十株。一木四藏。每丈用梅花椿十一路。每路十二段。底石六百十四丈六

尺八寸。九寸厚。一尺二寸寬。料半每丈用梅花椿十八段。頂底石梅花椿一萬一千零六十四段。一尺三四木二千七百六十六

株。一木四寸。每丈用梅花椿十八段。火灰三千四百九十四石六斗八升。每石一丈。用灰一石。糯米二百零九石六斗八升。每灰一石。用糯米六升。





熬汁柴六千二百九十束。每束三十斤。前後鎖口共用三和土二十二方。三尺深，三尺寬。鐵鍋一千八百個。每個重一斤。鐵錠一千八百四十四個。每個重四斤。熟鐵條九根，共六千三百斤。每斤四錢。天然開砂磧一方四錢。碎石一方九錢五分。單料一丈五錢。雙料一丈一兩。鑿光五面見線石，每丈一錢五分。以上俱新文襄公治河書。

漕運

凡漕運先年俱民運。淮徐臨德四倉軍船接運入京通二倉，名爲支運。永樂末始令民運赴淮安、瓜洲補給腳價。兌與軍船領運，名爲兌運。其四倉仍十之三四，後兌運漸增。又令軍船各回附近水次領兌。民加與過江腳價，視遠近爲差。成化十一等年，改四倉米七十萬石，令各軍徑赴水次領兌，名爲改兌。其兌運中又分支運米與天津、薊州、密雲、昌平，其正額外又有預備米貯此臨德二倉。歲運米四百萬石，北糧七十五萬五千六百石，南糧三百二十四萬四千四百石，內兌運三百三十萬石，改兌七十萬石，除例折外，每年實通運正耗糧五百一十八萬九千七百石。以下俱明會典。

兌運米：浙江六十萬石，江西四十萬石，湖廣二十五萬石。內折色三萬七千七百三十四石七斗。應天府一十萬石，蘇州府六十五萬五千石，松江府一十萬三千石，常州府一十七萬五千石，鎮江府八萬石，寧國府三萬石，池州府二萬五千石，廬州府一萬石，淮安府二萬五千石，太平府一萬七千石。

安慶府六萬石。鳳陽府三萬石。揚州府六萬石。徐州三萬石。山東二十八萬石。內折色七萬石。

河南二十七萬石。內折色七萬石。

改兌米。江西一十七萬石。應天府二萬八千石。蘇州府四萬二千石。松江府二萬九千九百五

十石。廣德州八千石。鎮江府一萬石。淮安府一萬一百五十石。以上舊俱運淮安府常盈倉。浙江三萬石。揚

州府三萬七千石。鳳陽府三萬三百石。徐州一萬八千石。鎮江府一萬二千石。淮安府六萬九

千石。以上舊運徐州廣運倉。山東二萬六千石。河南五萬石。以上舊運臨清廣積倉。山東七萬五千石。河南六萬石。

以上舊運德州倉。

支運米六十四萬四千八十三石三斗。天津倉米六萬石。薊州倉本色米十萬石。折色米一十四萬

石。密雲鎮米一十五萬四千八百一十石八斗。昌平鎮米一十八萬九千二百七十二石五斗。以上

支運內

預備米一十九萬四千四百石。臨清廣積倉。山東五萬四百石。河南六萬石。德州德州倉。山東六萬

石。河南二萬石。

凡水次交兌。宣德七年令官軍運糧。各於附近府州縣水次。江南民運糧。於瓜洲淮安二處交兌。河南所屬民運糧。至大名府小灘。兌與遮洋船官軍領運。山東糧於濟寧交兌。正統九年。令江南漕糧於九江

水次交兌。成化七年。令瓜淮水次兌運官軍。下年俱過江就各處水次兌運。正德元年。議准湖廣水次於長沙漢口交兌。三年。令移河南山東兌糧於臨清水次。嘉靖十一年。議准遮洋山東二總歲運。河南糧仍舊在小灘鎮水次交兌。十二年。議准湖廣糧俱赴蘄州漢口。城陵磯三處水次交兌。十六年。題准江西吳城水次。原兌糧改進賢水次交兌。萬歷元年。題准湖廣衡永荆岳長沙漕糧。原在城陵磯交兌者。改併漢口水次。十一年。改漢口交兌於千金沙洲陳公套水次。以上俱明會典。

邱文莊曰。漢唐建都於關中。漢漕仰於山東。唐漕仰於江淮。其運道所經。止於河漕一路。宋都汴梁。四衝八達之地。故其運道所至凡四路。昔人謂宋人以東南六路之粟。載於真泗楚三州。今儀真淮安泗州。有轉船

三倉。江船之人至此而止。無留滯也。

江南之船。輸米至三倉卸納。即載官鹽以歸。舟還其郡。卒運其家。汴船詣輓船倉漕米輸京師。

汴船之出。至此而發。無

覆溺也。江船不入汴。汴船不入江。豈非良法歟。且前代所運之夫。皆是民丁。唯今則以軍運。前代所運之粟。皆是轉遞。唯今則是長運。唐宋之船。江不入汴。汴不入河。河不入渭。今日江湖之船。各遠自嶺北湖南。直達於京師。唐宋之漕卒。猶有番休。今則歲歲不易矣。宋人漕法。其勞船有載鹽之利。今之漕卒。比之宋人。其勞百倍。一歲之間。大半在途。無室家之樂。有風波之險。洪閘之停留。舳艫之衝激。陰雨則慮滲漏。淺澀則費推移。沿途爲將領之科率。上倉爲官攢之阻滯。及其回家之日。席未及暖。而文移又催以兌糧矣。運糧士卒。其艱苦萬狀。有如此者。通漕類編。荅菽云。他處不知其詳。卽如吾浙運丁。水次受克。於官給漕藏之外。強悍綱司每多需索無饜。且攜帶土宜。獲利不少。而室家團聚於舟中。運道

安行而無阻。文莊所
著。殆與今日異矣。

國朝定鼎燕京。歲輸東南漕以充軍國之用。有正兌米。改兌米。正兌入京倉。改兌入通倉。每歲運四百萬石爲額。如遇陞科荒折。隨時增減。以下俱大
清會典。

歲額正兌米三百三十萬石。

江南一百五十萬石。江寧府一十萬石。蘇州府六十五萬五千石。松江府二十萬三千石。常州府一十七萬五千石。寧國府三萬石。池州府二萬五千石。太平府一萬七千石。徽州府一萬石。蕪湖府三萬石。以上正兌米內永折灰石米共一十五萬二千三百八十六斗三升五合。

浙江六十萬石。杭州府十萬石。嘉興府二十九萬石。湖州府二十一萬石。以上正兌米內灰石折米一萬二千六百八十九石二斗。

江西四十萬石。南昌府八萬三千四百二十七石七斗四升。饒州府五萬三千五百五十二石二斗二升。廣信府二萬三千一百一十二石二斗。南康府一萬六千一百九十石。建昌府一萬六千九百一十一石一斗一升。撫州府三萬四千七百一十七石八升。臨江府四萬一千六百三十六石六斗三升。吉安府六萬九千九百二十五石八升。瑞州府五萬五千一百九十八石一斗。贛州府一萬六千五百九十八斗六升。

湖廣二十五萬石。武昌府三萬二千二百三十二石八斗。漢陽府三千八百四十三石七斗四升四合零。安陸府一萬八千六百一十石六斗九合零。岳州府二萬三千七百七十一石一斗。長沙府六萬四千三百二十石二斗三升零。衡州府二萬二千四百五十九石三斗五升五合零。永州府一千五百七十七石六斗。以上正兌米內永折米三萬七千七百三十四石七斗。

山東二十八萬石。濟南府十一萬三千八百石。兗州府六萬三千二百二十石。東昌府十萬三千石。以上正兌米內永折米七萬石。

河南二十七萬石。開封府八萬六千九百石。歸德府一萬二千石。彰德府四萬一千五百石。衛輝府二萬九千石。懷慶府四萬一千石。河南府五萬一千石。汝州八千六百石。以上原改永折米七萬石。康熙二

十二年金
改折也。

改兌米七十萬石

江南二十九萬四千四百石。江寧府二萬八千石。蘇州府四萬二千石。松江府二萬九千九百五十石。鎮江府二萬二千石。淮安府七萬九千一百五十石。揚州府三萬七千石。徐州一萬八千石。

鳳陽府三萬三百石。廣德州八千石。以上改兌米內永折灰石米共五萬一千二百六十一石六斗七升三合。

浙江三萬石。杭州府五千石。嘉興府一萬五千石。湖州府一萬石。以上改兌米內灰石折米六百三十四石五斗。

江西一十七萬石。南昌府五萬六千八百四十六石五斗四升。饒州府一萬七千六十一石六斗七升。廣信府七千四百二十石九斗九升。南康府五千四百八十六石一斗九升。建昌府五千一百三十八石六斗四升。

撫州府一萬九百三十八石二斗一升。臨江府一萬七千九百三十七石六斗六升。吉安府二萬八千二百二十二石二斗六升。瑞州府一萬七千七百一十七石。贛州府三千二百三十石八斗四升。

山東九萬五千六百石。東昌府二萬六千石。濟南府七萬五千石。

河南一十一萬石。開封府三萬六千三百四十七石五斗。歸德府三千三百二十八石五斗。彰德府九千八百九十二石。衛輝府一萬一千一百八十七石三斗。懷慶府一萬五十七石八斗。河南府三萬一千七百

二十六石二斗。汝州七千四百六十石七斗。以上俱改折。

凡六省漕糧原額四百萬石。除永折灰石米三十九萬四千六百二十八石七斗八合。浮糧積荒米三十

五萬八千五百九十六石一斗四升一勾零。淮揚積淹停徵米七萬七千八百三十六石六斗一升五合

八勾。改折河南米三十一萬石。丈增陞科復熟米三萬七千八百五十七石三斗六升三合九勾。實運正

兌改兌米二百八十九萬六千七百九十五石九斗零。康熙二十四年運糧數。以上俱大清會典。

漕糧除山東河南二省。廬鳳二府。徐州一州。不由南河外。其餘湖廣江西浙江三省。并江南蘇松常鎮寧


國太平池州安慶江寧等府廣德一州并白糧運艘俱遇瓜儀二閘由揚州淮安涉黃險入清口由中河入泇河過濟浮衛達天津抵潞灣交納京庾邊倉而瓜儀清口實爲運道咽喉焉

南河全考














EAST-ASIAN LIB. UNIVERSITY OF TORONTO



3 1761 03026 4451